







Streuß.  
Selmold 1862.



Die vorliegende Abhandlung gehört zu den bei  
benannten vorzuziehen Schriften des 17. Jhdts.,  
welche die Könige nach dem Einruck der Max-  
imilian des Heiligen Roms und der Reichsstellung  
des Reichsstandes unterstehen und so nachfolgenden  
beurtheilen. Sie erscheinen in dieser Reihe:

1640. Hippolytus a Lapide (Eugl. Phil. u.

Spannig), de ratione status in imperio nostro  
Romano - Germanico.

1667. Severinus de Monzambano (Lum. u. Wissendorf),  
de statu imperii Germanici.

1677. Caesarinus Fürstenerius (Hfr. Mf. u. Leibnitz),  
tractatus de jure suprematus ac legationis  
principum Germaniae.

~~774 646~~

~~069372~~

~~1738584~~

~~1738584~~

LEIBNIZ, G. W.

CÆSARINI

FÜRSTENERII

TRACTATUS

DE

JURE SUPREMATUS

AC

LEGATIONIS

PRINCIPUM GERMANIÆ.

*EDITIO SECUNDA.*



LONDINI.

---

*M. DC. LXXVIII.*

UNIVERSITY

LIBRARY

OF

THE UNIVERSITY

OF

THE UNIVERSITY

OF THE UNIVERSITY

OF THE UNIVERSITY



LIBRARY

OF THE UNIVERSITY



## AD LECTOREM.

**Q**uicunque vulgò contro-  
versias ad Rempublicam  
pertinentes tractant, ple-  
rumque affectu non minùs  
quàm ratione feruntur, quod non  
improbo : & prudenter arbitror fa-  
cere Principes, qui Advocatis studio  
ardentibus causam commendant  
suam. Nam & Lectores multì non  
tam judicio, quàm excitatis arte mo-  
tibus animi rapiuntur ; affectus au-  
tem quos volumus in aliis non tam  
exquisitis argumentis quàm vivida  
ipsummet affectuum pictura ex-  
citamus, quos nemo facilius expri-  
mit, quàm qui sentit. Itaque vereor,  
ne mihi, extra studia partium posito,  
& nihil ab eventu expectanti, frigi-  
dior extiterit oratio : Spero tamen  
quanto minus afficiet Lectorem ple-  
beum, tanto viris prudentibus gra-  
tiores



tio-rem fore, quibus Eloquentia sus-  
 pecta est, nudaque veritas amatur.  
 Idemque intelligent non me ita cæ-  
 co impetu in hanc causam ferri, ut  
 in alios impingere nihil pensi ha-  
 beam: contra enim illud curavi stu-  
 diosè, ut cum dignitatem Ordinum  
 extollo, Cæsaris Majestatem con-  
 servem, & cum Principum magni-  
 tudinem assero, Electorum splendori  
 faveam. Quia verò in ipso dicendi  
 calore verba excidere solent, quæ in  
 alterutram partem nimia apparent,  
 & totam dicentis sententiam expri-  
 mere non possunt, ne cursus ratioci-  
 nationis intempestiva explicatione  
 interrumpatur: Ideò consultum vi-  
 detur hoc loco paucis vera animi  
 sensa in ipsa tractatione dispersa  
 complecti, quæ viro bono, & ut ali-  
 quid fortius dicam, Germano digna,  
 credo, judicabuntur. Cæsareum ita-  
 que fastigium paulò sublimius esse  
 arbitror, quàm vulgò sibi persua-  
 dent, Cæsarem esse Advocatum, ve-  
 potius Caput, aut, si mavis Brachium  
 seculare Ecclesiæ universalis. Totam  
 Chri

## AD LECTOREM.

Christianitatem unam velut Rempublicam componere, in qua Cæsari autoritas aliqua competit. Hinc Sacri Imperii nomen, quod æquè latè ac Ecclesia Catholica quodammodo porrigi debet. Cæsarem esse Imperatorem; id est, Ducem natum Christianorum contra infideles: ipsius esse ante cæteros Schismata componere, Concilia & procurare & moderari & denique ipsa sui muneris autoritate operam dare, nequid Ecclesia & Respublica Christiana detrimenti capiant. Multos Principes constat aut Imperij Romani; aut certè Ecclesiæ Romanæ beneficiarios sive Vasallos esse, à Cæsare aut Pontifice Reges vel Duces appellatos; & reliquos etiam non prius regno, quàm Christo inaugurari, cujus Ecclesiæ fidelitatem spondent, cum ab Episcopo unguntur. Sic enim Christus regnat, vincit, imperat: cum plerosque Occidentis populos studiosa pietate se Ecclesiæ summis se historia ostendant. Nec disputo, an hæc juris divini sint; illud constat, omnium voluntate facta esse,

esse, & fieri rectè potuisse, & à communi Christianæ rei utilitate non abhorre: Nam eadem sæpe est salutis animarum & boni publici cura, ut nesciam, an non cum conscientia Regum, Ecclesiæ universali etiam sceptrâ subjiciantur, non ut minuat dignatio eorum, aut ut ligentur manus Principibus, quæ ad justitiam administrandam, regendosque feliciter populos expeditæ esse debent; sed ut homines turbulentos ultra jus fasque exorbitantes & ambitionem privatam Innocentium sanguine placaturos, qui sæpe Principes ad prava impellunt, major autoritas contineat, quæ in Ecclesia universali siue Sacro Imperio & Capitibus ejus Cæsare ac Pontifice legitimo & potestate rectè utente quodammodo residere debet. Itaque si jure agendum est, Cæsari in magna parte Europæ aliqua autoritas & quasi Primatus quidam Ecclesiastico respondens, tribuendus est: & quemadmodum in Imperio nostro de Pace Publica tuenda, subsidiis contra infideles conferendis,

rendis, justitia inter ipsos Principes administranda, cautum est, ita scimus Ecclesiam universalem de causis Principum judicasse, Principes ad Concilia appellasse, in Conciliis de ordine ac sessione pronuntiatum fuisse; Concilia Christianorum nomine bella in Christiani nominis hostes indixisse. Et, si perpetuum esset Concilium, vel constitutus à Concilio communis rei Christianæ Senatus exstaret, tunc quod nunc foederibus, & , ut vocant, Mediationibus atque garantiis fit, id interposita autoritate publica à capitibus Christianitatis Pontifice ac Cæsare profecta, amica quidem compositione, efficacius tamen quam nunc fit, transigeretur. Quod itaque Principes nostri Cæsari ac sacro Imperio se propius jungerent, in eo aliis quibusdam Principibus ac Rebus publicis exemplum monstrant, quæ melius securitati suæ consularent, si se Imperio uni-erent, ut olim Burgundia, quæ sponte corpori nostro accessit. Quod autem nostri exemplum usurpationis quo-

rundam, in primis in Italia, sequi nolunt; ideo præmium constantis erga Sacrum Imperium obsequii hoc tulere ab Ecclesia & Orbe Christiano, ut ex eorum numero & ab ipsis Imperator eligeretur, Christianæ Reipublicæ Caput. Itaque quod Imperium agnoscunt, ad ipsorum potius honorem ac dignitatem pertinet: & nihilo alii quidam liberiores censendi sunt, qui exemptionem exercent, quæ nec ipsis prodest, & publico nocet. *Nocet*, inquam, quia dissolvit illam Christianorum unitatem, quæ publicam tranquillitatem stabiliret; *non prodest* usurpantibus, quia nihilo ipsi nunc plus possunt, quam Principes nostri; neque enim vel Ecclesiæ potestas in conscientias, vel Sacri Imperii, (Ecclesiæ conjuncti) auctoritas in Principes vel Privatorum libertatem vel Principum Suprematum minuit. Hæc enim non eò dico, quasi Principes, etiam exteri, sint Cæsaris subditi, sine discrimine ac modo, quod absurdum foret: sed quòd sentiam eos, *salvo Suprematu*



*prematu suo*, auctoritati ejus reverentiam efficacem debere; illos tamen maximè, qui peculiaribus vinculis Imperio obligantur, Itali Germanique. Quod ut appareat, intelligendum est, quid *Suprematum* vocem. Nimirum vulgò multa de juribus Majestatis & formis Rerumpublicarum & summa potestate dicuntur, quæ abhorrent ab usu. Ego Majestatis vocabulum hinc ablego, quod Cæsari olim in Germania proprium, hodie in aliis quoque Regibus receptum est. Summa autem potestas ambiguum est quiddam. Nam si *jus* tantum spectamus, æquè maximum Principem ac abjectissimum quemque de plebe obligatum esse constat, ad actiones omnes ex justitiæ præscripto moderandas; si verò potentiae tantum, quæ ipso *facto* competit, rationem habemus, Tyrannus aut Dux latronum, non minus ac Rex, summa potestate præditus videbitur: itaque medium quoddam tenendum est, & *jus facto* contemperandum. Nempè tria

\* 5

maxima

maxima vincula homines continent: conscientia, reverentia, vis ipfa. *Conscientia* omnes Deo subijcit, *reverentia* Principes Ecclesiæ Sacro Imperio ac Cæsari; deniq; *vis* præsens subditos Principi aut Superiori; Itaque Majestas Cæsaris, cui cultus debetur maximus, nihil Ordinum Superioritati detrahit, quamdiu nondum illuc rediit eorum conditio, ut Cæsar ipsorum oppida præfidiis, recepto atque ordinario jure, teneat. *Jus* ergò *Superioritatis* uniuscujusque Principis sive civitatis in eo consistit, ut suum territorium ipsemet, confesso jure, militari manu obtineat, & subditos præsentis potestate continere in officio possit, in quo Dominus territorii eminet supra Dominum jurisdictionis, Domino territorii subditum. Nam *Dominus territorii* jus habet comparandi sibi vires, quibus totam subditorum universitatem in potestate retineat militari manu; at *Dominus Jurisdictionis* jus habet tantum Ministros habendi executionis contra privatos Justitiæ refractarios.

Ex quibus utique manifestè pater, quæ sit Vera definitio tum *Jurisdictionis* ( quæ hodierno loquendi Jctorum more non coërcitionem tantum levem, sed & merum Imperium significare potest, tum *Superioritatis*, de qua tam diu juris publici autores digladiantur. At verò, quia territorium potest esse exiguum, quale est Reipublicæ Sanmarinianæ aut Regni imaginarii Ivetotiani, hinc superioritatem territorialem adhuc distinguo, ab eo quod appello *Suprematum*: ut sit vox quæ illi rei respondeat, quàm exteri vocant *la Souveraineté*. Scio quidem & Gallos Jctos nonnunquam ea voce intelligere exiguum etiam territorium, quale est *la Souveraineté de Bidache* aut similis; sed cum de publicis negotiis sermo est, eos vocare solent *Souverains*, quos aliàs appellant *Potentats*, qui scilicet majus territorium tenent. *Suprematum* ergo illi tribuo, qui non tantum domi subditos manu militari regit, sed & qui exercitum extra fines

fines ducere , & armis , fœderibus , legationibus , ac cæteris juris gentium functionibus aliquid momenti ad rerum Europæ generalium summam conferre potest. Undè sequitur talium nunquam magnum nimis numerum fore. Ipfis ergò, vel Ministris eorum, inter cæteras Europæ potestates locus datur ; exempli causa in Conciliis, expeditionibus contra infideles , Tractatibus de pace generali , fœderibus , Mediationibus , ut vocant, ac garantiis ; Et , si reverentiam Deo hominibusque debitam exuerent, honoremque ac conscientiam insuper haberent ; non nisi bello illato coërceri possunt : Personæ tamen eorum sacræ & inviolabiles habentur. Quæ omnia Electoribus ac Principibus nostris non minus ac Regibus competere , à me ostenditur : & in hoc magni Principes aut Respublicæ potentes differunt à Civitatibus aut Dynastis minoribus , qui , ut explicui , Superioritatem habent , Suprematum non habent ;

bent; quia se quidem tuentur contra  
 seditiones domesticas, non ve-  
 rò satis apud externos possunt. Porro  
 quia in congressibus Legatorum &  
 tractatibus ferè Suprematûs tan-  
 tum functiones exercentur, in qui-  
 bus Reges, & Principes Suprema-  
 tum habentes, non differunt; hinc  
 in istis congressibus Regii Legati à  
 Legatis Ducum Serenissimorum vix  
 distinguuntur: nam Excellentiaë Ti-  
 tulus hodie receptus omnibus com-  
 munis est, & novissimè adventanti  
 honor visitationis habetur, & visi-  
 tans apud visitatum potiozem Inces-  
 sus ac Sessionis locum habet. De  
 cætero tamen est haud dubiè inter  
 Reges ac Duces Serenissimos discri-  
 men dignitatis. Quod etiam in Le-  
 gatis aliquo modo apparet, non  
 Romæ tantum, ubi in visitationibus  
 audientiisque multum interest; &  
 Regum Legatis honor habetur,  
*nella Sala regia*, cæteris tantum lo-  
 cus datur *nella Sala Ducale*; sed &  
 alibi. Equidem Veneti obtinuisse  
 creduntur Regnorum Cypri ac  
 Cretæ



# AD LECTOREM.

Cretæ causa, ut Legati ipsorum Regiis per omnia ubique æquarentur: Cumque Electores Sacri Imperii nihilo Venetis inferiores jure merito existimentur, hinc jam præclara offertur nobis ratio inter ipsos Electores Principesque nostros transigendi. Nam si Electores obtinere possunt, ut Regibus comparentur, id nostris non ingratum erit, modo nostri honorem Principum liberorum tueantur. Esto enim ita, sint Electores Regibus pares: favemus eorum dignitati, quæ cum dignitate Imperii conjuncta est, modò ne Germaniæ Principes infra Duces Italiæ deprimantur: quasi scilicet Electores sine Principum injuria attolli non possint? cum contra potius nihil futurum sit justius, nihil congruentius, quam ut idem inter Electores & Principes eorumve Legatos intervallum sit, quod inter Venetos, (vel Regios) & cæteros Italiæ Principum Legatos receptum est, si modo Venetorum jus extra controversiam positum est, quod nos

suo

suo loco relinquimus , & si Reges  
 huic Electorum honori assentiuntur.  
 Jam verò non circa Excellentiae ap-  
 pellationem , aut visitationum æ-  
 qualitatem , cæteraque, à Suprema-  
 tum habente venientibus , commu-  
 nia , Legati Regii à Ducalibus hodie  
 distinguuntur ; sed circa alia quæ  
 enumerare nihil attinet ; In quibus  
 etiam Collegium Electorale emine-  
 re faciliè Principes patientur , (præ-  
 sertim cùm Regem Bohemiæ ex  
 Electorum numero esse constet) non  
 vero in illis quæ communia esse de-  
 bent. Hæc autem *transactio* utrique  
 parti lucrosa futura est , raro exem-  
 plo , & in universum ad Imperii dig-  
 nitatem pertinebit , & verò sum-  
 mam habet æquitatem. Nam ut  
 ostendam uberius in ipsa tracta-  
 tione , Itali Principes , non minùs  
 ac Germani , Imperio subsunt , &  
 Germani non minùs quàm Itali Su-  
 prematus jure amplissimas ditiones  
 tenent , & nostri dignitate familia-  
 rum atque originum fortasse ipsis  
 superiores habendi sunt , ut compa-  
 rati

rati cum illis Itali planè novi & nu-  
 per nati haberi possint. Nec verò  
 assignare possunt Electores discri-  
 men inter nostros atque Italos Prin-  
 cipes, quod non in ipsosmet torqueri  
 possit : æquè enim Electores ac cæ-  
 teri Principes Imperio obstringun-  
 tur. Et verò neminem etiam exte-  
 rorum iniquum ita & præjudiciis  
 occupatum fore arbitror, qui Prin-  
 cipibus nostris suadere velit, ut ab  
 Italis essentialè discrimen patian-  
 tur, quibus ne cedere quidem vel-  
 lent. Equidem si *Excellentia*, & cæ-  
 tera quæ diximus, tantum Legatis  
 Regiis ac Venetis tribuerentur, fa-  
 cilius paterentur nostri Electora-  
 lium prærogativam : quos Regiis  
 ac Venetis æquari, ipsis non invitis  
 fiet : sed quoniam hæc jam Ducibus  
 quoque liberis Italiæ, quorum Le-  
 gati longo infra Venetos intervallo  
 habentur, nec ullo jure nostris præ-  
 ferri possunt, communicata sunt,  
 non possunt nostri renunciare notis  
 libertatis, nisi & libertati renun-  
 tiant, quam cum Electoribus com-  
 mune

munem habent. Cætera parati  
& Cæsarem colere , & Electoribus  
multum deferre. Nec refert, quod  
nostri Principes in Westphalicis  
congressibus *Excellentiam* suis Mi-  
nistris non asseruerint : equidem in  
hac ipsa dissertatione plenè nō fal-  
lor , huic objectioni satisfaciam ,  
hoc loco verò dicere satis erit , Prin-  
cipes nostros iudicasse Ministros  
uos atque Electorales tunc non  
fuisse Legatos ad congressum exte-  
riorum, sed Deputatos ad Conventum  
Imperii , tametsi in eodem loco ha-  
berentur congressus & conventus.  
In Conventibus autem Imperii inau-  
litum erat *Excellentiam* Ministris tri-  
bui quæ alioqui in Imperio nova  
erat , nec æquum videbatur in Con-  
ventibus nostris titulos reformari  
ad exteriorum normam : & hinc fa-  
ctum est ut Principes nostri non suis  
Ministris *Excellentiam* tunc postula-  
verint , sed tantum Electoralibus  
negaverint , velut rem novam &  
in Deputatis ordinum insolitam ,  
quod notandum videtur. Quan-

quam infra ostensurus sim, Deputatos istos nihilo esse Plenipotentariis inferiores. Præterea tunc Monasterii ne quidem Sabaudo & Mantuano à Nuntio ac Cæsareis Hispanicisq; Ministris ea tribuebatur. Quam tamen ( non expectato, ut nunc facere videri volunt, Cæsare ) Gallici Legati jam tunc iis dederant & omnino paucis abhinc annis pleraque ista discrimina satis adhuc incerta fluctuabant. Hodie verò quoniam hæ velut Suprematus notæ in omnibus Italiæ Ducibus à Coronis, & in Electoribus à Cæsare quoque agnoscuntur; manifestum est, pari nostrorum Principum juri nec Imperii nexum, nec Regum supra Principes eminentiam, nec Majestatem Cæsaris, nec Electorum prærogativam obstare videri posse : rationem autem & exempla & actus, quos ut in ipsa dissertatione ostendam, exercuere nostri multos, prorsus favere. Hæc qui expendent, & candidè æstimabunt, me moderatius

erga



erga omnes, ad Cæsarem submissius,  
ad Electores reverentius, de Prin-  
cipibus nostris justius, loqui non  
potuisse, credo, fatebuntur.

Coronæ verò non habent cur  
nostros nimia petere putent, post-  
quam erga Italos tam liberales fue-  
re. Agnovêre ipsæ libertatem nostro-  
rum, & subinde se ejus assertores tu-  
lere, quòd si nunc resiliant, affecti-  
bus se agi, non ratione, fatebuntur;  
præsertim cum non erga omnes, &  
non minus erga Electores affectuum  
causas habeant. Quàm magnificè o-  
lim Galli senserint de nostrorum  
Principum libertate, intelligi potest  
ex Apollogia, quam pro Electore Tre-  
virensi Philippo Christophoro, qui se  
in ipsorum clientelam dederat, edi-  
dere, unde excerpta huic libro inse-  
rui. Nunc verò scio, nonnullos eorum  
paulo audacius, quàm par sit, pas-  
sim jactare, non mereri Principes  
nostros tractari velut liberos, quod  
se hodie à Cæsare pro lubitu circūagi  
patiantur. Quod tamen falsum est.

Nam etsi non negem, liberrimos etiam Principes interdum bello flagrante aliorum motu abripi; illud tamen considerari volo, quosdam è potentioribus Germaniæ Principibus suis quibusdam rationibus motos, non coactos, sed sponte Cæsari accessisse, *peculiaribus fœderibus initis*; quod eorum libertati nihil nocere potest, cum eam potius ipsa Cæsaris confessione stabiliat. Sunt tamen, qui tuiti sunt, quam vocant, Neutralitatem. Et quoad cæteros, Galli ipsi habent, quod sibi nonnihil imputent, cum sub initium hujus belli, Electorum ac Principum quorundam pacifica officia missis ministris oblata declinârint. Nec vereri Coronæ debent nimiam *Principum* multitudinem, quo terriculamento nonnulli moventur: nam Suprematum illi demum exercent, qui magnum territorium habent & belli ac pacis non appendices, sed socii censentur, nec parum conferunt ad rerum summam. Talibus certe Principibus (quorum nunquam nimis magnus est numerus) annexa Suprematu

tui negare, contemptus & animi à pace alieni demonstratio est. Iniquum etiam est, cum Batavorum, Sabaudi, Mantuani, imò & in Electorum gratiam cæremonialia mutata sint, ut in hac dissertatione passim ostendi, erga solos Principes nostros veterem stylum servari: cum tamen cæremonialia, sicut nummi, usu existimantur: & perinde sit ac si veterem monetam ubiq; alias valore imminutam, nobis tantum secundum priscam æstimationem obtrudere vellent. Nec est, cur Cæsaris exemplo prætractè insistere velint, nam hoc ipsum crude est & otiosum, externos ab eo exgere velle, quod ab ipsis facilius incipitur. Nam Principes nostri quodammodo sunt propinqui Cæsaris, & inciviles essent, qui patri-familias denuntiarent, nullum se ejus liberis, fratribus, propinquis, honorem habituros, quàm quem ipse exhiberet. Nam nec *Rex Christianissimus* probaret, Ducem Aurelianensem aut Principem Condæum ab aliis nilo liberalius, quàm ab ipso fit, tractari. Denique aliàs Legati Regis


Christianissimi, ut supra dixi, in Monasterienſi congreſſu Miniſtris Sabaudis & Mantuanis *Excellentiam* dedere, quanquam tunc à Cæſareis conſtanter negatam. Quod ſi ergo nunc noſtris exemplum Cæſaris ob-  
 jicere pergunt, & hoc ſubterfugio cùm volunt modò utuntur, modò non utuntur; ut qui larvam nunc ſumunt, nunc recondunt; quid aliud quàm animum à Germanis averſum oſtendent, & majorem dabunt ſpeciem ſermonibus ſuſpificantium, Galliam odium erga noſtros, & contemptum in animis conditum gerere, crepturū, cùm occaſio erit, eiſq; jam nunc præludi, dum ſe parum curare oſtendat, quæ ſit libertas dignitasque Principum, quam ipſa olim tam ſtudioſè defendebat; perinde ac ſi jam eo uſque excreverit ejus magnitudo, ut omnibus majorum conſiliis neglectis, vicinos Principes, velut miſellos clientes, & aliquando ſubditos futuros, tractare poſſit. Quæ ab inimicis Galliæ jaçtata, ego à Magni Regis ſapientia alieniſſima eſſe  
 judi

iudico, nec ipsius rebus prorsus congrua, si Principes nostros indignis modis habitos ad Domus Austriacæ idem sine exceptione confugere potius, quàm exterorum contumelias pati cogeret. Quod si contrà Rex Christianissimus laudabilibus majorum exemplis insistens etiam medio in bello dignitatis Principum nostrorum rationem habebit; & sinceræ pacis & redintegrandæ amicitiae spem ostendet. *Magnæ Britanniæ Regem* nobis favere non possum dubitare: Sapientia ejus atque æquitas ubique celebratur & notum illi propius est, quæ sit in Germanis Principibus animi magnitudo, & studium erga ipsum. Sed & amicitia cum nonnullis eorum singularis ei intercedit; dudum fundata, semperque culta. Itaque cum præclara illi offeratur occasio pro persona quam gerit & jure Mediatoris, testandi animum in nostros pronum, nihil mediocre nobis ab ejus officiis promittimus, certè nihil minus veremur, quàm  
 ut



# AD LECTOREM.

ut ipso autore dignitati eorum quicquam detrahatur. Saltem ad dignitatem ejus pertinet ostendere, se propriis motibus hac in re dare aliquid, nec velut Gallicæ sententiæ appendicem, alienas opiniones sequi. Idē nobis de aliis Regibus, Principibus ac Rebus publicis spondeo, quorum prolixa erga nostros voluntas, fœderibus, arctioribus vinculis, & reciproco cultu sæpè testata, jus nostrum extra omnem dubitationem collocavit. Hæc præfari operæ pretium duxi, ut præparentur animi, & ex ipso libelli vestibulo sententia auctoris & rationum pondus intelligatur.





# CÆSARINI FÜRSTENERII,

De

*Jure Suprematûs ac Legationis  
Principum Germaniæ.*

## C. A. P. I.

*Introductio & conspectus Controversiæ de jure  
Legationis ac Suprematûs Principum & præ-  
rogativa Electorum.*

**N**obilis hodie Controversia agitur  
de Jure mittendi Legatos, quod sibi  
Principes Germaniæ meritò vindi-  
cant, de quo nemo quondam jure  
dubitavit non magis quam de liber-  
tate ac illa potestate, quam Galli vocant *la Sou-  
verianeté*, mihi *Suprematum* dicere fas sit. Hunc  
enim magno consensu dudum illis tota tribuit  
Europa. Nunc verò reperti sunt aliqui usque  
ideò subtiles, ut in ipso Suprematu formas sibi  
ingant diversas, & Electores ac cæteros Imperiû  
Principes specie *hujus facultatis* discerni arbi-  
rentur, quo nihil fingi potest, ut mollissimè di-  
cam, ab omni veritatis specie alienius. Quid  
enim?

A

enim ? potestas eligendi Imperatorem, augetne Suprematum Principis in sua cujusque Provincia ? An plus in subditos suos Electores quàm cæteri Principes possunt, faciliusne illi quàm isti armantur, justiusne aut efficacius copias educunt, quibus tamen ni fallor maximè Suprematûs vis continetur ? Si Imperii nexus Suprematui ac libertati obstat, communis Electores ruina involvet : quod si Magni Reges Imperio salva dignitate obligantur, quid est, quod Principibus imputemus ? At verò tantum in Imperio possunt Electores septem, quantum Principes simul omnes ? ita ajunt vulgò, quamquam heque id sit omninò verum, neque ad rem pertineat. Nam potissima quæque in Imperio, quæ nimirum jus Suprematûs propiùs attingunt, suffragiorum numero non subjiciuntur, quemadmodum Religio, Libertas, & multa id genus cætera, ad communia potius unionis, quàm singularum provinciarum domesticas rationes spectantia, Conventui Imperii generali rectè submittuntur. Nam qui Reservata & Regalia Cæsaris & Comitiorum quoque deliberationum materiam examinabit, facile agnoscet, Principum in suis ditionibus potestatem minus tangi, sed ea maximè, quæ ad generalem totius Imperii administrationem pertinent, deliberationibus committi. Itaque Electorum prærogativa non in jure Suprematûs, sed in certis functionibus consistit, quæ circa communia Imperii negotia exercent, & à paucis

cis fieri Reipublicæ intererat, qualis est electio Imperatoris, & quæ huic connectuntur, quamvis latius ea aliqui extendant, quam par sit: sed & in Comitibus interest publici boni, quasi sanctius quoddam consilium Imperatori esse additum, in quo facilius quæstiones præparentur. Neque illud abnuo, extracomitiali tempore super quibusdam Imperii negotiis à Cæsare Electores consuli, quando, omnes convocari Status, non patitur ratio rerum. Hæc scilicet omnia Electores non jure proprio, sed perpetua quadam Imperii commissione exercent, non ut incrementum Suprematûs, sed ut functionem sibi delegatam, circa rerum Imperii generalium administrationem. Dudum hæc annotata etiam exteris, ex quibus Renatum Choppinum infra cap. 44. producam. Neque Electorum minuunt dignitatem, nam & honores illis tribuimus, qui publica in Imperio munera obeuntibus maximi debentur, & prærogativam in controversiam non vocamus, modo illud teneatur; ipsos Electores magis haud dubiè jure Suprematûs domestico, quam functionibus illis gloriari, quas in Imperio exercent, & quas profectò Imperium olim committere poterat, quibuscunq; libuisset, etiam privatis. Quæ cum ita sint, ego pro certo habeo, sapientiores esse tantos Principes, quam ut jura Principum Imperii in controversiam vocent; nam nisi ipsimet liberi essent Imperii Principes, ditionesque cum superiori potestate possiderent, profectò neque



ob eligendi munus, neque ob alias functiones, hunc, qui meritò illis conceditur, obtinerent dignitatis gradum. Quare non cum ipsis, quantum judico, sed cum exteris quibusdam, rerum Germanicarum parum peritis aestimatoribus, ineunda nobis disputatio est, ut appareat, cedere Principes Electoribus, separari ab illis, & toto Suprematûs genere distingui non posse. Quod si tamen constituerit, Electores Venetorum exemplo Regibus esse æquandos, nihil gratius fiet Principibus, quàm simul & Electoribus præminentiam & sibi dignitatem Suprematûs salvam esse posse. Facile enim patientur, tantum intra suos Electoralesque Ministros discrimen haberi, quale inter Venetos (id est Regios) & Sabaudos (id est Ducales) esse fertur; si Reges Electoribus locum apud se dare volunt.

## CAP. II.

*Historia Controversiæ. . . Occasio à Lotharingo, quem Galli egrè Noviomagi admittebant, & in literis Salvi Conductus (Passports) ejus Ministris nomen Legatorum negabant, causati exemplum non exstare. Brandenburgico & Neoburgico concessere, quod exempla haberent. Sed postea pœnitentia ducti Tabulas Neoburgico destinatas revocavere; nomen Ambassadeurs) errore irrepsisse causati, & professi, id nomen Ministris Principum Germaniæ non deberi. Quod tamen Casarei & Hispani ipsis concessere.*



**C**ontroversiam tractare aggressus, quæ in  
 Caulis maximorum Regum, & nunc No-  
 viomagi in publico Europæ confessu agitur,  
 operæ pretium esse judico, exponere occasio-  
 nem ejus & progressum, quo facilius intelliga-  
 tur status quæstionis. Notum est in Congressu  
 Colonienfi Legatos Regis Christianissimi que-  
 relas Caroli Senioris Lotharingæ Ducis admit-  
 tere aliquamdiu recusasse, quod dicerent, Lo-  
 tharingæ ante mora in Batavos arma occupa-  
 tæ negotium, nihil cum præsentì bello com-  
 mune habere: cum verò Dux inito fœdere à  
 Cæsare & Fœderatis Belgii Ordinibus stipula-  
 tus esset solenniter, ut Pace generali compre-  
 henderetur, neque salvis pactis incipi posset tra-  
 ctatio de Pace, nisi Lotharingo quoq; admisso;  
 cessère Galli sanè, sed intervenit casus inopina-  
 tus, qui sive colorem sive causam illis dedit ne-  
 gotiationem Coloniensem abrumpendi: is fuit  
 captivitas Guilielmi Principis Furstenbergii è  
 media urbe ministerio Graniani militis abrepti:  
 ita tunc dissolutus est conventus, ægrèque post-  
 ea Noviomagi multis conciliatorum pacis sive  
*Mediatorum* hortationibus instauratus. Inter-  
 ea obiit Carolus Senior Lotharingæ Dux, va-  
 iæ Princeps fortunæ, & hoc uno novissimè so-  
 ratum exilium, quod jam post Trevirensē vi-  
 toriam mutari rerum faciem speraret: succes-  
 sit illi Carolus, è fratre Nepos, egregia Princeps  
 ama. Huic in patruj jura subeunti, & con-  
 cessa illi à Gallis tractatibus generalibus interve-

niendi facultate utenti, objecta est difficultas nova. Nam cum Ministris suis saluum conductum per Mediatoreſ postularet, non abnuſit Gallia, quod negari non poterat, ſed adjectis quibusdam clauſulis beneficium corrupit: primum enim in literis Salvi Conductus non Ducem ſed Principem Lotharingiæ vocavit, perinde ac ſi non pleno jure ſucceſſiſſet in Ducatum, ſed pari cum illis, quos habet Gallia, Lotharingiæ familiæ Principibus, conditione eſſet; qui ſola ſuccedendi ſpe nituntur. Intolerabile id Carolo fuit, hanc ſibi in ipſo limine velut ſtatus quæſtionem moveri, itaque per Cæſarem, per Hiſpanos, per Batavos, ſumma vi apud Mediatoreſ actum ac denique effectum eſt, ut intolerabilis formula à Gallis reformaretur, Altera erat clauſula harum literarum ſatis gravis, quod Miniſtri Lotharingici, paci tractandæ deſtinati, non Legati, ſed Deputati (*Ministres députés*) dicebantur, perinde ac ſi ab urbe aliqua aut Principe alteri ſubjecto venirent, aut ad Conventum aliquē Imperii miſſi eſſent. Quod cum etiam reprehenderent Fœderati, Gallia ſe exemplis tuita eſt, negans à Principibus Germaniæ, quibus pari conditione eſſe Lotharingiæ Ducem cenſebat, alios quàm Deputatos à ſe agnitos eſſe. Viſum eſt nonnullis, iratam Galliam, cladem à Principibus Germaniæ rebus ſuis illatam inani vindictæ cupiditate fateri. Ego, ut apud nonnullos plus odia ratione valuiſſe conceſſero; ita Regem Chriſtianiſſimum, qua

qua est animi magnitudine, tantum affectibus dedisse, credere non possum, cum videam, concessisse Electori Brandenburgico, cui multò majori juris specie indignabatur, ut Ministri ejus pro Legatis pleno jure haberentur. Cujus discriminis causam ego sanè conjicere non possum, nisi fortè eò tendit, ut in Imperio discordiarum semina spargantur. Diu dubitatum est, an, quod Brandenburgico datum est, ipsi soli, an toti Electorum ordini concederetur. Nam Galli atque Angli hoc uno se clypeo tutabantur: in rebus cæremonialibus non rationem, non potentiam, non dignitatem, sed solam possessionem valere: Brandenburgicum eam natum: exstare enim legationes extraordinarias ab eo missas & haberi Olivenfes tractatus, in quibus Ministri ejus pleno Legatorum jure sunt usi. Præterea visi sunt Galli non tantum Electores, sed & Principes cæteros inter se committere atque separare velle. Nam eodem possessionis principio insistentes Duci Neoburgico destinavere Salvi Conductûs literas, in quibus Ministri ejus Legati (*Ambassadeurs*) dicebantur, quoniam intellexerant, Legatos ab eo in Poloniam binis, imò ternis vicibus missos, & in eodem, quo Regii solent, honore habitos esse. Sed hujus consilii postea poenituit Gallos, agnovere enim, ridiculam omnibus & ineptam videri distinctionem: quid enim? credibile est, Polonos fuisse parciùs excepturos Legatos Brunsvicenses, aut Wûrtembergicos, si quid,

quod illic agerent, habuissent, quàm Neoburgicos? Quis ergò arbitretur fraudi illis esse debere, quod illuc non misère, ubi nihil, quod agerent, habebant: præsertim cum nemo mortaliū dubitaret, quin eodem, quo Neoburgicus, jure uti possent. His itaque Galli consideratis, mutato consilio, literas Salvi Conductūs Neoburgico destinatas, jamque in Legati Angli potestate existentes, inopinatò revocavere, errore id factum causati, ut Legatorum nomen irrepperit, quod Neoburgicis Ministris minimè deberetur. Eodemque tempore declaravere, neque se Brandeburgicum à cæteris Electoribus, neque Neoburgicum à cæteris Principibus vel se separare, sed à solis Electoribus, non à cæteris Imperii Principibus Legatos esse agnituros, quoniam haud dubiè & facilius, & rebus suis convenientius videbant, totum Collegium Principum toti Collegio Electorum committere, quàm Principes Principibus, Electores Electoribus opponere in communi causa. Neoburgicus hoc intellecto, ut par est, commotus, datis ad Regem Magnæ Britanniae literis de injuria graviter conquestus est, rationibusque atque exemplis adjectis demonstravit sibi ac cæteris Imperii Principibus indubitatum esse jus Legationis, eodem quo Electoribus gradu: illud tamen animadvertendum est, dum hæc agitantur, nihil ab Electoribus factum dictumve esse, quo appareret, eos jus cæterorum in controversiam vocare, ac sibi prærogativam alieno loco



oco quærere, in quo haud dubiè sapientia tantorum Principum enituit. Facile enim vident, eos, qui injusta ac dubia super alios affectant, sapè certa ac justa amittere.

## CAP. III.

*Qui pro Electoribus scripsere, professi sunt ab ipsis Jus Legationis Principum in controversiam non vocari. Et facilis concordie ratio est, si Electores Venetis seu Regibus, Principes Ducibus Italis & Sabaudis & Mantuanis equales habeantur.*

**P**rodiit interea libellus lingua Gallica, cui titulus est : *Lettre d'un des intéressé à un sien amy, &c.* Autor ait, se partium studio vacare, sed cum totus sit in recensendis Electorum privilegiis, quorum pars non satis explorata certa que est, satis ostendit, quo animo ad scribendum accesserit : illud tamen laudo, quod testatur, Electores huic liti non misceri, neque de pleno Principum jure mittendi Legatos controversiam moveri. *La France* (dit il pag. 10.) *s'est avisée pour en decliner la haine & pour faire en même temps encor un autre coup à son avantage, de debiter que les Electeurs étoient les auteurs de cette dispute & que c'étoient eux qui ne vouloient point qu'on donnât aux Ministres des Princes le titre d'Ambassadeurs.* Addit pag. 27. *Et peut-être que pour donner d'autant plus de feu aux dits Princes, on leur a fait accroire que c'étoient les*



*Electeurs qui travailloient pour l'empêcher qu'on ne leur accordast point le dit titre d'Ambassadeur, quoyque je ne pense pas qu'aucun de tous les Electeurs y aye songé.* Multus est in eo, ut hortetur Principes, ne artificiis Gallorum se patiantur committi cum Electoribus; queritur præterea à Principibus dignitates ac Prærogativas Electorum in dubium vocari, quasi nihil ipsis competat præter eligendi facultatem. Ego, ut dicam, quod res est, illos non probo, qui de Electorum magnitudine parum ex Imperii dignitate sentiunt: sint illis sua jura, usu atque ratione firmata & Dignitas propè Regali par; sed ut Principes circa ea quæ non ex Imperii functionibus, sed jure Suprematûs pendent, quod in utrisque par est, ab Electoribus se distinguere patiantur, nemo prudens suaserit: Et hortandi sunt potiùs Electores, si quidem, ut credere par est, affectus sui atque animi ad concordiam propensi dare documenta volent, ut Principes in communi causa juvent, ne scilicet legatis eorum minus quàm Mantuanis Sabaudisq; concedatur: vicissim spondebunt Principes immota Electorû jura fore, quæ neq; cum libertate, neq; cum pace Publica pugnât. Quod si Electores, pravis quorundam consiliis impulsî, iniquos se præbebunt Principibus, credibile est, accensos animos in mutua damna grato exteris spectaculo fore. Nam satis virium animorumque est Principibus ad tuendam dignitatem; & distinctiones, quas ambitio potius invenit, quàm

uam natura fundavit, plerumque tractu  
 temporis evanescent, quemadmodum Urbes,  
 a quas magnam hominum vim casus aliquis  
 potius quam ratio coëgit, paulatim deseruntur.  
 Quod si concordiam utraque pars æmulationi  
 etque invidiæ præferet, utriusque non libertas  
 tantum, sed & dignitas salva erit. Et gratissi-  
 mum erit Principibus Regiæ parem haberi E-  
 clectorum dignitatem, modo ipsis eadem, quæ  
 talia Ducibus, tribuantur.

## CAP. IV.

*Brunsvicensis ac Lunæburgensis domus se Lotha-  
 ringorum ac Neoburgicorum postulatis junxit.  
 Resolutio sive Decretum Ordinum Fœderato-  
 rum ad Ministros, quos habent Noviomagi, ut  
 hanc Principum causam, quippe æquissimam,  
 commendent. Cæsar in Ministris Principum  
 qualitatem Legatorum agnovit. Galli decla-  
 raverant se Cæsaris exemplum secuturos. Et si  
 non satis fidem liberaverint.*

**S**ed ut absolvamus Controversiæ totius Hi-  
 storiam, quousque nunc producta est, scien-  
 dum, Lotharingi primum, deinde Neoburgici,  
 interpositis pro communi causa officiis, mox  
 sese Duces Brunsvicenses ac Lunæburgenses  
 validissimis rationibus conjunxisse & apud Fœ-  
 derati Belgii Ordines autoritate sua effecisse, ut  
 deliberatione habita in publico Confessu 31.  
 Oct. 1676. decerneretur, dandam esse operam  
 ut

ut æquissimis Principum Germaniæ postulatis  
 satis fiat. Vidi *Decretum*, sive ut vocant *Reso-*  
 „ *lutionem*, cujus ille est sensus: Deputatos  
 „ Ordinum, quibus rerum extranearum cura  
 „ commissa est, exposuisse Ministris Confœde-  
 „ ratorum Principum: exspirare jam tempus,  
 „ in cujus exitum dilata fuerat Tractatum in-  
 „ choatio: & tamen Legatos Confœderato-  
 „ rum nondum comparere; itaque hoc unum  
 „ superesse Ordinibus, ut ipsi per suos curent  
 „ interea negotium inchoari, certa spe, fore ut  
 „ mox cæterorum quoq; Legati superveniant.  
 „ His auditis responsum esse à Ministris Cæsa-  
 „ reis & Brandenburgicis Hagæ degentibus, jam  
 „ in itinere esse Dominorum suorum Legatos  
 „ Noviomagum destinatos: idem Danos di-  
 „ xisse, ac Lotharingos atque Lunæburgicos ef-  
 „ se testatos, per se non stare, quò minus com-  
 „ pareant, sed à Gallis Svecisque iniquissimam  
 „ injici moram, negatis Salvi Conductûs lîte-  
 „ ris, in debita forma conceptis, quibus à Depu-  
 „ tatis rerum extranearum causa, ad Ordines  
 „ Generales relatis, deliberatione habita decre-  
 „ tum, ut Legati extraordinarii Ordinum No-  
 „ viomagi degentes jubeantur apud Legatos  
 „ Mediatore efficacissimis Officiis interpositis  
 „ id agere, ut autoritate Mediatorum Galli Sveci-  
 „ que perpellantur, ne in negandis literis Salvi  
 „ Conductûs, quales Legatis Principum debeni-  
 „ tur, ultra persistant. *Neq; enim rationi consenta-*  
 „ *neum videri, ut Coronæ præscribant Principibus,*  
 „ qua-

uales ab illis Ministros mitti velint. Nam  
 uibus Jws Legationis in solidum competat,  
 uemadmodum de Principibus Germaniæ negari  
 on possit, his etiam electionem competere, pri-  
 ine an secundi ordinis Ministrum mittere re-  
 us suis convenientius ducant. Suprematum  
 Principum non magis in controversiam ve-  
 ire posse, quàm ipsorum Regum Galliæ &  
 ueciæ, Suprematui autem plenum jus Le-  
 gationis indissolubili nexu cohærere. Hoc  
 Cæsare, imò ab ipsis Gallis, aliquoties agni-  
 um, hoc multis actibus possessoriiis esse sta-  
 bilitum, neque fraudi esse debere Principibus,  
 quod sæpe inferioribus Ministris usi sunt, cùm  
 a res arbitraria sit. Præterea hæc, quæ nunc  
 iunt discrimina, inter Ministrorum Publico-  
 um gradus, ea hoc seculo nata paulatimque  
 tabilita, superioribusque temporibus propè  
 gnota fuisse, ideòque eò minus imputari pos-  
 e Principibus, quod jure suo mittendi Legatos  
 cum summi characteris honore non semper  
 int usi.

Hæc ideo fusius excerpere placuit, quoniam  
 Ordinum Fœderatorum judicium magni apud  
 omnes ponderis esse debet. Equidem Legati  
 Ordinum apud Mediatorez magno studio ege-  
 re, ut Principibus satisfaceret; sed pertinacia quo-  
 rundam expugnari non potuit, & Galli, nescio  
 quibus artibus, etiam Anglos Mediatorez in sen-  
 tentiam traxisse dicebantur, quod non credunt  
 Principes, qui uberiora à Serenissimi Regis Ma-  
 gnæ



gnæ Britanniae æquitate officia expectant. Secuta est Regis Christianissimi declaratio, qua Imperatoris exemplum sequi velle spondit Mirantibus omnibus, unde tam subita Gallis erga Cæsarem reverentia, ut velut primi Christianorum Principum decretis se stare velle profiterentur. Cæterum Principes Germani animadverso eorum artificio, qui eos cum Cæsare committi posse sperabant, repoluere, jus Legationis Principum in Aula Cæsarea esse in confesso, sed se Cæsari dudum conjunctissimos, non jam ab ipso Salvi Conductûs literas, quod minimè necessarium futurum erat, sed à Gallis Suecisque postulare, neque Cæsaris auctoritatem defugere, illud tamen non posse ferre, ut de jure suo, velut re dubia, cujusquam judicium expectaretur. Neque Principes in concepta de Cæsare sententia falsos fuisse eventus declaravit. Nam cum Neoburgicus ac Lotharingus, quorum intererat Noviomagensibus Tractatibus maturè interesse, pertæsi morarum, quæ à Gallis neceiebantur, interim Ministros inferioris gradus, quos Ablegatos vocant, mittere decrevisset, Cæsar Salvi Conductûs literis Lotharingo datis declaravit, indubium illi jus esse mittendi primi ordinis Legatos, quamvis nunc Ablegatis contentus esse maluerit. Etiam Gubernator Fœderati Belgii in literis Salvi Cōductûs Lotharingos vocat *Ambassadeurs*; sed & Legatus Cæsareus Lunæburgensibus Ministris significavit, Legati titulum à se minimè in contro-



versam vocatum iri. Itaque invitis Gallis pri-  
maria quæstio à plerisque omnibus ex Princi-  
pum Germaniæ sententiâ, etiam ipso Cæsare  
innitente, definita est.

## CAP. V.

*Concessa Legati qualitate, facilius concedentur  
annexa ceremonialia : Excellentiae titulus,  
Visitatio novissimè advenientis, locus potior  
visitantis apud visitatum. Atque hæc est hi-  
storia Controversiæ, ex qua patet, aliquos in  
Imperium pomum Eridos projicere voluisse.  
Sed ab equitate Cæsaris, Coronarum, & Ele-  
ctorum jus atque æquum expectari.*

Supersunt quædam de cæremoniis lites. Quæ-  
ritur enim, an Legatis Principum, ubi more  
solito adventum significaverint, primæ Visita-  
tionis honor debeat. Scilicet illud hodie rece-  
ptum est, ut novissimum advenientum, & reli-  
quos de adventu certiores reddentem, illi, qui  
ante eum affuere, invisant primi; nullo magni-  
tudinis Dominorum discrimine. Neque enim  
nunc quæritur, quis alteri præferatur, sed an Do-  
minus utriusque gaudeat Suprematu, & an uter-  
que sit Minister primi ordinis, seu personam re-  
præsentans? Quis enim non videt, quantum in-  
ter Cæsarem & Electorem intersit? Hujus ta-  
men Legatis ille honor à Cæsareis ex pacto ha-  
bebitur. Cumque *Analogia quædam intelligi  
possit inter eminentiam Cæsaris super alios Reges,*  

& præ-

*Prærogativam Electoris supra Principem:* quo  
 Cæsar Brandenburgicis concedit, hoc profectus  
 Rex Galliaë nostris Principibus denegare non  
 potest. Et quemadmodum Imperator à Re-  
 gibus non specie Suprematûs, sed ordine loci  
 tantum differt, quem ille habet sine controver-  
 sia primum; ita certum est, Electorem à Princi-  
 pe non exercitio jurium summæ potestatis, sed  
 Sessionis tantum prærogativa, quæ illi ob emi-  
 nentes in Imperio functiones concessa est, di-  
 stingui. Et ab æquitate Cæsaris speratur, eun-  
 dem Electorum pariter & cæterorum Princi-  
 pum Legatis, qui Italici, honorem habitum iri,  
 quanquam non abnuant Principes debitis reve-  
 rentiæ signis testari, quantum Cæsari deferant.  
 Par est ratio de cæteris cæremoniis atque hono-  
 ribus, qui Legatis pleno characteris jure vestitis  
 habentur. Nam & Excellentia titulo appel-  
 lantur & in aliorum Legatorum ædibus civilita-  
 te prærogativæ fruuntur & apud Reges Princi-  
 pesque se tegunt dignitatis Dominorum tuen-  
 dæ causa, aliaque exercent, quæ à jure repræsen-  
 tationis pendere manifestum est, quod illis Do-  
 minus unâ cum Legati Characterem concessit.  
 Hæc ergo Principes Germaniæ, concessio semel  
 Legatis characterem, sine dignitatis detrimento  
 negligere non possunt. Atque hæc tota Con-  
 troversia historia est: unde manifestum arbi-  
 tror, *pomum Eridos* ab exteris in Imperium pro-  
 jectum esse, qui prodigos se erga Electores osten-  
 dunt, cæteris iniquos, non alio consilio, quàm  
 ut ani-

at animorum harmoniam turbent, quæ rebus  
 ipsorum maximè contraria est: sed sperandum  
 est, ipsosmet Electores, qua sunt sapientia, di-  
 gnitatis Principum rationem habituros, quæ  
 eorum propria ipsorum conjuncta est; cum *Supre-*  
*matum, non ut Electores, sed ut Principes, habere*  
*est manifestum.* Hoc ubi facient ingenuè & libe-  
 raliter, profecto mirificè sibi animos omnium  
 conciliabunt: Cæsar quoque nolet Electoribus  
 cum cæterorum Principum injuria favere, de-  
 nique exteri, re maturius expensa, Principibus,  
 quos pari Suprematûs jure gaudere sciunt, de-  
 ditos honores deferre minimè dubitabunt.

## C A P. VI.

1 *Status Controversiæ. Explicatio nominum: quid Minister publicus in genere. De ejus inviolabilitate etiamsi à rebellibus veniret. Ejus jurisdictio in suos, quemadmodum & Principis in alieno versantis.*

2 *Discrimen Ministrorum. Plenipotentarius, cujus acta Dominum obligant. Ambassadeurs seu Legati. Envoyez seu Alegati. Ordinarii Extraordinariis inferiores, non tamen qualitate distincti. Residens est Ablegatus ordinarius. Agens habet non tam Credentiales quam Commendatitias. Commissarius ab habente, jurisdictionem aliquam missus. Deputati propriè qui ad Conventum vel à Conventu.*

3 **O** Peræ pretium mihi visum est hætenus totam controversiæ historiam fusius

persequi ac subinde aliquem rationum nostrarum gustum adspargere, quo lectores de factis pariter & jure eadem opera instruerentur, nunquam ipsam quæstionem, ventilatis utriusque rationibus, tractare aggrediemur, quæ huc redit. *Utrum Principibus Germaniæ jus sit mittendi Legatos characterē repræsentatitio vestitos, quibus idem qui Regum, Italorum Principum, ac Electorum Legatis communis est, honos debeatur.* Quocumque ut accuratè definiamus, ante omnia explicandum est, quam character Legatorum repræsentatitius vim habeat. Cum verò in rebus civilibus, quarum magna pars ab humano arbitrio pender, ipsa nomina ipsique tituli in reale quiddam abierint, explicanda est vis appellationum, ut intelligatur, quid sit Legatus, (*Ambassadeur*) quid Deputatus, (*Deputé*) quid Missus sive Ablegatus, (*Envoyé*) quid Commissarius, Plenipotentarius, Legatus ordinarius, Extraordinarius, Residens, Agens. *Legati* vox generalius sumitur pro omni illo, qui missus est publico nomine. Hoc sane sensu generali Legatum (ex usu recepto) demonstrant mandati tabulæ, quas vocant *Literas Credentiales*. Hoc eodem sensu dici solet, Legatos esse inviolabiles. Nam quisquis tractandi causa missus est, immunitate fruitur, quæ jure gentium recepta & naturali ratione introducta est, ut ne quacunque de causa violetur: quod adeò verum est, ut etiam ad eos porrigi posse arbitrer, qui subditorum nomine ad Principem mittuntur, sive, ut vocant,



ant, deputantur; quanquam dissentiat ille, qui  
super de Legatis exquisita sane Collectanea  
Sallico sermone edidit. Nam ratio naturalis  
ubet, ut libera sit communicandi facultas, alio-  
ui, sublata hac fiducia, remedia non poterunt  
ferri gliscentibus malis animisque exulcera-  
is. Omnium ergo, qui negotiandi causa mit-  
untur, securitas bona fide & tacito pacto ni-  
tur, etiamsi nullus datus sit Salvus Condu-  
tus; itaque severitas illa, qua Philippus II. in  
Ordinum Belgii Deputatos usus est, probari  
on potest. Fingamus & rebelles milites tu-  
bicinem mittere ad Ducem suum, tractandi  
ausa, certè injustè faciet Dux, si tubicinem ju-  
eat suspendi. Porro Legatus neque ob debita  
poliari, neque ob crimina puniri potest, Domi-  
o enim suo stat caditque: contrario semel ad-  
niso, parata erit seges prætextuum, ut vario  
ris colore violari possint Legati. Unum hoc  
avere fas est, ne noceant; itaque quod sum-  
um licet in Legatos, hoc est, ut in honestam  
entur custodiam, quæ securitati eorum atque  
ignitati consulat, atque in Republica malarum  
rium semina spargendi facultatem adimat.  
oterunt etiamè ditionibus nostris educi, quan-  
o suspecta eorum commoratio est vel dignita-  
Principis contraria. Scimus Regem Christia-  
ssimum semel in Nuntium Pontificium hac  
cultate usum esse, cum injuriæ Legato suo du-  
Crequio in Romana aula factæ indignare-  
r: Nuntium enim addita custodia ad Regni



fines duci jussit. Cumque contumeliam ulcisci vellet, quam à Battevilho Legato Hispano passus erat in Anglia Legatus Regius Comes d' Estrade, Venfaldagnium Hispanum in Galli Oratorem regno statim excedere jussit. Itaque Imperator eodem postea in Gallicos Ministro jure uti voluit, cum periculosa eorum commotio esse videretur. Domesticorum quoque Legati arbitrium Legato ipsi permittendum est, quod sapienter judicavit Henricus IV. Cùm enim Secretarius Legati Hispanici conspirationi cuidam se miscuisset deprehensusque esset, plerisque etiam ex Parisiensi Senatu puniendum hominem velut proditorem censentibus Rex juris gentium intelligentior judicavit, satis esse nocendi facultatem sublatam, at poenam à Domino irrogandam videri; itaque Secretarium Legato puniendum dedi jussit. Quod mihi non tam quodam generositatis motu, quàm certa juris ratione factum videtur, quanquam illi ipsi, quem paulò antè cum laude allegavi, Collectaneorum de Legatis auctori secus videatur. At Cromwellius, pro solita sua violentia vel hypocrysi, fratrem Legati Lusitani, inexcusabilis sanè homicidii reum, publicè securi percuti jussit, ut plebi satisfaceret, zelumque suum ostentaret; in quo jus gentium violasse mihi dubium nullum est. Quod si ergò nullum in Legati Domesticos jus est Principi, ad quem mittitur, sequitur, ipsi Legato, vel saltem Domino ejus relictam in eos jurisdictionem; quam

quam contumeliam faciant ei, ad quem mittuntur, si commissæ apud eum à suis crimina imputata esse patiantur. Quod si ergò salva est Principi vel Domino jurisdictio, etiam in suæ legationis comites, alieno in territorio existentes, multò magis ipsi Principi in alieno agenti, illibata erit summa jurisdictio in suos, neque proindè Regina Christina jure suo abusa est, cum de Marchione Monaldeschi, quem mortis reum judicaverat, supplicium sumi jussit; facile enim judicatu est, eam fuisse negotii naturam; ut aliis judicibus commodè committi non posset. Et ridiculum erat, postulare à Regina, ut alieno arbitrio permitteret ea, quæ saluti dignitate negligere non poterat. Quod verò Galli rem ægrè ferre visi sunt, non aliunde, quàm ab averso aulæ animo, profectum arbitror: accedebat loci conditio, in quo cædes facta erat, huic enim aliqua certè reverentia debebatur: idque unum credo Regina exprobrari potuisse, quam tamen fortè necessitas festinandæ ultionis absolvit. Sed invitante argumento ad aliena dilabor. Itaque redeundum est in viam atque illud concludendum, *Legatum* generali appellatione illum esse, qui mandati tabulas publico nomine habet atque incomitate fruitur, quam illi Jus gentium ex rationis naturalis dictato concessit.

b Distinguntur *Legati* vel *Ministri* publico nomine missi *tum intrinseca potestate, tum adjutitio honore. Intrinseca potestas* vel in obcundis

quibusdam cæremoniarum solennibus, vel in negotii cujusdam tractatione consistit. Et potestas tractandi vel imperfecta est, cum ad Dominum referri debet, antequam concludi possit vel plena perfecta que est potestas, cum concludendi negotii jus est, quod *mandatum cum libera* vocant. Ministros autem hujusmodi *Plenipotentarios* appellant, Verum est sanè, signatis licet per *Plenipotentarios* tabulis, Dominorum rati habicionem expectari, antequam toti negotio finis impositus censeatur: illud tamen certum est, Dominum, vi *Literarum Credentia- lium*, ad rata habenda *Plenipotentarii* acta obligari; si secus faxit sine extrema necessitate, eum existimationi suæ labem inferre. Hinc verò intelligi potest, *Plenipotentarii* nomen non esse honoris sed potestatis; neque, ut quidam faciunt, *Plenipotentiarium* Legato characterem habenti opponi posse. Nam vel Legatus primi gradus, vel etiam secundi ordinis Minister *mandatum tractandi liberrimum* habere potest. *Adjectitio honore* distinguuntur Ministri publico nomine missi, in *Legatos & Ablegatos*. Illos vocant *Ambassadeurs*, hos *Envoyés*. Ambo rursus *Ordinarii vel Extraordinarii* habentur. *Ordinarii*, quibus nullum certum negotium præfixum, neque breve tempus concessum est: *Extraordinarii*, qui certæ rei occasionisque causa mittuntur. Unde sæpe fit, ut ordinario extraordinarius Minister superveniat. Errant verò, (si quid judico) qui ordinarium ab extraordi-

linario specie dignitatis differre arbitrantur. Videntur in eum errorem inducti, quod ordinario extraordinarius præfertur: Idque verum sanè, sed ea credo occasione introductum, quod plerumque etiam ordinario extraordinarius supervenit, & usu receptum est, ut ex duobus ejusdem Domini Ministris cætera paribus, ille præferatur, qui novissimus venit; unde mirum non fuit, extraordinarios plerumque prælatos, quod denique in jus abiit; præsertim cum extraordinarii plerumque & majoris esse soleant dignitatis homines & absolvendis magni momenti negotiis vel obeundis publicis honoribus destinati; ac vel ideo plus splendoris ostentare possint, quod exiguo tempore ferè cursum absolvunt. Sed etsi Legatus extraordinarius ordinario ejusdem Domini semper præferatur, non ideo diversa constituitur dignitatis species, nisi extraordinarium Domini majoris ordinatio minoris præponamus, quod credo non concedetur. *Residentem* infra Ablegatum ponunt & inter Ministros publicos recensent: & videtur sanè *Residens* nihil aliud esse quàm Ablegatus ordinarius, *Envoyé ordinaire*; alioquin frustra alios vocabimus *Envoyés Extraordinaires*; si nulli sunt ordinarii, qui illis opponuntur. At *Agentem* non item inter Ministros habent, hic enim literas *credentiales* nullas fert, sed ad unum *recommendaτίας*; neque enim cum principe ejusque Ministris de Republica tractat, sed cum Judicibus aliisque Magistratibus aut



etiam privatis, de aliis planè rebus agit tantum; nec aliud agit, quàm quod Mercator quivis facile præstet. *Consules* Mercatorum alterius sunt naturæ. Nam præterquam, quòd Agentes cense-  
 ri possunt, sive negotiorum gestores; habent quandam permisso Principis jurisdictionis speciem in suæ nationis mercatores. *Commissarii* sunt Ministri publici jurisdictionem ejus, à quo missi sunt, non egredientes. Hæc ratio est, cur Cæsaris Ministri in Germania *Commissarii* appellantur. Certum est enim, aliquam Cæsari in toto imperio jurisdictionem competere, quam nihil pugnare cum Principum Suprematu infra ostendemus. Tales olim erant Missi Domini & Apostolici: illi à Cæsare vel Rege, hi à Papa. *Deputati* appellari solent Ministri ab illis missi, qui unum constituunt corpus; ita Provinciæ singulæ Belgii Foederati mittunt Deputatos salvo jure libertatis sive Suprematûs, quod unaquæque Provincia sibi vindicat, ita missi ab Imperii Ordinibus ad Conventus publicos, Deputati vocari solent, de quo pluribus infra. Et videntur olim Deputati fuisse dicti illi omnes, qui ad aliquem congressum sive conventum destinantur, unde Legatos etiam Regios, Gallos, Anglosque Deputatorum nomen æquo animo tulisse certum est, quemadmodum patet ex Præsidis Johannini Negotiationibus, ubi duorum Regum & quorundam Principum Legati ideò missi, ut pacis vel induciarum inter Hispanos & Foederatos tractationi assisterent,

sapis-



æpissimè appellantur Deputati ; idque haud dubiè, quoniam unum inter se corpus formant & communi consilio ac nomine literas expediebant. Nonnunquam & Deputati dici solent non qui ad conventum aliquem, sed qui ex Corpore aliquo sive Conventu deputantur ; unde hodieque in Urbibus & Rebus publicis frequentius nomen Deputatorum, & in Gallia Ablegati Hanse Teutonicæ vocantur *Ambassadeurs Deputez*. Ex quo judicari potest, quam parum constans horum nominum usus fuerit.

## C A P. VII.

*Legatus (primi Ordinis scilicet) seu Ambasciator, qui habet characterem repræsentatitium. Hujus est vis, ut iisdem (proportione) honoribus gaudeat, Domino qui habentur, in quantum Legatum Domino succedere usus ac ratio patitur.*

**E**Xplicatis in summa Ministrorum publico nomine missorum discriminibus, insistendum est illi potissimum, quo constituitur Legatus primi ordinis sive Ambasciator, quem characterem repræsentatitio instructum dicunt. *Character repræsentatitius* quid rei sit, paulò altius repeti debet. Qui ad obeunda solennia funebria, nuptialia, baptismalia, ad præstandum homagium, ad coronationes aliasque publicas cæremónias veniunt, ut illum, ad quem, aut à quo mit-

tuntur, præsentia sua honorent, ætæque inter-  
 veniant: illos personam Domini repræsentare  
 consentaneum est, id est eo in loco collocari, qui  
 Domini esset; & illis honoribus affici, qui Do-  
 mino haberentur, quousque scilicet ratio mini-  
 strum Domino succedere patitur. Quam sanè  
 exceptionem addi debere mox patebit. Hinc  
 jam intelligi potest, in hoc negotio non haberi  
 rationem mediocritatis ejus, qui missus est, sed  
 dignitatis ejus, qui misit. Quare ridicula fuit Le-  
 gati Gallici querela, qui sub Francisco I. Romam  
 missus Domino suo suadebat, ut imposterum  
 Legatos mitteret Marchiones aliosque propria  
 dignitate splendentes, ne scilicet Legatus Regi-  
 us non sine Domini contumelia longo post Hi-  
 spanicos intervallo in multitudine velut lateret:  
 unde rectè colligitur ab autore Collectaneorum  
 de Legatis, vel parum eo tempore stabilitum  
 fuisse jus repræsentationis, vel Legatum sui juris  
 mirè ignarum fuisse. Hoc tamen ita intelligen-  
 dum est, ut Legationis honor Legato addat qui-  
 dem, non tamen adimat dignitatem: constat  
 enim & Legatis, nati Principibus, Celsitudi-  
 nem (*Altesse*) & Cardinalibus *Eminentiam* &  
 quicquid inde honoris fuit, conservari. *Legatus*  
*ergo primi Ordinis* est, qui missus est ab ha-  
 bente Suprematum cum charactere repræsentati-  
 tio. *Character repræsentativus* est jus fruendi  
 iisdem honoribus, quibus frueretur is, qui repræ-  
 sentatur, si præsens esset, in quantum fert ra-  
 tio aut consuetudo. Dico, is, qui repræsentatur;

tur; non is, qui misit. Neque enim character repræsentatitius est in Legatis tantum, sed & in vicariis, quales illi sunt, quos hodie *Vice-Reges* vocant, aut in illis quos, Germani vocant *Stadthalter*, Ungari *Palatinos*, Sueci *Trotsetz* seu *Trost*, id est Regis Sedem (*Sitz*) locumveterinentes: Trot enim vetere lingua etiam Germanica regem esse judicari potest, quoniam hodieque *Trotning* Suecis Regina est.

## CAP. VIII.

*a* Itaque non per omnia succedit; exempli causa cedit aliis præsentibus, Domino suo quoad Suprematum saltem æqualibus: Exceptis actibus curialibus, cum Domini nomine aliquas functiones exercet, ubi non cedit. Et hoc sensu aliquando verum, Legatos Electorales præcedere ipsos Principes. Quamquam autem Legati Regii aliquando nec loco in tertio cedere voluerint Electoribus, (ut Nuntius & Hispanus Francofurti;) hoc tamen non probatur, cum nec Principes illis cedant in domo sua.

*b* Legati characterē vestiti habent Excellentie titulum: is olim Principibus tribuebatur. Nuntius eum negat Legatis Ecclesiasticis. Minus debet & solet esse discrimen inter missos quam mittentes. Legatis competit jus se regendi coram Regibus, etsi nondum id concessum in Gallia Electoralibus.

a **A**ddo repræsentationem non ultra valere, quam in quantum fert *ratio aut consuetudo*. Nimirum si quis missus sit, ut alicui actui solenni nomine Principis intersit, iisdem, quibus Princeps, honoribus excipietur, nisi quid obstet: exempli causa, nisi alius adsit Domino æqualis, aut aliæ inde absurditates nascantur. Itaque nunquam auditum est Generalem Regis locum tenentem, (qualis in Gallia esse volebat Dux Meduanus tempore fœderis, quod Ligam vocabant, aut qualis postea Aurelianensis Regis nunc regnantis patruus fuit,) locum Regis in Senatu capere voluisse, quem vocant, *Lit de justice*; & constat, Ligæ tempore Cardinalem Cajetanum, Legatum à latere, ad sedem Regiam euntem, à Præside Brissonio fuisse retentum. Ipsi Cardinali Barberino, Legato à latere, negatum est in Hispania jus Uranisci seu portatilis coeli, (*le Daqui pis*) qui profecto non fuisset negatus ipsi Papæ: unde intelligitur, nullum Principem Legatis dare posse perfectæ Repræsentationis characterem, neq; Legatum unquam eodem per omnia, quo Princeps, honore affectum; ita Legati Regi aliis Regibus ubique cedunt: ubique inquam, id est non tantum in loco tertio, sed & in domo ipsorum Regum, ad quos mittuntur; & Legati à latere, licet à majore Regibus, scilicet à Pontifice, missi, ipsis Regibus quodammodo fasces submitunt. Unde in Gallia non possunt sibi præferri jubere crucem erectam, jurisdictionis notam, eo in loco, ubi



co, ubi Rex præsens est. Manifesta autem ratio est, cur Legatus Regius exigere nequeat, ut Rex, ad quem missus est ei in domo sua honoratiorem locum concedat: nam hoc grave futurum erat Regibus ipsis mittentibus, si Legatorum adeò dignitatem Regiam vilem haberent, licet in alio Rege. Ejusdem rei illustre exemplum habemus in Electione Imperatoris. Videmus enim Legatum Electoris intervenire Confessui quidem, cum Imperator nominandus est, aliosque solennes actus exercere, sed cæteris Electoribus cedere. Idem est in Conventu Ordinum. Cum enim in Comitibus Ratisbonensibus anni 1653. solus Electorum Carolus Ludovicus Palatinus præsens esset, Legati cæterorum in Electorali Collegio dubitabant, an novissimo Electorum cedere deberent? sed re deliberata Dominisque consultis conclusum est, ut Legati cederent Electori præsentis & in Collegio Principum non nisi de novis Principibus dubitatum est, an non Legatis aliorum cedere deberent. Neque dubium est, Legatos Electorum cedere Principibus debere, ac ne quidem in Domo Principum honoratiorem exigere locum posse: nam quod in coronatione Caroli V. controversia fuit inter Guilielmum Ducem Cliviensem & Legatos Electoris Saxonix, quæ pompam in multam noctem produxit, id tunc sane, cum tota actus solennitas ad Electores pertineret, minùs mirum videri debuit, Legatos Electorum à cæteris Electoribus



avelli ac separari noluisse, neque enim singulorum per se, sed totius Electorum Corporis ratio habenda erat. Cæteroquin tantum abest, ut Legati Electorum Principibus in loco tertio præferantur, ut ne apud ipsos quidem Principes honoratiorem obtineant locum, quam hæc olim parum certa ac definita essent: civilitati enim arbitrariæ potius quam certo juri dabantur, donec ab exteris artem hanc cæremonialem didicimus. Constat enim, eundem Principem, quem Electorum Legatis negaverat honoratiorem apud se locum, aliquando alterius Principis Legatis dedisse; idemque de Regiis Legatis dicendum est, quibus Electores ac Principes Germaniæ nihil ultra imposteriorum quam Reges alii dabunt, ubi civilitates sæpenimis effusas in justrahi, nec vicissim à Regibus dignitatis Principum rationem haberi intelligent. Cùm Carolus V. Aquisgrani coronaretur, Nuntius Pontificis & Legatus Regis Angliæ solemnibus abstinuere, ne Electoribus cedere cogerentur; quinimò in nupera Leopoldi coronatione *la mattina del primo di Agosto 1658. à buon hora si trasferirono alla chiesa il Nuntio e li due Ambasciatori di Spagna per sfuggire le Competenze con gli Elettori*, ut ait autor Historiæ Leopoldi; quæ ideò adduco, ut appareat, falli eos, qui putant in eo Electores à Principibus distingui, quod illis cedat Nuntius Apostolicus aut Regius Legatus, his non cedat. Quanquam ridiculum sit, Legatos Re-

giostale quiddam apud Electores & Serenissimos Principes Germaniæ moliri: quomodo enim illis præferri postulant, quorum Legatis non ubique præferuntur, aut potius quorum Legatis præferuntur quidem in loco tertio, sed in domo sua cedunt. Regula ergo certa stabilienda est, *Legatum habentis Suprematum Principi ipsi Suprematum habenti ubique cedere debere*, velut fratri Domini sui, non qualitate, sed ad summum quodam, ut ita dicam, majoratus tantum sive primogenituræ jure distincti. Certum est, Electores & Principes ejusdem speciei possidere Suprematum, quemadmodum iam supra demonstratum est, & infra ostendetur uberius: certum est rursus, Electores à Regibus non differre specie Suprematûs (ex confessione ipsorum Regum, qui nuper Legatos Electorales & Italos suis æquavere:) Ergo concluditur, nec Principes à Regibus ea re distinguì posse: quamquam alioqui Dignitas Regia à Ducali, & Electoralis à Principali differat. Hinc porro intelligi potest, quantopere character repræsentatitius usu arctetur, & quam non sit in potestate Regis ullius, talem Legato suo characterem dare, quo instructus etiam personalissima Domini sui privilegia repræsentet, alterique Suprematum habenti, sed Domino suo cedenti, ullo in loco præferatur. Neque enim video, quo jure possit aliquis vindicare sibi potestatem transferendi in alium, quæ sunt merè personalia, honores scilicet, qui non nisi præ-

senti

senti habentur ; cum enim onerosum sit & ple-  
 num incommodis, Principes præsententes colere,  
 utique multiplicare hoc onus alteri potest ne-  
 mo : quid enim futurum esset importunius,  
 quàm tot imaginarios Reges, quibus omnia de-  
 ferre oporteat, videre in aula nostra, quod ad  
 nos Legatos cum summo charactere Regibus  
 quibusdam mittere placuerit ? Ergò necesse e-  
 rat arctari characterem repræsentatitium, & ad  
 ea tantum referri, quæ neque onerosa aliis, neq;  
 ipsi dignitati communi mittentis atque recipi-  
 entis gravia essent. Idque jam tacito usu in-  
 troducendum est, egregio temperamento, ut sci-  
 licet Legatus primi licet Ordinis, Domini sui  
 æqualibus ubique cedat, aliis plerisque præferat-  
 ur. Æquales autem intelligendos dixi licet  
 non dignitate, attamen dignitatis qualitate, qui  
 scilicet jure Suprematûs fruuntur, & in Chri-  
 stiano orbe rerum summæ præsunt, in suis  
 quisque terris. Hi enim, ut dixi, omnes *fra-*  
*tres* habendi sunt, quanquam ordine honoris  
 distinguantur. Quemadmodum fratres sibi  
 cedunt ordine ætatis, etiam si jure familiæ pa-  
 res habeantur. Aliis autem plerisque anteferri  
 Legatum dixi. Plerisque, inquam, licet non  
 omnibus : nam variæ rationes alios subinde li-  
 mites præscribunt ; scimus enim Legatos sæ-  
 pe solitos peculiarem habere honorem cognat-  
 is suorum Dominorum, unde ortæ aliquando  
 perplexitates, quando ille ipse cognatus aliis ced-  
 dit, quemadmodum Legatus Anglus cedit

principi Aulico, Gallus non cedit, nec Anglus Gallo. Cedere autem atque præferri, cum absolute ponuntur, intelligi debent *in loco, quem tertium vocant*, id est, qui ad neutrum eorum, de quibus agitur, pertinet; nam alioqui sæpe fit, ut, quibus Legatus in loco tertio cederet, eis præferatur apud ipsos, & qui Legato cederent libi, apud ipsum honoris ergo primo sint loco, quemadmodum videmus inter Legatos duorum Dominorum etiam sibi cedentium observari: idemque semper locum habere debet, quoties duo illi, de quibus agitur, non specie siue quantitate, sed gradu tantum dignitatis distinguuntur. Quòd autem dixi, Legatos Domini etiam minoris, modo Suprematum habeat, apud alterius Domini Legatos honorationem locum (*la place d'honneur*) habere, generale esse debet: nam scimus Legatos olim Regis Galliæ apud Venetos, Avauxium & la Tullerium, etiam cum *Excellentiam* Fœderatorum Ordinum Legatis negarent, locum dedisse, nec video, quo juris colore Gallici Hispanique Legati, quod alibi concedunt Legatis non Regum, Romæ tantum negent, sed in talibus recepta semel, atque ab omnibus tolerata consuetudo proratione est.

Ex his ergo intelligi posse arbitror, quæ sit vis & natura Repræsentationis, quam character Legato confert. Nimirum ut non nisi illis ubique cedat, qui eandem dignitatis speciem habent, quam Dominus, qui misit, nempe Supre-



matum; utque aliis Legatis à Domino majore vel minore, sed eandem dignitatis speciem habente, missis in loco tertio præferatur aut postponatur, prout Domini facerent, cedat domi suæ, apud ipsos præferatur. Item ut alia Legati illi inter se observent, quæ qualitate sive specie dignitatis æquales decent; ex quibus illud est, ut novissimo venienti adventumque significanti honor primæ visitationis à cæteris habeatur, ut qui alterum invisit, in aditum ædium excipiat: denique ut titulis quoque iisdem decorentur. Receptus est autem *Excellentiæ titulus* inter Legatos sub initium hujus sæculi. Res enim in Pace Monasteriensi nova videbatur Germanis, & olim titulum fuisse Regium scimus aut summis Principibus datum; nam & Angli hodieque Regi eum tribuunt suo, (*The Kings most excellent Majesty*) & Regibus Galliæ atque Hispaniæ datur in Tractatibus Pacis Pyrenææ, & in titulis Principum veteri stylo scriptis, hoc legetur: *Illustrissimo & Excellentissimo Principi*; quæ hodie usus in Serenitatem ac Celsitudinem commutavit. Idem titulus etiam Exercituum Ducibus hodie datur, & primariis Status Ministris. Sed in Italia major ejus habetur ratio: nam dabatur Principum regnantium cognatis, quibus in Gallia Celsitudo (*Altesse*) non negata. Nuntius Apostolicus *Excellentiæ* titulum non tribuit Ecclesiasticis, & frustra fuere Colonienfes Legati, qui in Comitibus Electoralibus Francofurtensibus



bus Illustrissimos se tantum ab eo vocari ægrius ferebant, quo exemplo mirum non fuisset, si Legati Cæsarei Electoralibus Excellentiam negassent. Excellentiam tamen titulum omnibus sine discrimine Legatis primi ordinis dari, hodie rationi consentaneum est, tametsi Domini eorum titulis distinguantur, aliisque Majestas, aliis tantum Serenitas detur. Neque enim putandum est, summo quodam rigore eam inter Legatos analogiam servari, quæ Dominis proportionem intercedit. Nam si hoc ita esset, qua rationis specie concessisset Cæsar, ut Brandenburgicis Legatis apud suos honoratior locus esset, quem certè non concederet Brandenburgico apud se: quare falluntur, qui ab illis honoribus, quos Electores vel Principes Cæsari aut Regibus deferunt, eadem plane Legatorum discrimina moliuntur, solent enim esse minora quàm Dominorum. Cæterum aliud quoque receptum est *Legati representantis jus; ut se tegat coram Regibus*. Hoc Gallia dudum non Venetis tantum, sed & Sabaudis, Florentinis & quibus non aliis Italorum Principum Legatis concessit; Principibus vero & Electoribus Germaniæ, quibus cedit ipse Sabaudus, aut pari jure est, negavit, nulla certè rationis specie. Cum enim Elector Baviaræ Maximilianus in Galliam Legatos cum summo caractere misisset, negatus est illis non tantum introitus honor, sed & potestas se regendi coram Rege, nullo alio juris colore, quàm quod hoc

non esset concessurus Imperator: quod parum validum erat argumentum. Nam Legati Gallici Monasterii Legato Sabaudo Excellentia appellationem dedere, quam Cæsarei constanter negaverant. Cæteras Legatorum representantium minutiones prærogativas cæremoniasque attingere nihil attinet, neque enim libellum cæremonialem scribimus, & qui *primæ visitationis honorem, Excellentie titulum* &, cum acceptum visitationis honorem reddet, *honoratiorem locum* habebit, huic cætera usu recepta non negabuntur.

## CAP. IX.

*Jus Principum nostrorum mittendi Legatos cum charactere probatur primum ratione sumta ex natura Suprematûs ipsis competentis. Nec Jurisconsulti nec Philosophi satis explicuere Suprematam, quia Scriptores eruditi plerumque vetera magis quam hodierna tractant.*

**I**Ntellecto jam, quid Legatis suis cum summo charactere missis tribui velint Germaniæ Principes, discutiendum est accuratius, & quo jure postulent, & an possessione nitantur; nam in his rebus fatendum est, partim juris facere ipsam possessionem, *Principes Germaniæ habere jus Legationis in solidum*, ostendemus & ratione & exemplo. *Ratione*, quia habent Suprematum in suis ditionibus; *Exemplo*, tum *alieno Electorum scilicet & Italiæ Principum, tum proprio,*

prio, quod ad possessionem pertinet, quam novissime subtexere satis erit, ut appareat, etsi incuriosiores sæpe juris sui Principes nostros, quàm par sit, non tamen semper dignitatis oblitos, & nunc, ubi facilitas eorum pristina controversiam nasci fecit, tuendo juri pares esse. A rationibus autem ordiemur, quas apud omnes prudentes valere maximè arbitror, cum vulgus tantùm exemplis ducatur. Omnes autem ab uno fluunt fonte Suprematûs, cujus explicanda primum natura est, deinde Principibus Germaniæ rectè tribui demonstrandum. In explicando *Suprematu* difficilem me Provinciâ suscepisse fateor, &, quod quis miretur, in re tam vulgata propè intactam. Cujus rei ratio est, quòd illi, qui ad scribendum plerumque animum appellant, miserabili ingeniorum morbo non nisi vetera crepant, quorum nostris temporibus vix apparent vestigia, recentium incuriosi: de quibusdam Jurisperitis vulgari- bus hoc non miror; illis enim omnis sapientia in uno Romani Juris Corpore conclusa videtur; experientia autem rerum humanarum, si quam habent, forensis auditorii cancellos non egreditur: unde nonnunquam de Publico & Gentium Jure misera sunt eorum judicia. Hos etgò Cæsarem pro Domino Mundi; Principes nostros pro Præsilibus Provinciarum, licet perpetuis & hæreditariis, habere, mirum non est: neque ab his aliquid magnoperè expectes illustrando publico juri, quod nunc viget. Sed

illud semper miratus sum, illustres dignitat: & rebus gestis & eruditione viros, cum ad scribendum accessere, maluisse eruditionis suæ documenta dare, quàm experientiæ atque iudicii. Nam quæ paululum à Romanis Græcisq; formulis abeunt, ea vix nominare audent; videas documenta & præcepta tradi non alia, quàm quæ alicujus Poëtæ aut Oratoris auctoritate firmari possint; & exempla adhiberi ex sola vetere historia antiquita: quæ res facit, ut libri ejusmodi à viris pragmaticis (quicunque nondum juvenes hoc velut gustu antiquitatis imbuti sunt) velut inutiles, aut certè steriles, spernantur. Quid eruditius aut elegantius, quàm quæ egregius sanè vir, Carolus Pascalius reliquit in libro de Legato; sed fallitur profectò, qui Legatum aliquem inde multum luminis haurire posse putet, quo rectius munere suo fungatur, aut difficultates oblatas superet. Nec tamen deerat illi viro notitia rerum, quæ in usu versantur, nam & legatione Rhætica functum ipsummet scimus; quare nihil aliud, quod accussem, habeo, quàm illius temporis morbum, qui frigidam hanc eruditionis affectationem exigebat. Fatendum est, Hugonem Grotium, Eximium virum, majorem usûs rationem habuisse, & quæ ex omni historia ac veterum monumentis selegit, præclare accommodasse ad regulas constituendas, quæ nunc quoque vim habent. Poterat tamen utilior esse seculo, si seposita aliquando gravitate, qua semper ad illud eruditionis



ionis culmen assurgit, quo pauci, fateor, accere possunt, familiariorē se reddidisset nobis, atque ea subinde tractasset, quæ Magnis illis iris pro minutiis habentur; at nobis, (ut nuncunt, credoque semper erunt res humanæ) græ sæpe difficultates pariunt: quemadmodum faciunt cæremoniæ, tituli, receptæ quædam consuetudines, & observationes nonnullæ viles in speciem, effectu magnæ. Nimirum sunt multa; quorum scientia à nemine laudatur, ab omnibus tamen requiritur. Talia non olent attingere autores, qui gloriæ potius suæ, quàm lectoris utilitati velificantur. Scilicet eruditio plerumque ad splendorem dirigitur, non ad usum: præclara præcepta moralia, pulchra dicta, apophthegmata egregia, tum elegantissima exempla frequentantur, quæ scilicet dicenti scribentique aliquam gratiam conciant: de illis verò, quæ magis in vivendo profutura, quàm in dicendo pulchra sunt, altum silentium. Quare ego sæpe dicere sum solitus, plus in aliquo libro vulgari, quem magni illi homines nostri, velut mechanicum, damnant, qualis est Oeconomica, aut artis sellulariæ scriptor quispiam abjectus, veræ utilisque doctrinæ esse, quàm in Theatro vitæ humanæ, ne dicam in integra sæpe Bibliotheca. Hoc ergo eruditorum vitio factum est, ut hodie plus pene utilitatis hauriatur ex libris, vernaculo variorum gentium sermone à mediocribus admodum autoribus conscriptis, quàm ex doctissi-



mis lucubrationibus. Et plus ex Novellarum publicarum unius decennii collectaneis disce-  
tur, quàm ex centum auctoribus classicis. Qua-  
re mirum non est, si de Suprematu dicturo,  
quem vulgò vocant *la Souveraineté*, auxilia bo-  
norum autorum defunt: dum interea de civita-  
te, de Majestate, de formis Rerum publicarum  
mille voluminibus omnia perstrepunt.

## CAP. X.

*Civitas est, ubi securitatis causa cohabitatio at-  
que administratio communis est. Dicio, terræ  
tractus, qui, si major, Regio vocatur. Terri-  
torium, nomen his commune. Dominus Ju-  
risdictionis est, qui potestatem habet coërcen-  
di privatos. Dominus Territorii verò etiam  
totam communitatem militari manu in officio  
continere potest. Tametsi autem quædam in ter-  
ritorio jura vel regalia alteri sint Reservata,  
nihilominus Superioritas Territorialis salva  
manet, modo Domino supersit potestas manûs  
militaris & redditus sufficiens ad alendos poten-  
tiæ Ministros. Quod si territorium tam sit am-  
plum aut potens, ut aliquid momenti conferat  
ad rerum summam, Suprematus à me vocatur,  
& qui eum tenent, Souverains vel Potentats,  
quorum personæ ac familia inviolabilis, & di-  
ctio privatorum commercio ferè exempta cen-  
setur.*

DE *Suprematu* dicturus cogor attingere, quid sit *Civitas*, quid *Respublica*, quid *Libertas*, quid *summa Potestas*, quid *Regalia*, quid *jus superioritatis territorialis*, quid *Reservata*, quid *nio plurium Rerum publicarum*. *Civitas* esse videtur coetus hominum satis magnus ad spem defensionis mutuæ contra vim magnam, quasmetui solet, animo cohabitandi, certa quarum rerum communium administratione constituta, initus. Familiae, imò & vico, sive pago, ex aliquot familiis composito deest magnitudo; Exercitibus, vel magnæ cuidam societati casu conflatae, quales sunt Caravanæ in itineribus Asiaticis, deest animus cohabitandi. Illi, qui Aristotelis lingua hodieque loqui solent, integra regna appellant Civitates; quod scilicet, an satis consentaneum sit ipsi Aristoteli, qui Regnum Persarum, credo, non appellasset Περσικὴν, & Babylonem ob magnitudinem non civitatem esse dixit, sed gentem. *Civitas* videtur requirere cohabitationem, ita ut cives faciliè congregari possint signo dato. *Civitas* autem sui aut alieni juris est. *Ditio* est quidam error habitatae tractus, communi quâdam administratione utens; major ditio *Regio* vocatur, & *Regio*, cum alterius ditionis adhuc maioris pars est, *Provincia* dicitur. *Territorium* commune est nomen civitati, vel ditioni, sive error tractui; sed præter rem subjectam, etiam universum aggregatum exprimit, ita ut quemadmodum hæreditas & patrimonium quandam

rerum juriumque in familia aliqua sive domicilio universitatem continent, ita Territorium universitatem jurium, quæ in portionem terræ habitatam competere potest, significet. Hinc illud oritur, quod Jurisconsulti Germani vocant *Superioritatem territorialem*, vel *sublime territorii jus*; sed & ante eos Itali: & memoratur Baldi dictum, qui aiebat, *Superioritatem inhærere territorio, ut nebulam paludi*. Porro in hoc Jure præter *Jurisdictionem* & *levem coercendi potestatem* etiam *Jus manus militaris* continetur. Quæ omnia quo crebrius confunduntur, hoc distinguenda sunt accuratius. Aliud enim est *Dominus jurisdictionis*, aliud *Dominus territorii*. *Jurisdictionem* voco *potestatem de causis statuendi*, sive *Jus dicendi* & *contumaces Privatos coercendi*. *Coercendi potestatem* (Jurisconsulti veteres *Imperium* vocabant) esse dico, cum, ubi opus, vim in refractarios adhibere licet. At *Jus manus militaris* est aliquid longe sublimius simplici coercendi potestate; coercere enim refractarios Privatos licet, adhibitis paucis Justitiæ Ministris, vel etiam, ubi opus, convocatis in opem civibus. At *jus manus militaris* voco, cum in potestate est hoc jus habenti, colligere manum militum, quæ ad totam ditionem in officio continendam sit satis. Itaque alicujus Vici vel Burgi Dominus potest omnem habere jurisdictionem, potest capitis supplicio punire, potest per lictores, & si opus, collectam civium vel rusticorum manum, pri-

vatos

atos aliquot contumaces redigere in ordinem;  
 ad conscribere militem, tormenta maiora du-  
 ere, aliaque facere, quibus totum illum tra-  
 tum ad imperata cogere queat, non potest.  
 aqueo calu, quo non contra paucos quos-  
 am refractarios, sed totam aliquam commu-  
 nitatem expedienda vis erit; Dominum terri-  
 orii implorabit. Hæc qui accuratè considera-  
 it, Superioritatem territorialem in summo co-  
 endi sive coërcendi jure consistere videbit,  
 quæ tantum à simplici coërcendi facultate dif-  
 fert, quantum in legibus Romanis *vis publica*  
*privata*. Ubi tamen illud notari debet, etiam  
 ne milite hoc jus retineri posse, sola hominum  
 pinione; id est obsequio, cultu, autoritate,  
 quæ tantundem, ac sæpè plus ipsa vi, possunt,  
 quoties scilicet communis subditorum fert o-  
 inio, parendum esse: tunc enim sufficit, exi-  
 quam adesse manum, quæ primis saltem pau-  
 orum turbatorum motibus opponi possit.  
 nterea sufficit adhibendæ vis majoris confes-  
 am esse potestatem; ubi opus sit. Hoc porro  
 us non Principibus tantum Imperii, sed & Co-  
 nitibus competit. De Urbibus liberis diu fuit  
 olim dubitatum, sed novissimè, Pace imprimis  
 Monasteriensi, definita quæstio videtur. Et hoc,  
 quod nos vocamus *Superioritatem territorialem*,  
 dem cum eo esse videtur, quod Galli etiam vo-  
 ant *la Souveraineté*, laxiore non nihil sensu: qua-  
 es sunt *la Souveraineté de Neuf-castel de M. de*  
*Longueville, la Souveraineté de Dombes* qui ap-



*partient à la maison de Montpensier, la Souveraineté de Sedan de Messieurs de Bovillon, la Souveraineté de Bidache qui est au Marechal de Grammont.* Intellecto autem semel, Superioritatem territorialem in summo subditos coercendi jure consistere, patet primum, in ea contineri plenum omnia alia imperandi arbitrium, quatenus ea non expressè excipiuntur, alterive *reservantur*, unde dixi supra, territoriale jus in quadam Jurium Universitate consistere. Patet deinde, multa, ut vocant, *Regalia* excipi vel pactis expressis ac sæpe juratis, vel Provinciarum consuetudine, & nihilominus Superioritatem territorialem salvam manere. Itaque potest fieri, ut alius in territorio nostro habeat Jus Venationis, jus fodinarum, jus aperturæ, jus conducendi, jus vectigalium, quinimò jus altæ jurisdictionis, sive jus statuendi de criminibus capitalibus atque supplicium sumendi de condemnatis; sed & jus supremæ, ut vocant, instantiæ, seu ad ipsum ab eo, qui Superioritatem territorialem habet, provocari possit; sed & Dominus territorii potest carere jure signandæ monetæ, jure indicendi tributa pro arbitrio, jure struendi munimenta aliisque multis. Modo id qualecunque jus, quod habet reliquum, vel auctoritate, vel, ubi opus, vi majore à subditis obtinere ipsi in promptu sit. Etsi autem omnia alia adimantur jura vel *Regalia*, sufficit tantum remanere jurisdictionis, quantum satis est ad tuendam in subditos auctoritatem, & tan-



tantum reditus, quantum opus est ad susten-  
 dam pro dignitate familiam alendosque po-  
 tentiæ Ministros. Porro quanquam hujus-  
 modi minora territoria appellari soleant *Sou-  
 verainetés*; communio tamen sensu vocabu-  
 lum hoc paulo *arctius* adstringitur, & illi tan-  
 tum vocantur *Souverains ou Potentats*, qui ter-  
 ritorium majus habent, exercitumque educere  
 possunt; atque hoc demum illud est, quod ego  
 nunc *Suprematum*, & Gallos quoque arbitror,  
 de rebus ad jus gentium spectantibus, pa-  
 cem, bello, foederibus sermo est, & ipsi aliquos  
 vocant *Souverains*, eos non de urbibus liberis  
 qui, nec exiguorum territoriorum, Dominis  
 facili etiam dives Mercator sibi emere po-  
 test, sed de majoribus illis potestatibus, quæ bellū  
 ferre, bellum sustinere, propria quodammo-  
 do vi stare, foedera pangere, rebus aliarum gen-  
 tum cum auctoritate intervenire possunt, quæ  
 quodammodo commercio privatorum exem-  
 tæ sunt, & ut nunc sunt, & ut nunc sunt res  
 humanae, ad homines inferiores & minoris  
 conditionis, (exceptis Principum Ecclesiasti-  
 corum Electionibus) non facile perveniunt.  
 Inde fit, ut, qui in hoc sunt culmine, à cæteris  
 potestatibus Majoribus, terrarumque & gen-  
 tum Dominis, & rerum humanarum arbitris,  
 quodammodo ut fratres & conditione æqua-  
 s (licet magno potentiae intervallo inferio-  
 res) honorentur, & ab illis non specie, sed gra-  
 u tantum dignitatis differre intelligantur.

Jam

Jam & ubi in familia quadam jus illud hæret  
 fit, ut ea quodammodo cæterorum hominum  
 sortem supergressa videatur, & personæ sacræ  
 atque inviolabiles censeantur, quod personæ  
 Privilegium non illi tantum proprium est, quod  
 caput est domus, & quem regnantem vocant  
 sed & reliquis aliqua ratione communicatur:  
 qui solam spem habent successionis, & qui di-  
 cuntur *Princes d'une Maison Souveraine*.

## CAP. XI.

*Unio plurium territoriorum in unum corpus. Su-  
 prematus singulorum non obstat unitati Reipub-  
 licæ. Comparatio Belgii Fæderati & Imper-  
 ri quatenus præcedat. Hobbius sententia exa-  
 minatur; nullibi exstat Respublica qualem illi  
 definit; secundum ipsum nostræ omnes sunt A-  
 narchiæ meræ. Nec Gallia Rex imo nec Tur-  
 carum Sultanus revera plane absolutus.*

Cæterum plura territoria uniri possunt in  
 unum corpus, salva singulorum superiori-  
 tate territoriali, cujus rei manifesta in Impe-  
 rio, in Helvetico Corpore & in Unitis Provin-  
 ciis exempla habemus; nam si singulis regioni-  
 bus jus sit proprium habendi militis, quo conti-  
 nere subditos in officio possit, territorii jus sibi  
 constat. Quod si præterea & cum exteris ini-  
 re fœdera possunt singulæ, & exercitus conscri-  
 bere, armaque expedire, quibus sibi apud vici-  
 nos quoque auctoritatem parent, quod possunt  
 Germaniæ Principes; manifestum est, non

stante *unione*, in unaquaque Regione supereminet, quod *Suprematum* definivi. Multum autem interest inter *Confederationem* & *Unionem*, quemadmodum inter *Societatem* & *Collegium*. Societas est plurium cum res in sortem collata singulorem est, lucrum inter omnes dividitur: sed in Corpore vel Collegio nova quædam persona civilis constituitur, & quæ in comune ærarium illata sunt, non singulorum, sed Corporis ipsius, nec lucra nisi ex omnium vel majoris partis sententia distribuuntur. Confederatio solis verbis initur, & si opus est, junguntur vires: ad Unionem opus est, certa quædam administratio constituatur, in aliqua & in membra autoritate, quæ ubique de rebus majoris momentis ac salutem publicam spectantibus, ordinario jure obtinet, uti *Rempublicam* esse ajò. Itaque viri eruditi, qui hoc argumentum tractavere, alterutro modo nitentes excessere: nam, admissa unitate *Reipublicæ*, credidere sublatam in singulis membris libertatem sive *Suprematum*; vel concessa singulorum membrorum libertate, non unam *Rempublicam*, sed nudum foedus constitui arbitrat. Ubi illud noto, *Reipublicæ Bellicæ* non satis rectè Imperium Germaniæ comparari; quemadmodum enim sunt quædam, in quibus arctius Imperii nostri vinculum est: ita sunt alia, in quibus major Principum nostrorum, quam singularum Belgii Foederati provinciarum potestas videtur, quibus jus Belli, Pacis, Foederum,

derum, Legatorum, paulò minùs quàm nostris tribuitur. Scio, quæ hic à me differunt de natura Reipublicæ, non posse conciliari cunctis acuratissimi viri Thomæ Hobbii Angli; sed tamen & illud scio, nullam in Europæ moratiore gentem iis legibus gubernari, quæ ille tulit: quare, si Hobbium audiemus, non erunt apud nos nisi Anarchiæ meræ. Nimirum, homines natura jus habere, ait, faciendi, quicquid ipsis videtur utile; inde illis jus in omnia competere, ex hoc jure nasci bella internecina, singulis exitiosa, ideo necessariam esse pacem, ac proinde tollendum esse jus illud omnium in omnia, quare & proprium judicium, ex quo fluit: itaque unumquemque debere suam voluntatem transferte in Rempublicam, id est vel in Monarcham, vel aliquod optimatum aut populi concilium, sive in personam naturalem aut civilem, ut, quod vult Respublica, vel persona eam repræsentans, unusquisque velle intelligatur. Porro hanc personam civilem Reipublicæ, omnium aliorum personas repræsentantem, non posse esse nisi unicam, & frustra dividi jura summæ potestatis inter plures personas sive plura collegia. Nam si (exempli gratia) uni sit jus legum ferendarum, alteri jus indicendorum tributorum, in casu dissensus contumacis dissolvi Rempublicam: quia enim sine nervo rerum gerendarum, id est pecunia, nihil geri potest, patet, illum, qui alteri tributa negare potest, eum etiam reliquo jure privare posse,



posse, quod, inquit Hobbius, absurdum est.  
 Quin imo ex principiis ejus sequitur, omnem  
 Monarcham (seu eum, qui conventum populi  
 ullum indicere cogitur) posse pro arbitrio sta-  
 tuere de successore: neque id diffitetur ipse  
 Hobbius. Et hæc tamen certè in ipsa Gallia,  
 quam aliqui velut in exemplum proponunt  
 regni absoluti) exploderentur. Paralogismus  
 Hobii in eo consistit, quòd ea, quæ incommo-  
 da trahere possunt, nullo modo ferenda existi-  
 mat; quod alienum est à natura rerum huma-  
 narum. Quanquam enim non negem, divi-  
 ni summa potestate, multos dissensus oriri pos-  
 se, imò, si unusquisque in sententia persistet, bel-  
 lum; experimento tamen constat, homines ple-  
 rumque medias quasdam vias tenere, ne sum-  
 mam rerum pertinacia sua discrimini commit-  
 tant. Manifesto omnibus exemplo esse pos-  
 sunt Respublicæ Polonica & Belgica: apud Po-  
 lonos Comitibus unus Nuntius terrestris solvere  
 potest sua pertinacia: apud Batavos cum res  
 magni momenti, ut pax, bellum, foedera, agi-  
 untur; unius oppidi dissensus omnia subver-  
 tit, & tamen prudentia & moderatione eorum,  
 qui rerum summæ præsunt, pleraque ex sen-  
 tentia conficiuntur. In Germaniæ quoque Co-  
 mitibus non omnia suffragiorum multitudine  
 transiguntur, sed sunt, quæ unanimes senten-  
 tias postulant, quæ omnia Hobbio Anarchia  
 siderentur; & aliis nonnullis, qui paulò libe-  
 rius locuti sunt de Republica nostra, visa sunt



monstrosa: quod si ita est, ausim dicere, eadem monstra etiam Batavos & Polonos & Anglos Hispanosque imò & Gallos alere. Hoc illi sciunt, quibus notum est, quid olim Ordines Regni Gallici & aliàs delecti è regno viri (*les Notables*) in publicis Conventibus de Legibus regni Fundamentalibus & Regiæ potestatis limitibus dixerint, neque ignotum est, à Clero, qui tertia regni portio est, subsidia obtineri non mandatis, plenitudine potestatis, ut vocant, emissis; sed postulationibus, negotiationibus, atque tractatibus. Quin & dimidia Galliæ pars constat Provinciis, quæ dicuntur *les pays des Etats*, quales sunt Britannia minor, Gallia Narbonensis, Comitatus Provinciæ, Ducatus Burgundiæ; ubi certè Rex non majore jure tributa extra ordinem indicere potest, inconsultis ordinibus, quàm Rex Angliæ suo in regno. Si quid ultra fit, præter morem aut leges, hoc à solis consiliorum Regis successibus vim habere certum est. Nec Turcarum Imperatorem opinione suorum super omnes esse leges, intelligi potest ex forma judicii illius, quo damnatus est Sultan Ibraïm, pater ejus, qui nunc rerum potitur; neque enim res tumultu, ut in Osmani cæde, sed matura eorum, qui prima munera civilia ac militaria tenebant, deliberatione transacta est. Ex quorum sententia, Sacerdotum Princeps sive *Moufti* decreto misso ipsi Sultano mandavit, ut coram *Charalla* sive justitia Dei compareret: neganti denun-

untiatum est, subditos juramento fidelitatis plutos esse. Quamquam hoc Barbarorum exemplum, qui in utramvis partem peccant, robari non possit. Imperia ergo Hobbiana eque apud moratiores gentes neque apud Bararos extare arbitror, neque possibilia neque prandā censeo; nisi illi, penes quos summa ream esse debet, angelicis virtutibus polleant: tam iū enim homines retinendam judicabunt propriam voluntatem, suæque saluti, prout optimum videbitur, consulat, quamdiu de Rectorum summa sapientia & potenti persuasione erunt, quod ad perfectam voluntatis resolutionem necesse est. Locum ergo demonstrationes Hobbianæ in ea tantum Republica abent, cujus Rex Deus est; cui soli tutò per omnia confidi potest. Sed nobis in viam redeundum est.

## CAP. XII.

*aliqua de Suprematu. Suprematum populus aliquis amisit, ubi alter oppida ejus præfidiis obtinendi jus nactus est. Ditio exigua nimis non est capax Suprematus, si se tueri quidem potest, non tamen extra ipsam potens habetur; Superioritatem enim habet, Suprematum non habet, Personæ Principum non tantum regentium, sed appanagiatorum videntur inviolabiles, & Criminali Jurisdictioni exemptæ.*

Itaque, ut absolvamus hanc de Suprematu universum tractationem, hæc velut per Saram adjicere utile erit: Jure Suprematus præditus censetur *Populus liber*, & nulli astrictus quemadmodum Veneti, Batavi, Helvetii. Notum est, cum induciæ Belgicæ tractarentur, conditione à Batavis assensum, ut Hispani faterentur, se cum iis velut libero populo tractare. Tota quoque gens, ut Gallica vel Anglica quoniam suo jure regitur, Suprematum penes se habere censetur: Idem est de Scotia; neque enim refert, quòd eundem cum Anglis Regem habet, & quod Rex in Anglia degere mavult. At Neapolis vel Lombardia in Provinciam à Hispanis redacta, quem habuit Suprematum in alios transtulit. Nam Hispani pro lubitu copias illic introducunt, urbesque præfidiis insident, castellaque struunt, quo semel admissio, perii urbium aut Regionum Suprematus. Itaque non, nisi illa urbs, Provincia, gens Suprematum habere censetur, quæ in sua propria potestate est; in potestate verò habere est militari manu tenere posse. Necessè est autem civitatem vel Provinciam esse satis validam ad vim, quæ communiter ingruere solet, propulsandam; itaque cum Rex quidam Gallicæ quendam terræ tractum, quam vocant *d' Ivetot*, in Neustria sive Normandia crexit in Suprematum, jussu Papæ, ut cædem expiaret, cum Dominum *d' Ivetot*, subditum suum propria manu in Ecclesia confecisset; equidem Dominos de *Ivetot*

ut pro liberis, imò, ut quidam ajunt, Regibus  
 posterum habere voluit, & ab omni Gallicæ  
 coronæ nexu absolvit; sed, si quid judico, rem  
 suprematuseis dare non potuit, quoniam effi-  
 cere non potuit, ut ditio *d' Ivetot* suis viribus  
 contra vim ingruentem stare posset, & aliquam-  
 ter cæteras gentes auctoritatem nanciscere-  
 tur. Itaque valde etiam dubito, an possit Rei-  
 publicæ illi Italiæ, quam vocant *Sancti Marini*  
 Opidum, concedi Suprematus, tametsi jure  
 veram esse nemo neget. Sed, præter liberta-  
 tem & in se potestatem, aliud præterea usu re-  
 quiri videtur ad Suprematum, nimirum po-  
 tentia, quæ apud externos quoque auctoritatem  
 conciliare possit. Ponamus Opidulum ali-  
 quod exiguum vel Insulam in medio mari  
 ut in rupe inaccessa situ loci ita muniri, ut  
 nulla facile vi subigi possit: fingamus in ipso  
 Te, quicquid humanis usibus requiritur,  
 ut nec fame expugnari facile posse vi-  
 deatur, quemadmodum de arcè *Königstein*, ad  
 electorem Saxonie pertimente, fama est,  
 montis apice tantum frumenti cresce-  
 re, quantum præsidiariis alendis sufficiat;  
 ideo hujusmodi opidulo sive arcis Suprema-  
 tum largiemur, an eandem cum Regibus speci-  
 em dignitatis habere dicemus, an Legati ejus  
 honore characteris fruuntur? Longius progred-  
 ar: Liberæ Germaniæ civitates nec præsi-  
 dium accipere coguntur, nec facile vi capi pos-  
 sent, nec tamen illis Suprematum concedi-



mus, quem nec ipsæ postulant sibi. Cur ita? non utique, quia Cæsari atque Imperio obligantur; nam si ita esset, nec Electoribus concedi posset Suprematus; an quòd Rectores earum ex illustri stirpe non sunt? ne hoc quidem; alioqui nec Reipublicæ Belgicæ tribueretur: quid ergo tandem? Ego nullam aliam video causam, quàm quòd non satis in ipsis (loquor de singulis) momenti esse videtur ad summam rerum; neque enim copias educunt, sed tantum intra se stant tectæ & contra vim tutæ constantine oritu: *Superioritatem territorialem* habent, *Suprematum* non habent. Et Knichenius, cum *Sublime territorii* jus nostris civitatibus negavit, *Suprematum* in mente habuisse videtur. Itaque huc tandem res redit, quemadmodum dixi supra, ut honor Suprematûs illis habeatur, qui non tantum suæ sunt potestatis, sed & aliquid ad summam rerum in Europa momenti, armis foederibusque conferre possunt. Hi enim cum Regibus quodam fraternitatis jure censentur & longo licet potentiae intervallo, gradu tamen potius quàm specie dignitatis distinguuntur. Quales esse Principes Germaniæ, quippe qui ditiones satis validas cum summa potestate regunt, mox evincemus. Porro qui ex familia sunt, *Suprematum* tenente, rerum tamen summæ non præsunt, non tam ipsi dicuntur *Souverains*, (quamquam id quoque subinde, minus tamen propriè fiat) quàm potius, *Princes d'une maison*



*maison Souveraine.* Et inter hos sunt gradus; nam liberi Regum aut supremorum Principum vocantur, *heritiers nés*: at proximus hæres, sed à latere, dicitur *heretier presomtif*; cæteri omnes, qui in spem Regni aut Principatus venire possunt, dicuntur *Princes du Sang & Princes d'une maison Souveraine.* Hi porro etsi alicubi subjecti dicuntur, ut in Gallia Principes ex familia Lotharingica, Sabaudica, Mantuana; id tamen mea opinione cum grano salis accipiendum est, nec nisi intra civilia stare debet, neque ad personalissima porrigitur. Nam & Regina censetur subditæ maritorum, & liberi Regum fratresque subjecti habentur, & eodem rigore etiam Regina mater subdita foret filii sui. Sed hanc ego subjectionem alterius plane generis esse arbitror, quàm quæ privatis competit. Fidelitatem debere non dubito, conveniri civiliter posse concedo, sed personam eorum inviolabilem censeo, nec criminali iudicio onerari posse arbitror. Cujus rei ratio est, quod non est in Regis Principisque regnantis potestate, mutare aliquid circa successionem ditionis suæ, itaque neque minuere nec (nisi uno modo) augere potest numerum hæredum, nec proinde quemquam eorum, quibus jus est succedendi, capitis damnare posse viderur, nisi consensu gentis. Quod vero in sua familia jus non habet, quomodo haberet in aliena? Itaque nec familiæ Lotharingicæ in Gallia Principes sine exceptione subditos censeo, quicquid

Gallis videatur. Idem dicendum est, si quis ex summorum Principum familia munia civilia aut militaria alibi obeat, ut sæpe fit, neque enim persona ejus ideò alteri acquiritur. Et si Clerici minimè in personalibus Reipublicæ subditi censentur, sed Ecclesiæ nomine à nexu subjectionis eximuntur, quid miramur tantundem tribui summorum Principum familiis, quorum personæ quodammodo sacræ esse debent? Ex his igitur intelligi potest, quid tum in territoriis sive ditionibus, tum in personis, tum in hominibus efficiat Suprematus. Nam qui ditionem ita regit, ut solus militem habeat, præsidia locis imponat, fines custodiat, militari manu mandata exequi faciat, neque ab alio tranquillis rebus nisi per vim bellicam in ea possessione turbari possit, (in quibus consistit *Superioritas*) & quicam habet præterea potentiam, ut cum cæteris Europæ potestatibus pari conditione tractet, foedera pangat, exercitum educat & aliquod rebus generalibus momentum adjiciat autoritate sua; cum præter Jus Superioritatis etiam *Suprematus* honore frui censebimus, ita tamen ut ditioni jus affectum sit, & in uno pluribusque, qui regnantes dicuntur, resideat; cæteri, qui *Principes sanguinis Regii* dicuntur, aut *Cadets d' une maison Souveraine* & honore quodam, & quod maximum est, inviolabilitate fruuntur. Itaque ut *Suprematûs* naturam intelligas, finge tibi *Potentatum*, ut vocant, seu *Potestatum*, quæ rerum potiuntur (*des Potentats*)

entats) confessum haberi, nec nisi illos vocari, qui magnam ditionem tenent, & circa bellum acemque & rerum summam aliquid magni possunt. Hic Confessus, hæc, ut ita dicam, Confraternitas eorum, qui dicuntur *Souverains*, in aliquo Concilio Generali aut pacis universalis tractatione repræsentatur, & Legatis omnium, quibus ob autoritatem Dominorum interveniendi jus est, plenus characteris honor ebetur.

## CAP. XIII.

*Explicato Suprematu, ostendendum est, eum competere Principibus Germaniæ. Probatur hoc publica voce.*

EX his jam satis intelligi arbitror, quid sit Suprematus, *la Souveraineté*; nunc ostendendum est, *Principes Germaniæ habere Suprematum*. In promptu habentur innumera exterorum testimonia fatentium, Principes Germaniæ esse *Souverains*: hoc Gallia, hoc Suecia ambiciosè agit, cum id rebus suis conducere arbitrarentur coronæ. Maximi Reges cum Principibus Germaniæ tractavere *comme de Souverain à Souverain*: Et qui biennio abhinc prodiit in Gallia libellus de præsentis Germaniæ Statu, hoc unum agit, ut ostendat, Principes ante motus novissimos pleno Jure Suprematus esse gavisos, nunc dum Specie defendendi Imperii, quod nemo invaserit, ab Austriacis circumagantur, cum exterorum amicitia libertatem perdituros. Talia,

licet à veritate aliena, utique Gallum scribere de-  
 cebat; nobis sufficit, confessum apud omne  
 Magnorum Germaniæ Principum Suprema-  
 rum esse. Possem nubem testium cogere, si opu-  
 esset. Res eo progressa est, ut Imperatoriam Ma-  
 jestatem irriserint exteri, prætextu libertatis Or-  
 dinum, & quod se Maximilianus Regem Re-  
 gum dixerat, perinde esse, jocati sint, ac si qui-  
 se Regem sine subditis vocaret. Huc illud Bar-  
 claji pertinet de Mergania regione sub uno for-  
 midanda, quæ nunc in varios Principes lapsa  
 Domino tota exciderit. *Erasmus* scripsit ad Car-  
 dinalem Campegium, Germanos imperare ve-  
 rius quam parere, & nuper Monzambanus qui-  
 dam personatus libello eleganti, sed paulo mor-  
 daciore, quam par sit, nec affectuum vacuo, af-  
 feruit, Principes Imperatori tantum feudi fidei  
 inæqualiter fœderatos esse, salva ipsorum sum-  
 ma potestate. Alius quoque novus, non semper  
 Ineptus autor p. 356. Notitiæ Rerum Imperii,  
 Principes jam à temporibus Henrici Aucupis  
 Autocratoras factos. Fuit & nuper, qui se He-  
 romontanum appellat, & edito libello defendit,  
 Principibus Germaniæ veram ac propriè dictam  
 competere Majestatem, & jam olim Sleidanus  
 in oratione ad procures Imperii, quot in Ger-  
 mania sunt Principes, tot, ait, videri esse Reges.  
 Baldus quoque ad l. fin. C. de Testam. milit.  
 Principes Germaniæ pro Regibus habuit, & de  
 illis Æneas Sylvius, postea Papa Pius. II. Princi-  
 pes Germaniæ, inquit, licet verum habeant ca-  
 put,



ut, in cujus verba jurant, suo tamen arbitrio  
 lerumque moventur, suisque imperant subdi-  
 s. Bodinus censuit, Imperium esse meram Ari-  
 ocratiam, & Petrus Matthæus, autor Historiæ  
 lenrici IV. inepte satis dixit, Imperatoriam po-  
 testatem vix quàm Ducis Veneti majorem.  
 Quæ etsi pleraque absurda aut certè hyperboli-  
 ca sînt, satis tamen communem omnium de  
 otestate Principum opinionem indicant, vi-  
 eantur infra Cap. 61. excerpta ex Apologia  
 Gallorum pro Electore Trevirensi Philippo  
 Christophoro. Celebris est Regula Juriscon-  
 sultorum nostrorum, de qua dixerat Eberhar-  
 dus à Weihe, vix librum hodie scribi in Ger-  
 mania, in quo non extaret nempe: *tantum pos-*  
*se Principem in suo territorio, quantum Impera-*  
*orem in Imperio.* Visi sunt sibi boni viri rem  
 magnam pro Principibus dixisse, cum manife-  
 stum sit tamen, multo majorem esse Principum  
 potestatem in sua ditione, quàm Imperatoris  
 in Imperio. Nam sublime territorii jus hoc  
 inprimis efficit, ut Dominus Territorii refra-  
 ctarios majore armorum vi coërcere possit, hoc  
 verò Cæsarem per se imperii jure posse, mero  
 quodam & indefinito arbitrio, ineptus sit, qui  
 statuatur, inprimis post Westphalicam pacem &  
 novissimas imperii constitutiones, ut de auto-  
 ribus nihil dicam. Itaque si regulam commo-  
 dè interpretari volumus, ut autôres ejus ab ine-  
 otix suspitione liberemus, dicendum erit, quic-  
 quid Imperator in rebus Imperii communibus  
 ad

ad unionem spectantibus habet potestatis, i  
omne Principem habere in rebus suæ Provin  
ciæ particularibus: nam, qui hoc ait, non ne  
gat, multo plura Principem in sua ditione, quam  
Imperatorem in Imperio, posse, quod est cer  
tissimum: quis enim nescit, pleniorē esse Cæ  
saris ipsius in Archiducatu Austriæ, quàm in  
Imperio potestatem?

## C A P. XIV.

*Confirmatur ex Origine Principum Germaniæ.*

*Ostenditur contra communem opinionem, Principes Germaniæ non esse ortos ex Magistratibus Provinciarum, qui paulatim hereditarii & liberi facti sint, sed ex veteribus Germanicarum gentium Principibus seu Regulis, qui licet à Francis aliisque victi, plerumque tamen non omnino subacti sunt, nec ditiones in Provinciæ formam redactæ, sed potius in fidem susceptæ, & Principibus vel eorum successoribus sub fidelitatis conditione relictæ. Ostenditur hoc primum circa initia potentiae Francorum, & tempora Clodovæi.*

**S**ED ut rectius intelligatur potestas Principum Germaniæ, res ab Origine repetenda est. Plerique omnes Jurisconsulti ac Politici, Germani pariter atque exteri, pro certo sumunt, qui nunc Principes dicuntur, eos olim fuisse Magistratus, quales sub vetere Imperio Romano Duces Comitesque in Provinciis appellabantur. Cumque in familia eadem sæpe continuaretur  
admi-

Administratio, hæreditarium inde paulatim jus  
atum, ac denique, distractis ac diminutis per  
alica bella & Pontificum artes Imperatorum  
pibus, eam, quæ nunc videtur, Principum po-  
entiam stabilitam. Hæc est opinio commu-  
is, quam ne illi quidem exuere potuere, qui  
berè satis & eruditè de Germanicis rebus scri-  
tere. Videas enim perpetuo Comites Du-  
esque veteres crepare, & de Imperatorum ac  
egum negligentia queri. Sed quantum hæc  
ententia absoletè & crudè sumpta absit à vero,  
x sequenti narratione discemus, quam per ali-  
uot prisca secula deducere operæ pretium mi-  
i visum est. Cum variæ è Germania gentes,  
iothi, Vandali, Longobardi, Suevi, Heruli,  
urgundiones Imperium Romanum dilacera-  
ent, & migrantibus populis semper alii atque  
ii ex interiori Septentrione succederent, ma-  
ifestum est, quot gentes, tot Regulos fuisse,  
ui, etsi fortasse non omnino hæreditario jure  
nperium obrinerent, ex iisdem tamen familiis  
lerumque (ut hodieque in Regnis Electitiis fi-  
ri solet,) sumebantur. Unde de antiquissi-  
is etiam temporibus Tacitus, *Reges ex nobi-  
tate, Duces ex virtute sumtos*. Clodovæi Re-  
is Francorum tempore, qui primus Christia-  
am fidem accepit, Galliam Burgundiones &  
iranci tenebant. Alemanni, id est populi in  
uperiore Rheni tractu tunc habitantes, in Gal-  
am irrupturi, victi à Francis & subacti sunt.  
iam victoriam magna rerum Germanica-  
rum

rum mutatio secuta est; nam Clodovæus facile Burgundiones & habitatores Narbonensis Galliae Gothos in ordinem redegit, in Hispania ipsa potentiam ostentavit, & magnam Germaniae partem ad Thuringiae fines usque Franci nominis Majestatem comiter agnoscere coëgit. Sed minime putandum est, subactos populos fuisse, aut Principes eorum pulsos. Nam scimus, Catos & Thuringos cum Theodorico Gothorum Rege, quitaliae toti imperitabat, Romæque sedem fixerat, de moderanda Francorum potentia consilia agitasse, & Alaricum, quendam *Herulorum* (quos hodie Megalopolitanos aut Pomeranos vocant) *Ducem*, Clodovæo minatum. Clodovæus autem Theodorici potentiam & virtutem meritò verebatur. Morte Clodovæi divisoque in filios imperio, respiravere nonnihil Principes Germaniae sibi metuentes. Erat tum quidam *Thuringiae Princeps sive Rex* Hermanfridus, is fratribus cæsis cum solus imperaret, superbia elatus Francis ipsis imminebat; sed, Clodovæi filiis necessitate ipsa unitis, victus ab uno eorum Theodorico, Mediomatricum Rege, Regnum vitamque amisit. Eodem tempore & *Sigismundus Burgundiae* Rex captus atque interfectus à reliquis Clodovæi filiis Clotario & Childeberto. Secutis temporibus miser fuit Germaniae status, quæ à suis pristinis habitatoribus semideserta, à Francis, Hunnis, Saxonibus, Danis vexabatur, & cum, victis in Italia Gothis, Nar-

ses,



Justino Imperatori infensus, Longobardos vocasset, multi Thuringi & Marcomanni alique Alboinum secuti, propè nudatas viris foribus reliquere Provincias, quod Hunnorum postea Slavorum invasionibus locum dedit, tunc & Garibaldum, quendam *Bojorum Principem*, Brunnerus memorat cum Francis conflatum, cui Thassilo successit, à Slavis infestatus. Reusnerus quoque sub finem sexti seculi Othofredum *Franconiae Ducem* Christianis factis initiatum narrat. Seculo septimo in superiore quoque Germania *Allemaniae Dux* Gunzo memoratur Stumpfio, qui è familia eadem cum Guelphica fuisse fertur, nummos cuisse insignia Guelphica referentes à nomine eius per multa postea Secula appellatos: filiam eius duxit Rex Francorum Sigebertus; postea autem Gunzonis diu Sueviæ sive Allemaniæ Ducum titulos servavere. Historia etiam rabantica nominat Carolomannum *Brabantie sive Tungrorum Ducem*, cui Pipinus successit major domus Regiæ & huic filius Grimoaldus: unde apparet, Ducatus illos fuisse, quiddam successioni proximum habuisse, saltem à Magistratum aut Gubernatorum conditione alienos fuisse, ut mirer, unde fabula, de Origine Principum ex Magistratibus Provinciarum, nata sit. Pipini hujus filia Begga Ansegiso Duci, S. Arnulphi filio, nupta est, ex qua Pipinum avo cognominem suscepit Caroli Martelli patrem: quæ Begga denique seculo valedixit, structoque coeno-

coenobio inter sanctos habita, Belgii tutelari-  
 bus accensita est, & crediderim, hinc natum Be-  
 guinarum nomen. Narrant annales Franci-  
 ci & Mireus, diffidium inter Pipinum hunc  
 juniorem & Gissemarum, Duces, in bellum  
 gravissimum erupturum, ab Audoëno, Augu-  
 stodunensi Episcopo, fuisse scipitum. An hos,  
 qui belli jus habent, Provinciarum Gubernato-  
 res & ad tempus datos credemus? Pipinus iste  
 Ebroino cæso Majoratum Domus Regiæ ob-  
 tinuit. Ejus filius Drogo *Campaniæ* quoque  
*Comitatum* nactus est, & alter filius Radbodi *Fri-  
 siæ Regis* filiam duxit. Filius autem ex concu-  
 bina, Carolus Martellus, Pipini Regis pater fuit.  
 Narratur & in Thuringorum annalibus, Ber-  
 tholdum, quendam *Saxonie Principem*, Thu-  
 ringis auxilio venientem, magna primum cla-  
 de Dagobertum Regem affecisse, sed secundo  
 proelio à Francis cæsum, Saxonesque factos tri-  
 butarios. S. Amandus etiam ex *Aquitaniæ Du-  
 ce* Monachus & Ultrajectensis Episcopus factus  
 dicitur. Inter Salam & Albim *Wandali* habi-  
 tantes, Thuringiam infestabant, Francorum  
 potentiam non agnoscentes. Theodonem &  
 postea Hugibertum, atque inde rursus Theo-  
 donem *Bojorum Duces* Brunnerus habet. Anna-  
 les *Thuringiæ Ducem* memorant Rhudolphum.  
 Et Benedictinorum historia Sanctum Vincen-  
 tium *Hannoniæ Comitem* relicto *Principatu*  
 memorat Monasterium intrasse. Ex Vita S.  
 Kiliani Francorum Apostoli dicitur, Geisam  
 quan-

uandam *Franconia Principem* fuisse, quæ ab-  
ente Marito sanctum Virum trucidari iussit.  
ub finem seculi septimi Rupertus in *Helvetia*  
*Princeps Regii sanguinis* à Guillimanno me-  
moratur.

## CAP. XV.

Deinde ex *Historia Seculi octavi*, ubi varii Prin-  
cipes & *Dynastæ* bella gerentes repressi, coër-  
citi, in fidem suscepti.

Seculi octavi initio ex supradictis Gunzonis  
posteris *Alemanix Dux* Godefridus nomina-  
r, & huic Theobaldus filius successit. Theo-  
bertus *Bavariæ Princeps*, misso in Italiam  
exercitu, Longobardorum se rebus immiscuit;  
ujus successor Grimoaldus à Carolo Martello  
ictus est. Huic Hugibertus, atque isti Utilo-  
lius successit; Eudo, *Aquitaniæ & Vasconix*  
*Dux*, non imaginarius, à Carolo Martello pul-  
us, Saracenos ex Hispania vocavit, quos ille  
genti illo ad Turones prælio vicit, & deletis  
antis hostibus tumultuantem *Alemanum prin-*  
*ipem* Luitfredum fugavit. Ex Monasterii Rei-  
henaviensis monumentis discimus, jam tum  
anno Christi 728. memorari Rambertum &  
Gebbonem *Habsburgi Comites Alsatiæ Landgra-*  
*os*, ex eadem, ut videtur, stirpe, cum *Alemanix*  
*Ducibus*, quorum paulo ante meminimus. Sed  
in *Crusio* & aliis *Brigantii, Waldburgi, Kö-*  
*ingsekii* memorantur *Dynastæ*, qui pro Luit-  
redo in prælio contra Martellum stetere. Ex  
E qui-

quibus ego colligo , non multum diversam Germaniæ faciem , sub prima Franciæ Regum stirpe, fuisse ab illa , quæ trecentis abhinc annis apparebat. Ut proinde mea sententia illos temporarios Duces, provincias Germaniæ ad tempus tenentes , frustra in veteribus monumentis quæramus. Cæterum, Aquitania subacta & Saracenis trans Pyrenæos redactis, Maurentum *Provincia Ducem* à Martello debellatum ferunt , Massiliamque & cætera maritima loca capta , quod illâc paulò antè Saraceni in regnum intrâssent. Mortuo Martello, Theobaldus *Alemanniæ*, & Utilo *Bavariæ* Duces , & Hunibaldus *Dux Aquitaniæ*, tumultuantes repressi sunt. Utilo nomen *Regis* sumserat , sed in angustias redactus , Ducis nomine contentus, Pipini postea, Francorum Regis , sororem Hiltrudem duxit, ex qua natus Thassilo, Pipini ope *successit*: post Hunibaldum Waifaricus *Aquitaniæ Dux* memoratur, quem Pipinus ad Sacramentum fidelitatis dandum coëgit. Narrantur & *Alemanniæ Duces Theobaldi posteri* Warinus & Ruthardus, ex quibus Ruthardus *Alsatix*, Isenhardus Warini filius ad Lacum Potamicum imperavit. Huic Uxor 12. gemellos, ut ferunt, uno partu edidit, & sibi metuens per ancillam in aqua suffocari jubet : ancilla in Principem incidens , interrogata , quid ferret, catulos esse dixit , Germanicè *Guelfos*, Princeps, re detectâ, filios ignarâ matre educari iussit, unde illis postea *Guelforum* nomen : quod



si fabulæ suspectum sit, indicat tamen Guel-  
 os ex vetusta Alemannia Ducum stirpe fuisse,  
 quæ ad Regium sanguinem originem refere-  
 at. Pipino jam Rege facto, Thassilo ex sorore  
 epos rebellavit, quem Carolo M. puniendum  
 mors Pipini reliquit. Carolus M. diu cum  
 Wedekindo *Angriae Principe* confligit, *Aquita-*  
*ia Ducatum in provinciam nunc primum rede-*  
*it*; Guilielmus Dux in cœnobio obiit. *Thassi-*  
*onem Bavarum*, Caroli consobrinum, Hadria-  
 us Papa, missis *Legatis*, ad obsequium Carolo  
 ræstandum induxit, sed cum crebrò rebella-  
 et, tandem captus & cum Filio in Monaste-  
 um detrusus est. Ortus tunc est novus in  
 landria Dominatus, narrante Meiero; scili-  
 et Carolus Magnus Lydericum Comitem  
 larlebecanum *terre sylvaq; Flandricæ*, quæ  
*ars Arduennæ erat*, Dominio donavit, atque il-  
 le Saxones plurimos traduxit, qui terram co-  
 erent. Is Lydericus Engelrammum ex Her-  
 pengardi, Gerardi Ruscinonensis filia, (quem  
 Nervii ad Oceanum *imperitasse* scribunt)  
*successorem* reliquit; quæ omnia indicant, hos  
 omnes *terrarum Dominos*, minimè verò Magi-  
 stratus fuisse. Engelrammo Odoacer filius suc-  
 cessit, & huic Balduinus, qui ducta Caroli Calvi  
 lia auxit ditionem.

## CAP. XVI.

*Seculo IX. sub Carolo M. jam Imperatore Romano ac posteris ejus eadem rerum facies. Hinc multa memoratu digna circa variorum Principum antiquitates & Origines.*

**S**ub initium seculi IX. Carolus M. Imperator Romanorum declaratus est. Hic in imperio filium Ludovicum, cognomento Pium, successorem nominavit; Lothario alteri filio *Bavaria*, Pipino tertio *Aquitania* data est. Itaque haec tenus provinciae istae semper suos Principes habuere: sed obiére illi ante patrem, solusque successit Ludovicus Pius, qui eodem modo Lothario imperium, Carolo *Aquitaniam*, Ludovico *Bavariam* dedit. Illis temporibus *Normanni Galliae*, *Slavi & Hungari Germaniae*, *Saraceni Italiae* graves fuére. Sub Ludovico Pio *Obotritorum*, id est, *Orientalium Saxonum*, Rex *Slaomirus* ob turbas datas regno pulsus est, regnumque *Cendrego* datum à Ludovico Pio. Fuit & illis temporibus quidam *Bernardus, Corsicae Comes aut potius Dominus*, qui exscensionem in *Africa* contra *Saracenos* fecit. *Ludovicus Inferioris Pannoniae Dux*, rebellis in *Dalmatiam* rejectus, mox jussu *Lindulphi Dalmatiae Principis* trucidatus, *Legastus Vilsorum Dux* depositus, *Celedrago* fratre substituto. *Baldravo Duci Foro-Julienfi*, quod *Pannonico limite* negligenter custodito *Bulgaros Orientalem Dalmatiam* impunè vastare sivillet, creptus

tus est *Stiriae & Carinthiae Ducatus*, Germaniæque annexus: Dalmatia verò in quatuor praefecturas abiit. Sub eodem Ludovico Pio, Ælm Haraldus Rex Daniæ cum fratre Erico ultus regno ad Ludovicum venisset & fidem Christianam recepisset, *regnum Frisiae* ei donatum est, & portio Frisiae Erico data. Ex quibus apparet, plurimas Germaniae provincias etiam, cum suos Principes habuisse, & Duces Comitesque nihil minus quàm Magistratus fuisse: idem intelligi debet de Bernardo Tolosano Comite, de Notone, *Armericorum Duce*, qui pulso priori Duce successor datus, cum post Imperatoris mortem se Regem ferret, rursus pulsus est. Mortuo Ludovico Pio, inter Lotharium imperii successorem, & Fratres Ludovicum Germanicum & Carolum Calvum, statim bellum exarsit, & caelo commisso CL millia hominum utrinque occidere, quo, quicquid ferè Germanici sanguinis in Gallia reliquum fuerat, & pleraque Francica nobilitas deleta est, & ab eo tempore lingua Germanica sive Francica in Gallia interire cepit. Convenit tandem, ut Lotharius imperii honorem, regnum Italiae, & regnum *Medio-atricum*, cui postea Lotharingiae exinde nomen impositum est, seu quicquid inter Rhenum & Mosellam vel potius Mosam est, cum Belgii parte haberet, Ludovico Germania cederet, Carolo Italia, Pipino Pipini (quarti Franci) filio *Aquitania* maneret. Ludovicus Germanicus Adalricum, Adalberti filium, *Rhetia*

*Principem* constituit. Cum contra Bohemos & Sorabos movisset, memoratur Tachulphus quidam *Sorabici limitis Dux*, qui Ludovici nomine cum hostibus de Pace egit. Hunc ego puto Marcgrafium fuisse. Tandem Rustice, *Sorabum Duce*, in summas angustias redacto & in fidem accepto, mox iterum rebelli & capto, nepoti ejus *Suentobaldo datus est Ducatus*, qui tamen non diu fidem servavit. Iisdem temporibus & *Bruno Saxonum Dux* claret (Ludolphi frater) à quo Brunsvicum structum ajunt. Carolus Calvus interea in Gallia Nepoti è fratre Pipino Aquitaniam extorquere conatus est, quod ipsi denique contra liberos ejus successit. Neomenium seu Nomenojum *Armoricorum Ducem*, se *Regem Britanniae minoris ferentem*, fugat, ejus tamen filius Herispeus principatum recepit, ejusque beneficii memor postea Salomon successor *gentis Regulus* Francis contra Normannos copias auxiliares misit. Sed Normanni interim Galliam inundantes, frustra opponente se illis Ruperto, Witekindi, ut ajunt, pronepote Andino Comite, tandem *Neustriam* à Carolo obtinuere. In hæc tempora Hollandici Comitatus initia à quibusdam referuntur; cum enim circa Rhenum regio vasta & à Normannis protrita jaceret, Carolus Calvus eam Theodorico, Sigeberti *Vasconum Principis* filio, (quidam *Getolfi Frisiae Comitis* filium faciunt) rogante Haganone, *Comite Sanctensi*, avunculo in feudum dedit, ea lege, ut contra Nor-



annos defenderet. Adjecit Sylvam Wasdam  
 c Seelandiam Ludovicus Secundus Imperator.  
 Alii hæc inter vana reponunt & ad Caroli Sim-  
 plicis tempora originem Comitum Hollandiæ  
 eferunt. Porro in Italia & Lotharingia  
 Lotharius Imperator interea cum Sarace-  
 nis & Ansegiso quodam *Beneventi Duce* con-  
 flictabatur. Tandem deposito sponte imperio  
 in cœnobium secedens, Ludovico filio ejus no-  
 minis Secundo imperium, alteri filio Lothario  
*Regnum Mediomatricum* reliquit, unde à Patre  
 & filio, Lothariis, magis confirmatam puto Lo-  
 tharingiæ appellationē. Lotharius junior prior  
 obiit, & post eum ipse Ludovicus Imp., sine hæ-  
 redibus ambo: ita imperium ad Carolum Cal-  
 vum Galliæ Regem, Ludovici Secundi patru-  
 am, Ludovico Germanico, altero patrao, na-  
 tu licet minorem, relatum est. Ludovicus Ger-  
 manicus partem Lotharingiæ magnam obti-  
 nuit, Bosonem affinem *Ducem Papiensem* crea-  
 vit; Berengarium & Guidonem Halos proce-  
 res, è Germanico sanguine ortum trahentes, al-  
 terum *Forojuliensem*, alterum *Spoleti Ducem* re-  
 nunciavit, ut defensores contra fratrem Ludo-  
 vicum Germanicum haberet. Ludovicus Ger-  
 manicus prior obiit, relictis filiis, Caroloman-  
 no, Ludovico, & Carolo, qui postea dictus est  
 Crassus. Carolo Calvo mortuo, successit in Im-  
 perio Romano & Gallia Ludovicus III. cogno-  
 mento Balbus. Hic ubi obiit, imperium ad Lu-  
 dovici Germanici Liberos rediit. Et Carolo-

manno natu maximo haud dubiè debebatur, sed is, paralyſi correptus, Carolo Craſſo fratri Imperium, Ludovico fratri *Bavariæ Regnum*, id eſt magnam Germaniæ partem, Arnulpho filio naturali *Auſtriam & Carinthiam* reliquit. Ludovicus extinctus eſt ſine liberis. Carolo Craſſo non ſatis ſui compote, Imperium ad Arnulphum & hujus filium Ludovicum, Imperatorem ejus nominis quartum pervenit. Dum interea in Gallia Ludovici Balbi filii, Ludovicus & Carolomannus ac poſtea Carolus Simplex regnarent. Hoc tempore miſera erat rerum per Italiam, Germaniam Galliamque facies, irruentibus Saracenis, Hungaris, Slavis & Normannis, quæ res fecit, ut Principes regionum Imperio & Regnis Germaniæ Galliæque obligatarum, quales hætenus multos narravimus, partim potentia creſcerent, partim numero augerentur. Nam & novos Principatus conſtituebant Imperatores atque Reges, ut haberent, quoſtantis hoſtibus opponerent, & dudum conſtitutis plurima permittebant. Quod diſtinctius referendum eſt. Nimirum ſtatim poſt Ludovici Germanici mortem Normanni Tanquardum & Brunonem *Saxonie Duces* Ludolphi Ducis & Witekindi ex Fratre (Ludolphi) Brunone nepotis Filios occidère. Ludolphum & Brunonum fratres jam ſupra nominavimus. Succellit illis frater Otto, pater Henrici Aucupis, poſtea Imperatoris, jam ſub Ludovico quarto Cæſare potens.

ens. Unde intelligi potest, hos Duces non fuisse Magistratus aut Provinciarum Gubernatores, sed magnarum terrarum Dominos & stirpe illustres, quæ imperio digna mox habitata est. Itaque jam illis ipsis temporibus fatendum est, eam pene, quæ hodie est (quantum ad potestatem Principum) fuisse Germaniæ faciem. Nominatur & sub Carolo Calvo Poppo, Soracici limitis Comes, & Marchio, cui terræ illæ contra Barbaros defendendæ Feudi Jure datæ erant, dicitur fuisse *Princeps Hennebergicus*: sed & Gothofredus *Frisiæ Dux* refertur, qui Lotharii Imperatoris, ex Filio Lothario Lotharingiæ Rege, neptem duxit. Boso *Arduennæ Comes*, Regiæ domui affinitate junctus, Burgundiam, & quicquid ab Alpibus secundum Rhodanum usque ad mare decurrit, tenuit; sed parte ditionis exutus Lugdunensem Provinciam retinuit, & Arelati sede fixa, Arelatenis regni initium fecit. Cum, Carolo Crasso mortuo, Arnulphus, quem nothum esse conatabat, imperii gubernacula sumisset, & nunc primum à legitima Caroli stirpe abiretur, credibile est, multos in Germania sumsisse animos, quos antea autoritas potentiae Carolo-vingicæ continuerat. Accessit Caroli Simplicis, qui è familia Carolina supererat, in Gallia infelix regnum & exterorum irruptiones perpetuæ, cum interea domi Berengarius Italiam, Eudo Galiam, Rudolphus Burgundiam invaderent. Guido *Spoleti Dux* Berengarium *Ducem Vero-*

*nensem Forojulii præfectum* (ecce distinctum à Duce præfectum) qui *Italiae Regis* titulum sum-  
 lerat, pepulit, quem restituit Arnulphus. Eu-  
 do Comes *Parisiensis* sub Carolo Simplice rerum  
 in Gallia potiebatur. Is Richardum Comitem  
*Augustodunensem Burgundiae Ducem* hereditaria  
*Jure creavit*: qui *Vesontionem, Tullum, Do-*  
*lam*, habuisse videtur, cui successit Rudolphus  
*filius*. Rudolphus Caroli Comitis *Streitlingen-*  
*sis* filius regnum fundavit in parte *Burgundiae*  
*trans Juram* ad Alpes (id est *Sabaudia, Ucht-*  
*landia, Brisgovia, Suntgovia* & *Tigurense præ-*  
*fectura*) cui Comitis nomine post partem  
 præerat; & Suenteboldum *Lotharingiae*  
 Principem excutere tentavit. In Regno *Are-*  
*latensi* consensu Arnulphi Imperatoris Ludo-  
 vicus Bosoni patri successit, illis temporibus  
 jam Duces Comitesque Provinciarum planè  
 se in libertatem asserebant. Balduinus *Flan-*  
*driae Comes* contra Veromandum Comitem  
 bellageffit: In *Aquitania* duo Duces Guilhel-  
 mi, in *Neustria* sive *Normannia* Rollo, Guil-  
 helmus Riccardus in Ducatu Franco seu *Pa-*  
*risiensi*; Hugo successor Eudonis magnus  
 Dux cognominatus, cujus fines *Sequanâ &*  
*Ligeri, Normannia & parte Picardiae* com-  
 prehendebantur.





## CAP. XVII.

*Miserabilis rerum status, sub initium seculi X. Barbaris undique ingruentibus, qua occasione auctus Principatum numerus & Principum potestas; imperio denique à Francis ad Senones translato ac sub Ottonibus nonnihil respirante. Quo tempore Principum libertas apud omnes in confesso est. Sed falso inde inchoatur, cum longè altiores origines habeat.*

**P**OST Arnulphi mortem, filio Ludovico Imperatore facto, sub initium decimi Seculi, non minus misera Germania quam Gallia fuit; sub eo nominantur Albertus vel Adelbertus, Bambergensis Comes, Conradus Franciæ, Eberhardus Hassiæ Princeps ejusque liberi. Eberhardus & Gebhardus fratres, Thuringiæ Landgraffi, Conradus Hassiæ Landgraffius, frater Cæsaris, Burcardus Princeps Thuringiæ. Leopoldus Dux Austriæ Ludovici Cæsaris cognatus, Otto Dux Saxonie, de quo paulo ante, Burcardus Curienfis Rhetiæ Marchio; Moymarus Moraviæ Princeps. Ludovico Cæsare mortuo, plerique imperium Ottoni Saxonie Duci deferebant, sed ille senio gravis Cunradum Franconie Ducem commendavit, obsistentibus Arnulpho Malo Bavarie, Giselberto Lotharingie & Burcardo Sueviæ Ducibus. Arnulpho pulso Ducatum fratri Eberhardo dedit Conradus Imperator, sed qui eum non tenuit. Per Dietericum Witekindi M. pronepotem, Comitem siue Dynastam  
in

*in Ringelhem Danos repulit Conradus. Memorantur & Erchinger & Burkardus Sueviæ Duces. Mortuo Conrado delatum est Imperium ad Henricum, dictum Aucupem, Ottonis filium, qui Arnulphum Bavarum exulem restituit, fide data & obsequio, de Regio titulo non usurpando. Henrici Aucupis filius Otto cognomento Magnus cum aliquot Germaniæ Principibus suæ gloriæ æmulis conflictatus est. Quod mirari non debemus; extincta enim aut à gubernaculis remota Carolina stirpe, inter tot alias familias illustres invicem æmulas una sine magnis motibus eminere non potuit. Primum cum Arnulphi Bavari filiis bellum fuit, quibus ademptus Ducatus & fratri defuncti datus, & filiis tantum comitatus Witelspacensis & Schirensis Comitum Provincialium, seu Landgrafiorum titulo, ut antiquitus usitatum, (ita loquitur Historia) concessi sunt. Unde intelligi potest, hæc munera jam tum hereditaria fuisse. Tanckwerdus frater Cæsaris Nothus, mortuo Sigfrido Marchione Brandeburgico, Provinciam occupaverat, invito Cæsare, sed & Eberhardus Cunradi Imperatoris frater & Giselbertus Lotharingiæ Dux tumultuati & repressi sunt. Astitit Imperatori Hermannus Sueviæ Dux, cujus fratri Imperator Lotharingiam dedit, Henrico Giselberto filio sine liberis mortuo. Et Henrico fratri suo, Bartholdi, Bavariæ ducis, qui & ipse nullis relictis heredibus obierat, ditionem concessit. Geronem quoque pri-*

*mum*

num *Lusatiae Marchionem* constituit & *Luneburgensem* quoque *Ducatum* instituisse ac *Hermanio Dynastæ* potenti de se meritissimo dedisse licitur. Multa alia præclarè in *Germania* & *Italia* ab *Ottone Magno* acta, ac tum demum a, quæ nunc viget, principum potestas liquido constituta est, & ab *Ottonibus II. & III.* magis ac magis stabilita, dum interea in *Gallia Caroli simplicis filius Ludovicus* cum *Hugone Magno*, de quo supra, conflictaretur. *Ludovicus* ite *Lotharium* & *Carolum* reliquit: illi *Galliæ* regnum, huic *Lotharinga* cessit. *Lotharius* filium reliquit, quo mortuo infante, *Hugo Capetus*, excluso per vim patruo infantis *Carolo Lotharingo*, regnum sibi vindicavit, & ut nuniret novam potentiam, *Germaniæ* exemplo, Ducibus Comitibusque Provinciarum maiorem, quàm sub *Caralovingiis* factum erat, potestatem indulgit. Unde illis temporibus Duces, pares *Franciæ*, magni erant Principes, conditiones beneficiarias optimo maximo jure tenentes, fere ut Principes *Germaniæ*; quibus qui hodie succedere & vocantur *Ducs & Pairs de France*, umbra tantum sunt priorum; quoniam magis absonum est, Reges *Galliæ* hodiernos titulum *mon Cousin*, qui veteribus illis Ducibus conveniebat, nunc obvio cuique prostitutum, Principibus *Germaniæ* etiamnum dare velle, quibus ex more seculi fraternitas debetur, ex quo cognati appellatio illis data est, quorum cum Principibus nostris nulla fieri comparatio potest.

## CAP. XVIII.

*Ex hac jam narratione resumendo potissima, ostenditur, Principes plerosque non ortos ex Magistratibus, sed vetustissimis victarum gentium Regulis aut primariis familiis, substitutis in eorum locum eorum cognatis vel Principibus ipsis, ubi se submiserant Tributariis ac Vasallis factis, nonnunquam & Principibus ex Regia vel alioquin illustri Francorum stirpe genti impositis, agrisque inter victores divisis: unde varii Dynastæ & territoriorum Domini orti. Sæpe & terræ incultæ ad colendum concessæ, & Principatus in Barbarorum finibus erecti, ut ii, quorum maximè intererat, eos facilius reprimerent, quàm soli Magistratus vel Provinciarum Præfeti fecissent. Unde concludo, jam sub Francico Imperio valde similem fuisse Germaniæ faciemi, quæ postea apparuit, nisi quod turbatores tunc facilius coërcebantur. Idque ad honorem nostrorum Principum pertinet, ut appareat, eos non, ut vulgo putant, ex Magistratibus per rebellionem, sed ex vetustissimis Regulis per quandam velut successionem ortos esse.*

**A** Tque ita Historiam veterum Principum sive Regulorum, qui sub Francico Imperio Provincias eo jure jam tum tenebant, quod hodie territoriale vocamus, per aliquot secula ad Saxonum usque Cæsarium tempora, quibus jus illud Principum, extra controversiam ab omni-



annibus ponitur, deduxi, atque liquido ostendit,  
 quantum à vero abeant etiam doctissimi Viri,  
 qui passim communi consensu docent, Duces illos non nisi Provinciarum Magistratus  
 temporarios fuisse, & indulgentia Cæsarium atque  
 neglectu hæreditarium jus obtinuisse. Quæ  
 omnia ab omni veri specie aliena esse, ex hac illius  
 ævi facie judicari potest, quam hoc loco ex  
 optimis Scriptoribus exhibui. Quod eo dili-  
 gentius faciendum putavi, quo magis hæc sen-  
 tentia à communi eruditorum opinione alie-  
 na, contraria verò in parum Principibus ho-  
 norifica est. Quisquis ergo præcedentem pri-  
 orum Principum Historiam leget, mirabi-  
 tur, unde viri eruditi in sententiam historiarum  
 monumentis adeò contrariam & ab illorum  
 temporum facie abhorrentem venerint: nam  
 acilè agnoscer, Francos Reges initio aliarum  
 nationum Regibus atque Principibus dignita-  
 te potiores non fuisse, sed fortuna atque oppor-  
 tunitatibus usos, alios post alios debellasse; non  
 erò, (nisi rarò) ditiones in Provincias rede-  
 gisse, nec, quales somniant, Magistratus, ubique &  
 amicè proposuisse victis gentibus, sed aut Prin-  
 cipes priores in fidem tantum receptos reliquis-  
 se in ditionibus; aut novos illis Principes de-  
 disse, è primis ipsarum gentium victarum fami-  
 lis plerumque sumptos, addidisse tamen illis Ju-  
 ces atque Comites, ut facilius in officio con-  
 tenerentur. Nonnunquam divisa est Provincia,  
 antea uniparens, in regulos plures: quemad-  
 mo-

modum Carolus Magnus, Longobardorum Rege Desiderio victo, aliquot Ducatus constituit & Longobardis permisit, ut ex sua gente *Duces* sibi sumerent *Spoletanum*, *Forojulensem*, *Beneventanum*, fide tantum horum Ducum iurjurando oppignorata; quemadmodum ex Sabellico & Paulo Æmilio discimus. Sæpe & Provinciis victis, non ex ipsa gente, sed Regia Francorum stirpe aut aliis illustribus familiis dati principes novi: ita *Burgundiæ Reges* fuere ex Caroli Magni posteris ac Francorum Regum familia; *Aquitaniæ Duces*, & *Bavariæ atque Norici Reges*, quemadmodum ex divisione, quam Carolus Magnus & postea Ludovicus Pius inter liberos instituere voluere, patet. *Lotharingia* quoque suos habuit aliquamdiu Reges, & *Duces Alemanniæ* Gunzo ejusque Successores ex vetusta Francorum Regum primæ familiæ stirpe fuisse creduntur. Nonnunquam & Principes victarum gentium affinitatibus alligati sunt, ut Radbodus in Frisia; idem factum est in Bavaria, nam Thasilo Bavariæ Dux Caroli M. ex sorore nepos fuit. Cum verò gentes planè debellatæ erant, novæ in iis erectæ Dynastiæ victoribus præmio dabantur. Ita Clodovæus Allemannorum, Carolus M. Saxonum devictorum terras militibus suis distribuere; sæpe hæreditario (licet beneficiario seu feudali) jure, ex quibus nonnullæ majores & majoribus Ducibus Regumque cognatis & affinibus, datæ in dynastias, imò & in Principatus erectæ

æ fuisse videntur. Unde Alemanniæ Sue-  
 veque Ducēs, & tot alii Comites, five terrarum  
 in superiore Germania Dynastæ, post victos à  
 Francis Alemannos, orti sunt. Quibusdani  
 etæ sunt terræ incultæ, hæreditario jure, ut  
 diligentia eorum meliores redderentur, quem-  
 amodum primis Arduennæ & Flandriæ Co-  
 mitibus, de quibus supra dixi, qui paulatim cre-  
 vere. Etiam in Provinciis subactis, nec pro-  
 prium Principem habentibus, relictæ sunt pluri-  
 mi Dynastæ terrarum Domini, non multum ab  
 odiernæ Nobilitatis Imperii liberæ specie ab-  
 orrentes; ex his passim facti Comites seu Ju-  
 dices Provinciales. Cum enim ob agros, quos  
 possidebant, & subditos, quos habebant, jam  
 in Provinciis magnam auctoritatem habe-  
 rent, visum est, utilem esse eorum ad populos  
 continendos operam, cum sæpe ne præteriri  
 quidem ipsi sine offensione & tumultu possent.  
 Itaque qui Magistratum in Provinciis in speciem  
 habebant, aliquando fortasse re ipsa terrarum  
 Domini fiebant, nec nisi ob crimina ingentia fa-  
 cile ejici, liberique eorum ditione privari pote-  
 rent & ad eam rem exercitu opus erat. Qua-  
 mirum non est, jam ante Carolum Magnum  
 Ducatus & Comitatus reapse multis in locis fu-  
 isse Principatus potius & Dynastias, quàm Ma-  
 gistratus. Quamquam autem non diffitear,  
 multos fuisse Comites Provinciarum atque Ca-  
 tellanos five Landgrafios ac Burcgrafios, qui  
 simplices erant nobiles, nec territorium tene-  
 bant,

bant, cui præerant : eos quoque, qui territorium pleno satis jure possidebant, & quorum dignitas atque magistratus in liberis jam tum continuari, nec sine gravi causa ipsis auferri solebat (ut patet ex Capitularibus Caroli Calvi apud Miræum in Annal. Belg. ad Ann. 877.) nondum tamen fidenter satis jactare potuisse hæreditarium suum jus esse: Erant tamen alii multi & quidem potentissimi, qui ob eas, quas supra dixi, causas, jus Provinciam in hæredes transmittendi agnitum, atque in confesso positum habebant, quemadmodum ex illis, quæ prolixè satis recitavi, constat. Quibus hæc exempla adjicere operæ pretium erit, quod Witekindo Comiti in Sualenberg Comitatum Waldeccensem hæreditario jure Carolus M. concessit & Equiti cuidam ob merita dedit Comitatum Gleichensem seu tractum terrarum ad 20. milliaria in longitudine & 10. in latitudine in saltu Thuringico positum, & haud dubiè tunc parum cultum, cum jure fodinarum & oppidis Glichow & Asck, quemadmodum, ut ipse Imperator ait (apud Goldast. Constit. Imp. Latin. fol. 17.) *ea ad nos ex obitu viri nobilis Sichardi Domini in Glichou pervenere*; unde manifestissimum est, Dynastiam hanc in Gleichovv, ipso Carolo anteriorem fuisse, extinctaque familia priore jure Feudi ad Dominum rediisse videri, qui rursus alteris dedit, & miserè labie eos, qui Duces & Comites à Carolo M. primum institutos, & sub Ottonibus vel occasione



alione textus juris Feudalis, ) à Conrado II. primum hæreditarios factos putant. Ego ex Historiarum monumentis persuasissimum habeo, Germaniam jam Carolovingiorum temporibus, imò & paulò ante, planè ut hodie, pleam fuisse Principibus & Dynastiis, & familiis illustribus, quarum plurimæ etiam nunc perennant, quæ terras suas hæreditario jure possidebant, nec multum ab hodiernis distabant, nisi quod ob crebros motus ac perpetua bella turbiores essent commutationes, quàm nunc sit, & Reguli res novas molientes sæpè ditioribus ejicerentur. Cum verò post Caroli M. fata divisum Imperium & intestinis motibus successorum agitatum ab Hungaris, Sorabis, Saracenis, Normannis laceraretur, coacti sunt multò magis Cæsares atque Reges, ut non tantum Principatus ac Dynastias, quæ erant, relinquere, sed & crearent novas. Ita diximus Theodoricum Comitem Hollandiæ constitutum contra Normannos, Popponem Marchionem sive limitaneum Comitem contra Sorabos, eadem & Austriæ Marchionum contra Hungaros & Brandenburgicorum contra Slavos tunc origo. Sed & reprimendorum tot hostium causa Franconia, Thuringia, Hassia, Suecia Principes sive Duces extitere. Quorum familias jam tum potentes, & à multo jam tempore stabilitas fuisse necesse est, quoniam Carolina stirpe in Germania extincta, statim de imperio cum Saxonibus sanè potentissimis Ducibus contenderunt.

derunt. Eant ergò, qui sibi veterem Germaniæ faciem fingunt, qualis hodie Galliæ est, & Duces idem fuisse putant, quod nunc *les Gouverneurs des Provinces*; Comites verò idem fortè, quod nunc *les Intendans de justice, finance & police*; quin discant potius liberrimas semper Germaniæ Regionem fuisse, antiquissimasq; familias illustres esse, quæ illis cum territorii jure jam tum præfuere; & quibus hodierni Principes, post multas licet commutationes, servata tamen rerum summa, successere. Duo tantum inter veteres illos & hodiernos potissima discrimina sunt, quorum *unum*, quod tunc Imperatoribus, (quippe ob Episcopatum collationes, & urbes passim proprias, terrasque maximas potentioribus,) facilè erat, armata manu cunctos coërcere, cum hodiè, postquam Principes Cæsarem ex suo numero sumfere & Pax publica (der *Landfrieden*) veteri violentiæ successit, ac Patrimonium Imperatoris dissipatum est, Cæsar autoritate multis legibus circumscripta facilè in Principes expedire arma non possit. *Alterum* est discrimen, quod hodiè personæ Principum, imò & eorum familiæ, judiciis certè criminalibus exemptæ & inviolabiles censentur. Cum olim condemnare Principes, imò Reges Regumque liberos & cognatos in Monasterium, velut perpetuos carceres, relegare tonsos, aut etiam excæcare, novum non esset. Quæ omnia nunc emollitis hominum moribus incognita atque improbata; tantum illud

emanſit, ut ex Feudi lege fidelitas & homagi-  
um præſtetur Imperatori, ſub conditione rever-  
entis in caſum extincti Feudi, & de reliquo Im-  
peratoris & Imperii Majestas, ſalvis Regalibus  
Principum & Suprematu, qualem ſupra expli-  
ci, comiter obſervetur.

## CAP. XIX.

*De præſenti Potestate Principum Germaniæ, de  
Eorum Jurisdictione, legiſlatoria Potestate,  
jure Episcopali aliſque juriſus in ſubditorum  
Perſonas. Item de juriſus Fiſci, aliſq; in ſub-  
ditorum Reſ.*

Ta ergò primas Principum Germaniæ origi-  
nes à vana eorundem opinione vindicavimus, quæ  
Magiſtratibus paulatim terrarum Dominos  
utant factos, cum ex primorum Regum &  
Principum ſtirpe plerique orti, aut his optimo  
maximo jure ſucceſſores facti videantur: atque  
quod manifestum ſit, neque Austriacam, neque  
Saxevingicam familiam plerisque ipſorum  
træferri poſſe. Sed nunc, miſſis originibus,  
præſentem eorum poteſtatem atq; dignitatem  
breviter explicare, operæ pretium eſt. Potestas  
Principum oritur vel ex jure Suprematûs, vel  
ex jure Statûs Imperii. Nam ut *Autocratores*  
ſubſtitutiones regunt, ut *Statûs Imperii* commu-  
nibus negotiis interveniunt, & ſuffragio ſuo  
quicquid in magno illo corpore poſſunt, quod  
Europæ fata circumagitur. Idque non eſſe eni-

guum, vel inde patet, quòd jus suffragii Comitialis Suecia obtinuit, Gallia ambivit. Sed nos de illis primum dicemus, quæ ex jure Suprematûs manant. Dixi supra, *Jus Suprematûs* sive, ut quidam vocant, *Autocratiam* consistere in summa imperandi, coërcendi, & ditionem aliquam insignem armata manu continendi potestate. Hoc jus est universitas quasi quædam, seu aliorum jurium, sive, ut vocant, Regalium aggregatum, cujus hæc est vis, ut plenum in omnia jus competat, quæ non disertè excepta sunt. Quemadmodum Dominium omnem in rem tribuit facultatem, quæ non certâ quâdam exceptione, ut servitute, locatione, oppignoratione, lege, adempta est: & hæreditas plena in jus defuncti successio est, tametsi fortè Legatis Fideicommissis aliisque oneribus minuatur. Porro quemadmodum Anima suas habet facultates, & si Peripateticis credimus, forma substantialis suas habet qualitates ex intima ejus natura emanantes; ita *Suprematus* suas habet vel portiones, vel potius consequentias atque facultates, quas Jurisconsulti subinde *Regalia* appellant, (tametsi non ignorem, arctius aliquando sumi hanc vocem) quæ à Principibus liberè exercentur, quando non pacto aut consuetudine ultra hominum memoriam porrecta prohibentur. Hæc jura distingui possunt in ea, quæ vel solo ad ipsam ditionem relatu, vel quæ respectu exterorum competunt; sive, si cum Schola loqui volumus, in *immanentia* & *trans-*



*confeuntia* : priora sunt vel ratione personarum, vel ratione rerum. *Ratione personarum*, nempe subditorum, jus habent Principes tunc imperandi, sive jubendi, tunc ad imperata facienda cogendi, quod, ut supra definiveram, hodie uno verbo *jurisdictio* appellatur. Atque hoc illis sine discrimine competit in omnes, qui domicilium habent; hi enim subditi censentur, nisi aliqua eos ratio eximat, quales sunt ecclesiastici apud eos, qui Ecclesiam Romanam agnoscunt Magistrum suarum Ecclesiarum: quanquam & in hos levis quædam coercitio sit concessa; nihil enim vetat capi Ecclesiasticos, de loco in locum transferri, ut nocere prohibeantur, in quo pari sunt conditione cum cæteris etiam juris gentium privilegio munitis, illustribus scilicet viris aut Legatis, in nostro territorio periculosa machinari compertis. In imperio autem placuit, ut criminum admissorum causa unus Princeps alterius quoque subditos in loco delicti punire possit, neque remissio ad Dominum necessaria sit. In hac ergo judicandi & cogendi potestate consistit *jurisdictio*, quam hodie in *altam* & *bassam* dividunt. Quod deò verum est, ut nullo modo subditi in alienum territorium, ac ne quidem ad Cæsarem, ut Cameram avocari, ac primæ, ut vocant, instantiæ beneficio privari possint; & quanquam in civilibus judiciis receptum sit, ut ad constituta quædam in imperio tribunaia proceatur, in publicis tamen judiciis, sive, ut vo-

cant, criminalibus causis, appellatio nulla est, & Imperii Principes sine provocatione judicant; idem est in matrimonialibus: & explosa hodie eorum sententia est, qui putabant, (inducti verbis quibusdam Speculi Juris veteris Suevici) Cæsarem alicujus Principis ditionem ingressum aliis omnibus jurisdictionibus præsentia sua silentium imponere, quemadmodum ad solis lucem stellæ disparent. Qui error exinde ortus est, quod Cæsari honoris causa amplissima quæq; in transitu concedi solita sint etiam ab exteris, quemadmodum ex illis honoribus patet, qui Sigismundo Imperatori in Gallia sunt habiti, volente Rege, ut etiam jurisdictionis actus exerceret, quod non plus efficit, quam solenne est, ut Præfectus Vigilum à Principe quodam extero, aut etiam Legato extraordinario, (jussu aut permissu Principis sui) tesseram militarem petat: quanquam non negem, Cæsari à Principibus longè majora quàm exteris, aut ab exteris deberi, & Cæsarem esse jurisdictionis fontem & caput. Sed quoniam alta pariter & bassa jurisdictionis alicui inferiori communicari, imò & ab aliquo jus Suprematûs habente quodammodo abdicari potest, ideò notandum est, salvam nihilominus manere Superioritatem territorialem, cui à parte subditorum respondet *subjectio*, cujus nota Homagium est seu juramentum Subjectionis. Nam Dynastæ minores, qui in alicujus Principis territorio *subditos jurisdictionales* habent, altam-

Itaque & bassam jurisdictionem possident,  
non ideo homagium sive *subjectionem* exigere  
possunt. Subjectio autem in eo consistit, ut sub-  
ditus Principi suo id omne præstet, quod salva  
conscientia & recepta in Imperio hominum li-  
berorum conditione præstare potest. In quo  
reverentia atq; cultus, fidelitas, auxilium atque  
consilium (des Herrn Nutzen fördern und vor  
Schaden warnen) servitiaq; personalia cōtinen-  
tur. Certum est enim, officium esse subditi non  
tantum, ut nihil moliat, quod domino dam-  
nosum sit, & ut dominum admoneat de malis,  
quæ ipsi imminere deprehendit, sed etiam, ut  
in casu periculi ipsemet ei contra vim succur-  
rat, etiam non sine periculo suo. Nam cum  
periculum nostrum abest, succurrere non tan-  
tum domino, sed & cuique hominum debe-  
mus. Præterea, si quid Domini jussu fiat, etiam  
injstè, modo non de vita ac salute sua agatur,  
subditus opponere se per vim non debet.  
Quamquam autem Dynastæ minori, qui in  
Principis cujusdam territorio rusticos quos-  
dam subditos habet, quædam juris hujus simu-  
acra competant; manifestum est tamen, eum  
simul cum suis rusticis Principi suo subditum  
esse, & statim à Principe coërceri posse, armata  
etiam, si opus, manu. At vero, inquires, vi-  
cissim Principem cum suis subditis eadem erga  
Imperatorem & Imperium conditione esse, qua  
Dynasta quidam, ei subditus, est erga ipsum.  
Respondco nullam esse comparationem, quia

Princeps non uni, sed toti corpori, cujus ipse membrum est, fidem quandam potius, quam subjectionem plenam debet, nec nisi post multiplices deliberationes, nec nisi bello illato, cujus anceps alea est, coerceri potest, etiamsi justè coerceatur. Porro ex hac Principum in subditos potestate pendet etiam Jus *condendi leges ac statuta*, quorum communia etiam imperii tribunalia rationem habere debent, modo ipsis communicata sint sive rite innotuerint. Huc pertinet jus constituendi pondera & mensuras, cudendæ monetæ, de quo & postea, constituendorum judiciorum, Tribunalium atque Magistratuum, indicendorum Conventuum Provincialium, jus habendi Archivi, quod fidem scripturæ publicæ facit, jus constituendorum Archigrammatum seu Scribarum Publicorum, quibus non minus ac tabellionibus Cæsareis vel Apostolicis in iis rebus, quas in loco ipsis assignato agunt, credi par sit: jus infamiæ abolendæ, jus aggratiandi, ut appellant, id est poenam remittendi, jus concedendi veniam ætatis, relaxandi juramentum ad effectum agendi, jus concedendi privilegia, atque dispensandi à quibusdam legibus civilibus, tum jus arrestandi, ut vocant, sive in custodiam dandi, aut in carcerem conjiciendi, jus arma imponendi, in centurias describendi, lustrandi, jus excubiarum exigendarum, jus sequelæ tum angariæ ac parangariæ, & quicquid his simile aut connexum est; denique ad jura in personas sub-



bditorum refero *Jus Ecclesiasticum*, quod alii  
 Diocæsanum vocant, alii Episcopale, quo  
 ut Protestantes omnem Episcoporum juris-  
 ctionem per sua consistoria exerceant, ordi-  
 nationes, censuras, excommunicationes, judi-  
 cialia matrimonialia, Ecclesiarum erectiones ali-  
 que fundationes, denique jus introducendi  
 in suis terris exercitium cultus alicujus  
 imperio permitti, salva subditis conscien-  
 tiæ libertate. Quæ in res competunt Prin-  
 cipi, ea sunt vel in res nullius, vel in res subdi-  
 torum. *In res nullius*, cum jure scilicet alios ab  
 illis acquirendis excludendi. Talia sunt jus  
 luminis publici viæque regiæ, jus venationis,  
 piscationis, jus in habita pro derelicto,  
 jecta à mari aut fluvio, quorum Dominus  
 ignoretur, in thesauros (quos alicubi Dominus  
 cum inventore partitur) jus in hæreditates va-  
 cuas & caducas, jus alluvionis, insulæque in  
 flumine natæ, Dominium sylvarum & saltuum,  
 in quorum possessionem nondum quisquam  
 venire venit, denique jus fodinarum & salinarum.  
*In res subditorum* Principi sive territorii Domi-  
 no competit jus redditus cujusdam perpetui ac  
 certi, quem ex suo constituere Principi cuilibet  
 debent Subditi protectionis causa, ut pro di-  
 gnitate se, familiamque, & ministros necessariæ,  
 ad continendos in officio homines, vimque  
 etiam externam propulsandam, potentia su-  
 stentare possit. Deinde jus extraordinariorum  
 subventionum, jus indicendi tributa, sive col-  
 lectan-

lectandi, sive viritim, sive jugatim, sive pro facultatum modo; tum jus imponendi vectigalia certis rebus, ut carni, cerevisiæ, vino, quæ vulgò vocant *Ungelt* / (ut *Unmenssch* / *Unthier*.) Jus detrahendi decimam aliamve partem illis, qui piscantur in publico, quive aliquas in fodinis metalli venas exercent, qui terras novales primum colunt, qui ditione excedunt, quod vulgò jus detractationis sive *Ubschuß* / *Nachsteuer* vocât, jus fisci in bona damnatorum publicata, ac jus in relictâ, quæ ut indignis auferuntur, jus metatorum (*die Einkünfte*) jus aperturæ, in omnibus subditorum donibus etiam munitis, denique, ut verbo dicam, *Jus Domini Eminentis*, ut quidam post *Glorium* appellant, quod publicæ necessitatis ratio in subditorum bona quævis habenti *Suprematum* dedit.

## CAP. XX.

*De Potestate Principum non tantum in Subditos, sed & extra territorium se porrigente. Item de Jure Principis Imperii seu Status, quo pertinet jus Suffragii in Comitibus, quod non tacitis calculis peragitur, sed plurimum hinc ratio & autoritas potest.*

**T***Ranseuntia in alios, atque extra territorium porrigentia sese Principum jura sunt jus belli & pacis, jus foederum, jus exercitus habendi, munimenti struendi, armamentarii adornandi, jus repressaliarum in eos, qui imperii membra non sunt, retorsionis in eos, qui Albinagii*  
*jure*

re utuntur, id est in eos, qui extraneis successiones apud se obvenientes auferunt, jus vectigalium constituendorum pro transitu, modo his alia imperii membra non onerentur, nec nix exterorum lucra circumscribantur, jus innoti transitus per alienum territorium petendi, is interveniendi tractatibus generalibus, & conciliis, quibus res Christianorum publicatur, jus mediationis offerendæ, arbitrii suscipiendi, garantiæ promittendæ, jus oppressis etiam exteris subveniendi: tum dignitas ipsa, et locusque inter Christianos Principes debitus, & s familiæ illustris, & personæ inviolabilitas. Sed quoniam omnia ista paulo propius pertinent ad jus Legationis, cujus causa hæc à nobis suscepta tractatio est, ideo paulo post distinctius explicabimus tum jus belli, pacis, foederum & quæ huic connectuntur, tum ipsius Principatus familiæque ac personæ dignitatem, ubi prius attigerimus ea Principum jura, quæ ratione ipsius Imperii cæterorumque ejus statuum continentur; ut scilicet partitionem nostram supersitam absolvamus. Nimirum Princeps, sicut Imperii Status est, tum quibusdam juribus ornatur, tum oneribus astringitur; sed onera nos postea attingemus, cum objectionibus respondendum erit, quas aliqui à Principum imperium obligationibus sumunt. *Jura principis ac statûs in Imperio* hæc sunt: ut Imperium ipsi auxilium ac protectionem debeat contra quemcunque; constitutum est, ut alia Impe-

Imperii membra, sive, ut vocant, Constatus, quas cum ipsis habent controversias, non manu, sed jure finire cogantur, & à renitentibus ope communi & totius Imperii viribus extorqueri jus atque æquum possit; ut Garancia, quam exteræ Coronæ per Instrumentum pacis debent, ipsis quoque profit; ut ipsi eorumque subditi privilegiis civium & omnibus nationis Germaniæ beneficiis fruantur; ut, tanquam summæ in Imperio potestatis participes, in Comitibus Conventibusque Circularibus (ut de Deputationibus extra ordinem factis nihil dicam) interveniant, & in nonnullis, ubi unanimi consensu opus est, sententiam ipsis gravem suspendant, in aliis suo suffragio aliquid afferant momenti ad deliberationis summam. Neque enim putandum est, rē in Comitibus agi, ut in Venetorum deliberationibus, ubi taciti senatores, de re publica rogati, tantum calculis respondēt, quorum autorem nemo agnoscat: Unde fit, ut illic magis numeri ratio habeatur; in Comitibus verò nostris non tantum numerus vim habeat, sed & frequenter autoritas potentiaque suffragantis, tum sententiarum atque rationum pondus, totum negotii eventum mutant. Nam sæpe infirmiores sententiam animi explicare non audent, donec aliquis potentior fiduciam præeundo fecit. Et magni Principes, etsi non nisi unius alteriusque suffragii jus habere videantur, tamen facile vicinos minoresque & affinitatibus illigatos, aut beneficiis atque studiis obno-



noxios in partes trahunt. Unde potentio-  
 stujusdam familiæ, qualis est Brunsvicensis  
 ut Hassica vel Wûrtenbergica, suffragium  
 non minoris in Comitibus ponderis esse arbi-  
 tor, quàm alicujus Electoris, tametsi in speci-  
 m septem Electores cæteris Principibus omni-  
 us æquivalere videantur, de quo plura infra  
 cap. 40. Porro in Comitibus potentem esse, res,  
 et supra dixi, non est parva. Idem est enim ac  
 otentem esse in Confessu aliquo generali tot  
 agnorum Principum, quorum consensus  
 lurimum ad totam Europæ faciem mutan-  
 am potest, in quo non frustra jus suffragii  
 ueci sibi quæsiere, quod & Galli nuper, su-  
 erioris negligentia vel superbiæ poenitentes,  
 mbière.

## CAP. XXI.

*Competit ipsis jus Armorum, olim inter ipsos quo-  
 que; hodie post Pacem publicam tantum er-  
 ga exteros, modo non ita ipsum Imperium bel-  
 lo periculoso implicetur. Hoc jus confirma-  
 tum in Instrumento Pacis, Et in §. & ut eò sin-  
 cerior, approbatum à Gallia, cum ipsa promise-  
 rit, se singulorum Statuum arma toti Imperio  
 non imputaturam. Consultissimum est tamen  
 cum Cesare communicari, quando rei Conditio  
 patitur.*

**P**Romili jus Belli, Pacis, Fœderum, quod  
 Principibus Germaniæ competit, explicare  
 paulo

paulo distinctius, idque nunc aggredior. Jus belli olim Principibus Germaniæ in externos competiisse, dubitari non potest, quoniam ante constitutam sub Maximiliano I. Pacem publicam (den Land-Frieden) competebat ipsis inter se. Nam *Et privatis* licebat controversias ferro dirimere, ut ille plus juris habuisse videretur, qui vicisset. Erat species probationum vulgarium jure Canonico improbatarum; nam paulo ante monomachiam solenni ritu invocabatur Divinum Numen, ut illi faveret, qui iustius arma induisset, quasi scilicet deessent iudicia ac Magistratus. Quid Domini facient audent si talia servi, itaque plena omnis Germanica Historia est bellorum, quibus se mutuò Principes impetiere. Cæsare tum demum in partes tracto, cum favebat alterutri, vel rerum Imperii summa verti posse videbatur. Idque vel ex ipsis Imperii Constitutionibus paulo vetustioribus apparet; nam Friderici Constitutio de Pace tenenda, quæ in collectione Feudorum extat, tantum ex Cujacii sententia annalis fuit, & Constitutiones Rudolphi, & Wenceslai apud Lehnmannum, fuere, illa triennalis, hæc decennalis, quemadmodum alia Friderici III. ann. 1471. quadriennalis, quæ exstat apud Goldastum. Aurea bulla Caroli IV. tit. 17. de Diffidationibus, cum universas ac singulas guerras litesque injustas prohibuisset, postea indicendis atque gerendis justis bellis præscripsit modum. Idem

fecit Constitutio Francofurtensis anno 1442. promulgata à Friderico III. quæ Carolinam confirmat, quanquam ipsa Carolina ex vetustiore alia descripta videatur: addita tantum subinde limitatio est, ut prius iudex de reddendo jure compellaretur, nec, nisi denegata justitia, ad arma quisquam profiliret, ut legitur in nonnullis Constitutionibus Friderici II. & Friderici III. apud Goldastum; sed hoc nec in Aurea Bulla præscriptum & parum observatum. Ea-que fuit facies Imperii, donec Maximilianus I. Wormatiæ anno 1495. Constitutionem de Pace Publica perpetua lege sancivit, & postea, quo securitati publicæ mutuis Ordinum cōturbatores auxilii consuleretur, Imperium in circulos descripsit. Accessit constitutio Regimenti seu perpetui in Imperio Consilii, sub eodem Maximiliano, quanquam hoc sub Carolo V. rursus abolitum fuit. Sed sublato jure belli inter Ordines ipsos gerendi, non ideò sublato videtur jus inferendi bellum exteris, si modo sit justum, & injuriæ vindicandæ rerumque recuperandarum causa susceptum, neque imperio periculum creare possit. Cum enim Imperium Ordinibus defensionem debeat, ac sine suo detrimento ne denegare quidem possit, ne derelicti ab Imperio avellantur; ideo manifestum est, bellum Imperio periculosum Principes exteris inferre, recte prohiberi, nullo Suprematûs detrimento. Nam & vicinum Regem, ne bellum nobis periculosum alteri

cuidam inferat, impedire possumus. Hoc periculum si absit, pro certo habendum est, plenam esse Principibus belli justı gerendi potestatem. Nec proinde putandum est, Imperatoris consensum ad omne bellum esse necessarium, cum ordinatio Cameralis part. 2. tit. 15. & Recessus Imperii Augustanus anni 1555. §. *wo sie aber. disjunctim aut consensum, aut causam sufficientem atque in confesso positam requirant.* Et verò jam dudum fuit receptum in Imperio, ut Principibus, cui vellent, exterorum copias adducere lıceret, quemadmodum scimus, ferventibus olim inter Gallos Anglosque bellis, nunc his nunc illis Principes Imperii affuisse non solos certè, sed validis cum copiis. Et confirmata videtur hæc libertas militandi, ubi libet, Recessu Spirensi 1544. §. *und wiemo ihr / & alio Spirensi 1570. §. denselben wir an sänglichen / Recessu Augustano 1582. §. ferner obwol im Heil. Reich.* Et Chytræus refert Joannem Guilielmum Ducem Saxonię Gallię anno 1558. adduxisse 3400. equitum non certè contemnendam manum. *Jean Guillaume Duc de Saxe a esté en France au service du Roy Henry II. avec quatre mille chevaux & puis au service de Charles IX. avec cinq mille chevaux Castelnau liv. 6. de ses Memoires.* Quin & postea Johannes Casimirus Bipontinus exercitum non exiguum Reformatis Gallię adduxit, neque Cæsareis mandatis retractus est ab expeditione. *Urbes Hanſæ Teutonicæ grave contr.*



Ericum Sveciæ Regem gessere bellum , consensu cujusquam neque impetrato, neque quaesito : quod tamen non eò dico , ac si his urbibus jus Suprematûs tribuam , nam nonnullæ ex illis ne liberæ sunt quidem : Liberæ autem Imperii Civitates habent quidem jus Superioritatis territorialis , non tamen jus Suprematûs , ut supra distinxî; quia nec dignitatem Principum habent, nec per se exercitum conscribere, atque in suo alere possunt. Fœdus autem plurium urbium potuisse bellum suscipere singulis Suprematum non tribuit ; Exemplum ergò earum ideò tantùm adduxi , ut jus armorum in externos exemplis non improbatis asserem. Porro res Instrumento Pacis Westphalicæ in clara satis luce posita videtur , ex duabus inprimis capitibus. Nam in §. *gaudeant* , qui in Svecicis non minus ac Gallicis articulis exstat, manifestè Ordinibus jus datur Fœderum cum exteris ; Fœdera autem sive ad inferendum sive ad propulsandum bellum inita, certè ad arma, si opus sit, expedienda , ac mutua auxilia referuntur. Alter est locus longè adhuc expressior in tabulis pacis Germano - Gallicæ , ubi post stabilitam inter Imperium & Galliam de mutuis hostibus non juvandis obligationem reciprocam caveatur , ut nec Imperium, nec Status singuli Circulo Burgundico , quamquam Imperii membro, durantibus bellis tunc verrentibus, auxilia ferre possint , sed in futurum ( qui casus evenit ) pacificatione comprehensum fore , extra ipsum

verò seu extra Imperii fines non licere Imperio se bellis inter Galliam & Hispaniam recrudescantibus immiscere ; nec Gallis fas esse Imperii hostibus assistere , aut Imperii foederatos invadere. *Singulis tamen Statibus liberum esse futurum, huic illive regno (etiam extra Imperii limites) suppetias ferre, non tamen aliter quam secundum Imperii Constitutiones.* Unde, (tamen si aliàs litem hanc non faciamus nostram) manifestissimè patet , singulis Statibus Imperii, jus Suprematûs seu exercitûs alendi facultatem habentibus, jus esse belli in externos, cùm vel Hispanis contra Gallos, vel Gallis contra Hispanos impunè se conjungere possint , Cæsare & Gallia in tabulis pacis hoc permittentibus. Nec verò hic locus distinctionem inter *bella offensiva & defensiva* recipit, neque eludi potest , ut alii textus solent , quasi libertate Germanorum militandi ubilibet intelligatur potestas , quæ privatis, aut etiam Principibus competit, velut privato nomine aliquot militum turmas adducendi. Disertè enim dicitur, Imperii Statum suppetias ferendi habere ; unde certè sequitur, Principem aliquem regnantem ex sua ditione validam militum manum in externos ducere posse. Aliud enim profectò , suppetias ferre velut Statum sive Principem, aliud, centurionis aut tribuni, aut etiam Ducis ritu velut privatum alteri militare, quoniam aliud est foederatum, aliud ministrum esse ; & aliud est subsidia , aliud stipendia accipere. Porro ex hoc

pacis

pacis Gallicæ articulo id certè obtinemus, ut  
 Gallia vel Hispania vindicare nequeat, si quis  
 Imperii Principum contra ipsam pro altera ar-  
 metur, neque ideò Imperium invadere jure  
 possit; quoniam hanc illis libertatem ipsamet  
 salva pace inter Galliam Imperiumque conces-  
 sit. Quod autem additur, Status suppetias ex-  
 teris Principibus ferre quidem posse, sed salvis  
 tamen Imperii Constitutionibus; id minimè  
 turbat, neque enim ita intelligi debet, ac si con-  
 sensu Imperii opus sit; imò absurdum esset,  
 rem sic intelligi; ita enim perindè esset profe-  
 ctò, ac si Imperium illi se hostem profiteretur,  
 in quem arma hac ratione, licet per certum tan-  
 tùm Principem gerenda, quodammodo solen-  
 niter decerneret; sed intelligi debet, Principes  
 suppetias ferentes curare debere, ne quid Im-  
 perium inde detrimenti capiat, & ad constitu-  
 tiones de militibus per aliorum Principum di-  
 ctiones ducendis servandas obligari. Concesso  
 igitur Principibus armorum non domestico  
 tantùm in subditos refractarios, sed & in exte-  
 ros jure, utique manifestum est, concedi & jus  
 agendi delectus, armamentaria & bellicum ap-  
 paratum habendi, propugnacula atque muni-  
 menta struendi, jus transitus innoxii per alie-  
 nas ditiones, quæque alia ex belli jure conse-  
 quuntur. Cæterum cum Cæsare ipso ante o-  
 mnia saltem secretò communicare, tutius sem-  
 per ac prudentius esse arbitror, quando rei con-  
 ditio patitur.

## CAP. XXII.

*Jus Fœderum primum inter se. Locus Aureæ Bullæ. Cum Gallia & aliis. Utilitas eorum. Fœdus Rhenanum.*

**J**us Belli ac Fœderum ita connexa esse, manifestum est, ut cui unum conceditur, alterum negari non possit: itaque, quæ uni probando serviunt, etiam alteri accommodari possunt. In ipsa Germania jam olim sæpe inita Fœdera, manifestum est. Nota sunt fœdera Svevicum, Simalcaldicum, Unio, Liga. Addi potest ipsa Hansa Teutonica Germaniæ inferioris, & Fœdus Moguntiaë olim initum inter civitates Germaniæ maxime superioris, ut se suaq; itineraque in primis commercia contra nobiles aliosque, qui vias publicas infestabant, tunc tuerentur. Et in Aurea Bulla Caroli IV. Cap. XV. §. 2. post confœderationes (privatorum, scilicet) improbatas subjicitur: Illis Confœderationibus & Ligis duntaxat exceptis, quas Principes & Civitates ac alii super generali Pace Provinciarum atque terrarum inter se firmasse noscuntur; illas enim nostræ declarationi specialiter reservantes in suo decernimus vigore manere, donec de his aliud duxerimus ordinandum. Ubi notandum, Imperatorem quidem loqui, sed tamen suo pariter ac Statuum haud dubiè nomine; Sanctio enim hæc pragmatica fuit. Fœdera cum exteris innumeris exemplis comprobantur. Me-

mini



nini, ait Bodinus, quadraginta septem Fœderum, in quæ Reges nostri Philippus V, Carolus V, VI, VII, Ludovicus XI. cum Germanis Principibus coiērunt, quibus se auxilio futuros adversus omnes, excepto Imperatore ac Rege Romanorum, spoponderunt. Hæc Bodinus. Idem lib. I. cap. 7. memorat Fœdera civitatum & Principum Germaniæ cum Regibus Daniæ, Sueciæ, Poloniæ superiore seculo contracta, quod si jam tantus ad Ludovicum usque XI. fuit Fœderum numerus, quid postea factum putabimus? Nam Fœdera Smalcaldicum (quod cum Regibus Galliæ Angliæque tractavit) & Chamborticum (cum Mauritio Saxone initum, cuius caput fuit ipse Rex Galliæ) nemo sanè ignorat. Unioni accessurus erat Henricus IV. & Halam Suevorum anno 1609. Legatum ejus rei causa ad Conven- tum Fœderatorum miserat, sed ingentia ejus destinata mors interceptit. Sed (inquies) aliud est, quid factum, aliud, quid jure factum sit, quærere. Respondeo, ex facto sæpe permisso, quod juri divino atque naturali contrarium non est, multa repetitione jus fieri solere. Certè ipsa possessio libertatis magnam vim habet, quoniam probationem transfert in adversam partem, sed nec Juris ratio desideratur. Equidem si bene constituta esset nostra Respublica, si in subitis periculis aliquid ab Imperio opis esset, si infirmi à potentium oppressionibus legum auxilio tuti essent, periculosus remediis,

qualia non nego fœdera esse, extra ordinem non esset opus: Nunc in tanta rerum omnium perturbatione, quis non videt, quod aliquam adhuc Rempublicam habemus, fœderibus deberi? Ita olim, fœderibus inter aliquot Imperii Ordines initis, repressi sunt turbatores Publicæ Pacis, eversa prædonum castella, atque fundamenta jacta sunt illius Imperii formæ, quæ sub Maximiliano primo constituta hætenus duravit. Fœderibus obtenta est pax Religionis, fœderibus libertas Germanica contra nimia affectantes Hispanos asserta est, & nunc, ipso Cæsare annitente fœderibus initis, obviam itur formidabili potentiæ vicini nostris cervicebus imminenti. Ipsum Fœdus Rhenanum toties culpatum atque defensum Germaniæ magis quam Galliæ profuit; nam laboranti Hungariæ iusto exercitu subventum est à Fœderatis, cum tardè armaretur Imperium, paratas copias habentibus, quæ in prælio ad S. Gothardum egregiam Reipublicæ operam navavere. Itaque rectè ab eruditissimo quodam viro scriptum est: *Quoniam vinculum Reipublicæ nostræ nimis laxum est, ut Imperii tutelæ firma satis fiducia innitti non possimus, instar secundæ navigationis est, exterorum ope securitati prospicere. Quemadmodum igitur medicina sano quidem corpori nocet, agro autem necessaria est; sic fœdera illa cum exteris quasi emplastra quædam languidæ Reipublicæ censenda sunt, quibus, si illa rectè constituta esset, abstinendum foret.* Hæc

ille

lle. Sed non est opus, ut rationibus defendamus, quæ Sanctione Imperii pragmatica probantur; res enim Instrumento pacis Westphalicæ §. gaudeant. extra controversiam posita est, ubi hæc extant verba: *Cum primis verò jus faciendi inter se & cum exteris Fœdera, pro sua curæque conservatione ac securitate singulis Statibus perpetuò liberum est, ita tamen, ne ejusmodi Fœdera sint contra Imperatorem, & Imperium, pacemque ejus publicam, vel hanc in primis transactionem; fiantque salvo in primis juramento, quo quisque Imperatori & Imperio obstrictus est.*

## C A P. XXIII.

*Jus Fraternitatis seu Societatis Principibus nostris cum aliis Suprematum habentibus Regibus aut potestatibus intercedit, ut in rebus Christianorum communibus ac conventibus ipsorum aut Ministrorum apparere debet. Testimonium Henrici II. Galliæ Regis. Dignitas nostrorum Principum. Domus eorum Imperatoriæ, Regiæ, Regiis illigatæ, nobilitatis vetustate non cedentes. Arbitria, Mediationes, Garantiæ ab iis exercitæ etiam erga Coronas.*

**Q**Uicunque jam jus Belli, Pacis Fœderumque habent, quique exercitum alere & magnis rebus intervenire possunt, uno verbo, qui Suprematum habent, illis competit *Jus Fraternitatis* cum cæteris Europæ morationis Potestatibus; quo jure illud in primis continetur,

ut alter alterum velut æqualem (longo licet potentia intervallo) atque socium colat, ut alter dignitatis alterius rationem habeat, ut velut habeantur pares ejusdem Curia, in illa communi Christianitatis Republica, cujus certè caput est Ecclesiæ Generalis Advocatus Imperator. Ideò scimus Principes Germaniæ ad Concilia misisse Legatos, in Constantiensi non tantum Bavariæ Ducis, nondum tunc profectò Electoris, Oratores intervenisse, sed & (ne quis de charactere dubitet,) in Tridentino Veneris cedere diu noluisse, Florentino & Helvetio potio-rem fuisse. Olim cum cruce signaretur potentissimus quisque Christianorum, & in Palæstinam expeditiones susciperentur, tunc Germaniæ Principes pari cum Regibus jure usi sunt, & caro stetit Richardo Angliæ Regi, quod Austriæ Ducem, nulla tum præ aliis Germaniæ Principibus dignatione eminentem, nescio qua injuria affecisset: nam, cum terra domum reverteretur, in Austria captus ingenti pecunia libertatem redemit, unde Viennæ muros structos ajunt. Nunc quoque certum est, Germaniæ Principes etiam Mediatores, ut vocant, sive Pacis Conciliatores esse posse, belligerantes inter Reges; imò & Garantiam sive securitatem paciscentibus rite præstare. Nam ad triplex foedus, quod propriè Aquisgranensi Paci stabiliendæ initum erat, consentiente Gallia, omnes Europæ potestates, ne quidem Germaniæ Principibus exceptis, invitari fas



i fas erat; cum & legatos aliquot Germaniæ  
 Principum, urgendæ pacis causa missos, Galli  
 naud gravatè audiverint. Et aliàs Legati Gal-  
 lici sæpe professi sunt, paratum esse Regem  
 eum, Electorum ac Principum iudicio mul-  
 tum deferre, Francofurti imprimis, cum Ele-  
 ctionem differre sperarent, tractatione inter-  
 cecta. Et Rex Christianissimus consenserat,  
 ut in controversia, quæ illi cum ipsomet Impè-  
 rio intercedit de decem Alsatiæ Civitatibus &  
 Vasallis trium Episcopatum, ut non tantum  
 Sueciæ Rex, sed & nonnulli Imperii Electores  
 atque Principes *arbitri* essent; & cum Impera-  
 tor altero hujus, quod nunc flagrat, belli anno  
 copias versus Rhenum destinaret, eo obtentu,  
 quod Galli nondum Imperii finibus etiam post  
 pactam cum Brandenburgico pacem excessissent:  
 Rex publicè spondit revocare Turenium, si,  
 quos tum nominaverat, Principes de Cæsareis  
 copiis vicissim intra hæreditarias ditiones co-  
 nibendis cavere vellent, quin & paulò ante  
 bellum potentissimæ cuidam Germanorum  
 Principum familiæ ab extranea corona Socie-  
 tas armorum splendidissimis ac pene inviden-  
 lis conditionibus oblata est; sed illis tranquil-  
 itas publica privato compendio potior fuit.  
 Nuper etiam Johanni Friderico Brunsvicensi-  
 um & Lunaburgensium Duci à Rege Daniæ,  
 Electore Brandenburgico, atque Episcopo Mo-  
 nasteriensi, bello cum Suecis implicitis, delata  
 Mediatio est. Et olim cum de iudiciis Belgicis  
 Hagæ

Hagæ tractaretur, Johanninus Præses, Henrici IV. Legatus non tantum Legatos à nostris Principibus in Societatem Mediationis admisit; sed & cum Legatus Hispanicus literas Legatis Regiis tantum (omissis Legatis Electorum & Principum) inscripsisset, effecit, ut hic defectus suppleretur, quod prolixius narratur infra, cap. 59. Post tanta exempla atque præjudicia quis cæterarum Europæ potestatum Germaniæ Principibus societatis, atque, ut ita dicam, fraternitatis honorem neget, postquam eos omnem Suprematus vim complexos constat? Unum tamen adhuc, confessionem ipsius Galliarum Regis Henrici II. è Bodino (lib. 5. cap. 6.) adjecisse operæ pretium erit. Cum enim Germani Principes Legatis ad Regem missis postulassent, ne Albertum Brandenburgicum Pacis publicæ turbatorem protegeret, respondit Rex, se suosque majores Germanis amicos & esse & fuisse antea semper, nec ab Imperii Germanici amicitia & conjunctione unquam potuisse divelli, & quoniam *Principes omnes aut affinitate ac propinquitate, aut certè similitudine ac veluti societate quadam conjunctos esse arbitraretur*, novum videri non debere, si Principem Germanum fortunis ac reb9 afflictis ad se confugientem hospitio dignaretur. Hæc ille. Neque sanè quicquam ad confirmandum, quod dixi de illo fraternitatis sive societatis jure, quod omnes Principes atque Suprematu fruenter inter se connectit, dici potuit expressius

sius atque illustrius. Atque hoc loco nonnulla separatim persequi è re erit, quæ ad dignitatem Principum nostrorum pertinent. Ex illis Imperatores atque Reges sumtos multis exemplis constat. Austriaci, Saxones, Suevi, Luzemburgenſes, (Imperatoriaſtirpes) quid niſi Principes Germaniæ? Fridericus Dux Brunſvicenſis, Imperator contra Wenceslaum nominatus, à Sicariis occiſus eſt. Ex Palatina domo non Electorali, bis Reges Sueciæ dati, olim Chriſtophorus, at noſtro tempore Carolus Guſtavus: quàm parum eadem domus nuper à Poloniæ Sceptro abſuit? Dani Reges ex Oldenburgica ſive Holſatica familia ſumti. Quid Bullionæum memorem Hieroſolymorum Regem, aut Flandros Conſtantinopolitanum Imperium tenentes, aut Sueviæ Duces Siciliæ ac Neapoleos Reges, aut Ottonem Brunſvicenſem Johannæ matrimonio iisdem Regnis imminentem? cum conſtet Auſtriacam familiam hodie Caſtellam, Arragoniam, Neapolim, Siciliam, Hungariam ac Bohemiam complecti & pæne Angliam Mariæ & Philippi connubio tantis opibus adjeciſſe. Porro quid crebrius quàm matrimonia, quibus Imperatoriæ Regiæque domus familiis Principum Germaniæ colligantur? omnia Principum Chriſtianorum ſtemmata huc deſcribenda eſſent, ſi exempla colligere vellemus in re vulgatiſſima: plerique noſtrorum Imperatores aut Reges in Majoribus ſuis numerant. Etiam  
Viduæ

Viduæ Regum, aut Regiorum Principum coronæ destinatorum, nihil de dignitate sua decessisse crediderunt secundis cum regnante Germaniæ Principe nuptiis. Itaque quemadmodum olim Equites, qui Torneamentis admittebantur, (Turnier-genossen) etsi opibus atque honoribus discreti quandam societatis speciem formabant; ita hodie supremæ nobilitatis genus non Reges magis quam Principes nostros complectitur, confuso tot matrimoniis sanguine & eadem sæpe vel certè nihilo inferiore origine familiarum. Nam Galli Capevingii Saxonica Wittekindea origine gloriari sunt. Hispani, Galli, Sueci Reges ortu Germano sunt. Hæc est ergo illa Regum Principumque societas atque, ut ita dicam, Fraternitas, quam toties nominavi, qua fit, ut pari conditione censeantur, nec, si veteres mores spectemus, Rex, Principe, quales nostri sunt, duellum offerente, excusationem personæ habeat; quam tamen Principi ab inferiore provocato jura Heraldica concedebant. Nam quemadmodum Eques non nisi Equiti Turnier-genossen/ ita Princeps non nisi Principi Fürsten-genossen obligabatur. Itaque si quis instituendus esset summarum Europæ potestatum Conventus, Principes nostri pleno jure intervenirent prorsus ut in Torneamentis Equites. Conventus autem hujusmodi erant, ut paulo ante dixi, Concilia, item Expeditiones sacræ, & hodie sunt congressus tractationum pacis alicujus generalis,



neralis, quanquam per Legatos peragantur. Quare Reges dignitatis Principum nostrorum rationem habere debent, velut propriæ, quando specie ambas nihil differre ostensum est.

## C A P. XXIV.

*Tituli: Nos Dei Gratia, non Majestas, sed Serenitas. Dilectio vestra. Frater, consanguineus.*

**Q**Uoniam verò *Tituli*, id est appellationum vel compellationum formulæ, habentur notæ dignitatis, paucis à nobis attingendunt; tametsi sciam, illis per se multum tribui non posse, ac primum ille in omnium oculos statim occurrere solet, *Nos Dei Gratia*, vel simili, quo Germaniæ Principes ab antiquissimis temporibus sunt usi. Nam jam Ottonis II. temporibus quidam Ottho Wasgovix Dux eo fertur usus Anno 977. & Fridericus Sueviæ Dux. Fridericus Barbarossæ Imperatoris Avus ita scribere solitus est: Fridericus, divina favente Clementia, Suevorum Dux & Francorum. Hic vero titulus non nisi illis competit, qui jus habent Suprematus, vel, ut Rebuffus & Chassanæus ajunt, qui superiorem non recognoscunt: Superiorem autem intelligere debemus, qui in ditionibus alterius potestatem habeat manu agendi. Nam alioqui Pontifex atque Imperator suprema sunt Capita Christiani orbis non tantum dignitate, sed & quodam genere jurisdictionis: attamen in ditionibus singulorum

lorum Regum atque Principum extra intrave Imperium nihil movere possunt Regia manu atque vi, sed jure tantum, atque hoc est quod *Suprematum* supra definivi. Porro titulum Dei gratia non nisi *Suprematum* habenti propriè deberi, etiam Bodinus agnoscit; nam Ludovicum XI. narrat Ludovico Minoris Britanniae Duci mandasse, ut eum de suis rescriptis detraheret, & Petrus Aërodius in Rebus judicatis refert, quendam Comitem d' Armagnac majestatis accusatum, quod eadem appellatione uteretur. Principibus autem Germaniae de ea re nec Cæsar ipse controversiam movit unquam. *Majestas* Principibus Germaniae tribui non solet, sed nec Electoribus ac Principibus Italiae. Ita enim more receptum est, ut Regio nomini atque coronae connecteretur, sed, si rei vim spectes, in tantum ipsis competit majestas, in quantum non differt à *Suprematu*. Quare dudum à Jurisconsultis decretum est, in Germaniae Principes committi crimen læsæ Majestatis. Nam, quantum ad appellationem, quid miramur, non tributam illis Majestatem, cum ne Regibus quidem concederetur? notum est enim, Electores atque Principes Regibus scribentes non nisi *Regiam dignitatem* dedisse. Ethodieque Imperator Regibus Serenitatem largitur, Majestatem non æque, ut ex novissimis literis Cæsaris ad Regem Angliæ intelligi potest: Cum contra Angliæ Rex in suis literis Majestatem Imperatori non abnuat.

Nimirum præterquam, quòd Imperator cæteris omnibus dignitate præstat, notabile hîc discrimen apparet inter stylum, ut vocant, sive scribendi formam exterorum & Germanorum. Germani in sua lingua dare Majestatem, credunt inferioris esse, eodem modo, quo apud exteros quoque receptum est, ut Reges ac Veneti Cardinalibus Eminentiam non largiantur, quòd alii faciunt. Majestatem tamen exteri tribuere alteri posse putant sine submissione. Nam Rex Christianissimus Reginae Christianæ, etiam postquam Regno se abdicavit, Regiæ Majestatis appellationem in suismet ipsis literis tribuit, ut ex illis patet, quas Corsici tumultus causa ad eam scripserat. Porro Serenitas Principibus Germaniæ haud dubie competit. Ita scripsit illis Regina Christina, etiam cum adhuc regnaret. Nec Dania abnuic: sed quis abnueret, ubi intellexerit Serenitatem (*Durchleuchtigkeit*) nec à Cæsare Principibus quibusdam negatam. Et cum Maximilianus Archidux à Polonis captus dimitteretur, discedens Regi Majestatem tribuere noluit; itaque alter ab altero Serenissimi appellatione contentus fuit, quemadmodum refert Thuanus; in quo apparet, parem quodammodo conditionem amborum fuisse. Quod attinet titulum *Fraternitatis*, ille Germanorum stylo communis ignotus, nec nisi inter illos usitatus fuit, qui, ut in conviviis nostris solet, hanc velut singularis amicitiae tesseram sumserant. Sed apud

exteris transiit ille in formulam, usque adeo, ut etiam inter Cæsarem & Moscum usurpetur; videturque Gallicum *frere* respondere Germanico *Bruder*. Dilectio vestra: ut hoc Gallis, ita illud Germanis, insolens; utrumque inter pares usurpatum & Principibus Germaniæ ab exteris partim tributum, partim debitum. Nam Rex Sueciæ Daniæque, atque alii omnes, qui Germanicè scribunt, non dubitant Principes nostros appellare *Brüder*. Rex autem Poloniæ, qui Latinè scribit, fratres vocat, nullo Electorum ac cæterorum Principum discrimine; idem fecit Venetorum Dux, regiam licet personam referens, literis ad Lunæburgenses scriptis, cum Republica pro auxiliis gratias ageret. Gallia haud dubiè olim fraternitatem Principibus Germaniæ negavit, quòd ab illis non reciperet Majestatem, sed tantum Regiam Dignitatem: novissimè cum Electoribus quodammodo ita transegit circa pacis Monasteriensis tempora, ut Rex, ab ipsis Majestatis appellatione cultus, ipsis redderet nomen fratris: quo artificio effectum est, ut Principes exemplo Electorum velut tracti, Majestatem darent, nec fraternitatem vicissim stipularentur. In quo Principum nostrorum facilitas apparuit, qui nunquam decorum putavere, contendere de nugis; itaque facilè inducti sunt, ut Reges Galliæ Angliæque Majestatis nomine salutarent, licet ipsi tantum cognatorum appellatione resalutarentur. Quoniam rara ple-

risque



risque eorum cum exteris commercia, & animus  
 ambitione vacuus, rerumque médulla conten-  
 tus, verborum inanitia spernebat. Nunc ubi fa-  
 cilitatem suam verti in ipsos; & argumenta, in-  
 epta sanè, à sua patientia duci vident; credibi-  
 le est, juris impofterum tenaciores fore, nec nisi  
 illis Regum adscripturos Majestatem, qui Sere-  
 nitatem & appellationem fratris reddent. Nec  
 verò est, cur Galli stylum veterem ingerant; cur  
 enim erga Electores & plerosque alios mutave-  
 re? An hoc in sua potestate esse putant, distin-  
 guere eos, qui pari jure utuntur? quicquid in Pù-  
 blicis solemnibus uni conceditur, reliqui ejus-  
 dem conditionis sibi rectè vindicant. Nam  
 cum honor in comparatione consistat, unum  
 Sociorum infra cæteros honorare, est contu-  
 melia afficere. Et quis ferat Magnum Germa-  
 niæ Principem nullis Regibus specie dignitatis,  
 nonnullis nec potentia, cessurum, à Rege appel-  
 lari cognatum (*Mon Cousin*) tantisper; dum  
 quidam Galliæ Domicelli, Regi sine conditio-  
 ne subjeçti, nudius tertius nati Duces, aut Ma-  
 reschalli, cum quibus multi Germaniæ nobiles  
 conditionem non mutant, eâdem appellatione  
 honorantur. Nam, quòd olim Duces Paresque  
 Coronæ cognati Regum appellabantur, non  
 miror; nam erant certè plerisque Regibus san-  
 gvine junçti, ingentium ipsi Regionum Domi-  
 ni, ut Dux Burgundiæ, Neustriæ, Aquitaniæ;  
 Comes Flandriæ, Tolosæ, Campaniæ, quorum  
 hodierni Duces ac Pares ne umbra sunt qui-

dem. Alioqui *Cognati* appellatio perhonorifica est; nec semper superioris ad inferiorem, sed aliquando contrà inferioris erga superiorem; cujus rei exemplum habemus non injucundum ex relatione Legationis nuperæ, quam Baro Bottonius Cæsaris nomine in Moscovia obiit. Nam cum ipse Czarius nuper defunctus Cæsarem fratrem nominaret, filius Czarii (qui nunc regnat) eundem Cæsarem tunc appellavit cognatum, rectè profectò, quippe patris sui fratrem. Porro non habent Galli, cur Cæsaris exemplo utantur, qui Principes Imperii non utique vocat fratres, fateor sanè, sed nec ita vocat Electores. Scimus enim, Electores Ecclesiasticos ab eo appellari *Nepen* nepotes, seculares *Oheim*, Patruos vel potius *Cognatos*, in quo illos Imperium ab aliis Principibus non distinguit, quos etiam *Oheim* / sive cognatos appellat; quare, si Rex Galliæ Imperatoris Exemplum sequi vult, in hac re Principes ab Electoribus non separabit. Sunt alioquin Galli satis in hoc genere largi, & nonnulli, quos Rex Galliæ cognatos vocat, fortè ne Principes quidem Germaniæ hoc nomine dignarentur. Unde apparet Gallorum irregularitas, dum ipsi sibi interea velut rationis, si Diis placet, servantissimi mirè domi plaudunt. Quæ omnia eò dico, ut intelligant, ridiculum esse, veterem sty- lum, cæterorum omnium ratione mutatum, tantum erga Principes Germaniæ servare velle; cum tamen constet, verba, velut nummos, non

non ex prima percussione, sed usu seculi valere.

## CAP. XXV.

*Alie Principum Prærogativæ seu privilegia. Soluti legibus civilibus. Omnem solennitatem suppleant. Veneratio singularis ipsis, eorum domui, statuis, idiographis debita. Personæ inviolabilitas.*

POSTquam potissima executi sumus, quæ reliqua ad dignitatem Principum Germaniæ pertinent, velut per saturam colligamus. Nimirum Principes Germaniæ, quemadmodum omnes illi, qui Suprematum habent, soluti sunt legibus juris privati. Prorsus quemadmodum in Jure Romano passim Imperator dicitur solutus legibus, & in l. ex imperfecto C. de Testamento, dicitur: Lex Imperii solennibus juris Imperatorem solvit. Nec testamenta eorum, nec hæreditates alligantur statutis locorum, quicquid illi dixerint, qui de jure succedendi in Brabantiam disseruere. Valent eorum testamenta mero jure gentium, quemadmodum testamenta militaria facta in procinctu. Et notabile est Caroli Austriaci Marchionis Burgavienlis testamentum, quod sine ullis testibus validum esse, respondit consultum Collegium Jurisconsultorum Tubingense apud Besoldum in consiliis. Valet donatio inter virum & uxorem, Principes. Constitutiones juris commu-

nis, quibus renuntiationes filiarum arctè circumscribuntur, & nonnunquam irritæ redduntur, locum apud Principes non habent. Donationes ab illis factæ insinuatione non indigent, licet quingentos solidos excedant. Plerique jam à decimo octavo ætatis anno obtinent privilegia majorum, quod tempus Electori quoque ad functiones Imperii necessarium est. Neque in Germania uspiam usitatum, ut quisquam simul è tutela curaque exeat, cum contra in Gallia Reges quatuordecennes, ætate majores censeantur. Creditur Principibus etiam injuratis, & in omni actu interventus eorum atque autoritas supplet, quicquid solennibus deest. Committitur in eos læsæ Majestatis crimen, quod in Aurea Bulla de Electoribus assertum Jurisconsulti Germaniæ communi consensu ad Principes cæteros pertinere docent; atque ita in foro servari monent Bocerius & Gigas, qui de crimine Majestatis libellos edidere, & Stammius Assessor Cameræ Imperialis in libro de Servitutibus personalibus, cum Jurisconsulti iidem sentiant, in Cardinales tantum committi crimen perduellionis. Eorum familia domusque peculiari inviolabilitate gaudet, & Consuetudines his, qui pacem Burgensem (den Burgfrieden) abrumpunt, id est, qui in domo Principis vim adhibent, amputationem manus minantur. Sed & statuis Principum atque imaginibus & armis & sigillis, & idio-graphis peculiaris honor, personis autem etiam vene-



veneratio submissa debetur. Ut taceam sacras  
ubique & inviolabiles censerī, de quo Arnisæus  
peculiari libello, de *Persona Principis semper in-  
violabili*: itaque ineptus ille quorundam er-  
ror est, qui sibi ex veteribus quibusdā nā-  
niis persuadent, Principem, in alterius territo-  
rium sine venia intrantem, ejus fieri captivum.  
Bona quoque neque pignorationibus neque  
arrestis subjiciuntur, & successores ex antecesso-  
rum debitis non tenentur, nisi in quantum ipsi  
inde locupletiores facti sunt, aut in rem Prin-  
cipatus versum est. Denique quicquid juris  
atque regaliū sibi veteres Imperatores lege  
Regia sumserē, quicquid nostri temporis ele-  
gantia & cultus ex jure Suprematus ulli Regum  
tribuit, illud omne Serenissimis Germaniæ  
Principibus competere certum est, excepta  
Majestate (quam Imperatori soli deferunt)  
illisque circa quæ communis utilitatis causa  
pactis à jure suo, salvatamen dignitate, re-  
cessere.

## CAP. XXVI.

*Objectiones contra Principum Suprematum. Bo-  
dini, quòd sunt meri & absoluti subditi Imperii,  
seu Comitiorum. Teutoburgii contra Hero-  
montanum Principibus Majestatem proprietri-  
buentem. Vasalli sunt Ligii; homagium, imò  
subjectionem debent. Videntur damnari posse,  
de quo exempla.*

**H**Æc de honore ac potestate Electorum ac Principum Germaniæ sufficienter è multis, qui in promptu erant, pauca & selectiora. Ne tamen una tantum parte audita sententiam ferre videamur, operæ pretium erit producere, quæ contra ingeruntur. Bodinum sanè audire, operæ pretium erit: (Putabam ego quidem antea, inquit (lib. 2. cap. 6.) Principes ac Civitates Imperiales habere jura Majestatis, nec alienis Imperiis aut legibus, sed jure tantum foederis & societatis inter se obligari, sed ab hac sententia discessi, cum propius animadverti, Germanorum conventus summum jus Majestatis habere, nec tantum Principes, sed etiam Civitates, multâ, exilio, proscriptione ac poenarum ac judiciorum acerbitate coercere, quin etiam ipsos Imperatores de Imperio dejicere, ut Adolphum in primis & Wenceslaum; leges autem, quæ in Comitibus Imperialibus feruntur, non modo Principes & civitates, sed etiam ipsum Imperatorem tenere. Jam verò decem Circulares conventus, qui in singulis Provinciis coguntur, Universitatis Comitibus sequuntur, rogationes illuc referunt, leges illinc accipiunt & decretis parent.) Hæc ille. Idem alibi, de capite, fama, fortunis Principum judicandi jus penes Comitibus esse. Et Autor animadversionum in Heromontanum, qui se *Teutoburgium* vocat, vir, ut apparet, doctus, ita inquit: [Heromontanus Principibus Germaniæ propriè dictam vindicat Majestatem, quod ut credam, non-

nondum possum adduci, nec habet, unde me  
eò adducat Heromontanus. Nam potestas in  
territorium quidem Principibus competit,  
non autem vera ac propria notione loquendi  
sumta Majestas. Quandoquidem non modo  
jurant, sed Imperatori & Imperio fideles, sed  
etiam subiectos & obedientes futuros indicant  
hæc verba juris jurandi Treu/ Hold/ Gehor-  
samb und Gemärtig. Absurdus sit, qui hinc so-  
cietatem ac fœdus inæquale exsculpat. Mul-  
tò magis errant, qui censent, Ordines Imperii  
Sacramentum non tam Subjectionis quam  
Fidelitatis Imperatori dicere. Omnium deni-  
que maxima absurditas est eorum, qui credunt,  
solennia Inaugurationis beneficiaræ ( Investi-  
turæ ) moris solum esse, non juris. Quam  
causam malè tuetur noster cum suo Monzam-  
bano.] Hæc Teutoburgius contra Heromon-  
tanum. Et sane nihil vulgarius, quàm ut Prin-  
cipes se Imperatori subiectissimos profitean-  
tur, passimque in publicis Actis appellantur  
dem Heiligen Reich unmittelbar unterthänige  
oder unterworffene Stände/ immediatè Impe-  
rii subiecti Status. Homagii sive Sacramenti,  
quod Cæsari dare solent, formula hæc continet.  
Sie wollen Ihr Kaysersl. Majest. und dem Hei-  
ligen Reich Treu/ Hold/ Gehorsam und gewär-  
tig seyn / auch nimmermehr wissentlich in den  
Racht seyn noch einwilligen oder befehlen / da  
ich was wider Ihre Kaysersliche Majestät oder  
das Reich gehandelt wird in einige Wege / son-  
dern

dern dessen Ehre / Nutzen und Frommen besör-  
berer und ihn vor Schaden warnen. Nec dubi-  
um est, quin Electores Principesque Germaniæ  
sint Imperatoris atque Imperii Vasalli Ligii, id  
est, qui Imperio contra omnes opem debent,  
& in omnibus aliis obligationibus, quas contra-  
hant, Imperatorem & Imperium excipere ju-  
bentur; Vasallos autem Ligios ajunt parum  
distare à Subjectis. Nec aliquid crebrius etiam  
ab Electoribus maximis auditum, quam Impe-  
ratorem esse Imperii caput supremum. Joh.  
Georgius I. Elector illud sæpe in ore habebat,  
Kaiserl. Majestät sey sein rechtmässiges Ober-  
haupt. Unde difficillimè adduci potuit, ut in  
foedera cum exteris consentiret, nec, nisi extre-  
ma necessitate cogente, Gustavo Adolpho ac-  
cessit, & cum primum tolerabilibus conditioni-  
bus potuit, redeundum sibi putavit ad Impera-  
torem inita Pragensi Pace. Nihil olim fre-  
quentius, quàm proscribi Principes sive in Ban-  
num Imperii declarari & spoliari ditionibus.  
Illustre exemplum dedit Henricus Leo maxima-  
ditionum parte exutus à Friderico Barbarossa,  
qui & Hermannum Comitem Palatinum, quòd  
absente Cæsare Germaniam turbasset, canem  
in publico conventu suis humeris portare coë-  
git. Sed & superiore seculo Carolus V. sibi  
licere putavit Joh. Fridericum Saxoniae Electo-  
rem capitis damnare, & ubi vitam interceden-  
tibus Principibus concessit, Electorale decus  
cum parte ditionum auferre, Philippum autem  
Haf-



Hassia Landgravium in vinculis habere. Nec  
ita olim Ferdinandus II. primum FridERICI Pa-  
latini Electoratum in Bavarum transtulit, &  
ademptum Megalopolitanis Principibus Duca-  
tum Friedlandiæ Duci concessit. Ipse Hippo-  
lytus à Lapide, & qui liberrimè in Cæsarem di-  
zere, agnovere tamen, Pares Curia de Princi-  
pum Imperii Vasallorum capite ac fortunis ju-  
dicare posse, quod judicium vocant das Für-  
stenrecht/ & hodie plerique in Comitibus ipsis id  
residere putant. Unde consequitur, subditos  
esse: ut taceam in summis Imperii tribunali-  
bus rectè conveniri mandatis Cæsaris nomine  
emissis, ac sæpè poenalibus & sine clausula (id  
est absolutis neque excusationem obedientiæ  
admittentibus) in officio contineri, & si impe-  
rata facere recusent, secundum præscriptam  
executionis formam Circularium Ducum mi-  
nisterio cogi. Denique manifestum esse vide-  
tur, Electores Principesque Germaniæ Maje-  
statis damnari posse, quæ est vera nota subditi,  
utajunt Jurisconsulti, ex Clementina *Pastora-*  
*lis. vers. rursus non est silentio.* de Sentent. &  
Rejudicata. Ubi Pontifex pro Roberto Re-  
ge Siciliæ rationem reddit, cur ob confœdera-  
tiones ac conspirationes contra Henricum  
Imperatorem, Majestatis damnari non  
possit, cum scilicet subditus  
non sit.

*Aliquid in his Veri. Plus debetur Cæsari, quàm quidam tribuunt. Non videtur tamen vel Ipse vel Imperium Principes capitis damnare jure posse. Quoniam eorum personæ inviolabiles esse videntur. Et ob eam maximè causam merè subditi non sunt. Reges exteri, feudorum nomine, simile Cæsari homagium præstant.*

**H**Æc sunt potissima, quæ paucis & in summa contra Electorum atque Principum Imperii libertatem ac Suprematum dici possunt, in quibus fateor multum esse veri, neque enim ex eorum ego numero sum, qui dignitatem Imperatoris, quæ omnibus imperii civibus sacra esse debet, convellere cupiunt, ut Electoribus atque Principibus adulentur. Tantum solida à speciosis distinguere, tum falsas consequentias ex veris sententiis ductas retere, fas opinor erit, in quo me ita spero versaturum, ut neque ex veteribus næniis præsentia dijudicem, neque tamen ex eo tantum, quod hodie fit, id, quod fieri deberet, colligam. Fateor enim in nonnullis paulo plus Cæsari concedendum videri, quàm Principes atque Electores aliquibus suis conducere putant. Sed hæc uberius explicare alterius est loci. Nunc, ut rem præsentem agamus, ante omnia illud considerandum est, quicquid præcedente paragrapho habetur, in Electores non minus quàm alios Principes dici posse. Nam audivimus Her-  
man-

mannum Palatinum per contumeliam canem  
in comitiis ferre coactum, Johannem Frideri-  
cum Saxoniae Electorem capitis accersitum;  
Fridericum Palatinum fortunis omnibus spo-  
liatum, dignitate exutum atque loco motum,  
& tenuisse Cæsaris Decretum, atque in ipsam  
posteritatem valuisse constat. Neque video,  
quomodo in Principem majora possint exem-  
pla edi. Nihilominus à Regibus hodiè Fratres  
appellatur, & Legatis eorum idem, qui Regiis,  
honor conceditur, ipso nunc Imperatore (quod  
multis creditu difficile videbatur) annuente.  
Quare vinculum, quo Imperio omnes obstrin-  
guntur, aut Electoribus objici debuit, aut nec  
Principibus debet. Deinde, si ipse Imperator  
consensu Ordinum deponi atque in ordinem  
privati vel saltem Principis simplicis redigi  
potest, ut quidam arbitrantur, sequitur tunc,  
etiam contra ipsum lege agi posse; ac proinde  
qui sic rationantur, caveant, ne Imperatorem  
ipsum faciant subditum, dum Principes in hanc  
classem detrudunt, quæ certè & Bodini senten-  
tia videtur, Majestatem esse in Comitiis; sin-  
gulos verò, Imperatorem, Electores, Princi-  
pes, non nisi Magistratus ac proinde subditos  
esse, & in capitis fortunarumque discrimen ad-  
duci posse. Quod ex ipsius Principiis mani-  
festè consequitur; nam Majestatem indivisibi-  
lem esse arbitratur, & mixtam Reipublicæ for-  
mam respuit. Hoc amplius, si Electores Prin-  
cipesque Germaniæ homagio, quod Cæsari  
præ-

præstant, subditi etiam personarum suarum  
ratione fiant, necesse est profectò, etiam Regum  
Hispaniæ, Daniæ, ac Sueciæ personas, Impe-  
rio acquisitas atque subjectas esse, & capitis atq;  
famæ judicium in Imperii Comitibus subire de-  
bere, si quis sit, qui accusare velit. Certum  
enim est, nullum esse planè discrimen inter for-  
mulam Sacramenti, quod exteri Reges, aut  
quod Germaniæ Principes Cæsari atque Impe-  
rio dicunt. Certè Galli simili ratiocinatione  
contendebant, Carolum V. velut Flandriæ Co-  
mitem Galliæ Coronæ non tantum hominem  
ligium sed & subditum esse, neque Imperiali di-  
ginitate ab Electoribus delata ab inviti Domini  
jure eximi potuisse. Idem negabant, eundem  
posse simul esse hominem ligium plurium, neq;  
proinde Carolum V. rectè fecisse, quod, cum  
Comes Flandriæ esset, Neapolin & Siciliam sub  
feudi ligii conditione à Pontifice accepisset. Cu-  
jus rei ratio est, quod homo ligius domino fi-  
dem atq; servitia militaria debet contra quem-  
cunque: neque ideò se totum pluribus obstrin-  
gere potest, neque Dominis duobus servire, qui  
inter se collidi possunt. Unde intelligi potest,  
veteri more multis visum vasalli ligii obligatio-  
nem conditioni subditi affinem esse, & perso-  
nam afficere creditam. Ideò Pontifex Roma-  
nus eam conditionem Regibus Neapoleos &  
Siciliæ tulisse dicitur, ut ne injussu suo unquam  
Coronam Imperialem susciperent etiam dela-  
tam. Et Vasalli olim ipsi venire & fidem dare  
coge-



cogebantur, ejusque rei causa sæpe Reges Angliæ aut Principes Walliæ mare trajicere coacti sunt, ut Ducatus Aquitaniæ, & Pictaviensis atque Monstroliensis Comitatum nomine Sacramentum dicerent. Gratiæ loco habebatur, si Legatus à Domino missus jurantem in fidem acciperet, quod Galliæ Rex Philippo Archiduci Austriæ Caroli V. Patri indulset, missio ad ipsum Cancellario, cui sedenti stans Archidux recto detectus homagium præstabat, paratus ingenua se submittere, nisi Cancellarius contentum se voluntate dicens sublevasset. Dominum autem procuratores à Vasallis recipere cogi, tunc inauditum. Tum vero, si quod bellum movebatur, Vasallum ipsum copias adducere Domino, necesse erat, ejusque vitam, famam; ditionem proprii corporis objectu tueri: si deseruerat Dominum in discrimine, non tantum ditionis, sed & capitis sui id faciebat periculo; iudicibus, curiæ ejusdem paribus, id est, Convasallis. Hæ tamen tam duræ Feudorum leges non deterruere magnos Principes, quo minus lubenter, quas possent, ditiones cum adscripto onere obtinere conarentur. Eduardus II. Anglus diu deliberans, an Regiæ Majestati Vasalli humilitas conveniret, tandem quascunque conditiones subire, quàm optimis ditionibus, quas in Gallia tenebat, carere maluit. Ipsi Galliæ Reges Ludovicus XII. & Franciscus I. nihil quærebant ardentius, quàm Mediolanensem Ducatum, parati sese Vasallos Ligios, imò (si

Prin-

Principes Imperii subditi sunt ) subditos, si Diis placet Imperii, reddere. Monasterii delibera-  
bant Galli , an Alsatiæ Feudi nomine ab Im-  
perio tenere satius esset. Et novissimo Flandri-  
co bello , quæ Rex suus Hispanis eriperet, pari  
ab Imperio conditione tenere , Ratisbonæ ob-  
tulerant. Imò olim si Scaligerianis posthumis  
credimus , [ *le Roy de France , a de tout temps  
dû hommage au Duc de Bourgogne à cause de Bo-  
logne ; Froissart le raconte.* ]

## C A P. XXVIII.

*Vasallietiam Ligii hodie non absolute & persona-  
lissime, sed pro modo Feudi obligantur. Hinc  
hodie idem plarium Vasallus ligius esse potest.  
Bello inter Imperium & Galliam flagrante, qui-  
dam Principes à Gallis neutrales habentur, et si  
pro modo feudi ac arma Imperii contra Galli-  
am contribuant. Ergo non sunt proprie subditi.  
Mirum non est, Principes hodie haberi, quoad  
personas, liberiores quàm olim ; nam & privati  
hodie magis liberi censentur ; habent enim jus  
emigrandi seu mutandæ Reipublicæ ac Domini,  
quod olim dubium. Consultum Regibus ac Prin-  
cipibus, ut ipsi eorumque cognati inviolabiles &  
sacri habeantur.*

**H**ÆC ergò quisquis mecum expendet, a-  
gnoscat sanè ex Sacramento , quod Ele-  
ctores atque Principes Cæsari atque Imperio  
dicunt,

dicunt, propriè dictam absolutam personarum  
subjectionem , quæ scilicet juri Suprematûs  
obstat, consequi non posse ; aut fatendum erit,  
Reges externos , qui Principes Imperii sunt , Im-  
perio personaliter esse subiectos, ibique conve-  
niri posse criminaliter. Neque enim uspiam  
lege cautum est, ut meliore quàm alii Princi-  
pes in Imperio conditione essent. Sed quid ad  
duras sanè juris Feudalis & Vasallorum Ligio-  
rum leges dicemus ? Quid nisi & rationi quo-  
dammodo contrarias fuisse , & nunc meritò  
quodam gentium Europæarum consensu tem-  
peratas esse. Quid enim ineptius , quàm ob-  
solennia homagii verba , quæ dicere Galliæ Re-  
gi Rex Angliæ & Hispaniarum Aquitaniæ aut  
Flandriæ nomine cogeatur, tantorum Regum  
personas Galliæ Regibus quæsitas fuisse putare,  
certè subditi mei subditus, subditus meus est.  
Hoc unum ergò restabat , ut Gallia Angliam  
quoque & Hispaniam , & sub Carolo V. quem  
subditum suum dicebat, etiam Imperium sibi  
quæsitum diceret. Miror, Auberium inter cæ-  
teras ratiocinationes , quibus jus Regis sui in  
Imperium stabilivit , se uno dignas , hanc quo-  
que non produxisse : quæ cum sint ridicula , fa-  
tendum est, neque olim tenuisse erga Principes  
hunc subjectionis rigorem , & nunc multò mi-  
nùs , ubi jam pulcherrimo temperamento res  
tò redit , ut Vasallus non tam personæ , quàm  
territorii nomine, quod tenet, obligatus ad ser-  
vitia videatur. Itaque hoc jure uti hodie vide-  
mur,

mur, ut Vasallus, qui feuda à pluribus tenet, unicuique etiam contra se invicem belligerantium, missis pro feudi modo ac mensura auxiliis, satisfacere possit. Quod nisi concedimus, cur eundem feuda à pluribus tenere concessimus? Atque hoc Principio semel recepto, manifestum est, Vasallum Principem servitia personalia non amplius debere, alioqui enim cogeretur esse simul in pluribus locis. Ex eodem jure manat, quòd Rex Christianissimus Principes nostros, qui, non nisi proportionem in Comitibus imperata, militem contra se misere, non pro hostibus, sed neutri adhuc parti addictis habet. Agnoscit enim, eos, quod faciunt, ex feudi natura fecisse, quod si Principes Germaniæ essent *subditi meri*, profectò bello à Domino, id est, Imperatore & Comitibus, Galliarum Regi denuntiato, etiam subditi omnes, & in his Principes nostri, pro hostibus à Gallis haberentur, nec *Neutralitatem* servare possent. Et quid miramur, Principes hodiè, quàm olim, liberiores esse, cum subditis ipsis hodiè plus multò concedatur. Magna enim olim de *jure Emigrandi* quæstio erat, & Bodinus autor harum rerum non malus contra multos disputat: hodiè verò eo jure utimur, ut subditis plena sit facultas mutandi domicilii. Fœderatas Provincias Germanis, Gallis, Anglis repletas constat; & unicuique Germano in Gallia jus civitatis, sive, ut vocant, literas naturalitatis impetrare licet. Vicissim Gallos admittimus, & Rex eos nullo



nullo jure revocaret, quando ipse Germanos, Cæsare revocante, non esset dediturus. Olim dura erant in peregrinos jura, & nonnullis in locis, cum domicilium posuerant, capti censebantur instar feræ bestię, & in quandā ascriptitiorum reducti conditionem, unde Wildfangatui nomen fuit; quanquam sint, qui asserant, vetere lingua Wild idem esse, quod peregrinum, unde hodieque dicitur, ein Wildfremder. Nunc alia est, nî fallor, ratio rerum. Quare peccant illi in nostri seculi felicitatem, qui subinde homines liberos in servitutem trahere, & antiquata veteris servitutis carmina revocare contendunt. Durumque erat & planè præter gentium jura, quod Galli nuper eos, qui in occupatis ditioribus bona habebant, venire jussere, non venientium bona publicavere. Nam cum iidem sub Hispanis & Batavis alia prædia tenerent, his vicissim pari cum Gallis jure atque conditione ad se vocantibus, innocentes homines alterutro in loco suis bonis necessariò exuebantur. Sed hæc obiter atque ideò tantum adduxi, ut pateret, cum hodiè liberiores longè quàm olim homines ingenui censeantur, minùs mirum videri, quòd in seculo tam culto Principes, quorum personæ omnibus sacræ & ipsis inter se quadam cognatione conjunctæ videri debent, inviolabiles & à judiciis capitalibus omnique contumelia immunes censemus. Olim cum feri magis hominum mores essent, novum non erat, Imperatores, Reges, Principes

non tantum folio excuti, sed & occidi cum cruci-  
 atu, excæcari, emasculari, aliterve mutilari,  
 vel certè tonsos in monasterium trudi. In Hi-  
 storia Constantinopolitana nihil est frequen-  
 tius; sed ea re factum est, ut vilis Regum Prin-  
 cipumque sanguis videretur, assveto eorum  
 ruinis atque contumeliis populo, & quæ hodiè  
 non sine horrore leguntur, quietè spectante.  
 Execrationi omnibus est crudelitas Caroli An-  
 degavenſis in Conradinum Svevum, & Fride-  
 ricum Austriam. Ipsa Anglia ejus immanita-  
 tis hodie dedit pœnas, qua in Regium sangui-  
 nem magnosque Principes olim sævitum est.  
 Nam & Cominæum memini dicere, triginta  
 annorum spatio octoginta Regiæ stirpis An-  
 gliæ Principes bellis civilibus aut suppliciis in-  
 teriisse, & Mariæ Stuartæ tragicus exitus à Pru-  
 dentibus probari non potuit, docuitque even-  
 tus, quàm periculosum sit, assvescere popu-  
 lum spectaculis in Principes funestis. Quem-  
 admodum ergò ille dixit, Deorum injurias  
 Diis curæ esse; ita, quicquid in Principum con-  
 tumeliam fit, cæteris Principibus vel ipso ex-  
 emplo abominandum videri debet. Rectè  
 itaque Henricus II. Galliæ Rex, quem supra  
 Cap. 23. laudavimus, cum Albertum Brande-  
 burgicum patrociniò tueretur, asseruit, quan-  
 dam inter Principes propinquitatem, & velut  
 societatem esse videri, & dignitatem atque salu-  
 tem eorum omnibus curæ esse debere, pror-  
 sus quemadmodum, laxiore tamen sensu, di-  
 xerat

xerat Jurisconsultus Romanus, cujus verba in Digestis Justiniani extant, *quandam inter homines à natura cognitionem constitutam, unde hominem homini nocere nefas esse.* Denique quòd, ut supra monuimus, Principes saltem Protestantés nullum in matrimonialibus causis judicem agnoscunt, id nullam aliam rationem habet, quàm quòd personæ Principum sunt liberæ, ideòque in iis, quæ merè personalia sunt, qualis est matrimonii Obligatio, non nisi conscientia vinculo obstringi possunt.

## CAP. XXIX.

*Hodie nimis crudelis haberetur veri Principis damnatio. Ditionibus quidem ab Imperio spoliari potest, sed jure belli, ut etiam Princeps extraneus. Hodie enim tali controversiæ, tum ob viciniae rationes, tum prætextu Instrumenti pacis, extranei interveniunt. Itaque talium causarum, quæ bello decidendæ sunt, propriè non solum Imperium, sed tota Europa judex fit. Præterea, quæ Principum religionem, libertatem, ac fortunas, & similia spectant, videntur in Comitibus, non tam numero, quàm amica compositione, tractari, nisi summa necessitas vim postulet. Tunc enim is, qui puniendus est, revera, ut extraneus Princeps, hostis judicatur.*

**U**BI verò semel obtinuerimus, Principum personas esse liberās & inviolabiles, jam manifestum est, eos merè subditos simpliciter ac

propriè censeri non posse : ille enim demum  
*merè subditus* est, in quem, si peccet, capitaliter  
 animadverti jus fasque est. Principem aliquan-  
 do canem scabiosum ferre coactum, non magis  
 nostris moribus congruit, quàm quòd Josua  
 decem Reges bello captos suspendi jussit, &  
 Sesostris trahentibus Regibus curru vectus est,  
 Romani verò ductos in triumphum Reges in  
 carcere necabant. Quod Carolus V. Johan-  
 nem Fridericum Saxonem capitis damnavit,  
 magis in terrorem factum arbitror, quàm quòd  
 animus ipsi esset exequendi sententiam, quam  
 dixerat; si facere ausus fuisset, ipso rei horrore  
 omnium à se voluntates avertisset. Cæsari per  
 se jus capitalis sententiæ in Principes esse, nemo  
 credit, itaque hoc Caroli V. judicium adduci  
 in exemplum nequit, extra Comitia exercitum  
 ab armato. Multa suscipiuntur, quæ defendi  
 non possunt, &, ut dicam, quod sentio, mihi  
 Electoris vel Principis damnatio à Cæsare pro-  
 fecta non magis justa videtur, quàm Cæsaris  
 exauctoratio ab Electoribus decreta. Quare  
 tamen si temporum ratio effecerit, ut transla-  
 tiones Electoratum apud Saxones ac Bavarix  
 Duces de linea in lineam, Cæsaris autoritate  
 factæ, obtinerent atque approbarentur, factum  
 tamen ipsum ab initio à nemine probatum esse  
 constat, si illos demas, quorum intererat. At  
 verò, inquires, Comitiorum saltem cognitio  
 est, si non de capite Principis, certè de Ditio-  
 ne ac Feudo : esto sanè, nam postea ostendam,  
 nihil



nihil ea re decedere de Suprematu atque libertate. At verò nemo ignorat, quàm difficulter aliquid in Comitiiis decernatur, quàm tardè vim atque effectum obtineat, quod decretum est. Et cum omnia ex legum præscripto acta sunt, demum exercitu opus est, ad reum, sed armatum, ditione dejiciendum. Quicunque autem non nisi bello illato, maximisque motibus in ordinem redigi potest, is liber censetur, ac *Suprematu* præditus, ut supra definivi. Nam nihil contra omnem vim perstat in rebus humanis; illi demum liberi atque inviolabiles censendi sunt, quos cogere difficillimum est. Principes Imperii validas satis copias educunt, clientes, propinquos, amicos, foederatos habent, ipsis Regibus certissimis vinculis colligantur, ideò, qui eos cogere velit, illi anceps alea subeunda est. Subditi autem meri illi sunt, ut supra explicui, qui in potestate habentur, nec magno motu ad imperata cogi possunt. Adde quod Pace Monasteriensis in Comitiorum quidem arbitrio absolute esse videtur, in Principem injustè animadvertere, quando Coronæ, pacis sponsores, oppressis opem ferre possunt, ac proinde quandam causæ cognitionem habent. Cumque totius Europæ inter sit, Westphalicam pacem non conveiri, manifestum esse videtur, Principes Imperii hodie, cum de maximis rebus, scil. de Religione, libertate, ac salute agitur, Europam universam quodammodo judicem causæ habere, id est Su-

prematu frui. Sic enim re vera *Suprematus* competit, qui non nisi communi gentium consensui subjicitur, cui sanè omnis humana potestas subest. Hùc pertinet, quod aliquoties innuit, non omnia in Comitiiis per majorem numerum suffragiorum transigi, aliquando unanimi consensu opus esse, qualia ea sunt, quæ religionem libertatemque spectant. Itaque in his fatendum est, Principes sui juris esse, quoniam inviti damnari non possunt, quando paucorum dissensus decreto intercedit, non negem. Itaque proscribere Principem est potius hostem judicare (quod etiam in liberos planè Principes licet) quàm velut subditum condemnare; cum subditum censeamus, in quem damnatum aliquot Ministros publicos armari satis est; hostem, in quem exercitus duci debet.

## C A P. XXX.

*Obligationes quantæcumque non obstant Suprematui; Modò is, qui eum obtinet, jus habeat per se retinendi suos in potestate, militari manu. De cætero nil refert, an Vasallus, imò an alteri subiectus sit, modò alteri illi jus non sit, eum actu ipso redigendi in potestatem. Exemplum Amphictyonum in Græcia, Califæ, Arabum, Pontificis Romani inter Christianos, maximam potestatem habentium, sed quæ autoritate juris potius, quàm vi præsentis nitebatur.*

**E**X his intelligi potest, hoc Subjectionis genus, quo Electores atque Principes Imperio tenentur, non pugnare cum Suprematu. Constat enim sibi Suprematus, si is, quem eo frui dicimus, ratione dignitatis in quandam cum Regibus societatem veniat; ratione juris autem territorialis, exercitum habere, nec nisi bello coërceri possit. De reliquo nihil refert, utcumque alteri obligatus sit ad *fidelitatem*, imò etiam ad *obedientiam* quantamcunque, *quam sanè Cæsari atque Imperio Principes nostri maximam debent*: neque ad rem pertinet, quòd subditi ipsorum etiam Imperio subsunt; quòd ab ipsis ad Suprema Imperii judicia provocari potest; quòd ipsi Principes civiliter conveniri possunt; quòd juramentum fidelitatis imò & obedientiæ Cæsari atque Imperio dixêre; quòd à Judicio Cæsaris aulico atque Camera Imperii ipsis juberi aut vetari aliquid potest; quòd in tardantes mandata poenalia atque arctiora stringuntur; quòd novissimè in contumaces Banni fulmen vibratur & Circuli (secundum executionis ordinem) armantur. Talia enim, quem definivi, *Suprematum* non convellunt. Nam si Feudi fidelitas & conditio ex Grotii sententia lib. 1. Cap. 3. ne quidem summæ potestati obest; etiam obedientiæ obligatio Suprematum non tollet, quem definivi. Nam Principes non ideò minùs soli Deo ac gladio subsunt. Deo, quatenus conscientia eos magis quàm vis ac metus præsens ad ea officia ob-

stringit, quæ Imperio debent; *gladio*, quatenus non nisi armis ad imperata cogi possunt, quod cum subditi natura pugnat: quanquam enim rebelles aliquando fieri possunt subditi, in quos arma sumi necesse sit; hoc tamen aliquando præterque ordinem contingit. At qui ea perpetuò conditione, eoque jure fruuntur, ut armorum jus ipsi habeant, nec nisi exercitu cogi possunt, tales merè subditos censer, ineptum est, qualescunque denique sint obligationes, quibus aliis obstringuntur. Sanè etiam Amphictyones apud Delphos in Græcia judices erant inter liberas civitates atque respublicas constituti, & condemnati sunt ab illis Lacedæmonii, quòd Cadmæam arcem Thebanorum occupassent, & Phocenses eodem Amphictyonum judicio hostes judicati, totaque in ipsos Græcia armata est: neque vero ea res libertatem atque, ut ita dicam, Suprematum Lacedæmoniorum aut Phocensium diminuit, quoniam ad decreta Amphictyonum exequenda opus erat exercitu; unde ortum est illud bellum sacrum in Græca Historia celebre, quo in Phocenses velut proscriptos atque hostes judicatos, Philippo Macedone duce constituto, arma expediebantur. Ea- que ratione sibi Philippus gradum struxit ad quandam in Græcia potestatem obtinendam, penè illi similem, quam nunc habet Imperator in Germania; nam & Dux Græcorum contra Barbaros constitutus est, magno liberarum Græciæ civitatum consensu, quamvis, quod

Philip.



Philippus meditabatur, Alexander Magnus eodem planè titulo executus sit, Imperatorem se Græcorum, non dominum ferens. Eadem ratione & Romani liberis Græciæ Civitatibus, Achæis, Rhodiis tum & Regibus Pergami, Bithyniæ, Numidiæ imperitabant. Sed Alexander M. & Romani ob præsentem potentiam à Dominis parum aberant. Magis quadrat, ut ad propiora veniam, exemplum Califæ Saracenorum Mahumetis successoris, qui in Arabia sedem habebat, cui omnes totius orbis Reges Saraceni in Persia, Ægypto, Mauritania, Hispania obedientiam cultumque debebant, neque ideo magis subditi meri erant. Et non diu est, quòd Pontifex Romanus eodem apud Christianos Europæos jure utebatur, ut judex pene esset Regum, utque ad ipsum provocari posset, neque ideo minùs Reges liberi ac Suprematu præditi censebantur.

## C A P. XXXI.

*De potestate Ecclesiæ universalis, ejusque Primatus in omnes Christianos, populorum quondam voluntate agnita & bono publico congruente. Exempla excommunicatorum Regum, & populorum interdictorum, Ecclesiæque feudalium ac tributariorum. Difficile potestatem sacram & profanam separare, quia eadem animarum & boni publici cura. Papæ cognitio de Matrimoniis, item de Juramentis. Jurisdictio in Clerum.*

*Clerum. Reges à Papa ad Concilium provocant.*

**Q**Uoniam verò in hunc locum venimus, operæ pretium fuerit attingere, quod ni fallor hodie non satis animadvertitur, Imperatoris atque Pontificis potestates quodammodo inter se connexas esse, & ex communi Superiorum temporum sententia, Pontifici pariter atque Imperatori quandam in reliquos Reges Principesque potestatem competere, quod ideò hoc loco meminisse utile est, quoniam eo semel admisso minus mirabimur, cur tantum Imperatori Germaniæ Principes deferant. Nimirum considerandum est (ex majorum nostrorum opinione) totam Ecclesiam universalem habendam esse pro una quadam velut Republica sub Pontifice Dei Vicario Spirituali & Imperatore Dei Vicario Temporalis: In Aurea Bulla Imperator appellatur temporale Ecclesiæ caput, & nihil est notius atque frequentius in Actis publicis & Historiis quoque, quàm Imperatoriam potestatem in se continere Advocatiam Ecclesiæ Romanæ, id est universalis, neque illi rei habent, cur contradicant Protestantes. Nam Advocatus Ecclesiæ non nisi ad honesta iustaque protectionem debet, neque ideo prohibetur abusibus mederi, qui forte irrepsere. Imò contrà ad ipsius quoque munus pertinet, dare operam, quantum in ipso est, ne quid vera Ecclesia Catholica detrimenti capiat. Quare, qui tantum decus Imperatori auferre

re conantur, illi, quod in Imperatoria potestate potissimum est, deltruunt. Errant itaque Doctissimi Viri, qui Imperatoris Romani potestatem in jure, quod Imperatori competit in urbem Romam & exiguas quasdam ei connexas ditiones, sitam putant. Nam contrà jus Imperatoris temporale eo usque extenditur, quousque jus Episcopi Romani spirituale, id est, per totam Ecclesiam, in qua Primatum aliquem non ordinis tantum, sed & quodammodo jurisdictionis, Pontifici Romano etiam veteres non negant; nec refert hoc loco, divino an humano jure habeat, modo constet per multa secula, magno omnium consensu atque applausu in occidente potestatem sanè maximam exercuisse. Et multorum egregiorum Virorum ea fuit etiam apud protestantes sententia, hoc jus Pontifici relinqui posse, Ecclesiæ utile esse, si abusus quidam tollantur. Quinimò Philippus Melanchthon, vir sine controversia & prudentissimus & moderatissimus, cum articulis Schmalcaldicis subscriberet, protestationem adjicere ausus est, qua declarabat sibi videri jurisdictionem Spiritualem Episcopis reddi posse, si aliis malis mederi velint. Eadem fuit sententia egregii Viri Georgii Calixti, qui doctrina atque judicio paucos pares habuit: Equidem negari non potest, Ecclesiam Romanam diu habitam in occidente Magistram cæterarum, quod vel ideo minus mirum est, quia earum mater passim extitit: constat enim, vi-

ros Apostolicos, Româ in Hiberniam, Angli-  
 am, Gallias, Germaniam missos, fidem propa-  
 gasse & cum ea reverentiam erga Romanam  
 Ecclesiam. Huic Longobardus & Saxo, huic  
 Francus live Sicamber (ut S. Remigius dicebat)  
 colla submitit, & Episcopi atque Monachi ju-  
 risdictioni Pontificis Romani libenter assense-  
 re, quo Regum atque Principum, qui aliquid  
 adhuc de priore barbarie retinebant, jugo ex-  
 empti, ac sacri & inviolabiles barbaris crederen-  
 tur. Itaque cum Barbari ab his acciperent fi-  
 dem, quorum intererat sic doceri, mirum non  
 est, potestatem Ecclesiæ Romanæ agnitam &  
 Pontificem Romanum pro Oecumenico Epi-  
 scopo habitum. Tandem, ob rerum sacrarum  
 & profanarum connexionem maximam, fa-  
 ctum est, ut quædam in Reges ipsos autoritas  
 Pontifici Romano concessa videretur, quæ,  
 quanta jam tum primis temporibus fuerit, in-  
 de æstimari potest, quòd Zacharias Pontifex,  
 ab Ordinibus Regni Galliæ consultus, Child-  
 ricum Regem sceptro indignum pronunciavit,  
 eique maximo omnium applausu Pipinum suc-  
 cedere jussit. Et jam ante, cum Clotarius Rex  
 Walterum Ivetotium, ante, aras die sacratissi-  
 mo veniam à Rege precantem, impotenti ira-  
 cundia interemisset, Rex à Pontifice Romano  
 Agapeto excommunicatus, neque ante Eccle-  
 siæ reconciliatus est, quàm ubi posteros defun-  
 cti omni nexu absolvit, quem Regno Galliæ de-  
 bebant: similem ferè ob causam Regnum An-  
 gliæ



glia factum est tributarium (imò feudum Pontificis Romani) cùm Johannes Rex Angliæ Arturum Britannia minoris Ducem occidi curasset, auctusque est postea census ob cædem Thomæ Cantuariensis Archiepiscopi, jussu Regis aut certe permissione factam. Et Polonia Principes Regium Titulum jussu Pontificis omittere coacti sunt, ut cædes Stanislai Gnesnensis Archiepiscopi, Regis jussu admissa, vindicaretur: nec nisi multo post tempore redente Joh. XXII. dignitatem recuperavere. Ait Bodinus, visam à se formulam, qua Ladislaus I. Hungariæ Rex se Benedicti XII. vassallum sive fiduciarium professus est: Ladislaus II. etiam tributarium se constituit, quòd, ob nescio quod crimen, sacris illi interdictum esset. Etiam Petrus Arragonum Rex fidem Innocentio III. dedit Regni nomine cum annuo censu: de Regno Neapolitano & Siculo dubitatio nulla est. Quin & Sardinia & Canariæ atque Hesperides Insulæ feudum Pontificis fuisse videntur, & Reges Castellæ atque Lusitaniæ sibi Indiam, ille Occidentalem, hic Orientalem, velut donum, sive potius Feudum, ab Alexandro VI. Romano Papa datum vindicare. Non illud jam quæro, quo ista jure facta sint, sed quæ fuerit illis temporibus hominum opinio. Prædictiones Scripturæ sacræ de Regno Christi huc applicabantur, scilicet dominaturum esse de mari usque ad mare, & gentes sceptro ferreo gubernaturum. Et notabi-

rabile est, cum Fridericus I. Imperator supplex Pontifici Alexandro III. atque humi prostratus esset, & Pontifex, pedem collo ejus imponens, verbis Scripturæ uteretur (super aspidem & basiliscum ambulabis) Cæsarem respondisse: non tibi sed Petro, quasi persuasus esset, saltem Petro, id est Ecclesiæ universali, datam, in se potestatem, qua tamen Pontifex abuteretur. Scio multos doctos viros historiam in dubium vocare, quos inter Georgius Remus, si bene memini, peculiarum ea de re libellum edidit, inque ea sententia fuisse ipsum Pontificem Maximum Urbanum VIII. qui picturam ejus tolli curavit; illud tamen certum est, diu olim creditam fuisse, quod mihi satis est. Certè constat, Henricum IV. Imperatorem nudipedem atque jejunum jussu Pontificis media hyeme poenitentiam egisse, omnesque Imperatores atque Reges à multis seculis Pontificem præsentem præsentem maxima submissiōe coluisse, aliquando tenuisse stapedem, pedites equitem comitatos, aliaque servitia & ministeria non dedignatos. Dux aliquis Venetus, ut urbem interdicto levaret, & in Pontificis Julii II. gratiam ræciperetur, laqueum collo gestavit, & quadrupedis ritu Pontifici arrepens veniam petivit, unde ab ipsis Venetis canis cognomen tulit. Navarram Hispani Pontificis auctoritati debent, eodem titulo. Philippus II. Angliam à Sixto V. donatum invadebat. Pontifex subditorum querelas audiit. Innocentius III.

Tolo-

Tolosatum Comiti, ne suos tributis gravibus vexaret, interdixit. Innocentius IV. Johanni Lusitanæ Regi curatorem dedit. Urbanus V. Henricum Spurium Castellæ Regem natalibus restituit, qui postea Gallorum ope fratrem Petrum legitimum hæredem regno vitæque privavit. Et vero duosunt magni momenti, de quibus, ad Pontificem Romanum referri debere, ne dubitatum est quidem olim, nempe quæ pertinent ad juramentum, & quæ spectant ad matrimonia. Certè Henricus IV. matrimonium suum cum Margarita Valesia invalidum pronuntiari à Pontifice petiit & obtinuit, idemque paucis abhinc annis obtinuit Regina Lusitanæ à Cardinali Vindocinensi cognato suo Legato à latere. An autem ad Pontificem pertineat deponere Reges, absolvere subditos à Sacramento, sæpe dubitatum est, & Bellarmini argumenta, ex hypothesi spiritualis jurisdictionis temporalem saltem indirecte, ut vocant, inferentis, ne Hobbio quidem spernenda videntur; illud enim certum est, qui circa salutem animarum procurandam plenam à Deo potestatem habet, tyrannidem ambitionemque Procerum coercere posse, quibus tot animæ pereunt. Dubitari, fateor, potest, an Pontificia potestas à Deo concessa sit; illud tamen negari non potest saltem ab illis, qui Romanas sententias sequuntur, hanc potestatem in Ecclesia universali residere, cui omnium conscientia submittuntur. Idque videtur agnovisse

Philippus Pulcher Galliae Rex, cum à Bonifacii VIII. sententia, qua excommunicabatur atque regno privabatur, ad Concilium universale provocavit, quod aliàs saepe in Regibus Imperatoribusque factum constat; & Veneti sub initium hujus seculi idem animo agitabant.

## CAP. XXXII.

*Pontifex est ut Primas; at Imperator, ut Archi-Mareschallus, Ensifer, brachium seculare, Advocatus Ecclesiae universalis. Dux contra infideles. Durante schismate Ecclesiae consulit & consilia moderatur. A Regibus discretus jure mensae in Cereemoniali Romano. Quidam Reges ab eo primum Regiam dignitatem accipere. Atque quidam jurisdictionales ab eo erga externos exerciti, jus olim Imperii in Venetos. Nuper & in Helvetios, imo Batavos, in patrimonium D. Petri. Sacrae Majestatis nomen Caesari proprium, ut Gallo Christianissima.*

**I**Taque Ecclesia universalis pro una Republica habenda est, in qua omnia ad salutem animarum & generale bonum dirigi debent, cujus velut Primas est Romanus Episcopus, Archi-Mareschallus verò, sive Ensifer, Imperator; quemadmodum in Polonia durante interregno apud duos est summa rerum, Primatem Regni Archi-Episcopum Gnesnensem, & Regni Mareschallum; Et apud nos in Comitibus Electoralibus cum de Imperatore novo tractatur,



tur, interea Moguntinus & Saxo cuncta moderantur, ille togatus, hic armatus. Imperator ut supra dixi, Advocatus est Ecclesiæ vel potius Brachium seculare, ut vocant, & *Dux generalis Christianorum natus* (*general né del Eglise universelle.*) Hinc cum in infideles arma expediebantur, Imperatorque ipse cruce signatis aderat, omnes alii Reges Principesque ei fasces submittebant. Nempe ad Imperatorem spectat, classicum canere bellis sacris, ducem se præbere Christianis contra infideles, & alioqui generalis boni curam gerere cum autoritate. Itaque cum schismata Ecclesiam dilacerant, aut alioqui temporum ratio fortia remedia postulabit, Imperator Sigismundi exemplo Concilium universale convocabit, & contumaces duplici fulmine percellet, *Excommunicationis* scilicet *Ecclesiasticæ & Imperialis Banni*. Neque dubium proinde est, quin Imperatori, velut Ecclesiæ universalis Advocato, aut, si ita malumus, *Vice-Domino*, (nam hoc modo passim appellari solent, qui Principum Germaniæ Ecclesiasticorum Jurisdictionem secularem exercent) magna in cæteros omnes Reges Principesque autoritas competat, cujus vestigia supersunt in illo cultu, quem sine controversia illi deferunt omnes. Neque enim ipsa hæctenus Hispania Galliaque, utcunque potentes, de dignitate litem movere ausæ sunt; & si Christophoro Marcello Archi-Episcopo Corcyrano, qui cæremonias sacras edidit, credimus, Imperator mensam separa-

ratam prope Pontificem habet, reliqui Reges mixtim sedent. Nemo unquam in orbe Christiano sibi jus sumsit creandi Reges præter Pontificem & Imperatorem: de Pontifice diximus; à Cæsare Bohemiæ, Daniæ, Poloniæ Principes Regia insignia nacti feruntur. Ladislaus Bohemus à Friderico I. Rex creatus, eaque dignitas postea Primislao à Philippo Imperatore confirmata, de quo videri potest Goldastus in libro de Regno Bohemiæ. Ottho III. Poloniæ ducem Boleslaum Regem appellavit, ipso fatente Cromero Polonorum Historico; de Daniæ Regibus idem narrant ex Otthone Frisingensi lib. 2. c. 21. Fridericus II. Austriæ Ducatum aliquando Regnum appellavit, & Maximilianus II. Papæ, Medicæum Hetruriæ Regem appellaturo, fortiter resistit, hoc sibi uni jus esse dictitans; itaque Magni Ducis titulum etiam à Cæsare impetrasse illi satis fuit. Quemadmodum Sabaudia Comes à Sigismundo Dux creatus est. Alia etiam ab Imperatoribus facta & ab aliis Regibus agnita sunt, ex quibus intelligi potest aliquam Cæsari in toto Christiano orbe Jurisdictionem esse. Dubravius Bohemorum Historicus narrat, Ludovicum Regem Hungariæ & Bohemiæ, cum, defuncto Patre Uladislao, annos natus tredecim regna adiret, veniam ætatis à Maximiliano I. impetrasse. Et Heringius Jurisconsultus in lib. de *fidejussoribus* capite secundo refert, Christianum IV. Regem Daniæ anno 17. nondum impleto, ob Regias

gias virtutes jam tum elucentes à Rudolpho II. ætatis beneficium consecutum anno 1593. die Aprilis 26. Carolus Lotharingiæ Cardinalis postulatus Episcopus Metensis eodem beneficio Cæsaris usus est, si Betsio credimus tractatu de *Pactis famil. illust.* Cap. 7. sed & Philippus Dux Burgundiæ; & diploma extat apud Chiffetium in Vindiciis Hispanicis Cap. 13. Scimus & Ludovicum Bavarum Vicarium Imperii constituisse Eduardum III. Angliæ Regem, ut Imperii jus contra Gallos persequeretur, & ipsum Delphinum Franciæ, postea Carolum VI. à Cæsare Carolo IV. declaratum Sacri Imperii Vicarium in Regno Arelatensi, quanquam hoc regnum jam tum Galli tenerent, & cum nondum ex phebis excessisset, adjectum esse ætatis beneficium, ipsi Galli narrant. Et Hispanus se fert Vicarium Imperii per Insubriam & Heturiam, ut ait Bodinus, quem & hoc seculo occasione belli Mantuani, autoritate Ferdinandi II. exercere velle videatur magno Italorum Principum metu, qui non ignorant, quantum Imperio debeant. In Genuenses exercita ab Imperatore Rudolpho II. jurisdictio est, cum à Marchione Finaliensi actione pulsati essent. Veneti à Rudolpho I. vel, ut alii volunt, à Conrado, jus monetæ cudendæ accepere, iidem Imperii Majestatem agnovere saltem pro parte ditionum, cum à Maximiliano I. in angustias redacti essent, & Albericus de Rosate in *l. cunctos populos C. de Summa Trinitate*, dicit, se vidisse

privilegium Exemptionis Venetorum Bulla aurea bullatum; sed ex hoc ipso satis intelligi potest, privilegia saltem magna obtinuisse, ut alias Italiæ Civitates, non vero plenam libertatem, quam ne dare quidem poterat Imperator. Expressus est Sigonii locus lib. 13. qui, pacis inter Imperatorem Fridericum Barbarossam & Italiæ Civitates formulam exhibens, Venetias inter cæteras collocat, nullo discrimine Imperatorem Dominum agnoscentes, Vasallos sese appellantes, & Romam tendenti, Coronæ accipiendæ causa, Fodrum ac cætera promittentes. Sigismundus Imperator Franciæ Regem, ad Concilium Constantiense vocans, *Imperii fidelem* appellat, apud Goldast. tom. unico Constit. Imp. quod credo Delphinatus causa factum. Daniæ Rex Woldemarus, Bisantium ad Comititia 1162. vocatus, comparuit. Siciliæ & Apuliæ Rex, velut Imperio subditus, Pisis in Comititiis proscriptus anno 1311. testante utrumque Goldasto, qui & formulam Proscriptionis exhibet. Helvetii à Ludovico Bavaro, à Carolo V. aliisque Imperatoribus confirmationem privilegiorum petière, & sæpe literis professi sunt, minimè se ab Imperii corpore avulso (tametsi propria judicia atque conventus habeant) & in omnibus suis fœderibus semper Pontificem Romanum atque Imperatorem excepere, & nunc quoque suos contra Imperium militare nolunt. Unde satis miror, plus illis Westphalica pace sine ulla necessitate datum,



tum, quàm forte exigebant, cùm illis à Cameræ jurisdictione eximi satis esset, salva Imperii Majestate. Quanquam adhuc dubitari possit, quantum ab illis postulatum, aut illis datum sit. Bataviæ urbes insignia Imperii in nummis retinent, & videntur servare venerationem erga Cæsarem, privilegiorum suorum autorem, non sine aliqua spe regressus ad Imperii corpus, cujus protectio neque gravis ipsis esse potest, & plurimum profutura est, tum ad securitatem, tum ad commerciorum emolumentum. Neque indecorum sibi putare debent, quod fecere potentissimi Burgundiæ Duces, dignatione Regibus proximi, non foederati tantum, sed & omnis Belgii aliarumque Provinciarum Domini, qui sese in Imperii Clientelam sponte dederunt. Denique si, ut ipsi Bodino videtur, Imperatori jus summum temporale competit in urbem Romam, & quidquid patrimonium Divi Petri appellatur, quod pluribus adstruitur à Conringio in libro de *Finibus*, & alibi passim, & in primis agnoscitur ab Antonio de Rosellis, qui in libro de *Monarchia* scripsit, Pontificem in urbe Roma & aliis Status Ecclesiastici ditionibus tantum utile dominium habere, directum penes Cæsares esse, vel, ut Bodinus ait, Pontifices Cæsarum Vassallos esse. Hæc, inquam, si vera sunt, consequens est, Imperatorem nondum amisisse caput rerum Romam, unde in omnia regimen, qua Catholicus orbis patet. Ex his aliisque constat,

Sacri Imperii Romani Pontificem Romanum spirituale, Cæsarem seculare, ut loquuntur, caput haberi; Cæsaris autoritate Ecclesiæ decreta armari, atque hinc in primis non Canonistas tantum, sed & alios Jurisconsultos etiam Italos censuisse, qui Imperatoris Romani potestatem in toto orbe Christiano in dubium vocet, esse hæreticum, quæ est sententia Bartoli in l. *hostes*. D. de *Captiv. & postlim.* & peccare mortaliter, ut ait Hostiensis in c. *venerabilem*. de *Elect.* Et Reges alios omnes comiter agnoscere debere Imperii Majestatem, ne Francorum quidem Rege excepto, ausus est in ipsa Gallia scribere Alciatus, indignante licet Bodino. Petrarcha quoque ad Carolum IV. [quænam ista superbia, Pontificem Romanum, publicæ libertatis autorem, libertate (Romam pro lubitu adeundi) privare, ut, cujus esse debent omnia, ipse non sit suus.] Certè, si, ipso fatente Bodino, Pontifices Romani cum Germanis Imperatoribus diutissime de Christiani orbis summo Imperio ac potestate dimicaverant, & quasi Duces Partium omnes Christianos Principes ac Civitates ad arma vocarunt, consequens est, ipsos inter se consentientes hanc summam in orbe Christiano autoritatem sine controversia fuisse habituros. Denique hinc *Sacri Imperii* nomen, & sacræ Majestatis, appellatio, non nisi Cæsari solita accommodari etiam ab ipsis quondam scriptoribus Gallis, quicquid etiam hodierni quadam

Im.

Imperatoris imitatione affectent, ita ut *Sacra Majestatis* appellatio tam sit propria Imperatoris, quàm *Christianissimæ Galli & Catholicæ Hispani Regis*. Nimirum Christi Ecclesia Universalis, Regnum aliquod Christi est, cui conversi ad fidem Reges, non conscientiam tantum, sed & quodammodo, in majus potestatis autoramentum, sceptrâ submisere; quod ipsos potuisse negari non potest, fecisse, & quotidie, cùm coronantur, solennibus verbis facere, in confesso est. Hinc Reges Franciæ in suis nummis aureis (*écus d'or*) hac Epigraphe utuntur: *Christus regnat, vincit, imperat*; & olim annorum Regni Christi velut Epochâ utebantur. Extat libellus singularis Davidis Blondelli de formula *regnante Christo*. In hoc autem Christi Regno, sub ipso Christo capite ac Domino, duo summi Magistratus, Pontifex atque Imperator, vicariam auctoritatem, ille in spiritualibus, hic in secularibus, exercere credebantur. Idque boni publici interesse visum, ut communi auctoritate Christiani connecterentur & tum inter se pacem colerent, tum hostibus fidei formidabiliore essent. Quod si nec de Petri Vicariatu, nec de quarta Monarchia traditio divini juris est, saltem utiliter introductam ac creditam plerique judicavere. Dumque hoc imprimis fundamento niti in Christiano orbe sacra Imperatoris Romani Majestas videatur, consequens est, non oppugnari à nostris Principibus, sed defendi debere, ut appareat,

reat non ipsos solos, sed & alios omnes Reges Principesque Christianos quodam pietatis atque officii vinculo Ecclesiæ Christi atque Imperio Romano submitti, alios autem Principes nonnullis à nostris non tam jure quàm in multis usurpatione libertatis distingui: mirum autem non esse, quòd nostra Natio reverentiæ Imperatori debitæ retinentior fuit, postquam Imperii dignitatem ad se traduxit.

## CAP. XXXIII.

*Si obligationes nocerent Suprematui, Reges & Principes Ecclesiæ ejusque Advocato Imperatori, imò suo populo vi juramentorum subjecti forent: sed non obstantibus obligationibus quibuscunque Suprematum habet, qui non nisi bello ilato cogi potest, cui omnis humana potestas cedit. Concludo itaque, Electores & Principes Germaniæ jure Suprematus, & quod ei conneditur, Legationis frui.*

**A**Tque ita tandem Suprematum Principum in clara luce mihi collocasse videor, quandoquidem ostendi, quæcunque obligationes ex officio, conscientia, juramento, homagio, pactis, foederibus, ullo denique jure factove descendunt, eas Suprematui non obesse; modò illud fixum maneat, eum Suprematu præditum esse, qui personæ ratione inviolabilis censetur; ditionum autem respectu, armorum potestatum habet; adeoque in magnorum Prin-



Principum Confessu, atque generali congressu summarum Europæ Christianæ potestatum sibi locum vindicat; nec nisi bello illato ad officium cogi potest. Obligationum autem hæc ratio non habetur, quibus Princeps, Deo, Ecclesiæ, Imperio, populo, fœderatis atque vicinis obstrictus est; alioqui quemadmodum Principes nostri Sacro Imperio, ita Reges omnes Ecclesiæ Universali ejusque Advocato Imperatori Romano subjecti forent, quoniam juramento eorum, quod præstant, cum inaugurantur, & fides ac religio, quam plerique profitentur, & conscientiæ ratio eos Ecclesiæ devincit. Populo quoque aut Ordinibus plerosque obnoxios constat juramenti religione, & facta homagium præstantibus subditis repromissione, de justitia administranda, de verâ religione tuenda, de privilegiis conservandis. Addita nonnunquam commissoria lege, ut si secus faciant, autoritate excidere intelligantur. Nec tamen ideò minus liberi Principes censentur, modò in ipsorum manu coërcendi potestatem atque arma esse constet, ut nisi bello illato cogi non possint. Cum enim non nisi extrema necessitas bellum excuset, patet, Principes armorum (jure suo) potentes, Suprematu non nisi in extrema necessitate, (quæ omnia excusat) & belli jure (quod omnia jura transfert) exui posse. Interea verò maxima libertate frui, ac rerum suarum satagere, in officio autem, erga Ecclesiam, Imperium, Domi-

num Feudi, populum, vicinosque pudore magis atque honestate, tum vero maximè utilitatis suæ ratione, ut solet fieri inter liberos, quàm necessitate imminentis Domini, contineri. Hinc facile intelligitur, eos, qui non nisi bello illato cogi possunt, aut qui vicissim alios armis possunt cogere vel certè gravibus incommodis afficere, *pleno jure gentium frui*, quod in Legatis, Bello, Pace, Fœderibus consistit. Hujus gentium juris summa ratio est, ut bella evitentur; nam, quia anceps belli alea est, hinc receptum est inter gentes, ut justum quodammodo videatur bellum, saltem quoad formam juris fecialis, privilegia juris gentium, quodcunque ab illo geritur, qui confessam habet armorum potestatem. Nimirum, quæ belli jure acquirit, ipsius censentur; quæ pace inita ipsi ceduntur, non nisi per injuriam retractari possunt: transitus innoxius copiis ejus negari nequit, fœdera cum ipso ineuntur, arbitrio ejus controversiæ submittuntur, interventus ejus, sive, ut hodie vocant, Mediatio, admittitur, Pacem tractantibus, aut fœdus ferientibus, cavet, sive, ut hodie vocant, Garantiam præstat. Honos denique ipsi Legatisque ejus habendus est, quicunque aliis pari armorum jure utentibus conceditur: *quoniam jus gentium non patitur, ut illi per contumeliam ab aliis distinguantur, qui eandem, quàm alii, habent in manu causam, quasi sibi juris gentium privilegia judicant, scilicet armorum potestatem.* Quam cum Electoribus Prin-

Principibusque Germaniæ & rationibus & confessione eorum, quorum interest, & usu ipso vindicaverimus, omnibus aliis juris gentium privilegiis, & in his *Legationis* quoque *jure optimo maximo* frui eos, manifestum est.

## CAP. XXXIV.

*Hactenus* Rationibus, nunc & Exemplis *jus Suprematus* & *Legationis* nostris Principibus vindicatur. Non est in potestate quorundam, *ordinarium* quendam honorem aliquibus attribueret; aliis vero, qui in pari causa sunt, negare. Quod sine contumelia non fit, quia honor in usu publico & comparatione consistit.

**H**Actenus rationibus pugnavimus, nunc exemplis atque possessoriiis actibus utendum erit ad jus Principum nostrorum in propatulo collocandum. Exemplis scilicet alienis, possessoriiis verò actibus nostris. Exemplis utemur tum Principum Italiæ, tum Principum Electorum Germaniæ, ubi primum illis obviam ibimus, qui sibi persvadent, in potestate esse Regis Galliæ, aut alterius cujuscunque, tractatu aliquo aut pacto concedere Principi cuidam honores atque prærogativas, quas alteri pari jure utenti negat. Nam nisi his occurrimus, frustranea erit nostra disputatio. Verum inaudita hucusque hæc opinio fuit: aut si admittenda est, frustra fuere omnes, qui hactenus de rebus cæremonialibus, Principumque ac Legato-

gatorum honoribus rationati exemplisve usi sunt; poterat enim illis responderi uno verbo: in potestate cujusque Regis aut Principis esse, quantum cuique honoris exhibere velit, neque proinde rationes aut exempla, sed expressa tantum pacta in hoc negotio valere. Quod sanè rationi & gentium juri recepto adversatur. Nam honor atque dignitas consistit in comparatione, ideòque cum inter pares distinctio quædam perpetua atque solennis introducitur, contumelia illi habetur, qui neglectus est. Equidem non diffiteor, aliquando ob certas causas amico cuidam Regi ejusve Legato singulares haberi honores extra ordinem, qui in exemplum citari non possunt; sed ejus honoris neque causa, neque possessio perpetua est, facileque apparet, quantum inter urbanitatis atque, uti vulgò vocant, civilitatis rationem, dignitatisque tuendæ curam intersit. Itaque Magnus Dux Hetruriæ aliquando Legato Hispanico Comiti Tendillæ apud se locum potiore dedit in mensa, quod fieri non solet; eoque pertinaciter recusante, Dux, urbanè admodum aliquem ex familiaribus appellavit jussitque claves ædium afferri Comiti, qui in alieno arbitrium ageret. Nec verò inde alteri cuidam Legato idem postulandi jus fuit. At verò quicquid multis ordinario quodam jure conceditur, ita ut ab ipsis etiam exigatur, id aliis supervenientibus, in eadem dignitate constitutis, sine injuria negari nequit. Nam quæ exiguntur, non sunt



sunt amplius meræ facultatis, quæ verò in hoc negotio non sunt meræ facultatis, ea non sunt amplius civilitatis, sed & ad dignitatem pertinent. Dignitatis autem suæ rationem unusquisque Principum habere debet, quàm sanè negligeret, si inæqualitatem publicam pateretur. At verò inquires, quid nî possim singularem amico honorem habere? Potes, inquam, habere extra ordinem; at pacto promittere atque ordinario jure soli tribuere non potes, quin aliis æqualibus injuriam facias. At verò sum actionum mearum Dominus? ita fateor, sed non, ut alteri noceant, quod fieri manifestum est. Nimirum habenda hic, si unquam, justitiæ illius ratio est, quam distributivam vocant. At verò, inquires, justitia distributiva, quæ circa honores & præmia versatur, obligat sanè distribuentem, ut æquitatem observet in distribuendo, at illis, qui neglecti videntur, actionem nullam tribuit. Respondeo, hoc ita quidem esse, cum Eleemosynæ pauperibus erogantur, non verò cum honores Principibus tribuuntur. Certè, ut quisque generosus est, ita dignitatem suam aliis omnibus vitæ bonis præfert, quantò magis id Reges ac Principes facient, quos aliquando umbra contumeliæ armavit. Nec verò, qui honorem exhibet in magna dignitate constituto, rem indebitam pro sua liberalitate largitur, sed facit, quod officii sui est. Honor autem in opinione atque usu consistit, ut, quod aliis ejusdem conditionis

non

non exhibetur, cæteris omnibus debitum videtur. Quare, qui hoc in dubium vocat, ipsam honoris naturam evertit, *neque enim aliter interrogati poterimus definire, quis sit honor alicui debitus, quàm respondendo, eum esse, qui alteri ejusdem dignitatis habetur, aut si exemplum deest, qui proportionem aliorum, quos ille dignitate antecedit, aut sequitur, ratiocinando constituitur.* Qui secus differit, omnem ex rebus humanis honoris atque dignitatis æstimationem tollit. Equidem fateor, Barbaros omnem in hoc genere ratiocinationem negligere posse, sed inter Europæos politiores dignitatis cura juris gentium partem facit. Itaque, si quis Regum diceret, se quidem in aula sua certum ordinis prærogativæ atque cæremoniarum erga extraneos Principes Legatosque legem promulgare velle, quam qui sequi nolit, eum ditionibus suis abstinere posse: is absoluta quidem potestate utitur, sed illud commercium abrumpit, quod nunc in Europa introductum est, & contemptum in illum, quem offendit, atque propemodum hostilem animum proficitur. Unde simultates, & vindictæ cupiditas, ac denique bella, quæ caveri juris gentium est. Prætera nos intra alios planè terminos versamur, quemadmodum optimè animadversum est ab Ordinibus Fœderatis, quorum sententiam circa jus legationis Principum Germaniæ supra exhibui. Neque enim Rex Christianissimus constituere videtur, à quibus in suo regno Legatos admittere, aut quo

quo Legatos illos charactere vestiri velit, sed potius aliis, in quos ipsi jus nullum est, præscribit, quales nam Ministros mittere debeant, aut jus mittendi illis, quales ab aliis mittuntur, negat, idque non in regno suo, sed in loco congressuum Pacis, ubi non plus ipsi, quam cuiunque alteri potestatis competit, & ubi omnes Belli & Pacis facultate sive *Suprematu* fruantes, æquo jure uti par est; ne, ubi Pacis generalis fundamenta poni debent, nova odiorum semina spargantur.

## CAP. XXXV.

*Fateor, pactis tacitis aut expressis aliquando Principes sibi mutuò honores indulgere. Electores & Principes Regibus Majestatem, ipsi Electoribus Fraternitatem initio negabant, postea concessere. Et Principes nostri eodem modo sibi ipsis jus dicere potuissent aut possent. Etsi autem honoris cum honore, non tamen cum eo, quod interest, compensatio honesta est. Nam nec honoratum nec honorantem decet fateri, se dignitatis mercatum instituisse, ac non meritis locum dedisse, sed adulari voluisse.*

**E**Runt verò, qui dicent, pactis olim factum esse, ut Reges Galliæ Batavorum Legatos velut à libera Republica venientes agnoscerent; ut Electores fratres appellarent; ut Electorum Legatis eundem, quem Venetis, honorem haberent. Ita sanè fateor, sed hæc pacta non jus

L

dedere

dedere, sed juris debiti declaratoria censerī debent. Sæpe autem non sine aliqua repugnantis specie conceduntur, ut aliqua vicissim extorqueantur in eodem genere quæstionum circa honorem scilicet atque dignitatem, quæ jure deberi videntur. Ita Electores aliqui cum Sabaudis ita transegere, ut Sabaudus cederet Electoribus, Electores ipsi Regiæ Celsitudinis appellationem tribuerent, & Galli non ante Electoribus dedere *Fraternitatem*, quam ab illis reciperent *Majestatem*, & Monasterii tum demum concessere, ut Legati Electorales ac Veneti æquo jure essent, cum ab Electoribus stipulati sunt, discrimen inter Cæsareos Gallicosque ipsis nullum fore. Quod tunc multis improbatum est, nec defuere, qui dicerent, Electores prærogativam, quam moliebantur supra cæteros Principes, Cæsaris Gallo æquati dispendio redemisse. Sed mihi nihil in ea re præter rationem fecisse Electores videntur: nam cur Majestatem Gallo negarent, quam omnes alii Reges Europæi agnoscunt, aut cur Legatis Gallicis non idem honoris genus haberent, quod Cæsareis? modò Cæsari prærogativa à nemine in controversiam vocata salva maneret. Nec Gallos vituperare possum quòd hoc velut cuncto usi sunt, ut, quod æquum erat, extunderent; sed cum à Principibus Germaniæ nullos honores postulare possint, quos non dudum obtinuerint, non debent eorum facilitate abuti, sed vicissim illis tribuere, quicquid ratio atque

exem.



exempla æqualium postulant; nisi vicissim Principes nostros in posterum à Majestatis appellatione aliisque honoris signis, ex usu seculi novè in vectis, erga Regem abstinere malint. Si qui sunt, qui Reges pactis honores illis concedere aut negare posse putant, quos ad partes suas trahere, aut ab hostibus abstrahere volunt: illis hoc loco ne respondendum est quidem; neque enim honoris cum eo, quod interest, compensatio honesta est inter Christianos in medio armorum ardore, salva cuique belligerantium dignitatis ratio esse debet; sed & in Congressibus, pacis causa susceptis, odia poni vel certe premi necesse est: denique non hoc de eo, quod interest, sed justitiæ ratione, neque de facto, sed jure loquimur. Cum autem de jure quæstio est, talia allegari non possunt, quæ ipsi Reges Regumque Legati ad rationem actionum suarum reddendam salva dignitate producere in publicis Conventibus non audent. Qualis utique foret hæc objectio; indignum enim esset Regia Majestate, prodigalitate honorum in indignos, compendia sua redimere; indignum Principibus, quibus tributus est honor, agnoscere publicè sese emptam dignitatem, non juri suo, sed illaudatis artibus debere. Et verò ab eo animo longe abfuit Christianissimi Regis generositas, quando utcumque infensus, non ideò Senerissimo Electori Brandenburgico ullam dignitatis controversiam movit, quod facturo colores nunquam

defuissent. Itaque sperandum est, Principibus Germaniæ debitos honores minimè negaturum, quanquam totum Imperium bello implicatum sit; præsertim cum sint inter Principes, de quibus ne quæri quidem potest.

## CAP. XXXVI.

*De Dignitate Electorum tractatio nobis profutura. Qua occasione ipsis Fraternitas à Regibus data. Stylo Germaniæ Majestatem non dabat equalis equali; secus apud exteros. Idem Electoribus, qui Venetis, honor Monasterii. Hactenus tamen Legati eorum in Gallia non texere caput coram Rege, aut introitum habuere, ut Veneti. Etiam Sabaudi, licet capitis tentionem, nondum tamen introitum, ut Veneti, habent. At in congressibus Legatorum à Venetis Electorales non distinguuntur. Jus Electoris mittendi plures uno Legatos equali Characterere, frustra disputatum.*

**Q**Uoniam ergo ostensum est, uti nos exemplis aliorum posse, nunc superest, ut exempla ipsa producamus Electorum scilicet Germaniæ, ac postea Principum Italiæ. Incipimus ab Electoribus, quos Italiæ Principibus potiores, & Principibus nostris propiores esse constat. Electores jure Suprematus cum omnibus appendicibus, in quibus est *jus Legationis plenum*, frui, hodie extra controversiam est. Olim Electores pariter, ac cæteri Principes Ger-

Germaniæ, rarò cum exteris tractabant; deinde nondum constituta erat velut disciplina quædam Cæremonialis, quæ Romæ cœpta, Monasterii stabilita, nunc Noviomagi perficienda est. Equidem olim Regibus non nisi Regiæ dignitatis appellationem ab Electoribus tributam, constat ex literis Electorum ad Gustavum Aldolphum, qui ab initio questus, denique recepto usui acquievit. Nec aliter à Principibus factum infra dicetur. Postea cum Monasteriensis Tractatus multos extraneos Ministros in Germaniam traxisset, atque animadverteretur, ex usu temporis Majestatem etiam dare æquales æqualibus, cum antea recepta Germaniæ phrasi non nisi inferior superiorem *Majestatis* appellatione coleret, non dubitavere Electores facere, quod Venetos & Batavos & omnes Italiæ Principes, imo Reges ipsos, sed & jam Electorum nonnullos, facere videbant. Vicissim Rex Galliæ fratres appellare Electores seculares, aut ex serenissima familia Ecclesiasticos, non est gravatus. Si Autori egregiorum de Legatis Collectaneorum, quæ nuper in Batavis prodire, credimus, primus fuit Brandenburgicus Elector anno 1647. cui Rex Galliæ Fraternitatis honorem habuit; idque volente Mazarino, quanquam Comes Briennius Secretarius Status novitati reclamaret. Sed Mazarinus Electorem quavis ratione demereri volebat, ut à consiliis avocaret, quæ tunc agitabantur, de incundo Foedere inter

Saxonem, Brandenburgicum, Lunæburgicos, aliosque Germaniæ Principes, quo factionis novæ, nec Cæsareis nec Gallis Suecisve addictæ, sed pacem Imperio reddituræ, fundamenta jaciebantur; quæ ne totam Gallorum machinam Monasterii structam disturbareret, Cardinalis verebatur. Ab eo tempore cæteris Electoribus idem honor habitus, ubi vicissim Regibus Majestatem reddidere Monasterii, assensere Galli, ut idem Electorum Legatis, qui Venetis, honos esset, ea conditione, ut ne vicissim Legati Gallici à Cæsareis distinguerentur. Venetam porrò Rempublicam etiam Romæ ad Coronæ modum tractari, Legatis Venetis primæ Visitationis honorem, *Excellentiæ* appellationem concedi, & visitationem reddentibus potiorem locum dari constat. Idem factum est Monasterii erga Legatos Electorum, ne Apostolico quidem Nuncio repugnante, quemadmodum refert Victorius Siri. Certum est, in Batavis & apud Septentrionis Reges, Legatos Electorales æquo cum aliis à Rege aut à Republica vel Principe libero missis jure uti. Idem apparuit & in Olivenfi Tractatu, ubi Brandenburgici nulla in re à Regiis distincti sunt. Est tamen, in quo Gallia nondum Electoribus satis æquam se præbuit. Nam hætenus concedere noluit, ut Legati Electorum caractere vestiti coram Rege tegerent sese. Quod tamen faciunt Legati à Sabauda, ab Hetruriæ, imò à Mantuæ Mutinæve Ducibus missi. Itaque haud



haud dubie rectè facient Electores, si se regentes vicissim non patientur, ut Legati Regis apud ipsos sese tegant. Illud minus miror, quòd Legatis Electorum negata in Gallia receptio solennis, Legatis Regiis, Venetis, Batavis concessa, quando nec Sabaudis aliisque Italiae Principibus tribuitur. Itaque Marchio de Villa Legatus Sabaudiae Ducis anno 1660. in Galliam missus maluit Lutetiam ingredi dissimulata persona; quàm parte tantum honoris frui, qui aliis integer habetur. Elector Bavariae Maximilianus Anno hujus seculi trigesimo octavo misit in Galliam Oratores. Groenfeldium & Curtium, titulo Ambasciatorum, sed honor introitus illis habitus non est, & Regi locuturis negata regendi se facultas, quam Legatus minimi cujusque Italiae Principis habet. Itaque coacti sunt mutare personam, novisque mandatis domi acceptis, jam tantum Ablegatos agere. Scilicet eo tempore *Richelius* rerum potiebatur immodicus aliorum contemtor, & qui Principibus sanguinis Regii atque Electoribus Imperii ne apud se quidem potio rem locum dabat. Præterea Bavarus pro Gallorum hoste haberi poterat, cum illius potissimum arma, in superiore Germania Vinariensibus Gallico stipendio merentibus opponerentur. Ab eo tempore nemo, quod sciam, Electorum in Galliam Ambasciatorem misit, quod si aliquando captata commoda occasione fecissent, fortè quod tunc negatum est, non ægre à Mazari-

no, in hoc genere faciliore, obtinuissent. Sed missis nunc honoribus, qui Legatis apud Reges redduntur, illud constat, cum Legati inter se congregiuntur, Electores ab aliis, à Rege, Republica, ac Supremo Principe missis non distingui. Præsertim, ex quo nunc Cæsar, Gallus, Anglus, suis injunxere, ut venientibus Brandenburgicis Legatis primæ visitationis, Excellentiæ ac potioris loci honor Noviomagi haberetur. Et professi sunt Galli eundem aliis quoque Electoribus honorem habitum iri. Quod verò nuper Gallis, cum nihil aliud, quod vellicarent, in mentem venit, duos Legatos Brandenburgicos distinguere in primarium ac secundarium, exemplo Congressuum Monasteriensis & Lubecensis, id ab hoc loco alienum est: nostro enim instituto sufficit, capiti Legationis plenum honorem haberi. Mirari tamen subit scrupulos ullo rationis colore carentes. Quasi verò non sit in potestate Principis cujusque, plures mittere Legatos æquali potestate. At, inquires, Monasterii aliter actum est, & Lubecæ in Tractatione Pacis Svecico-Polonicæ Canutus Legatus Gallicus non nisi primo plenos honores habere voluit. Quid tum verò, cum mittere, quot velis, res sit meræ facultatis, & ferè in Germaniæ tantum Conventibus audita in primarios secundariosque divisio videatur, quem morem Monasterii secuti sunt. Inde verò jus facere non licet, & vide obsecro, quàm multa satis incommoda hinc con-

consequuntur. Primum hâc distinctione admissa introducetur novum characteris genus, Ambasciatorum scilicet secundariorum, quos tamen ab Ablegatis utique mandatum distinguit. Deinde Blasphilius Dominus Legatum pleno jure esse jubet, Galli eum, quantum in ipsis est, gradu movent. Præterea fingamus, Somnitio avvocato Blasphilius restare, nonne jam Blasphilius caput legationis erit, ac proinde iisdem fruetur honoribus, qui nunc Somnitio habentur, nec tamen novam potestatem dignitatemve à Domino aut Collega accepit; neque enim Collegæ subdelegatus haberi potest. Itaque patet, jam tum jus habere, quod exercere aliquando posset, (si Collega discederet) nemine de novo dante. Redeat jam Somnitius, novo iterum mandato remissus, an rursus degradabitur Blasphilius, Domino invito, nullaq; muneris parte adempta, ideò tantum, quod ab aliis præceditur? Quid si jam Mauritius Nassoviæ Princeps utrique superveniret, futurus sine controversia primus, an ideò Somnitium appellatione *Excellentiæ* spoliari jus fasque erit? Quæ cum inepta sint omnia, satis patet, difficultatem quoque, quæ Brandenburgicis movetur, inanem esse, frustra que Gallos Electoribus atque Principibus Germaniæ præscribere velle, quomodo pleno, quod habent, Legationis jure uti debeant. Nobis verò ad institutum satis est, Legatum Electoralem, Cæsare ac maximis Regibus non repugnantibus,

in Tractatibus, pari cum cæteris Legatis omnibus jure esse.

## C A P. XXXVII.

*Honor, quoad jus Legationis inprimis, Electoribus habitus, etiam Principibus nostris prodesse debet ob paritatem rationis, nempe Suprematûs. Objicies: Electores Regibus æquari posse, cæteros Ducibus tantum. Nam & Veneti Romæ Regibus comparantur, Electores Venetis non cedunt. Respondeo, esto ita, si id Electores obtinere possunt, modò illa nobis sint cum Electoribus communia, quæ Venetis cum aliis Italiæ Ducibus communia sunt.*

**Q**Uoniam verò circa id, quod summum est, & in hoc negotio spectari debet unicè, nempe *Suprematum*, nullum inter Electores atque Serenissimos Imperii nostri Principes discrimen intelligi potest, hinc jam manifestò consequitur, honorem Electoribus à Cæsare Regibusque, non obstante vinculo, quo Imperio devinciuntur, habitum, etiam nostris Principibus communicari debere, quando constat, non illos minùs, quàm hos Cæsari atque Imperio obnoxios esse. Equidem Legati Electoris Saxonix Osnabrugam venientes, Cæsareis primæ Visitationis honorem exhibuere, quem velut novissimè adventantes expectare poterant, alii credo Principes non minùs prouident, in ea omnia, quæ ad honorem capitis, non



non Germaniæ tantum, sed & Christiani orbis pertinent: sed quando nunc Cæsar ipse indulget quoddam inter suos aliosque Legatos æqualitatis genus, salvo mittentium discrimine (neque enim ideò minus Brandenburgicus Cæsarem præsens solita submissione coleret) cæteri Principes, nisi se deteriores, ac ne liberos quidem fateri velint, excludi non possunt. At verò, inquires, quemadmodum in ipsa Curia Romana, & alibi passim Coronæ à Ducibus & Republicæ, quæ Coronarum loco habentur, ab aliis, quæ non nisi Ducum honore fruantur, distinguuntur: ita Electores Regibus, cæteros Germaniæ Principes aliis Ducibus liberis æquari, rationis erit. Neque igitur ab Electoribus ad Principes validum satis argumentum ducetur. Sanè Veneti dudum obtinuisse creduntur, ut Legati eorum pari cum Regiis jure utantur. Nam & solenni pompâ recipiuntur apud Reges, & jam olim à Pontificibus obtinere *Sala Regiæ* (quam vocant) honorem, cum Genuensibus aliisque tantum in Sala Ducali locus sit. Ejus rei origo tangitur in literis Abbatis Michaëlis Justiniani aliquot abhinc annis editis, inter quas una est ad Sign. Carlo Cartari: *Intorno il tempo che gli Ambasciadori di Venetia comminciarono haver da Pontefici la Sala Regia che fù nel 1560. per la concessione del Papa Pio IV. come dice Francisco Mucanti Maestro di Ceremonie di quel tempo. Et Franciscus Sextini in libro, cui titulus est Il*

*Mae*

*Maestro di Camera*, crebrò monet Legatos Regios à Ducalibus distingui, exempli causa cap. 31. *del ricever le Visite*; inquit: *I Cardinali nuovi ricevono in habito del colore conforme al tempo con rocchetto scoperto tutti i Cardinali che rendono la visita.* Et nello stesso habito anco ricevono i *Duchi Serenissimi* e gli *Ambasciatori Regii residenti*, cioè dell' *Imperatore*, di *Francia*, di *Spagna*, e di *Venetia*. In *Sottana* & *Mozzetta* ricevono gli *Ambasciatori di Toscana* e *Savoia*, & tutti i *Baroni* e altri personaggi che visitassero detti *Cardinali nuovi*. Idem tamen postea notat, *Cardinales generatim*, (id est, excepto quem dixit novorum Cardinalium casu) Legatos Regios à Ducalibus quoad habitum, quo recipiuntur, non distinguere. Capite sequenti dell' *Ambasciata* (id est, de interpellatione Cardinalis misso intus ejus *Camerae Magistro*) Essendo all' *audienza Cardinali per Duchi Serenissimi* e per *fratelli* e *Nepoti del Papa vivente*, *Alcuni Cardinali* sogliono volere che sia fatto loro anco per *Ambasciatori Regii*. Nimirum, si quis sit apud Cardinalem, non videtur interrumpendus, nisi ab æquali. Itaque si Cardinalis sit intus apud Dominum, l' *Ambasciata* sive interpellatio fiat à *Magistro Camerae*, si superveniat alius Cardinalis, aut *Dux Serenissimus*, aut *nepos Papæ*, Dominum invisens. Si verò Legatus Regius veniat, satis testatur, generaliter id non fieri, sed apud aliquos tantum Cardinales. Ex quo intelligitur, tum *Duces Serenissi-*  
mos

nos à Legatis Regiis, tùm verò & Legatos Regios à Legatis Ducum distingui; nam idem postea subicit: Quando sono dentro al Cardinale Ambasciadori Regii non si fa l' Ambasciata per quelli di Toscana e di Savoia; quando vi sono poi detti Ambasciadori di Toscana e di Savoia non si fa Ambasciata per li Agenti di Duchi Serenissimi, ne per li Ambasciadori di Malta, di Bologna e di Ferrara. Unde apparet hîc, Legatos Ducales ab Abegatis (quos hoc loco vocat *Agentes* alio paulò quàm nunc apud nos usitatum vocis sensu). satis distingui, & Legatos Magni Magistri Medietensis eodem loco cum illis haberi, quos Bononia & Ferraria mittunt, id est, pro Deputatis: non minùs enim ille, quàm hi à Papæ Subditus venire videntur. Sed hoc obiter. Idem Cap. 33. del rincontrare; inquit, Cardinali soglino rincontrare gli altri Cardinali al meno nella sala der Palafrenieri, & alcuni soglino davantaggio ma non più che à capo delle scale. I Duchi Serenissimi quanto i Cardinali, (hoc sanè notari meretur, cum Cardinales Electoribus non utique cedant) gli Ambasciadori Regii due otre stanze secundo che ne sono in quella casa, e per la prima stanza intendo quella che si trova subito all'uscir della Camera dell' audienza; i fratelli e Nipoti del Papa vivente quanto gli Ambasciadori Regii. Gli Ambasciadori di Toscana e di Savoia una stanza e mezza. Quod si ergò Legati Regii, & cum his Veneti à Ducalibus tanta cura distinguuntur, ideò, si admittamus, Legatos

tos Electorum Venetis æquari, ne dicam præferri, ( quod Daniel Wienmannus, quondam Cancellarius Clivienſis, Tractatu elegantī docebat, quem manu ſcriptum videre memini ) non magis poterimus à Legatis Electorum ad Legatos reliquorum Germaniæ Principum argumentari, quàm à Legatis Regiis ad Ducales. *Hæc eſt obſectio*, in qua ſpeciei plurimum, firmitatis nihil. Equidem dubitari poſſet, an Legatis Venetorum comparari per omnia poſſint Electorales; nam, ut ſupradixi, Veneti introitus ſolemnis jure utuntur, reguntque ſe coram Regibus, quorum neutrum Electorum Legatis hætenus in Gallia indultum eſt. Et Curia Romana nescio an Electoribus eundem, quem Venetis, honorem habitura eſſet. Sed quoniam mihi Gallorum hoc in genere duritas rationi conſentanea non videtur, Electorumque dignitati favere Germani hominis eſt, quam vir Doctiſſimus Joh. Freinsheimus Libello de *Electorum Eminentia ſuper Cardinales*, multis olim defendit: ideò ponamus age Electorales Legatos Regiis ac Venetis, ſi non poſſeſſione, jure certè æquandos eſſe, & multis nominibus à Ducalibus diſtingui, manifeſtum erit tamen, illis in rebus diſtingui non poſſe, in quibus nec Regii à Ducalibus diſtinguuntur. At vero minime diſtinguuntur illi quoad *Excellentiæ* appellationem, honoremque primæ viſitationis & potioris loci, & in univerſum quoad illa omnia, quæ in

Con.



Congressu Legatorum inter se invicem observari solent; secus enim est, cum honores à Regibus ipsis habiti considerantur, quibus Regii Legati à Ducalibus distingui solent: quibus vel idè minus uti possunt Electorales contra Principum aliorum Legatos, quòd in his Electorales ne Ducalibus quidem omnibus æquantur; hætenus enim Ducum Italorum Legati se egunt coram Regibus etiam in Gallia, quod nondum Electores in suorum Legatorum gratiam obtinuerunt.

## CAP. XXXVIII.

*Vulgus exterorum, externam spectans pompam, immensam inter Electores & Principes distantiam imaginatur. Potestas Electorum circa electionem. Capitulatio Aureæ Bullæ ignota. Hanc Electores pro lubitu formare cœpere. Ferdinandus II. solos Electores consuluit de summa Imperii. Ferdinandus III. & Leopoldus Ordinum jura restituerunt. Pax Westphalica in Comitibus Capitulationem perpetuam fieri voluit. Dubitatum nuper de jure Adcapitulandi. Potestatem deponendi Imperatoris ipsis concedere non ausim.*

**S**ed quoniam multi, præsertim exteri, rerum Germanicarum parum periti, quodam opinionis errore, immensam inter Electores aliosque Imperii Principes distantiam sibi fingunt, educti partim à pompa solemnium, quibus  
in

in Electione atque Coronatione Imperatoris, ubi maximè exteri ad spectaculum concurrere solent, à cæteris distinguuntur, partim decepti à rerum Imperii jurisque publici scriptoribus, maximè veteribus, qui Capitulationibus Imperatori ab Electorali Collegio præscriptis insistentes, pleraque Majestatis jura solis Electoribus communicant, & in Comitibus Imperii generalibus tantum putant unum posse Electorem, quantum Principes Decem. Ideò postulat argumentum, quòd tractare suscepimus, ut Principum honorem contra iniquas obtrectiones asseramus, quod ita tamen faciemus, ut omnibus æquis judicibus appareat, *pro Principibus magis quàm contra Electores à nobis dici.* Credibile est enim, Electores ipsos sapientissimos Principes nolle crescere Principum detrimentis, cùm non ignorent, Imperii tranquillitatem non nisi æquitate & justitia stare posse: turbatis autem Imperii rebus eam cuique autoritatem esse, quam propriæ vires faciunt, non quam Leges ascribunt cùm contrà Electorum quorundam prærogativa recepto resu potius, quàm domestica potentia nitatur, & sint Principes, qui ditiones cùm quibusdam Electoribus non permutarent, quas etiam aliquot, ante ipsos seculis possedere. Porro potestas Electorum legibus Imperii stabilita, ac moribus introducta in duobus potissimum capitibus consistit: *Electione Imperatoris, & rerum Imperii administratione quadam peculiari.*

Ele-

*Electio Imperatoris* jus illis tribuit habendi Comititia Electionis causa, illisque Imperatorem declarandi, quem major suffragiorum numerus probaverit. Cœpere paulatim Electo Imperatori certas quasdam leges præscribere, quas vocant *Capitulationes*, quæ tractu temporis, aliis semper aliisque pro Imperii necessitate aut Electorum utilitate adjectis, crevere, & passim pro lege Imperii Fundamentali habentur. Exstat volumen Capitulationum inde à Carolo V. cum notis Limnæi. Equidem de Capitulationis præscribendæ jure altum in Aurea Bulla Caroli IV. silentium est, quæ tamen satis alioqui in Electores liberalis videtur. Tantum illud reperitur Cap. 2. paragrapho 5. quod is qui in Regem fuerit Romanum Electus (verba sunt textus) peracta statim Electione hujusmodi, priusquam in aliquibus causis aliis sive negotiis, virtute Sacri Imperii, administret, universis & singulis Principibus Electoribus, Ecclesiasticis & Secularibus, qui propinquiora Imperii membra noscuntur, omnia ipsorum Privilegia, literas, jura, libertates, concessionem, antiquas consuetudines, etiam dignitates, & quicquid ipsi ab Imperio usque in diem Electionis suæ obtinuerunt & possederunt, absque dilatione & contractione confirmare & approbare debeat per suas literas & sigilla, ipsisque præmissa omnia innovare, postquam Imperialibus fuerit insulis coronatus. Huc usque Bulla. Quæ verba etsi Capitulationes nullo tangant modo, originem tamen illis præbuisse videntur. Ele-

Electores enim formulam præscribentes Electo Regi, qua privilegia eorum confirmare sponderet, alia paulatim, quæ in rem videbantur, boni publici specie adjecisse videntur: unde tandem natæ sunt Capitulationes, quales videmus, Imperatoribus non repugnantibus, qui nullas facile conditiones repudiabant, ut Imperio potirentur. Sed cum ea ratione Electores ad se trahere viderentur Legislatoriam in Imperio potestatem (saltem pro tempore durantis regni Electi Imperatoris; futuram repetitis Electionibus perpetuam) reliqui Ordines expergefæcti jam sub Rudolpho II. queri cœpere, jura statuum convelli ac fundamenta Libertatis Publicæ sollicitari, dum ad paucos revocetur, quod omnium est. Vetera enim *compacta*, ut vocant, sive *pacta conventa*, quibus Imperatorum potestas circumscribebatur, consilio statuum inita esse. Renovatæque in primis querelæ sunt, cum Ferdinandus II. summam rerum Imperii ad Electores trahere velle videretur; nam quamdiu ille Imperium rexit, conventus tantum Electorum habiti sunt, Ordinum verò Comitia nulla. Ecclesiasticos enim Electores tunc Cæsar in potestate habebat, mediam collegii partem, cui si accederet Bavarus, honorem Cæsari acceptum referens, jam suffragiis vincebat. Sed hæc gubernandi Imperii ratio pene ipsis Electoribus fatalis fuit, Palatino everso & Saxone nutante, nisi Lipsiensis pugna rerum faciem mutasset. Nec dubium erat, quin victo



isto pulsoque Gustavo Cæsar; jam Imperii  
 ne controversia arbiter, etiam exiguam Bava-  
 rationem habiturus fuisset, quem cum Gallis  
 occultè tractare non ignorabat, atque ita periis-  
 set omnis Electorum autoritas, cum Ecclesia-  
 sticorum metuèrentur. Usque adeò scili-  
 cet periculosum est à via regiæ publicæ utilitatis  
 recedere, privati compendii causa; malo sæpe  
 ipsos autores verso. Sed vigilantibus pro  
 Germania fatis res aliter cecidit; nam Cæsar  
 Ferdinandus III. Princeps sapientia & modera-  
 one inclytus, majorum more iterum Comi-  
 tia Ordinum conscripsit Ratisbonæ anno 1640.  
 quibus ad pacem strata est via. Secutisque  
 Westphalicis Tractatibus Libertati Ordinum  
 huic quoque Capitulationis negotio provi-  
 sum est, ut in proximis Comitibus de certa con-  
 stantique Capitulatione Cæsarea ageretur. Ita  
 Comitibus anni 1653. ea de re tractari cœ-  
 tum, & interea Collegii Principum nomine  
 monita Electoribus exhibita sunt, quorum in  
 proxima Electione Romanorum Regis (Ferdi-  
 andi IV) ratio haberetur, quod & pro parte  
 actum. Sed, cum Principibus per omnia sa-  
 tisfactum non esset, & nova ab iis oblata mo-  
 nita Electores Francofurti in Capitulatione  
 Leopoldina condenda parum curassent, Con-  
 tradictio, quam Protestationem vocant, Prin-  
 cipum nomine secuta est; qua negant in con-  
 troversis capitibus Capitulationem hanc à se  
 pro Lege Imperii habitum iri. Cumque jacta-

rent palam multi, consilia Electorum ad Oligarchiam spectare, atque maturè reprimenda esse, affundentibus oleum igni Gallis Suecisque, qui Principes contra Electores animabant, tamen moderatis ac prudentibus visum est, nihil temere ac violenter decernendum, cum spes esset, Electores ipsos, æquitatis ac publici juris rationem habituros. Itaque cum, Turcico bello ingruente, Cæsar auxilia circumspiciens, comitia Ratisbonæ indixisset, quæ nunc quoque, præter omne exemplum, ita jubente Reipublicæ usu durant, Ordines, captata occasione, evicere, ut Capitulationis causa, quemadmodum in Westphalia conventum erat, proponeretur. Scripta est formula perpetuæ legis Regiæ & particulatim examinata, cumque omnia pulchrè procederent, Prologusque & Epilogus maxime restare viderentur, Electores derepente coorti, novum re nomineque *Jus Adcapitulandi* produxere, quod servari sibi postulabant. Cæteris vero visum est, hoc admissio, quæ acta erant, omnia subverti, cur enim formula constans conscripta esset, si libertas addendi, quæ libuisset, id est, uno verbo Leges ferendi Electoribus relinqueretur. Itaque ad hunc scopulum hæsit tractatio, donec imminens à vicinia tempestas ad graviores curas animos omnium avertit. Nostrium non est, in tanta re judicium interponere, satis erit annotasse, autorem libelli Gallici, cui titulus est *lettre d'un désintéressé* (de quo supra) cum Electorum prærogativas enumer-

neraret, illas certè in calculum referre non de-  
 uisse, quæ nunc sub iudice sunt, & in Publicis  
 Imperii Conventibus disceptantur; quod si  
 omnino citandas putabat, rectè facturum fu-  
 sse, si aut rationes adduxisset sententiæ suæ, aut  
 ubi reperiri possint, indicasset. Nam litigio-  
 sa velut confusa proponere, est lectorem cir-  
 cumvenire, & sine probatione asserere, quæ tan-  
 tum negando refutantur, est eum contemne-  
 re. Aliam sibi potestatem arrogarunt olim  
 electores deponendi Cæsaris, si ita mereri ju-  
 dicarent, sed in eo mihi videtur nimium à Re-  
 publica peti. Cur enim paucis liceat suo arbi-  
 trario cuncta convertere, & in Cæsarem ipsum  
 imperium exercere? Rectè dixit Jurisconsul-  
 us, *judicem sententiam revocare non posse*, nam  
*um pronuntiavit, functus est officio suo*: ita Ele-  
 ctor nominato Cæsare muneris sui partes ex-  
 levit. Nec video, quid illis tantam tribuat  
 potestatem; non ratio, non Imperii leges, nec  
 nos patrius, neque ulla exempla. Nam quæ  
 in Ludov. Pium, Carol. Crassum, Henricum IV.  
 Ottonem IV. Fridericum II. à proceribus per tu-  
 multum ac plerumque per injuriam acta sunt,  
 ad Electores non magis quàm ad alios perti-  
 nent. Wenceslaus, monstrum hominis, ab  
 omnibus spretus ac desertus erat, ut Electores,  
 sententiam omnium Ordinum secuti, non de-  
 posuisse Cæsarem, sed vacante Imperio novum  
 legisse videantur, ipso Wenceslao res Germa-  
 niæ parum curante; cum enim soli Germano-

rum Noribergenses novo Cæsari Ruperto fidem dare nollent, nisi venia Wenceslai, Wenceslaus, aliquot vini Baccharensis plaustra stipulatus, sacramento eos absolvit. Potestas ergo Electoria in hoc quidem negotio huc sine controversia redit, ut Imperio, imò rei Christianæ, de capite provideatur, cujus virtute & autoritate collapsa instaurari, reliqua sustentari possint, cujus potestas Imperii legibus potius, quàm paucorum arbitrio circumscripta, arctiores nocendi limites habeat, ad res autem bene gerendas, beneficiaque in Rempublicam conferenda, amplissimâ libertate laxetur.

## CAP. XXXIX.

*Potestas Electorum circa administrationem Imperii. Senatusconsultum seu jus præconsultandi non concludendi. Ipsorummet testimonium. Placuit aliquando, ut sex alii Principes adderentur, cum de gravioribus deliberaretur. Non competit illis jus interpretandi leges, nec cognitio de Status proscriptione, ne quidem in casu notorii. Cæsar tamen cum solis Electoribus deliberat de habendis Comitibus.*

**A**ltera Electoralis officii pars in quadam rerum Imperii administratione consistit, quæ vel ad Comitibus Ordinum pertinet, vel alias in Conventibus Electoralibus, aut communicatione per literas instituta exercetur. Ac primum quidem operæ pretium erit considerare, quid



quid Electores per se, extra generalia comitia, possint. In quo potestas eorum similis videtur illi, quam Senatus exercet in Polonia, qui deliberationes *ante comitiales*, *post comitiales* & *extracomitiales* habet, non quadam de maximis rebus statuendi vi, sed suadendi atque consulendi autoritate. Reipublicæ autem vis in ipsis consistit Comitibus, quæ nisi probent Senatus consultum, nihil actum videtur. Itaque Electorum quoque munus in præconsultando consistit, & ipsi plerumque res majores ad plena Comitia rejecere. Cum enim Rudolphus II. Imperator, à fratre Matthia in angustias reductus, re moram Comitiorum generalium non ferente, Electoralem Convencum Noribergæ per Legatum habuisset, ut auxiliis Imperii labantem auctoritatem sustentaret, Electores causati sunt, talia ab Ordinibus universis tractanda esse: cum tamen inventa à nonnullis postea distinctione uti possent, inter ea, quæ moram ferunt, & quæ præsentem opem postulant, qualis tunc erat causa Cæsaris. Et in Convencu Electorum Ratisbonensi anno 1630. Electores Cæsari nimia postulanti respondere, ubi omnium ope ac subsidii opus sit, omnium quoque Ordinum deliberatione opus esse. Et superiori seculo Protestantibus Electoribus & Principibus Suinfurti consultum visum est, ut cum de Rege Romanorum vivo Cæsare eligendo, vel aliis gravioribus negotiis Collegiū Electoralis ageretur, sex Electoribus totidem

ex præcipuis Principibus adderentur. Sunt, qui putant, si non Legum ferendarum, certè administrandæ justitiæ atque Executionis curam propius ad Cæsarem atque Electores spectare, quod Ferdinandus II. Ediçto de bonis Ecclesiasticis, anno 1629. publicato, asseverabat: Ubi querentibus Ordinibus, quod Legislatoriam potestatem ad se trahere videretur; Imperatoris nomine à Consiliariis Aulicis non absurdè sanè responsum est, non hic de lege ferenda, sed justitia administranda, ac pace religiosa exequenda agi. Saxo tamen Elector literis 28. April. anni 1629. ad Cæsarem datis multis rationibus ostendit, causam Ediçti ad Comitata rejiciendam esse. Quare interpretatio quoque Legum publicarum ad Electores solos minimè pertinet. Idque velut confessum sumfere Ordines, qui Francofurti 8. Augusti 1658. contra Leopoldinam Capitulationem, & quoddam Electoralis Collegii Decretum de die 27. Julii testati sunt, admissio hoc decreto, solius Collegii Electoralis forè interpretationem Aureæ Bullæ, quod absurdum esse constet. Electorales quidem efficere nuper conati sunt; ut proscriptio Statuum ab ipsorum inprimis arbitrio penderet; nam in Capitulatione Ferdinandi III. primum adjectum est, ut ne quisquam ex Statibus proscribatur inconsultis Electoribus, & anno 1653. à Cæsare, Consilio cum Electoribus habito, proscripta est Bremensis civitas, quod se vectigali, à Cæsare Comiti Olden-

denburgico in Visurgi concessio, opposuisset: sed reliqui Ordines acriter his molitionibus contradixere, quemadmodum apparet ex consultatione Ordinum Inferioris Saxoniae in Conventu Circulari Lunæburgi 1652. indicto, ubi decernunt dandam operam, ut Banni negotium ad Ordines Imperii rejiciatur, veteri more. Cumque in Capitulationibus Ferdinando IV. & Leopoldo feliciter regnanti praescriptis Electores coeptam paulò ante formam retinuissent, à Principibus universis contradictum est, & nominatim ab Evangelicis Anno 1658. in Monitis ad artic. 28. Capitulationis Ferdinandi IV. annotatum, ne prae-textu quidem notorietatis, sive manifesti juris, statum aliquem extra Comitiam Ordinum proscribi posse. Nam Electores assenserant denique atque Capitulationi inseruerant, ut proximis Comitibus de modo proscribendi, atque proscriptionem exequendi consultaretur, adjecta tamen notorii exceptione vers. (wäre es aber Sach / daß die That an sich selbst gang notori und offenbar / 2c. So wollen wir jedoch auch in diesem Fall mit Zuziehung des Heil. Reichs erstgemelter ohn interessirten Churfürsten / ehe und bevor wir zu der würcklichen Nichts-Erklärung schreiten / communiciren / 2c.) scilicet in casu notorii Cæsari integrum futurum esse consultis Electoribus ad proscriptionem procedere; Principes verò animadvertentes, quantum in notorio definiendo captionis esse soleat, hunc

versiculum: *Ware es aber/ tolli postulaverunt.* Unde intelligi potest, singularem Electorum potestatem circa graviora Imperii negotia, quæ cæteris Ordinibus præjudicare possint, inde à Ferdinandi II. temporibus tentatam, à Principibus maturè oppugnatam, adeoque nec possessione, aut usu introductam, nec Juris ratione evictam esse, & contraria præsumptione gravari: quoniam privilegia stricti juris sint: sunt verò alia magni & ipsa momenti, quæ à Principibus libenter conceduntur, quale illud est, ut de Comitiorum tempore, loco, modo, causis Cæsar potissimum, cum Electoribus, præconsultet; quamquam enim ipsa sæpè Imperii necessitas Imperatorem atque Electores interpellet, neque in cujusquam potestate sit, alia negotia admittere in Comitibus, alia excludere: utile est tamen, omnia ordine geri, & in interiore atque, ut ita dicam, sanctiore Imperii consilio, quod Cæsar cum Electoribus constituit, difficilia Imperii momenta digeri atque præparari: quod tantum abest, ut improbent Principes atque Ordines, ut è re publica potius esse arbitrentur, cum alioqui cruda negotia in Comitibus propulsa, vix multa temporis jactura perpoliantur atque elimentur.





## CAP. XL.

*Potestas Electorum in Comitibus: Collegium faciunt separatim. Dubium an binorum ex tribus Collegis consensus tertium cogat. Dubium etiam an vota numerari debeant in dubio gravi curiatim, an vero viritim. Etiam si numerus suffragiorum in utroque Collegio separatim vinceret, tamen Principes Magni reapse majorem, quàm pro suffragiorum suorum numero potentiam habent, quia ceteros animant aut trahunt. Ideo falsum, tot posse unum Electorem, quot Principes decem; sunt enim Principes, qui tantum revera in Comitibus possunt, quantum aliqui Electores.*

**P**ORRò in ipsis Comitibus Electores separatim faciunt Collegium, aliud Principes, tertium Civitates: propositione à Cæsareo Commissario facta, in unoquoque Collegio deliberatur, & pro suffragiorum numero concluditur. Inde inter duo Collegia superiora Re- & Correlatio instituitur, id est, quod eorum primum deliberationem absolvit, cum altero communicat. Conveniunt ambo in communi loco, ac tamdiù rem agitant, donec aut in eandem sententiam conventum sit, aut desperatus videatur consensus; inde Civitates vocantur, quibus consensus dissensusvé superiorum Collegiorum indicatur, sententiaque ipsarum exquiritur, quæ si alterutri dissentientium accedant, magnum ejus opinioni pondus addunt, & si non-

nonnullis credimus, victoriam tribuunt : quod mihi non usquequaque liquidum videtur. Nam si Electores cum Civitatibus Principes vincunt, vel Principes cum Civitatibus Electores superant, certè multò magis Electores Principesque juncti vincent Civitates : quo facto periiit Civitatibus eo in casu jus suffragii efficacis, sive, ut loqui solent, voti definitivi, eluditurque constitutio Instrumenti Pacis : cum enim, ut nunc est Comitiorum stylus, Civitates non nisi post Electorum & Principum communicata consilia interrogentur, manifestum est, consentientibus jam his, Civitates ne quidem audiri opus esse ; itaque nondum planè exploratum, majorem numerum suffragantium Collegiorum, concluso Ordinum ( *Reichs, Gutachten* ) formando sufficere. Porro ex hac deliberandi forma quidam judicant, Electores septem in Imperio tantum posse, quantum Principes alios omnes, quoniam Collegium Electorale Collegio Principum æquivalet. Hæc si quando ita essent, fateor, omnia Imperii negotia pro suffragiorum numero in unoquoque Collegio definirentur, sed præterquam, quòd quædam negotia suâ naturâ suffragiis subjici non debent, sciendum est, à viris rerum Germanicarum peritis hodieque dubitari, an omninò ulla in causa absolute verum sit, majorem numerum in unoquoque Collegio separatim æstimandum esse ; equidem fateor, ad Re- atque Correlationes es-

se

se utile, ut uniuscujusque Collegii sententiae exquirentur, pleraque tamen omnia ferè magis amica compositione, quàm vi numeri superioris transiguntur. Si, ut apud Venetos aut Genuenses fieri solet, unusquisque calculum tacitus injiceret urnæ; inde calculis colore discretis atque dinumeratis palpabili quadam ratione controversiæ dirimerentur, fateor tantum valeret credo in Comitibus Elector unus, quantum Principes decem. Nunc verò, quemadmodum supra attigi, rationum vis plurimum potest, & potentiorum autoritas reliquos trahit aut animat. Nec dubium est, quin tantum in Comitibus possit aliqua domus Principalis, quantum aliqua Electoralis. Equidem non admodum vetusta est statuum in Collegia discessio, quam Lehmannus ad Friderici III. tempora refert, & curiatim potius quam viritim agi cœptum est haud dubie facilioris tractationis causa, non ut tanta constitueretur inæqualitas, quantam hodie sibi fingunt: quis enim crederet, passuros fuisse Principes tantam mutationem, ut unus decem æquaret, quorum singulis antea tantum par visus fuerat: scilicet illorum temporum simplicitas tam futiles argutias non capiebat, neque tunc scrupulosè numerabantur suffragia: & de semisse aut sextante summæ in Imperio potestatis unciisque ejus, & si Diis placet, unciarum minutiis, quas aliqui singulis Electoribus ascribunt, disputare putidum fuisset: sed qui eloquentia aut factione plurimū po-

poterat, cæteros trahebat; eò ferè modo, quò hodie in Polonia pleraque transiguntur. Operæ pretiũ erit hoc loco transcribere, quæ vir aliquis iudiciosus & rerum patriarum peritus, nec Principi magis quam Electori, cum scriberet, obnoxius, ea de re differuit, quibus tamen non per omnia assentior; [Electoribus, inquit, de consensu reliquorum Ordinum tantum Electio Cæsarea præ cæteris est concessa, non verò ullibi legimus sanctione Imperii inductum vel stringenti consuetudine obfirmatum, quod Electoralia vota, (licet his merito habeatur prærogativa honoris,) præsertim tanto excessu, aliorum Principum suffragia exuperare debeant, ut septem Electores, totam Principum classẽ, quæ quam plurimis votis constare assolet, possint parificare: hinc versamur adhuc, quod ad Comititalia attinet, in terminis illius temporis, ante quod Septemviratus suum nactus fuit principium: adeò, ut sicut tunc inter Electorum & Principum vota, respectu ponderis & valoris, in publicis negotiis non fuit tanta distinctio, sic ne hodie quidem contrarium obtinere debeat. Nec movere potest ex adverso, quòd tres illæ classes, Electorum, Principum ac Civitatum Imperialium, curiatim invicem agant, suæque vota expromant: nam Collegia illa suas decisiones plerumque tunc demum invicem aperiunt, cum unumquodvis illorum secum consentit; ideoque non est necesse, speciatim exprimere, hunc vel illum



illum Electorem, aut Principem hoc idem sentisse, sed sufficit, brevitatis causa Collegii totius vel majoris partis placita edicere, præsertim quoniam amicabili modo agitur, ac rationibus hinc inde collegiatim expositis compendiosiori via in idem placitum transitur, quàm si singulatim vota Classium dinumeranda essent. Ex eo tamen non sequitur, curias illas partim dignitatis respectu, partim facilioris tractationis gratia adinventas, alteri Collegio præ altero amplius jus tribuere, vel adimere, quàm competierit antè; aut alterum alteri contra principum jus exæquare. Unde si contingat, ut una Curia alteri repugnet, debent vota cuncta considerari, ac forte v. g. dicetur: tot stetisse pro hac sententia vota Electoralia, Principalia, &c. pro contraria tamen tot vel Majora: ut sic sensus iste, de colligendis majoribus, respectu votorum magis quam classium, nec ab usu videatur alienus.] Hæc ille. Nos tamen si fateamur, hodie numerari suffragia (vide R. A. zu Trier und Cöln Anno 1512. §. es sollen auch die Churfürsten. R. A. zu Worms 1521. §. wurde sich;) illud tamen asserimus, Magnos Principes non esse capite censendos, nec tam numero quàm autoritate atque exemplo valere, & primæ æqualitatis expressa vestigia superesse in *Deputationibus Imperii ordinariis*, ubi non curiatim, sed viritim suffragia colligenda sunt, nec plus valet Electoris quàm Principis sententia, quemadmodum noti sunt usus & testantur Statutus

tus Evangelici in suis gravaminibus politicis  
Anno 1645: Oshabrugæ oblati.

## CAP. XLI.

*Si non viritim, sed curiatim suffragia æstimantur, nibilo magis verum est, quod unus Elector tantum possit, quantum Principes multi, nisi in illis causis, quæ numero suffragiorum submituntur, quales sunt illæ maxime, quæ ad communem Imperii administrationem, non vero æque illæ, quæ ad singularum ditionum regimen ac Suprematum pertinent, ut religio, libertas, & secundum nonnullos, Collectæ. Equidem proscribi potest Princeps in Comitibus per majorem numerum sententiarum; sed cum proscribere sit hostem judicare, patet, idem fieri posse etiam in Principem externum ab Imperii nexu liberum: præsertim cum alioqui exteri causis majoribus, ubi de Principum ditione agitur, misceri soleant, non tantum ob Status rationem, sed & prætextu conservandæ Westphalicæ Pacis. Itaque belli vitandi causa graviora potius amica compositione, quàm numero suffragiorum transiguntur. Concludo ergo Electorum functiones, quibus supra ceteros eminent, tantum ad præconsultationes & minora negotia (excepta Electione) spectare, quæ etiam non Principibus, ut olim Regimento, committi poterant.*

**S**ed esto ita: ponamus, tantum posse unum Electorem, quantum Principes decem: faciendum erit, hoc non nisi in illis causis locum habere, quæ suffragiorum numero, & ut vulgò loquuntur, pluralitati votorum submittuntur. Videtur autem hodie res eò perpetuum rediisse, ut in causis gravioribus, unde periculum Reipublicæ creari possit, amicè transigatur potius, quam multitudini calculorum præfractè insistatur. Dudum contendere Protestantibus, in causa religionis, majoris numeri jus cessare. Idem à multis ad negotium publicorum onerum extensum, ne alter alteri præjudicium faceret suffragando: in congressibus Westphalicis re diu agitata ita denique conclusum est, Cap. 5. §. 19. [in causis religionis omnibusque aliis negotiis, ubi Status tanquam unum corpus considerari nequeunt, Catholicis & Augustanæ Confessionis Statibus in diversas partes euntibus, sola amicabile compositio item dirimat, non attenda votorum pluralitate; quod vero ad pluralitatem votorum in materia collectandi attinet, cum res hæc in præsentem congressu decidi non potuerit, ad proxima comitia remissa esto.] Hinc jam intelligi potest, si dubitationem de oneribus publicis ipsa Pacificatio Westphalica in medio reliquit, & quodammodo probavit, multò minus causas, quæ libertatem salutemque cujusque Status contingunt, majoris numeri sententia transigi:

**N**on enim hæc

hæ enim quantocunque collectarum onere graviores sunt. Itaque, si de minore negotio dubitatum est legitimè, de majore dubitabitur longè justius. Multi fortiter asserunt, ne tunc quidem pluralitati standum, cum inter Catholicum & Protestantem disceptatur, licet de causa minimè religiosa. Et in Conventu Circulari Inferioris Saxoniae ann. 1652. quoad Collectas discrimen factum inter necessarias & voluntarias, ita ut in illis tantum suffragia vincerent, non verò in his, ac ne tunc quidem, cum hoc ipsum quæreretur, necessariae an voluntariae sint, quæ proponuntur. Quæ omnia in Comitibus anni 1654. acriter disceptata sunt. Equidem, si æquitatem & communem utilitatem spectamus, fatendum est, circa onera publica plerumque suffragiorum numero standum videri; neque enim aliter sibi constare potest ratio reipublicæ, & sæpe multi nimis queruli, dum justa ac necessaria ac plerumque moderata declinant, deserta publica causa, atque Imperio nervis destituito, turbatis postea rebus, longè gravioribus exactionibus premuntur, plusque uno mente solvunt, quàm Imperium integro lustro tulisset. Ea scilicet hominum est iniquitas, ut ad æqua cogi velint; ea imprudentia, ut non considerent, ubi cogentur, necessariò graviora passuros. Vim enim atque arma quis cancellis includat & legibus moderetur? Demus ergo, onera publica saltem moderata majore numero definiri posse, & quæcun-

que



que alia ad publicam Imperii causam pertinent; ut si quis Imperii hostis judicandus est, colligendus exercitus, præficiendi Duces, nominandi Deputati; si fœdera Imperii nomine inunda, destinandi ad vicinos Legati, arbitrium exercendum, offerenda mediatio est; commercia regenda; condendæ leges, circa ea in primis, quæ non tam domesticas cujusque Regionis rationes spectant, quam de Provincia in Provinciam effectu atque usu porriguntur. Nam quas unusquisque Ordinum in sua ditione successionum Leges esse velit, quas scelerum poenas, quas contractuum ac Testamentorum formas, quæ dotium privilegia, nihil aut parum ad alios pertinent. Sed si quis vicini subditos aditu hæreditatum apud se prohibeat, si emigrandi Libertatem suis neget, si merces transeuntes vectigalibus aut Stapulis oneret, si commerciorum libertatem cum reliquis abumpat; utique Imperio ipsi injuriam facit. Quare ita constitui posse videtur: quæcunque inter rationes nullo vinculo connexas, solo gentium jure, id est, bello, fœderibus, tractatibus transiguntur, ea inter Germanicas gentes juris publici sive comitalis esse videri, & maiore numero suffragiorum definiri, salva tamen cujusque Regionis Germaniæ domestica libertate atque salute; cujus tuendæ causa cum in hoc sive vinculum sive fœdus coaluerint, finem atque scopum suum medio ad finem compandandum destinato (salutem scilicet Imperio)

non submittent ; neque propter Imperium , Imperii agnoscendi causas perdent. Ergone , inquires , ne in meritos quidem proscriptio à majore numero decerni poterit : Imò verò , poterit , inquam , eo jure , quo in hostes externos bellum ab Imperio decerni potest , majore suffragiorum numero congruente : proscribere enim nihil aliud est , quàm hostem judicare. Cùm verò eo casu eveniente , par sit futura proscripti atque exteri Principis ratio ; præsertim cum rebus majoris momenti exteri misceri soleant , quemadmodum ex Juliacenſi controversia & proſcriptionibus Palatini & Megalopolitanorum constat ; idque nunc maximè pateat , postquam Coronæ pacis Imperiū se statores ferunt , & reliqua Europa in idem , ut credere par est , jus ventura est , per Noviomagensem tractatum , cui plerique interveniunt , & quo pax Monasteriensis in iis omnibus capitibus credo confirmabitur , quibus nominatim non derogabitur : Hinc ergo manifestum est , in causis , quæ magnas ditiones , libertatemque ac salutem statuum spectant , aut ad vim veniendum esse , Imperio , ut nunc sunt tempora , periculosam , aut quæſtionem amicis compositionibus terminandam. Itaque restat , ut minora tantum negotia , quæ ad singulos pertinent , & ex gravioribus Imperii negotiis ea tantum , quæ singulos quàm minimè gravant , juræ Comitiali per suffragiorum numerum subjecta judicemus. Erunt , qui favebuntur quidem , in

cal Imperii perturbatione & laxitate vinculi, quo  
 membra continentur, aliter ab homine pru-  
 denti non posse statui; dolebunt tamen, in ea  
 nos tempora devenisse, ut aut precario in pace,  
 aut vi in bello imperandum sit: & circumspi-  
 cienda remedia purabunt, quibusqua licet oc-  
 curratur malis, utque Imperii decreta sine ex-  
 ceptione exitum nanciscantur. Verum his  
 cogitandum relinquo, an melior olim Germa-  
 niæ conditio fuerit, cum omnia manu fierent,  
 quàm nunc, ubi vis ac jus miscentur, & an æ-  
 quum sit, ut in Comitibus (pro ea, qua hodie uti-  
 mur, formâ) tantum aut multo plus possint,  
 qui parum, quod perdant, habent, quam qui  
 potissima onera ferunt, Itaque si unusquisque  
 suffragia haberet in Comitibus, & subsidia con-  
 ferret publicis necessitatibus pro potentiæ ra-  
 tione, tum vero æquum foret, omnia secun-  
 dum majorem numerum suffragantium transi-  
 gi: atque hoc nisi fiet, semper quærendi ratio-  
 nes restabunt. Concludo igitur, cum ea ma-  
 ximè, quæ ad communem Imperii administra-  
 tionem spectant, & Unionem ipsam attingunt,  
 in Comitibus jure majoris numeri collegiatim  
 concludantur, reliqua verò graviora, quæ ad  
 us cujusque Principis territoriale magis perti-  
 nent, amicè componi soleant, manifestam esse,  
 auctoritatem Electorum, quam circa rerum Im-  
 perii communium administrationem velut  
 magistratus potius atque Consilarii Imperii, &  
 æteris Ordinibus quodammodo Delegati.

quam velut Principes habent; & quæ etiam non Principibus saltem ad tempus tribui possent (quemadmodum ex *Regimenti* institutione pater) nihil eos distinguere à reliquis Principibus circa ea, quæ ad honorem Suprematus ac dignitatis speciem inde promanantem pertinent.

## CAP. XLII.

*Electorum prærogativæ minores. Unio inter ipsos. Vicariatus. Præconsultationes circa Comitatus. Officia hereditaria. Vectigalia. Privilegium de non appellando. Sed hæc partim aliis communia, partim huc non pertinentia.*

Supereſt, ut alias nonnullas Electorum prærogativas attingamus, quæ tamen ferè minoris ad summam rerum momenti ſunt. Ut quod *Unionem* quandam inter ſe colere & *Conventus* illis agere permiſſum eſt, idem enim etiam *Circuli* poſſunt, imò & *Principes* quilibet, eo, quo nunc utimur, jure, poſtquam, fœdera recte ferire eos, docuimus, Imperio innoxia. Huc referunt, quòd Imperii Vicarii ſunt Electores Bavarus ſcilicet vel Palatinus, itemque Saxo; ſed dubitari poteſt, an Vicariatus Electoratu cohareat. Palatinus certè contrarium defendit, translato enim in Bavarum Electoratu novoque erecto, Vicariatum ſibi relictum putat, velut connexum Palatinarum Rheni, adeoque territorio, non officio.

Præ-



Præterea Sabaudus vicarium se fert Imperii in Italia neque ideo Electorali dignitate fruitur, non magis quam æmulus ejus Mantuanus. Quod *Imperator Comitia indiçurus Electores consulit*, ad præconsultationes pertinet, quas in gravioribus negotiis Electorum Senatui supra concessimus. Hoc tamen nemo prudens, ita credo, interpretabitur, ac si invitis ipsis Comitia haberi non possint, modo non fiat inconsultis. *Officia illa Hereditaria Imperii*, Cancellarii scilicet, Pincernæ, Dapiferi, Mareschalli, Camerarii, Thesaurarii, hodie magis ad solennes pompas quam publicos usus referuntur: quamquam illa primam Electorali dignitati occasionem dedisse non negem; sunt præterea Munera hujusmodi, quæ alii sibi contra Electores vindicant, & quæ ad alios quoque pertinent. Nam Würtembergicum Imperii Vexilliferum esse scribunt, imò & certo modo Rempublicam Argentoratensem, qua de re libellus nuper prodiit. Carinthiæ Ducem Imperii Venatorem ajunt: & cum Carolus IV. Imperator Aquisgrani coronaretur, Marchio Juliensis sceptrum Regale tenebat manu; hoc ei eripere conabatur Ludovicus Marchio Brandenburgicus: orto tumultu intervenit Carolus, & habito Principum consilio definitum est, quando Rex Romanorum coronatur, ad officium Electoris Brandenburgici spectare, sceptrum Regale præferre: idem verò competere Juliensi, cum feudorum Regalium investitura celebra-

lebratur. Sub eodem Carolo IV. quando Wenceslaus filius Aquisgrani coronabatur, de Ense Regali præferendo, orta est Controversia inter Ducem Saxonie & Ducem Luzeburgensem, qui hoc sui juris, ratione Lotharingie & Brabantie esse asseverabat: Saxo contra ad Archimareschallum id pertinere, iam in Coronatione, quam in aliis actibus. Cum verò uterque jus suum armis tueri constituisset, Carolus IV. Imperator, ut turbas præveniret, salvo utriusque jure filium suum, natu minorem, Sigismundum, (qui postea Imperator fuit) decennem puerum, enseni Imperialem præferre iussit, ut habet magnum Chronicon Belgicum. His Electorum dignitatibus addere, quod vectigalia nova sine Electorum consensu constitui in Imperio non debent, si Capitulationibus credimus. Verum reliquis Ordinibus videtur de vectigalibus ad Comitiam esse referendum, idque hodie in negotio vectigalis Albiaci futurum videtur, ubi audiendos in Comitibus, quorum interest, ipsum nuper Collegium Electorale decrevit, cum antea vectigal, quod Oldenburgicus Visurgi imposuerat, Cæsar cum Electoribus probasset. Præterea Electores nominant aliquos Camerae Spirensis Assessores, sed hoc & quibusdam Principibus commune, & parvi momenti est. Nam Assessor omni prioris Domini nexu absolvitur, & præterea, non nominatus licet, à Camera probari aut rejici potest. Majus inest pondus privilegio *de non appellando* à sum-

summo Electoris ejusque Ditionum tribuna-  
li. Sed hoc privilegium neque est Electorum  
tantum, neque ab omnibus Electoribus exer-  
cetur. Nam non tantum Dux Pomeraniae &  
Bremenſis, ſed & Duces Saxoniae, lineae non  
Electoralis, eodem jure fruuntur, quo contra  
plerique Electorum maxime Rhenani diutis-  
ſime caruere, donec id nuper à Ferdinando III.  
recuperarent, ex quibus Trevirensis hodieque  
maluit exercitio ejus abſtinere, quam novum  
in ſuis ditionibus tribunal erigere, quo Inſtan-  
tia Cameralis ex privilegii præſcripto ſupple-  
atur. Nec verò privilegium de non appellando  
liberam plane reddendi juris facultatem Prin-  
cipibus tribuit; quoniam certe denegatae juſti-  
tiae querelam ad ſumma Imperii Tribunalia  
ferre litigantibus licet. Cætera, quibus non-  
nulli Electores à Principibus cæteris diſtin-  
guuntur, aut minutiora, aut controverſa, aut  
dudum abolita ſunt. Et hinc jam æſtiman-  
dum relinquo, an tanti ſint hæc diſcrimina, ut  
plâ dignitatis ſpecie Electores Principesq; , aut  
eorum Legati diſtingui poſſint.



## CAP. XLIII.

*An Electores Regibus aequales. Olim ceteris Principibus à Gallia in titulis equati. Fraternitas ipsis novè data & redempta, concessio Regi Galliae Majestatis titulo. Olim soli ex Italis, & Germanis Archi-Dux Albertus, Dux Lotharingiae, Dux Sabaudiae à Rege Christianissimo Fratres appellati. Electorum Palatini & Bavari Legati in Gallia non recepti cum Characterere. Rex Sueciae quoque à Gallo non Frater olim, sed Cognatus tantum appellabatur. Audi hodie sunt honores respectu Batavorum, Italorum, Electorum : iniquum ergò veterem stylum tantum servari erga nostros Principes.*

**Q**Uoniam tamen adduci solent actus quidam atque autoritates, exempla discriminum circa honores utrisque habitos, ea paucis discutere pretium operæ erit, & vicissim ostendere, superioribus temporibus nullum in eo genere inter Electores ac Principes discrimen fuisse notum. Primum, quòd ajunt, *Electores Regibus equiparari*, id an propriè dicatur, & an in curia Romana, (ubi Salæ Regiæ, ac Ducalis supra notatum discrimen) aliisque Aulis agnoscat, magna quæstio est, præsertim cum nondum impetrare potuerint Electorales, quod Legatis Principum Italiæ dudum conceditur, ut se tegant coram Regibus; multò minus illud, quod soli Italorum Veneti in Gallia



lia affecuti sunt, ut solenni pompâ introeant. Nec valdè movere debet, quod à Rege Galliæ nudius tertius *fratres* appellati sunt Electores seculares, præterquam enim, quòd hoc redemere, redditâ *Majestatis* appellatione, (quam Regi Galliæ fraternitatem non reddenti abnuere, etiam in Principum potestate est) considerari debet, pacta inter Regem atque Electores quosdam noviter inita minimè tertio præjudicium facere, neque ad rem prius inauditam, essentialia scilicet dignitatis discrimen, inter eos, qui omni jure pares sunt, faciendum trahi posse. Neque Reges atque Electores sibi Principum jactura illinc Majestatem, hinc fraternitatem comparare posse: Ut verò novitas attentati discriminis appareat, operæ pretium est intueri, quid actum sit ante turbatam Germaniæ pacem; hinc enim, credo, potissimum forma negotiorum petenda est in illis omnibus, quibus Instrumentum Westphaliæ Pacis non derogavit. Tantùm autem abest, ut in eo Instrumento plus aliquid datum sit Electoribus, quàm ante habebant, ut contra potius illic concussa sint Oligarchiæ novæ fundamenta, Capitulationis perpetuæ condendæ curâ ad Comitia Ordinum generalia translata. Quod verò ante turbatam pacem Electores atque Principes pari apud externos honore culti sint, intelligemus manifestissimè ex Tom. III. Commentariorum, sive, (ut hodie appellant) Memoriarum Villaregii, ubi literæ exstant plurimæ,

mæ, nomine Regis Ludovici XIII. anno 1620.  
 scriptæ ad Principes Germaniæ, quas secum  
 tulere Dux Engolismensis, Marchio Bethunius,  
 & Preauxius Legati Gallici, ad conciliandam  
 inter Ligistas atque Unionistas pacem missi.  
 Ubi hæc verba extant, pag. 256. *Forme d'écri-  
 re par le Roy aux potentats d'Italie & d'Alle-  
 magne: A tous les Princes d'Italie & d'Allema-  
 gne: Mon Cousin le Duc ou Comte de Sc. Sauf  
 au Duc de Savoye, le Archi-Duc de Flandres, &  
 Duc de Lorraine, aux quels on met, mon frere,  
 sur celles de l' Archi-Duc: à mon frere l' Archi-  
 Duc Albert d' Autriche; & à l' Infante: à ma  
 Sœur la Princesse d' Espagne, Archiduchesse d'  
 Autriche. Subjiciuntur literæ ad Electores  
 Principesque complures, inter quas nullum ap-  
 paret discrimen. Et pag. 259. *Aux Princes  
 Unis & Villes: A hauts, puissans & excellens  
 Princes, les Electeurs, & Princes du St. Empire,  
 nos tres chers Cousins; & les Estats & Villes du  
 Saint Empire unis & alliez de present en la Ville  
 de - - - Regibus verò hoc modo, ut Re-  
 gi Poloniæ aut Daniæ: A tres haut, tres ex-  
 cellent, & tris puissant Prince, nostre tres cher  
 & tres aimé frere & Cousin, & subscriptum:  
 Vostre bon frere & Cousin Louys: Notabile  
 verò, Regi Sueciæ ibi tantùm scribi: Tres haut,  
 & tres Excellent Prince, nostre tres cher, & tres  
 aimé Cousin, & allié; & subscribi: Vostre bon  
 Cousin & allié, Louys. Itaque tunc Regi Sue-  
 ciæ neque fraternitas, neque potentissimi ti-  
 tulus**

solus dabatur. Illud quoque notari potest,  
 Principum literis Regem simpliciter subscribere:  
*Loys*, nullâ honoris præfatione; cum Regibus  
 subscribat: *Vostre bon frere Loys*, vel simile  
 quiddam. Urbibus Imperii scribitur: *Tres  
 chers & bons amis*. Ordinibus Fœderati Belgii:  
*A nos tres chers & bons amis alliez & confederer  
 les Estats genereaux des Provinces Unies  
 des Pays-bas*. La lettre se ferme, en grand,  
 & depuis qu'ils sont reconnus souverains l'on  
 a mis au bas: *Vostre bon amy & confederé*.  
 Ubi illud noto, Venetis jam tum scriptum fuisse,  
*tres chers & tres grands amis*, quod postea  
 & Ordinibus Fœderatis concessum. Ita omnia  
 paulatim crevère, ut iniquum plane sit, erga solos  
 Principes Germaniæ veteris styli ruditatem  
 servari; nam si quid uni indulgetur in hoc genere,  
 cæteris proportionè concedi debet, ne  
 cuiquam fiat injuria. Ex his autem intelligitur,  
 Electores nihilomagis honoratos illo tempore à  
 Gallis, quàm Principes Germaniæ quoscunque,  
 nec ab illis ullo modo separatos, cumque anno  
 1616. Legati Electoris Palatini Comes Solmen-  
 sis & Rusdorffius Parisiis sese Ambasciatores  
 ferrent, & tegere vellent coram Rege, in  
 conspectum ejus non venère. Eandem ob  
 causam Groensfeldius & Curtius Legati  
 Bavari, à Maximiliano Electore missi anno  
 1638. mutata persona ablegatos se ferre coacti  
 sunt, ut audiri possent, neque illis indultum  
 quicquam, quod cæteris Germaniæ Principi-  
 bus

bus negaretur. Quòd vero nuper fraternitatem sibi à Rege Christianissimo paravere, id juri cæterorum præjudicare non potest, & æquitatis nunc ratio vult, ut præcipuis Germaniæ Principibus idem honor habeatur. Quemadmodum enim olim Rex Christianissimus Regem Sueciæ cognatum appellabat tantum, non verò fratrem, Danum verò & cognatum & fratrem; postea verò, ubi Suecis è suo Septentrione progressis crebriora cum Gallis aliisque populis commercia fuere, non gravatus est abolere discrimen Suecis haud dubiè grave: ita de æquitate ejusdem Regis sperandum est, cæteros Principes, qui nunc jus Legatos cum caractere mittendi, cæteraque id genus solemnia usurpandi aliorum exemplo crebrius exercere decreverunt, quàm antea ipsis in more positum erat; nulla iniqua & contumeliosa distinctione gravaturum esse. Nam si possessio atque usus styli veteris objici rectè posset, certè etiam Suecis validè oppositus fuisset. Neque refert, quòd Sueci Gallis utiliores quàm antea esse cœperunt; præterquam enim, quòd Gallis non parum profuit Principum nostrorum amicitia, quæ Henricum IV. in solio firmavit, postea Austriacæ Domus potentiam in se vertit, magnoque Germaniæ damno tempestatem in nostra capita derivavit, quæ Gallis impendebat: hoc sane misso cognitandum est, hic non ejus, quod interest, sed juris rationem haberi, nisi quendam honorum mercatum institui probamus.



mus. Porro ex ea, quam supra exhibui forma vetere, qua Rex Galliae ad Principes Germaniae & Italiae scribebat, intelligimus, soli Duci Sabaudiae, Duci Lotharingiae, & Alberto Archiduci Austriae adscribi solitum fratris nomen, Alberto, inquam, nam ibidem pag. 337. Archiduci Leopoldo Archiepiscopo Argentoratensi, & Archiduci Carolo, non aliter scriptum est, quam cæteris Germaniae Principibus. Cum vero Electores & nunc & olim Sabaudum ac Lotharingo praelati sint, patet, nihil ipsorum dignitati obfuisse, quod fraternitas his potius, quam ipsis, à Rege Galliae daretur: quare vicissim, quod nuper fraternitatem præ cæteris Germaniae Principibus Gallo expressere, ad discrimen essentialie constituendum nec prodesse ipsis potest, nisi asserere malunt, Regum Daniae & Sueciae Discrimen essentialie fuisse, quod illi, non huic, fraternitas, ut audivimus, tribueretur.

## CAP. XLIV.

*Electorum prerogativam quidam ad Conventus Imperii restringunt: Controversia eorum cum Burgundo: Ut Imperator ad Reges, ita ipsi ad alios Principes. Ordo Cæremonialis Romani. Discrimina mensæ, titulaturæ in Imperio usitata. Electorum superlativus ut Regum: sed nos facile concedemus, Electores ut Venetos Regibus equari, modo nostri Principes Ducum Serenissimorum jure utantur, quod Italis, qui nibilo nostris superiores sunt, conceditur.*

Ex

**E**X his jam intelleximus, sub initium turbarum Germaniæ discrimen essentialiale Suprematus inter Electores & Principes nemini, ne quidem per somnium, in mentem venisse, certè exteris fuisse incognitum atque neglectum. Imo Renatus Choppinus lib. de *Domínio Franciæ*, tit. 3. num. 13. putat dignitatis Electoralis Eminentiam proprie ad Comitatus & Conventus Imperii pertinere, in aliis verò Christiani orbis Conventibus non æque attendi, adeoque in Basileensi Concilio Johannem Germanam Episcopum Cabilonensem, Legatum Ducis Burgundiæ, obtinuisse loci prærogativam adversus Electores Germanicos insigni decreto patrum Basileensium 26. Maij Anno 1433. Addo ego ipsis Germaniæ Comitibus tempore Friderici III. Anno 1471. Caroli Audacis Legatos Burgundos Electoralibus cedere nolentes locum atque sessionem tunc quidem extra ordinem obtinuisse; credo, quòd tunc nondum Collegium separatum Electorale in Comitibus cognosceretur: nunc vero postquam Burgundus sub Carolo V. inter Imperii Principes receptus est; sedet in Collegio Principum inter Ecclesiasticos; statim post Austriacum ante Salisburgensem Ecclesiasticorum primum; adeoque Electoribus cedere videtur: at quia cedit, non ideo discrimen essentialiale patietur, non magis quàm Principes Germaniæ præcipui, qui & ipsi ab Austriacis ac Burgundis loco tantum, non verò natura dignitatis separantur. Illud quidem

dem verum est, in solennibus Imperii Electores, velut præcipua aulæ officia obeuntes, à cæteris omnibus exquisitè distingui, sed horum discriminum extra hujusmodi actus ad Curiam Imperialem pertinentes ratio habita non est; nec magnopere refert, quòd, Imperatore paulò post coronationem in publico cibum capiente, Electorum unusquisque separatam habet mensam, principes reliqui unam: nam præterquam, quòd hoc quoque ad Imperialis curiæ solennia pertinet, considerandum, in libris cæremonialibus Romanis, qualis est Christophori Marcelli Archi - Episcopi Corcyrani, simile quoddam reperiri discrimen inter Imperatorem & Reges cæteros. Nam peculiaris mensa Papæ tribuitur, alia Imperatori, cæteri Reges mixtim sedent; hinc ergo illud ad summum sequeretur, Principes Germaniæ tantum esse infra Electores, quantum infra Imperatorem Reges, quo admissio, non magis Principum Legati ab Electoralibus quàm Regii à Cæsareis distinguerentur. In universum constat, in Curia Romana Electores cæterosque Duces Serenissimos nullo, nisi sedis, discrimine habitos, non natura honoris discretos. Adduxi supra loca quædam ex libro, cui titulus est *Maestro di Camera*, unde apparet, duo tantum haberi genera Legatorum, Regios & Ducales, nisi ergo Electores obtinent, ut cum Venetis inter Regios habeantur, à cæteris ne distinguantur quidem: & si obtineant aliquando, bonis avibus;

O

quod

quod nobis non invitis fiet : non ideo à nostris Legatis distinguerentur illis in rebus, quas cæteris Ducibus Serenissimis, jus Salæ Regiæ non habentibus, concedi, Italorum Principum exemplo constat. Et verò in Cæremoniali Paridis de Grassis, quod Julii II. Pontificis temporibus scriptum est, hic ponitur ordo Ducum: [Dux Britannia, Dux Burgundiæ, Comes Palatinus, Dux Saxoniae, Marchio Brandenburgensis, Dux Austria, Dux Sabaudia, Dux Mediolani, Dux Venetiarum, Dux Bavaria, Dux Lotharingia, Dux Januæ, (seu Genuæ) Dux Ferrariæ, &c.] ubi notandum est, Ducem Bavariæ præponi Duci Ferrariæ, qui nunc est Mutinensis, quanquam eo tempore Dux Bavariæ nondum ad Electoralem dignitatem evehctus esset. Notandum est etiam, multos illic non nominatos, quos nominatis minimè cedere, exploratum est, ac denique satis apparet, tunc ignotum fuisse inter Electores aut Venetos, & inter cæteros Duces Serenissimos, discrimen essentialitæ; &, si fides habenda est huic Paridi de Grassis, Venetos tunc Regios honores nondum obtinuisse, quæ cum his, quæ supra diximus ex Abbate Justiniano de Origine Veneti honoris, satis consentiunt. Si quis porrò veterem Cancellariæ Germanicæ styllum consulat, nullum aliud majus inter Electores Principesque discrimen notabit, quàm quòd Principes appellarentur *Sereni* & *Clementes Domini Durchleuchtiger Gnädige Herrn, Electores Serenissimi* & *Clemen-*



*mentissimi Durchleuchtigste und Gnädigste / Imperator vero omnium Serenissimus & omnium Clementissimus Allerdurchleuchtigster und Aller-  
 gnädigster. Elector Principi scribit Dienstwilliger / Princeps Electori Dienstwilligster. Multa  
 alia hujusmodi satis scrupulosa in veteri stylo  
 notari possunt, ut quod Episcopi se scribebant  
 non Dei gratia sed miseratione Dei, non von Gottes  
 Gnaden sed von Gottes Verhängniß / item  
 discrimen inter Unterthänige & Unterthänigste /  
 quæ tempus & ratio sæpe abolevit. Impera-  
 tor Electorem non minus quàm alios nonnul-  
 los ex præcipuis Germaniæ Principibus, Sere-  
 num vocat, non Serenissimum, Durchleuchtigen /  
 Hochgebohrnen Fürsten & Electores atque Prin-  
 cipes sese invicem sæpe Serenissimos appellant.  
 Ecclesiastici Principes præsertim minores Ger-  
 maniæ Electoribus, ac magnis Principibus tri-  
 buunt Clementiam & Gnaden / ita constat E-  
 piscopum Wormatiensem scribere Electori  
 Palatino, Eichstadiensi Duci Neoburgico,  
 quare ne hîc quidem Electorum ac præcipuo-  
 rum Principum discrimen ullum. Olim Ele-  
 ctoribus scribebatur à privatis *Vestra Clementia  
 Electoralis & Churfürstlichen Gnaden* / quem-  
 admodum Principibus *Vestra Clementia Prin-  
 cipalis & Fürstl. Gnaden*. Hoc seculo Ele-  
 ctores sibi scribi voluere & Churfürstliche  
 Durchleuchtigkeit *Vestra Electoralis Serenitas*,  
 favente ipsis Cæsare, qui potentiam eorum  
 suis rebus conducere arbitrabatur. Sed ho-*

die non tantum vulgo scribitur Principibus nostris: *Vestra Principalis Serenitas*, sed & Cæsar ipse præcipuis quibusdam Germaniæ Principibus, prorsus quemadmodum Electoribus scribit, *Durchleuchtiger Hochgebohrner Fürst*; atque ita Serenitatem Celsitudinemque conjungit. Papa Electores à Principibus titulorum appellatione non jungit, omnes enim sine discrimine appellat *nobiles viros*. Sed esto Electoribus superlativum, Principibus tantum positivum deberi, tunc nihil aliud sequetur, quam Electores comparari Regibus, at Principes nostros Ducibus; nam supra notatum est Regibus scriptum esse à *tres Haut & tres Excellent Prince*, at Ducibus Italiæ vel Germaniæ tantum à *Haut & Excellent Prince*.

## CAP. XLV.

*Oligarchia Electoralis sub Ferdinando II. (Electores tantum conventus, non vero Ordinum Comitia habente) fuit cœpta, sed pace Westphalica, quæ perpetuam Capitulationem ordinibus communicavit, subversa. Quæ in Westphalico congressu acta, non imminuere Principum dignitatem & jus Legationis. Nam ex Tractatu præliminari Hamburgensi patet, ab Ordinibus non fuisse mittendos in Westphaliam Legatos velut ad congressum exterorum: sed Deputatos, velut ad Imperii conventum. Deputa-*

*putati propriè nec Legati nec Ablegati sunt, et si Plenipotentiiariis sint pares. Nullum inter Electorum & Principum Ministros notatum discrimen in Præliminari Tractatu.*

**S**upra dixi, Electorales quosdam Oligarchiam affectare cœpisse, sub initia turbarum Germaniæ, & Ferdinandum Secundum fautorem atque Ducem habuisse, qui de gravissimis Imperii rebus, quas majores ad Ordines sine controversia retulerant, Electores consulere cœpit primus, & pro Comitibus generalibus Ordinum, non nisi Electorales conventus habuit, ubi jacta sunt fundamenta meditata inæqualitatis, quam in Tractatibus Pacis Westphaliæ ministri Electorum acriter urserunt. Sed successus defuit, quòd Regum interesset, Imperium non tantum à Dominatu sed & ab Oligarchia defendere, inserta in Pacis tabulas mentione Capitulationis perpetuæ, quæ Oligarchicos valde offit. Itaque Legati Electorum Monasterii, cùm rem attingere non possent, umbram captarunt, *Excellentiæ* appellationem affectantes, aliasque majoratus notas, quas illis Principum ministri minimè concessere. Quoniam vero Electorales hodie maximè ad Westphalicos Tractatus provocant, ibique magnum aliquid lucrati sibi videntur, operæ pretium erit, rem paucis explicare. Nimirum interventu Regis Daniæ, Lubecæ atque Hamburgi, diu actum erat inter Cæsareos & Gallo-Suedicos de modo atque forma Tractatum

pacis generalis, tandemque prodiit anno 1641.  
 Tractatus præliminaris Hamburgensis inter  
 Conradum Luzovium Cæsareum, Claudium  
 Memmium Gallicum, & Johannem Salvium  
 Suedicum Ministros, quo cautum est, ut con-  
 gressus Legatorum haberetur in Urbibus Mo-  
 nasterio atque Osnabrugâ, ut Ministro Regis  
 Daniæ traderentur literæ fidei publicæ seu Salvi  
 Conductus, *Cæsaris quidem nomine*, pro Plenipo-  
 tentiariis Regis Christianiss. Residente Suedico,  
 Plenipotentiarario Sereniss. Ducissæ Sabaudiaë,  
 filii sui tutelam administrantis, pro Plenipoten-  
 tariis Ordinum generalium Fœderati Belgii,  
 pro Deputatis Electoris Trevirensis, pro Du-  
 cibus Brunsvicensibus & Lunæburgensibus, aut  
 eorum Deputatis, pro Principe Carolo Ludo-  
 vico Palatino Rheni, ejusque fratribus, aut eo-  
 rum Deputatis, pro Deputatis Landgrafiæ Has-  
 siæ, pro Universis Imperii Ordinibus Galliaë  
 Fœderatis & adhærentibus aut eorum Depu-  
 tatis, contra *Coronarum* nomine pro Plenipo-  
 tentiariis Cæsareis, Hispanicis, eorum Fœde-  
 ratis & adhærentibus, & pro Deputatis Bavari-  
 cis. Ubi annotanda videntur sequentia: pri-  
 mum Ducissam Sabaudiaë (ejus enim mentio  
 fit, non Ducis) antepositam Ordinibus Fœde-  
 ratis, omnibusque Electoribus & Principibus  
 Imperii, quippe Sororem Regis Christianissimi  
 Ludovici XIII. ideóque haud dubiè curasse  
 Memmium, ut adjiceretur honorifica Serenis-  
 simæ appellatio quæ in cæteris nuspiam appa-  
 ret:



ret: *deinde notandum*, Ministros exteriorum (inter quas & Ducissa Sabaudia censenda erat) nominari *Plenipotentiariorum*, Ordinum verò Imperii Ministros tantum *Deputatos*; haud dubiè duas ob causas, priorem, quia nimirum congressus ille in Imperio instituendus pro Conventu quodam Ordinum Imperii saltem, quoad ipsos, haberi poterat, cui exteri intervenire, præsertim cum bellum in Imperio & Imperii causa maximè exarsisset; Ministri autem Ordinum ad conventus *Deputati* appellari solebant, ut notum est; *posteriorem* verò, quia Minister Cæsareus, qui solus cum Gallis Suedisque, nemine Ordinum interveniente, Hamburgi tractaverat, fortasse nullam causam videbat, cur plenam Ordinibus potestatem tractandi adeoque Plenipotentarios mittendi ascriberet, præsertim cum jus eorum tractandi cum exteris, Viennæ non satis tunc agnitum, & satis ingratum esset. Denique, quod rei caput est, notandum, nullum planè inter Electorales & reliquorum Ordinum Ministros fieri discrimen, sed omnes communi nomine vocari *Deputatos*, quamquam tunc aula Cæsarea Electoribus satis faveret, & tum maximè tempus esset introducendi discriminis, præsertim cum in cæteris accuratè loqui studuissent Tractatus hujus præliminaris autores, ut ex proximis annotationibus patet. Sed nimia attentati discriminis novitas, quam reliqui Ordines minimè laturos videbantur, Luzovium deterre-

iſſe credibile eſt, ne quid porrò in jura Ordinum tam alieno tempore auderet. Quod ſi ergo aliquod inter Legatos Electorum Principumque diſcrimen erat, id tum maximè apparere debebat, in ipſo ſcilicet tractationis veſtibulo, & præliminari conventionẽ, quæ reliquo negotio modum ac formam dare debebat; quemadmodum hodie videmus Noviomagi controverſiam hanc non demum in ipſo tractationis progreſſu, ſed ſtatim ab initio cum de Salvis Conductibus (perinde ut tunc quoque Hamburgi fiebat) ageretur, erupiſſe. Pro certo itaque habendum eſt, cum Tractatus præliminares formam & modum dederint toti negotio ſequenti, & in illis Electorum aut Principum Miniſtri eodem loco ſint habiti, & Imperii Principes ſub fide publica hujus æqualitatis hiſce præliminaribus in Imperio publicatis innixa, ſuos Miniſtros Monasterium aut Osnabrugam miſerint, nullum in ipſo progreſſu ipſis præſertim expreſſe contradicentibus, contra fidem, ut ſic dicam, initio datam, præjudicium creari potuiſſe, & ſi quid contra actum, id nullius momenti fuiſſe.

## CAP. XLVI.

*In ipſo Congreſſu Weſtphalico occaſio Electoribus ad Excellentiam poſtulandam præbita adventu Legati Veneti, cum quo ipſis vetus concertatio. Principes non ſuis Miniſtris Excellentiam poſtulabant, ſed Electoralibus negabant,*

*bant, velut rem in Imperii conventibus novam. Hic enim esse Conventum Imperii aiebant, cujus formulæ non sint ob supervenientes externos mutandæ. Ministros suos esse ad talem conventum Deputatos, non ad externos Legatos vel Ablegatos. Itaque nolle ipsis dari Excellentiæ, quippe Legatorum propriam, sed tamen etiam nolle haberi Ablegatos, Legatis inferiores: Quoniam Deputatus ab aliqua Provincia vel Principe Suprematum habente, ad constituendam in Conventu generali Rempublicam, non videtur inferior Legato, ab eodem Suprematum habente ad externos misso, ad eandem Rempublicam representandam. Tandem Principes in subscriptione Pacis Westphalicæ intentum obtinere, ut Electorum non minus ac ipsorum Ministri, eodem modo, subscriberent. Controversia Nuntii cum Ministro Austriaco. Principum Ministri visitantes tantum à capite Legationis Cæsareæ, Electorales simul ab omnibus Legatis in domus ingressu excipiebantur. Hoc unum discrimen notatum & admissum.*

**P**orro cum postea bello inter Danos Suecosque coorto abrupta fuisset interpositio Regis Daniæ; & respublica Veneta in Mediatoris officium successisset; nova ecce causa Electorum studium pro tuenda vel amplificanda dignitate excitavit. Vetus enim illis fuit cum Duce ac Republica Venetiarum concertatio, non utique rationum expers; nam, ut supra audivimus, ex Paridis de Grassis Cæremoniali Ro-

mano, Julii II. Pontificis tempore composito, Electores Sacri Imperii olim Venetis anteponebantur, & Bavarus nondum Elector, qui credebatur Electoribus, cum Venetis certabat, de quo infra pluribus: aliæ pro Electoribus rationes in Manuscripto libello Danielis Weinmanni Cancellarii quondam Cliviensis legi possunt. Hæc ergo controversia tunc quidē recruduit adventu Aloysii Contareni Oratoris Veneti, qui cum recepto apud externos more & *Excellentiæ* nomine appellari & reliquis Legatorum cæremoniis atque prærogativis, tunc in Imperio fere incognitis, uti deberet, saliva Electoralibus mota est, imò quodammodo imposita necessitas, affectandi eosdem planè honores, qui Venetis haberi solebant. Nec illis hac in re refragari posse videbantur Cæsar atque Coronæ, ne tantos Principes jure suo tot exemplis atque rationibus tuto spoliare & infra Venetos dejicere crederentur. At vero cæterorum Imperii Principum atque Ordinum alia erat ratio, aliæ hypothesen: hi enim, quamquam eodem cum Venetis Suprematus sive Serenitatis jure essent usi, nec proinde qualitate ac natura dignitatis ab illis distinguerentur, tamen, quia locum illis ferè cessisse credebantur, paucis exceptis, ut Burundo & Bavaro (sed qui nunc Electoribus connumerabatur) præsentia Veneti Legati nihil movebantur. Considerabant enim, hîc propriè agitari conventum Ordinum Imperii, cui etsi intervenirent exteri, nihil ideo ipsorum causa



causa esse innovandum, neque à vetere solen-  
 nium atque titulorum forma discedendum,  
 non magis quàm cum Legati exterorum in  
 Comitibus aliisque Imperii Conventibus atque  
 actibus comparuissent; neque ea in re ullum  
 sibi Electores Principesque creare præjudicium  
 putabant, tamen si Ministri eorum *Legati* non  
 appellarentur, nec novo atque in Imperii Con-  
 gressibus inusitato *Excellentiæ* titulo uterentur.  
 Propriè enim eos neque esse Legatos neque Ab-  
 legatos ad externos, sed Deputatos ad aliquem  
 conventum Imperii in ipso Imperio, qui quo-  
 dammodo in Imperio Magistratum quendam  
 sibi delegatum atque functionem exercent,  
 quemadmodum Senatores alicujus Regni; aut  
 potius multo magis, quemadmodum Deputati  
 Provinciæ cujusque Foederati Belgii aut Helve-  
 tici tredecimviratus ad Conventus generales  
 missi: & tales fuisse Ministros ad Westphali-  
 cos tractatus missos, indicio esse videbatur no-  
 men Deputatorum illis impositum in Tracta-  
 tu præliminari, quo à Legatis Plenipotentiaris  
 exterorum distinguebantur; neque hinc sequi,  
 majores minoresve esse Legatos, quàm Depu-  
 tatos, sed hoc tantum: functiones esse natura  
 sua planè differentes: cum Deputati potius  
 quiddam magistratui sive Commissario, aut, si  
 mavis, Senatori in Imperii Conventu sive Sena-  
 tu, quàm Legato simile habere videantur. Sa-  
 nè Cæsareus Commissarius in Imperio etiam  
 vocabatur *Deputatus*, & speciatim ille ipse Con-  
 radus

radus à Luzow, qui Hamburgensem Tractatum præliminarem composuit, qui ibidem nominatur Cæsareus ad Circulum Inferioris Saxoniæ & ad Pacis præliminaria cum potestate Deputatus. Nec tamen ille ideò cuidam exterorum Legatorum cessisset, imò Memmius & Salvius ipsi sine controversia cessere. Et non video, cur in aliqua Republica, verbi gratia Belgica, minor esse debeat Deputatus Provinciæ unius ut Hollandiæ ad Conventum Ordinum Generalem, quam Legatus ejus ad externos. Nam si Legati repræsentant Rempublicam apud externos, Deputati isti repræsentant eam, imò quoddammodo faciunt, sive constituunt domi: & illa Legatorum Belgii Fœderati ad Tractatus Monasterienses ex singulis Provinciis sumptorum multitudo tantum imago quædam videri poterat magni Concilii domestici ex Deputatis Ordines generales constituentibus compositi. Unde intelligi potest, Deputatos, à Provinciis Suprematu gaudentibus ad ejusmodi Coventus, in quibus quoddammodo summa potestas Reipublicæ residet, missos, Legatis ex iisdem Provinciis ab eodem Conventu ad externos missis, quippe ipsos tantum repræsentantibus, majores videri; adeoque, cum suis Legatis sint majores, etiam majores esse Legatis exterorum, quippe quibus suos Legatos qualitate dignitatis cedere nollent. Et hinc rectè à nupero de Legatis scriptore harum rerum egregiè perito improbatur, quod Ablegatis sive Ministris minoribu

exterorum Deputati Ordinum Fœderatorum  
 locum potiorē in suo Conventu noviter ce-  
 dunt, præsertim cum Senatores Sueciæ *Excel-*  
*lentiæ* titulum sibi asseruerint, & tamen in Sena-  
 tu Sueciæ summa potestas non resideat. Sed  
 mittamus hæc, ac ponamus saltem (quod mihi  
 rationibus positis insistenti manifestum vide-  
 tur) hujusmodi Deputatos ad Imperii Conven-  
 tus saltem ab eo missos, qui Legatos cum ple-  
 na potestate etiam ad externos mittendi jus ha-  
 bet; quales sunt præcipui Principes Imperii,  
 non esse Legatis exterorum genere dignitatis  
 inferiores; tunc sibi constabit Principum ra-  
 tiocinatio: nam volebant suos Deputatos Mo-  
 nasterii atque Osnabrugæ Legatis exterorum  
 videri minores, quippe qui conventus Impe-  
 rialis membra essent, cujus dignitas utique  
 maxima est; nec tamen volebant eos uti exte-  
 rorum appellationibus ac formulis, tum quod  
 propriè non essent Legati, tum etiam quod non  
 putarent æquum ac decorum, in Conventu Im-  
 perii veterem formam exterorum superveni-  
 entium causa mutari. Hanc fuisse ratiocina-  
 tionem Principum, non sane contemnen-  
 dam, ex eo apparet, quod suis Ministris nun-  
 quam injunxere, ut titulum *Excellentiæ* obti-  
 nere tentarent, sed tantum, ut ne illum conce-  
 derent Ministris Electoribus, velut rem novam  
 atque in Imperii Conventibus inauditam,  
 atque iis, quæ secus fierent, interposita prote-  
 statione contradicerent. Cui sententiæ fir-  
 miter

mitter iustitere, neque vel minimum concessere, neque passi sunt, ut in subscriptione tabularum Pacis ullum inter Electorales atque Principum Legatos discrimen compareret. Quod verò exteri Electoralibus Legatis concesseretur titulum Excellentiae aliaque, quibus Principum Legati contradicebant, id mirum non est; cum enim mallent Principes in Imperii conventibus veterem retineri modum, quam exterorum nos accommodari formulis; ideò contra exteri suos mores apud nos introducere maluerunt: praesertim cum negari non posset, hos Confessus pro parte pro Conventu Imperii haberi posse, & pro alia parte pro Congressu exterorum: quo posito, non erat absurdum, Ministros Electorales duplicem sustinere personam, unam Deputatorum ad Conventum Imperii; alteram Legatorum ad Congressum Pacis generalis. Verum si ea in re rectè fecerint Electores, siue sine causa, ut Principes querebantur, receptam in Imperio formam exterorum intuitu mutaverint; constat tamen, quicquid tunc actum est, nullo modo juri Legationis Principum praedjudicare, cum suos Ministros non Legatos, (alioqui etiam postulassent *Excellentiam*, cujus tamen affectatae causa Electorales culpabant) neq; Ablegatos (alioqui siue difficultate Electoralibus atque exteris, sese qualitate minores agnovissent, *Excellentiamque* dedissent) sed, ut dixi, Deputatos ad quendam Imperii Conventum (quod & Tractatus praelimina-



ninares innuere videbantur) adeoque separa-  
æ cujusdam qualitatis, quæ tamen Legatis eos  
plane cedere vetaret, esse voluerunt: eaque ra-  
ione obtinuerunt, ut in subscriptione, pror-  
us quemadmodum in præliminaribus Tracta-  
tibus factum erat, Electorum pariter atque cæ-  
terorum Ordinum Ministri, non Legati Ple-  
nipotentarii, sed communi nomine Deputati  
appellarentur, unde adeo dici potest, Principes  
ubi ipsius denique negotiationis exitum, quod  
solebant, evicisse. Scilicet sub finem Instru-  
menti Pacis, tam cum Gallis, quàm cum Suecis  
nitæ, hæc habentur verba: In quorum omni-  
um & singulorum fidem majusque robur, *tam*  
*Cæsarei, quàm Regii Legati*, nomine verò o-  
mnium Electorum, Principum ac Statuum ad  
hunc actum specialiter ab ipsis *Deputati* [ per-  
inde ac si ex Deputationibus extraordinariis a-  
liqua hic intervenisset ] &c. præsens instrumen-  
tum manibus Sigillisque propriis muniverunt,  
&c. His positis nihil video, quid in Tractatibus  
Westphalicis actum sit, quod Principibus ex-  
emplo nocere possit; nam nec ipsi jure suo ces-  
sere, quia ibi neque Legatos neque Ablegatos  
habuere: nec controversiæ vim satis illi exte-  
riorum percepisse videntur, qui Principum Mi-  
nistros, quod *Excellentiâ* non uterentur, Ele-  
ctoralibus dignitatis natura inferiores credide-  
runt, cum eos nec desiderasse constet rem no-  
tam & in Imperio incognitam, cujus usum im-  
probabant. Eaque in re consistit maximè er-  
ror

ror diligentis alioquin Viri Victorii Siri, qui mihi sua pleraque ad hos Tractatus pertinentia à Nuncio Apostolico ejusve Secretariis habuisse videtur, ac proinde hoc loco deceptus est non minus, quàm Nuntius ipse, qui cum Comiti de Wolkenstein (non ut alii, alius ex alio, appellant, Bollenstein) Deputato Austriaco, locum potiozem apud se negasset, Comes, ut par erat, indignatus, Nuntium amplius videre noluit, (quemadmodum nec Salisburgensis) eique necessariæ rerum Germanicarum cognitionis defectum exprobravit; quem verò Nuntius maximè, nî fallor, detexit respondendo. Cum enim negasset, se tam ignarum rerum Germanicarum, quin probè distinguere sciret inter eos, quibus jus Legati mittendi, & quibus non nisi Deputatos habere conveniret; tùm verò ignarum sese, aut parum instructum, aut certè valdè negligentem maximè ostendit. Mirum enim, quantum errorum lateat in tam paucis verbis. An quisquam unquam dubitavit de jure Archiducum Austriæ mittendi Legatos cum pleno charactere, aut de jure Ducum Burgundiæ, qui aliquando Electoribus habiti sunt superiores, & hos tamen duos in Confessu Principum esse, & Wolkensteinium singulatim Austriæ nomine adesse constabat. Et nosse debebat Nuntius Deputatos, ut paulò ante ostendi à Legatis, non gradu, sed genere ac naturâ muneris differre, eundem & Legatos & Deputatos mittere posse: imò eosdem simul esse posse Le-

Legatos ad congressum exterorum, & Deputatos ad Imperii conventum : denique Deputatum hujusmodi nihilo esse Legato quocunque inferiorem ; cum ipse quodammodo Legatus sit Principis sui ad Conventum Imperii, præterea, quod est amplius, ipsius Conventus, Rempublicam quodammodo gubernantis, pars sit : sed & introduci potuit, ut Deputati Ordinum ad Comitiam hodiè Legati censerentur. Certè Plenipotentiariorum haberi posse, Gallicis Ratisbonam missis loco quidem, non tamen gradu dignitatis, cessisse constat. An utem Gravellius, ( exempli causa ) illic Legatus, an verò Ablegatus fuerit, excutere nihil atinet. Unum tantum discrimen annoto in congressibus Westphalicis inter Electorum Principumque Ministros à Principibus ipsis toleratum, quod scilicet, Ministris Principum ad Cæsares invisentibus, tantum Princeps Legationis Cæsareæ eos in ipso domus ingressu exciperet, Collegis in loco, ad audiendum ipsos destinato, manentibus, sed Electorum Ministris obviam ibant omnes. Sueci tamen ea in re Electorum aut Principum Ministros non distinguebant. Sed hoc nisi fallor exigui momenti est, & si quod etiam majus discrimen fuisset observatum, nihil tamen, ut toties, dixi, nocere potuisset pleno juri Legationis Principum, quæ illic non Legatos ad exterorum Congressum, sed Deputatos ad Imperii Conventum habere præstebantur.

## CAP. XLVII.

*Principum mens circa discrimen Deputatorum ad Convēntum & Legatorum ad Congressum ex relationibus Ministri cujusdam illius temporis docetur. Electorales initio postulabant Excellentiam, non ut à singulis misſi, ſed ut membrum totius Collegii Electoralis. Bavarus rem maximè urſit Rationes eorum. Moguntinus rogavit, ut ſaltem in hoc Convēntu concederetur Excellentia, exterorum intuitu in aliis id ſine præjudicio fore. Sed fruſtra. A Principibus nihil Monasterii conſeſſum, quod eorum juri Legationi ſummo præjudicet.*

**N**E quis verò à me fingi putet hanc Principum mentem, operæ pretium erit, verba ipſorum aut Miniſtrorum, quos habebant, adducere. Et quidem in Gravaminibus Politicis Statuum Evangelicorum anno 1645. Osnabrugæ oblatis, quæ exſtant apud Londorpium, hæc verba habentur num. 4. Die Herren Churfürſtlichen Abgeſandten haben auch bey ihgigem anſehnlichen Convēnt und Friedens Tractaten ein bißhero ungehörtes Prædicatum Excellentia vor den Fürſtl. Abgeſandten prætendirt; allermassen nun ſolche Neuerungen den hohen Fürſtlichen Häuſern in Teutſchland zu nicht geringer Verkleinerung / auch den ihgigen Tractaten wegen abgehender Communication zu ſchädlichen Aufſenthalt gereichen / die Fürſten des Reichs auch ſolche Neuerungen und ungewöhnliche Titulaturen nimmermehr einräumen oder attribuiren werden / alſo wird inſtändig geſucht / ſolche Neuerungen und dahero erfolgende Conſequentien eins vor allemahl abzustellen. Sed operæ



operæ pretium erit, illustrandæ hujus contro-  
 versæ causa huc afferre, quæ à me aliquando  
 x Relationibus Ministri, Magni, cujusdam  
 Principis ad Tractatus pacis Westphalicæ De-  
 putati, excerpta sunt. Ita ergò illa Osnabruga  
 1. April. 1645. Domino suo perscripsit: *Dispu-*  
*atum esse inter Suecos Brandenburgicosque de ti-*  
*ulis, quod Brandenburgici velut totius Collegii*  
*Electoralis Deputati Excellentiam postularent,*  
*quam Sueci velut à Brandenburgico Electore pen-*  
*sentibus tribuere nollent; tandem inter eos Con-*  
*ventum, ut Brandenburgici Suecos appellarent*  
*Legatos Regios Königliche Gesandten / vicissim*  
*Sueci ipsos Ablegatos Brandenburgicos, Brand-*  
*enburgische Abgesandten / ambo Excellentia*  
*abstinerent.* Hæc Minister ille. In quibus no-  
 tari potest pacti hujus irregularitas, nam si Ab-  
 legati tantum erant Brandenburgici, cur Ex-  
 cellentiam Regiis Legatis dare verebantur, nisi  
 malumus Abgesandten vertere non Ablegatos,  
 sed Deputatos, eo sensu, quem paulò ante ex-  
 plicui: & hoc modo tunc Brandenburgici in  
 Principum sententiam paulò ante explicatam  
 concesserant. Notari etiam potest; initio Ele-  
 ctorales Ministros non sibi singulis, sed totius  
 Collegii Electoralis nomine tantum *Excellen-*  
*tiam* postulasse, quanquam fiducia postea cre-  
 verit successu: item notari debet, inter Suecos  
 & Brandenburgicos Osnabrugæ tunc conve-  
 nisse, ut ambo *Excellentia* abstinerent, & hoc  
 scilicet illud erat, quod volebant Principes:

Monasterii quoque primarius Minister Bavarus Gallis initio *Excellentiam* non dabat, sed loquebatur illis in persona tertia, idemque vicissim faciebant Galli, exempli causa: *Domivus Baro dixit*, &c. Idem quem dixi Minister 25. April. 1645. scripsit: *Electores etiam à Principum Ministris nova sibi concedi volunt*, *Excellentiaque titulum postulant*, quod rectè fieri Moguntinus Mecleburgico multis ratiunculis persuadere conatus est; qui cum cæteris contulit. Brunsvicensis Calenbergicus dixit, se nihil innovaturum; sed illis ipsis titulis usurum, quibus *Electores in ipsis Conventibus Electoralibus Mülhusino anno 1627. & Noribergensi 1640. appellasset. Suorum Principum familiam antiquissimam esse, ac semper habitam Serenissimam; Dominum suum ab Imperatoribus ac Regibus descendere, majores ejus ab 800. annis Principes fuisse.* Respondisse Moguntinum, hæc à Bavaris Legatis potissimum urgeri. Tum verò Meclenburgicus liberè dixit, *familiam Mecleburgicam nihilo Bavarica inferiorem esse, imò à Regibus descendere.* Idem Calenbergicus suaserat Brandenburgicis, ut ne quid præter morem ac rationem tentarent, qui tunc acquiescere sunt visi. *Relatio de 23. Maji hæc habet,* [Magdeburgici nuper venientes consilium meum petiere; respondi, mihi *Excellentia* pessimam videri consequentiam; me à Domino meo super hoc negotio, licet non instructum, satis tamen meopte Marte judicare, nihil

il tale eum laturum. Diu me Imperii Con-  
 ventibus interfuisse, satisque didicisse videri  
 titulaturæ tricas, non hodie primum novas  
 formulas sequi velle. Cæterum ipsos Magde-  
 burgicos à filio Electoris missos rectè facturos,  
 defectum mandati allegarent, ne vel domi-  
 num, vel ejus patrem offenderent, neque præ-  
 judicium cæteris crearent pernicioso exem-  
 plo: se Brandenburgicos visitantem veterum  
 norem secutum: si Moguntini his non con-  
 enti essent, à se ad Auream Bullam remissum  
 ri.] *Relatio de 30. Maji.* [Brandenburgici mi-  
 ai retulere, Krebsium Moguntinum *Excellen-  
 iæ* apud ipsos rursus meminisse, & quæsi-  
 vissse, an non obtineri saltem posset à Principibus, ut  
 vel in hoc tractatu indulgeretur aliquid Electo-  
 ribus, exterorum causa, quod in cæteris Impe-  
 riæ Conventibus citra præjudicium foret. Re-  
 spondi, me valde dolere vicem patriæ, cujus  
 salus negligatur ac retardetur, dum interea illi,  
 quibus potissimum ejus incolumitas curæ esse  
 deberet, his nugis sese recreent, & inter dilace-  
 ratæ Germaniæ miserabiles gemitus novis ti-  
 tulis exultent: nolle me Principem meum in  
 hoc Europæ theatro contumelia affici; & si  
 monitis locus sit, monere, ut Electorales absti-  
 neant iniquis novitatibus, alioqui Camarinam  
 moturos. Plerisque Principum Legatis abso-  
 lutè interdictum esse, ne quid in hoc genere  
 concederent. Magdeburgicos defectum man-  
 dati allegantes 28. die hujus mensis ad Mogun-  
 tinos.

rinos misisse, Moguntinos retulisse, se nec visi-  
 tare, nec visitationem accipere posse, nisi com-  
 municato cum cæteris Electoralibus Consilio  
*Excellentiæ* causa]. Addidere Moguntini Sche-  
 dam, qua rationes eorum potissimæ continen-  
 tur pro *Excellentia*. Omnis earum vis huc re-  
 dit: Splendorem atque dignitatem Imperii  
 consistere in Electoribus, cæteri Proceres, ibunt  
 obscuri sola sub nocte per umbras. Ipsius Mag-  
 deburgicis visum, latere majus aliquid sub *Ex-  
 cellentia*, & hoc velut præludio patientiam  
 Principum tentari. Sequuntur rationes à Mo-  
 guntinis communicatæ Magdeburgicis. 1. Im-  
 peratorem mandasse suis Deputatis, ut prima-  
 rio Electorali Ministro *Excellentiæ* titulum da-  
 rent, itaque, argumento à majori ad minus du-  
 cto, non habere Principes, cur resistent. 2. Idem  
 facere externos. 3. Quod in honorem Imperii  
 vergat, splendore Electorum in Principes quo-  
 que ac cæteros Proceres reflexo. 4. Verendum,  
 ne, tergiversantibus Principibus, exteri quoque  
 pedem referant, & ab optima erga Imperium  
 voluntate divertantur. 5. Magno præjudicio  
 fore toti Imperio omnibusque Ordinibus, si  
 Veneti *Excellentiam* haberent, non Electora-  
 les, qui tamen omni jure ante Venetos sint ha-  
 bendi. 7. Sperandum itaque Germanos Ger-  
 manorum potius dignitati velificaturos. 8. De-  
 nique nihil ex hoc titulo Electoribus novi acce-  
 dere posse, quod Principibus suspectum esse  
 debeat. Sed hæ rationes parum movebant Prin-



principes, quia negabant, se Electorales Mini-  
 ros habere pro Legatis ad externos, sed pro De-  
 utatis ad Imperii Conventum, itaque nihil ad  
 eos pertinere Venetos, nec Cæsarem Princi-  
 pibus creare præjudicium posse, quicquid Mi-  
 nistris suis mandaverit, & satis apparere; quod  
 Electores nova discrimina paulatim moliantur,  
 ametsi, quod nunc fieret, imposterum præ-  
 iudicio esse non debere, testarentur. Imperii  
 autem dignitatem atque Majestatem, ut rectis-  
 simè dixisset olim Maximilianus I. Imperator,  
 non tantum in Imperatore solo, multò minùs  
 in Electoribus, sed & in Ordinibus sitam esse.  
 Hæc atque his similia, tunc utrinque jactaban-  
 tur, ex quibus intelligitur, tunc inter Electo-  
 rum Principumque Ministros tantum de *Ex-  
 cellentia* fuisse certatum, nec proinde dubitan-  
 dum esse, quin hi apud illos, cum inviserent,  
 superiorem habuerint locum: cætera enim o-  
 mnia recepto in Conventibus Imperii more  
 gerebantur, alioqui Principes haud dubiè que-  
 si fuissent. Hinc etiam intelligitur, Electora-  
 les obtulisse, ut saltem in hoc Conventu ipsis  
 concederetur *Excellentia*, nullo imposterum  
 præjudicio, nam in aliis Conventibus Impe-  
 riî veteres titulos formulasque retentum iri;  
 denique Electorales *Excellentiam* sibi non ut  
 missis à singulis Electoribus, sed ut Collegiî E-  
 lectoralis membris postulasse, velut ad Imperii  
 splendorem pertinentem. Principes autem  
 declarasse, suos Ministros esse Deputatos ad

Conventum Imperii, nec alios esse Ministros Electorales, adeoque se nihil innovatum velle, neque cæremoniarum exteris usitatarum in Conventu Ordinum Imperii rationem habendam esse. Itaque concludo, nihil actum esse Monasterii, quod Principibus præjudicare possit, quoniam secundum normam, in Tractatibus præliminaribus Hamburgensibus præscriptam, non nisi Deputatos ad Conventus Imperii misere, qui Osnabrugæ ac Monasterii celebrabatur, illuc Evangelicis Statibus, huc Catholicis cœuntibus. Deputati autem isti veteri cæremoniali in Imperii Conventibus usitato inttitere, & Electoribus, Legatos se ad exterosferentibus, novaque in conventu molientibus, contradixere. Quod autem Legatorum titulis ac formulis usi non sunt, cum neque Legati neque Ablegati essent (ut explicui) nihil aut Electoribus concesserunt, aut juri Legationis Dominorum detraxerunt: denique sub finem negotii vicisse visi sunt, atque illud tandem obtinuerunt, ut Electorales cedentes, in subscriptione prorsus, ut in Præliminaribus Tractatibus, eodem cum ipsis jure censerentur, omnesque communi nomine modo Deputati, modò Legati Plenipotentarii (vide infra Cap. 60. hujus num. 3.) appellarentur. Quare etiam Pax propriè non nisi inter Imperatorem & Imperium ab una, & Coronas ab altera parte inita est, & Electorum pariter atque Principum Ministri, non ut contrahentes per se ac sigilla-

im (quemadmodum Noviomagi à quibusdam fiet) nec proinde ut Plenipotentarii Legati vel Ablegati, sed ut Deputati ad Imperii contrahentis Conventum intervenire, quemadmodum ex ipsis tabulis pacis patet, quarum initio non aliorum contrahentium fit mentio quàm Ministrorum Cæsaris & Coronarum, quanquam sub finem etiam Ordinum Ministri, ut in aliquo Imperii Recessu fieri solet, signaverint: quæ quisquis intelliget, facile agnoscet, nihil actum esse Monasterii, cujus Principes poeniteat, neque exemplo Deputatorum ab ipsis ad Conventus Imperii missorum contra Legatos eorundem ad congressum exterorum destinatos abutetur. Tamen, ut supra dixi, non sint hi Deputati Plenipotentariis inferiores & hodie meritò simul pro Plenipotentariis habeantur.

## CAP. XLVIII.

*In Comitibus 1653. remissus egere Electores præter Bavaros. Cum Principales eodem se titulo appellent (Dilectio Vestra) multo magis mandatarii se simili titulo appellare debent. In Deputatione Francofurtensi An. 1655. multo minus obtinere Electorales; cum ipsi inter se litigarent, apud non Excellentia ipsis tantum competeret primariis, qui essent Comites vel Barones. Nihil à Cæsareis impetravere. In subscriptione fœderis Rhenani etiam Principum Ministri signavere summa qualitate Legatorum, etsi id agrè ferrent Electorales.*

Conclusâ jam pace Westphalica, in aliis postea Imperii Conventibus eadem controversia recruduit; Electoralibus tamen Mi-

nistris non nihil, ut apparuit, de fervore remittentibus. Nam cum Monasterii atque Osna-brugæ omnes, exceptis Saxonis, *Excellentiam* sibi acriter postularent, contra in Comitibus Rarisbonensibus anni 1653. & 1654. omnes remissius egere, Bavaris tantum exceptis: cum viderent, alioqui consilia conferri non posse de Republica, omnesque congressus vel impediri, vel difficiles reddi, & homines judicarent, quando mutua inter Electores & Principes sit salutatio, & *Liebede* incivile esse, (ut vir quidam doctus in Lucerna Imperii ait) à Mandatariis plus prætendi quam Principalibus competit: inde esse, quod compellatio hæc nova (*Excellentiæ*) in Imperii Conventibus intermittatur. In iisdem Comitibus, cum Elector quidam Electorum atque Principum Legatos recto capite audiret, alii se vicissim texere, alii venire recusarunt, quæ res fecit, ut Elector tandem hæc inusitata omiserit. Finitis porro Comitibus, secuta est Deputatio Francofurtensis, anno 1655. in qua sub initium Conventus controversia de *Excellentia* rursus agitati coepit, minore tamen Electoralium successu, quam antea unquam. Nam cum duo Comites Fürstenbergii, alter Coloniensis, alter Bavaricus Minister Deputatus, à Cæsareis Deputatis Episcopo Wormatiensi, Comite Wolkensteinio, & Cranio *Excellentiam* sibi dari velent, repulsam passi sunt. Volmarus verò, qui inter Principes Directorium exercebat, velut Legatus Archi-Ducis Austriæ, negavit ullum exem-



exemplo suo Principum collegio præjudicium creatum iri. Hoc amplius nec ipsis Electoralibus conveniebat inter se, nam Saxones veteri usui insistentes *Excellentiam* à nemine exigebant; præterea hæctenus primarii Electorales (hi enim soli *Excellentiam* sibi vendicabant) fuerant Comites aut Barones; tunc verò Portmannus Deputatus Brandenburgicus & Hammius Palatinus, primarii & ipsi, vel certè nulum alium ante se habentes, eodem jure uti volebant quo cæteri: quod duo illi Comites minimè probabant. Atque ita *Excellentia* illa Deputatorum Electoralium sic satis adhuc incerta fluctuabat. Nec postea in ullo Imperii Conventu confirmatio reddita est, quemadmodum novissima Comitatus testari possunt. Denique cum conderetur foedus, quod *Rhenanum* vocant, & quidam vellent distincte nominari *Legatos* ac *Deputatos*, quasi prius nomen Electorum, posterius Principum Ministris conveniret, surgentes quorundam Principum Ministri evicere, ut omnes sine discrimine Legati appellarentur, assentientibus, qui aderant, Coronarum Ministris.

## CAP. XLIX.

In solennibus Imperialis Curie actibus vel sessionibus separantur Collegia: & Electorales eorumve Legati separatim, Principes eorumque Legati etiam separatim habentur. Et hoc modo contingit, Electorum Legatos sedere ante Principes ipsos, quia Collegium unum præcedit alterum. Secus est, si extra Collegii corpus spectentur. Et hinc fit, ut cum equita-

*tur secundum paria, etiam Legatus Electoris appareat supra alium Electorem in pari inferiori positum. Et sic interpretande Capitulationes. Legati Regii etiam ipsis Electoribus controversiam movent in loco tertio, quibus tamen etiam Principes non cedunt domi. De mensa Electoris separata à Principibus apud Imperatorem, ut Imperatoris separata à Regibus apud Papam. In Comitibus 1641. placuit, ut Ordines Imperii adscriberent Regibus simul dignitatem & Majestatem Regiam, illam nomine Electorum & Principum, hanc nomine Urbium. Elector Palatinus cecidit Cardinali Richelieu in domo Cardinalis. Legatus Regius ante Electricem aliquando in loco tertio collocatus. Elector Saxonie cuidam à Gallia sine charactere misso cecidit in mensa sua. Rex Daniae aliquando Legato Cesareo & Gallo, Florentinus Legato Hispano: Papa Archiepiscopo Moguntino in ejus Diocesi. Talia confusa ac saepe arbitraria.*

**Q**Uoniam verò video, nonnullos ad stabilendam Electoralium præminentiam abuti more Imperii, ubi Legati Electorales, in solennibus actibus Dominorum locum tenent, ac ne Principibus quidem præsentibus cedunt, ideò paucis ostendendū est, quam nihil inde duci possit in rem præsentem: quanquam & supra nonnulla huc pertinentia attigerimus. Primum controversiæ hujus Exemplum à Caroli V. Coronatione Aquisgrani 1520. celebrata reperitur. Cum enim Elector Saxonie ob infirmitatem Colonie substitisset, à Johanne Clivensium Duce, 400. equitum manu stipato, Legatis ejus de ordine equitandi controversia mota legitur, ita ut pompam istam, qua Germania non viderat illustriorem, nox interpellaverit, ut ait Sleidanus; ubi rectè notatum est à Bertramo in libro  
de Ca.

le Comitiiis, & post ipsum Limnæo, fundamento caruisse Clivensis prætensionem. Legati quippe Electorum, ut maximè post cæteros in persona præsentés locentur Electores, non tamen publicis in actibus aliis Principibus qui & ipsi adsunt, posthabentur: per publicos autem actus intelligit solennes, ut subiecta materia postulat, qualis erat scilicet Inauguratio Caroli V. Ratio hujus conclusionis manifesta est, quia separatim equitant aut sedent Electores eorumque Legati, separatim & Principes aut Legati Principum. Itaque in omnibus actibus, ubi collegialiter sive curiatim comparatur, nulla inter Legatos Electorum ac Principes controversia nasci jure potest. At vero extra illos actus solennes, & ut ita dicam, Collegiales, rideretur profectò Legatus Electorales, qui mano Principi, quem Cæsar ac Reges colunt, quem Electores, ut æqualè suspiciunt, controversiam moveret. Hinc mirū esse non debet, in collegio Electorali præsentē Electorem sedere ante aliorum Electorum Legatos, & præsentē Principem ante Legatos aliorum Principum, quemadmodum in Comitiiis anni 1641. & 1654. non verò ideò principem ante Legatos Electorales quippe in alio Collegio intervenientes. Notandum tamen Austriacum, Burgundum, & Salisburgensem Legatos nihilominus, in scamno Ecclesiasticorum Principum sedere ante alios Episcopos præsentés, Directorii scilicet intuitu, de quo Austriacus & Salisburgensis (inter quos

Bur-

Burgundus medius sedet) alternant. Sed hæc omnia intelliguntur, ut dixi, de solenni Comparitione aut Sessione, non verò ad alios actus extenduntur. Unde Autor der Grundfeste: Solches verstehe sich nicht weiter / als auff die Session im Reichsfürsten-Raht / sintemahl bey andern Begebenheiten/ es sey auf den Reichstäggen/oder sonst/ein Fürst in Person ißtermeldten eben so wenig als den Churfürstlichen Gesandten die Præcedenß verstattet. Porro, quòd dixi de Collegiis non permiscendis, adeo verum est, ut etiam in ipso Collegio Electorali placuerit paria Electorum binorum junctim equitantium non esse permiscenda. Nimirum cum in solenni Pompa equitant circa Imperatorem, insigniaque officii non gestant. Hoc placuit schema :

Colon.	Saxo	Palatin.
R.Bohem.Imperator.	Trevir.	
Mogunt.	Bavarus	Brandeb.

Quod si absentis Legatus adsit, cæteris loco non motis, semper in pari suo Sinisterior erit. Ut, si ponamus Saxonem ipsum adesse, Bavari Legatum tantum; schema erit :

Colon.	Bavari Legatus	Palatin.
R.Bohem. Imperator	Trevir.	
Mogunt.	Saxo	Brandeb.

Atque ita Bavari Legatus locum habebit supra Brandenburgicum & Palatinum, quippe Cæsari propriorem, at infra Saxonem quippe Sinisteriorem; si verò insignia officii gestanda sint,

tunc



tunc munere fungetur non Legatus, sed Imperii Subofficialis, ut, verbi gratia, loco Bavari *Dapifer de Waldburg*, isque eodem planè loco, quo ipse Elector, si adesset. Hinc ergo intelligitur à solennibus functionibus argumentum nullum duci debere ad ea, de quibus nobis quæstio est. Itaque etiam Capitulationes Ferdinandéam ac Leopoldinam, de ejusmodi solennibus Curiaë actibus interpretari oportet; nisi malimus dicere, Electores rem postulâsse ridiculam, ut Principes magni Electoralibus cedant Legatis, qui tamen ne Regiis quidem cedunt in domo sua, nedum in alieno. At verò, inquires, Legati Regii præcedere contendunt Principes. Respondeo, eandem ab ipsis controversiam moveri Electoribus; nam supra ostendi, Nuntium & Legatum Anglicum pompa solenni Inaugurationis Caroli V. abstinuisse, quod cedere nollent Electoribus & eandem Francofurti nuper mentem fuisse Nuntio Apostolico & Legato Hispanico, cum Leopoldus coronaretur, ostendi supra cap. 8. ex relatione Galeacii Gualdi, quam satis patet ex ipsius Nuntii aut familiarium commentariis sumptam esse. Itaque ne hac quidem in parte habent Electores, quo à præcipuis Imperii Principibus distinguantur. Sunt, qui discrimen essentielle inter Electores & Principes ex eo sumi posse putant, quod illi separatas habent mensas, cum Imperator recens coronatus in publico cibum solenniter capit; hi vero mixti sedent. Sed præter-

terquam, quòd ista ad pompam pertinent, cui Electores ratione Officiorum interveniunt, neque extra illum actum porriguntur, sciendum est, etiam in Cæremoniali Christophori Marcelli, Archiepiscopi Corcyrani, ita Reges ab Imperatore distinguuntur apud Papam in publico cibum capientem, ut Papa & Imperator suam quisque habeant mensam, cæteri Reges uni mensæ mixtim assideant, *en foule*. Unde hoc saltem sequeretur; non magis Principes distinguuntur ab Electoribus, quàm ab Imperatore Reges. Sunt qui Electores & Principes in eo quondam discretos putant, quod illi Regibus dignitatem Regiam tantùm ascriberent, hi verò Majestatem; sed hoc falsum esse, patet ex eo quod in Comitibus Ratisbonensibus anni 1641. cum de literarum, Regibus Galliae & Hispaniae scribendarum, forma deliberaretur, visum est, simul scribere: *Regiam Dignitatem & Majestatem*, illam nomine Electorum & Principum, hanc nomine urbium Imperialium, ut ex Actis publicis patet. Quidam aliud discrimen in eo esse situm putant, quòd Electores Legatis Regiis ne domi quidem suæ cedunt, quod tamen faciunt Principes. Sed hoc quoque verum non est. Nam Bavarum nondum Electorem & Neuburgicum hoc minimè fecisse constat, ut infra dicam; & contra auctor Collectaneorum *de Legatis* refert, Electorem Saxoniae aliquando cuidam à Galliae Rege ad ipsum sine ullo caractere misso primum mensæ suæ

sæ suæ locum dedisse; idem narrat in nuptiis  
 Principis Daniæ & filiæ Electoris Saxonie Ele-  
 cttricem collocatam infra Legatos Cæsareum  
 & Gallicum, cum tamen in hujusmodi negotiis  
 plus etiam honoris fœminis quàm viris haberi  
 postulet urbanitas. Nimirum apud multos lo-  
 cus potior, quem quis alteri domi suæ concedit,  
 potius ad civilitatis arbitrium quàm regulas  
 cæremoniales pertinere visus est. Unde supra  
 cap. 34. adduxi exemplum Magni Ducis Hetru-  
 riæ, qui Legato cuidam Hispanico Romam de-  
 stinato etiam recusanti locum superiorem de-  
 dit, quod alioqui fieri non solet. Sed quòd Ele-  
 ctor Palatinus Cardinali Richelio in Domo  
 ipsius Cardinalis cœsisse dicitur, id tanto magis  
 animadvertendum, quòd tunc recenti injuria  
 affectus à Gallis non haberet, cur illis multum  
 deferret. Et certè quisquis in re cæremoniali  
 exempla colliget, cuncta fere incerta ac fluctu-  
 antia deprehendet, usq; adeo ut Abbas Ursper-  
 gensis memoret ad annum 1050. Papam ipsum  
 Archiepiscopo Moguntino in sua Diœcesi post  
 multam contentionem cœsisse, ratione motum,  
 quæ planè hodiernis sententiis (nam sæpe etiam  
 inferioribus in domo nostra cedimus,) contra-  
 ria est; quanquam id à Baronio vehementer  
 improbetur. Quoniam ergo hodie in ea tem-  
 pora incidimus, in quibus omnia ad vivum re-  
 secantur; ratione, non exemplis veteribus pu-  
 gnantibus & sæpe absurdis, utendum est ad  
 constituendos cuique honores; sin minus, nur-  
 quam

quam pugnarum ac contentionum finiserit, donec cuncta ad modum naturæ consentaneum reducantur. Cum ergo supra ostenderit, Electores pariter & præcipuos Imperii Principes in eadem esse causa, quoad libertatem ac potentiam, nec nisi functionibus quibusdam ad intrinseca Imperii negotia pertinentibus differre; consequens est, ut nec dignitate atque honoribus, pui Suprematum habentibus aut eorum Legatis tribui solent, separentur.

## CAP. L.

*Post exempla Electorum sequuntur exempla Principum Italiae, quæ æquè nobis prosunt. Veneti honores Regios serò obtinere: olim Electoribus; imò & quibusdam Ducibus cessere, cum Sabaudis & Bavaro, nondum Electore, certavere. Excellentia Legatis Venetis à Caesareis & Hispanis diu negata. Monasterii demum cessit. Excellentiae titulo Legatus ejus usus inter primos. Origo tituli Excellentiae quoad Legatos. Monasterii à Nuntio, Caesareis & Hispanis negatus Sabaudis, à Gallis nihilominus concessus, Caesaris sententia non expectata. De Regia Celsitudine Sabaudi. Cedit Electoribus. Ejus Legatus se tegit coram Rege. Non recipitur ea, quæ Venetus, pompa. Sabaudus Frater à Gallo olim jam appellatus. Hodie ejus Legati Excellentiam ubiq; habent. Florentinus equalis Sabaudis, ut & Mantuanus, cujus Legato etiam Monasterii à Caesareis & Nuntio Excellentia negata, à Gallis nihilominus concessa: & hodie ubique. Parmensis & Mutinensis eadem ratio. Horum omnium Legati se hodie coram Regibus tegunt, novissimè venientes ab aliis Legatis visitantur, & visitantes potiore locum habent.*

**Q**uoniam vero duobus potissimum exemplis hodiernis uluros nos diximus, Electorum Imperii & Principum Italiae; & quod ad Electores attinet, planum fecimus, legitimum



inde argumentum à nobis peti: superest ut exemplo quoque *Principum Italiae* insistamus, idq; tanto efficacius, quanto minus apparet, non dicam, ratio, sed in plerisq; ne color quidem discriminis ullus. Itali Principes sunt Dux Sabaudiae, Magnus Dux Florentiae, Dux Mantuae, Dux Mutinae, Dux Parmae; nam Mediolani Ducatum Hispanus tenet, Ferrariam Papa sibi vindicavit parte ditionis Mutinensi relicta. Memorabantur olim Dux Venetiarum & Dux Genuae. Nam & ex caeremoniali Romano constat, Ducis non Reipublicae factam mentionem. Et de *Venetis* jam aliquoties diximus, superiore demum seculo eos obtinuisse honorem Salæ Regiae in aula Romana, cum antea eodem cum caeteris Ducibus jure uterentur. Ex eo tempore effecere in Gallia & alibi passim, ut Legati Veneti à Legatis Coronatorum Capitem non discernantur, quod satis apparet ex libro inscripto *il Maestro di Camera*, quem supra produximus. Electoribus olim postpositis Venetos, imo & Burgundiae, Sabaudiae ac Mediolani Duci, patet ex *Caeremoniali* Paradis de Grassis, loco supra cap. 44. adducto; sed & Bavari nondum Electoris Legati controversiam loci Venetis movere Tridenti. Hodie Sabaudus cedit Venetis, Electores non cedunt. Veneti, pro more Italorum perpetuo, amplificandis honoribus invigilantes anno 1636. Decretum Caesaris elicuerant, quo Legatis eorum locus ante Electorales dabatur; sed huic postea in Capitulatione Leopoldina nominatim est derogatum.

Romæ & in Gallia Veneti & Regii Legati nullo discrimine habentur, qui honor nec Sabaudis, nec Florentinis, nec Genuensibus habitus. In Aula Cæsarea & Hispanica variatum, prout Venetis gratificari aut ægrè facere præsentis rerum statui congruenti9 visum. Comes Ognatius Legatus Hispanicus apud Ferdinandum II. & Gondemarius apud Jacobum Angliæ Regem Legato Veneto *Excellentiam* dare noluerunt: idem fecere eodem ferè tempore Comes de Kevenhüller Legatus Cæsaris ad Regem Hispaniarum & Comes Swarzenburgicus Legatus Cæsaris ad Regem Angliæ. Sed Monasterii omnium consensu Legato Veneto plenus honor habitus est, nec ab eo tempore in dubium revocatus. Itaque in Gallia nihilo minore apparatu Venetus quàm Regius Orator excipitur. Jus Legati *Sabaudie* non nihil fluctuavit, Sabaudie Comitem Sigismundus Imperator creavit Ducem, cujus exinde crevit autoritas, eoque ut Legati ejus haberentur ante Venetos, sed Emanuel Philibertus inter Carolum V. & Franciscum I. jactatus, rei publicæ amicitiam quæsiuit, & filii S. Marci nomen sumxit, & Rei publicæ cessit, ea conditione tamen, ut quoad cætera Legati ejus Venetis æquales haberentur. Exstat de *Controversia inter Venetos & Sabaudum* Libellus Theodori Græwinkeli, ubi ista fusè discutiuntur. Porro Sabaudi Legatus *Excellentie* titulo usus est inter primos. Olim ille titulus non nisi summis principibus dabatur, cum nondum *Celsitudo* frequen-

juentaretur; postea mansit Principibus minoribus, sed ex Serenissima familia profectis; quam his quoque hodie Celsitudo tribui soleat. Cum ergo Ludovicus Niverniensis Henrici IV. d Pontificem Legatus, Excellentia titulo merito uteretur, velut Princeps ex familia Mantuana, Legatus Hispanus, æmulatione motus, undem sibi titulum dari curavit; secutus est Venetus, & Sabaudus, qui, quo facilius obtineant ab aliis, cum sibi mutuò dabant: sed cum ostea inter successores ortæ essent similitudines, Venetus Sabaudus *Excellentiam* negavit, quam tamen Nuntium Apostolicum concedere non ignorabat. Monasterii Nuntius Legato Sabaudus San-Cauritio *Excellentia* honorem habere voluit, provocans ad Exemplum Cæsareorumque Hispanorum: Galli tamen & Bavari faciores fuere. Tandem Innocentius X. Pontifex crevit, *Excellentia* Sabaudus pariter & Florentino Legato non abnuendam. Primæ quoque Visitationis honor Sabaudi Monasterii habitus etiam à Nuntio aliisque, qui *Excellentiam* tribuere non volebant; Sabaudus similes Regiis honores sibi tribui & Legatis suis tantundem concedi ostulat, quantum Venetis datur; sed hætenus frustra: tametsi hac in primis spe Victor Amæus Cypri se Regem tulerit, & Cardinalibus *minentiam* Venetorum Exemplo negavit, quæ secundum Decretum Congregationis Rituum anno 1630. sub Urbano VIII. promulgatum omnes exceptis Regibus Cardinali debent. Sed

tametsi Legatus Sabaudia Ducis caput regat coram Rege, nondum tamen efficere potuit, ut honor receptionis idem, qui Veneto, ipsi haberetur, quæ de causa Marchio de Villa Lutetiam incognitus intravit potius, quàm ut aliter, quàm Venetus solet, reciperetur. Illud animadvertendum, soli ex Principibus Italiae Sabaudo Regem Galliae olim fratris appellationem adscripsisse (ut notavimus supra ex illis formulis quæ tom. III. Commentariorum Villaregii extant) & Electores quosdam Imperii circa annum 1658. pactos, ut Sabaudis Celsitudinis Regiæ honor haberetur. Sabaudis vicissim Electoribus præcedentiam spondente, vel potius dudum debitam agnoscente. Certum est enim, Electores semper ante omnes Italiae Principes fuisse, tametsi nec olim à Rege Christianissimo *fratres* appellarentur, nec hodie Legati eorum se tegant coram Rege, quorum utrumque Sabaudis non negatum. Unde irregularitas caeremoniarum hæcenus in Gallia receptarum apparet. Sed nobis interea sufficit, Sabaudi Legatis *Excellentiam* à plerisque, primæ verò visitationis, & credo etiã loci potioris honorem, nî fallor, ab omnibus concessam esse. *Magnus Dux Hetruriæ* hodiè à Sabaudis non distinguitur, quantum ad honores attinet, qui vel Dominis vel Legatis debentur. Hoc Romæ, hoc Lutetiæ extra controversiam positum. Inter ipsos Florentinos Sabaudosque crebræ non ita dudum lites. Olim cum Ferrariensi certavit  
Flo.



Florentinus, licet jam Magnus Dux creatus esset, & à Pontifice ac Cæsare cautum, ne quid illa creatio præjudicii aliorum dignitatibus adferret. Mirum est, Florentinum cum hoc obtinere non posset à Pontifice, ut Rex crearetur, obstante Cæsare Maximiliano : non saltem id effecisse, quod Veneti jam obtinuerant, ut haberetur Legatis ejus honos, qui Regiis : ita Magni Ducis appellatio aliquid saltem præter nomen attulisset. Sed credo tunc, ne ipsos quidem Italos eò, quò nunc, ingeniosæ scrupulositatis pervenisse. Postea Ferdinandus Cosmus Hetruriæ Dux prætextu significandi obitus Patris sui Ferdinandi & continuaturæ à se amicitiae Legatum Coloredum ad plerosque Germaniæ Principes misit, eo ferè consilio tantum, ut sibi *Serenissimi* titulum ambiret : nam Legato in mandatis dederat, ut ne aliter scriptas literas reciperet. Sed, quod supra diximus, sufficit, Florentinum in eadem cum Sabauda causa esse videri. Legatus quoque *Mantuanus* se coram Cæsare & Regibus Galliæ atque Angliæ tegit : mirum est verò, Hispaniæ Regem id permittere noluisse, qui tamen se forte nunc faciliorem præbet, præsertim ex quo Mantuana familia Austriacæ aliquoties illigata est. Cum Legatus Mantuæ Ducis Monasterium venisset, *Excellentiam* à Legatis Galliæ obtinuit, Nuntius resistit, Cæsareanorum exemplo. Unde intelligi potest, parum rectè Gallos hodie erga Serenissimos Germaniæ Principes nihil nisi post Cæ-

sarcos facere velle ; cum tamen Monasterii erga Sabaudum & Mantuanum facilitate primi fuissent, non expectato Cæsareorum exemplo. De Mutinensi & Parmensi non est, quod multa dicamus : nam non est, cur à Mantuano discernatur, & Duces ipsi in Gallia, Parmensis Richellii, Mutinensis Mazarini temporibus maximis ac penè invidendis honoribus culti sunt, unde dubium nullum est, Legatos quoque eorum in eo honore esse, qui cæteris Italiæ Principibus conceditur.

## CAP. LI.

*Quicquid Italis, id Germaniæ quoque Principibus atque Electoribus competit. Nam & Itali Imperio subsunt. Ostenditur eos olim Imperio subfuisse, nec libertatis titulum docere posse. Idque primum generatim.*

Incergò constat plerosque Italiæ Principes hodiè pleno Legationis jure frui, & Legatos eorum non nisi in paucis à Regiis distinguui. Quanquam enim ea solemnitate non recipiantur, quæ Regiis & Venetis Batavisque præstò est : tamen tegunt se coram Regibus, (quod nondum Electorales obtinuerunt) & in aliquo Legatorum inter se invicem congressu, *Excellentiæ* & primæ visitationis locique potioris honore fruuntur, quod nunc in Electoribus & haud dubiè mox in Serenissimis Germaniæ Principibus extra controversiam erit. Superest ergò, ut ostendam, id jure fieri, & Italos ab Electoribus, & nihilo minoribus Germaniæ Principibus, non nisi ineptè aut malignè divelli.

Hoc

Hoc mihi fatebitur, quisquis agnoscet, plerosque omnes Italiae Regulos, aut Respublicas, Sacri Imperii Principes atque civitates esse; itaque Italianam penè totam Imperii patrimonium fuisse usque ad Friderici II. obitum, constat inter omnes, & maximè ex *Regno Italiae* Caroli Sigonii intelligi potest. Idem Sigonius, quem plerique secuti sunt, refert Rudolphum I. Cæsarem in Germania constituenda satis occupatum, nec ad longinqua aspirare ausum, plerisque Italiae Civitatibus libertatem plenam vendidisse. Quod si verum esset, credibile est, extituras uspiam tabulas authenticas, quibus vel in unica ex tot Civitatibus probari tanti momenti actus possit. Sed nemo scriptorum Italorum tale quippiam uspiam produxit, quanquam nihil ambitiosius affectent, quàm gentis suæ libertatem; & Genuenses ipsi à Marchione Finaliensi lite pulsati apud Cæsarem Maximilianum II. non nisi ad Caroli V. tabulas confugere, quibus libertatem, sed frustra, probare conati sunt. Quamque ista Rudolphi alienatio falsa sit, nullà re magis constat, quàm præclarà in Italiam expeditione magni Imperatoris Henrici Luxemburgii, cui nemo profectò Italorum, Rudolphi, licet recentis (nam Alberti, qui Henricum præcesserat, pater fuit) diplomata aut renunciationes objecit. Unde credibile est, quædam forte privilegia ac regalia (ex illis scilicet, quæ Imperio reservavit Fridericus I. in pace Constantiæ in Comitibus anni 1183. condita, cu-

jus textum Baldus commentario illustravit) tunc à Rudolpho remissa fuisse. Henricus autem à Clemente V. Pontifice Avenione agente in Italiam evocatus est, ut turbatis foederibus unius autoritas mederetur. Italia tunc miserè distracta erat; diuturna Cæsarum, & novissima Pontificis absentia : urbes passim tyranniones premebant, Scaligeri Veronam, Passerini Mantuam, Carrarienses Patavium, sed & Veneti Ferrariam, Florentini Pistoiam expugnaverant. Imperator cum Bohemiæ regnum filio Johanni procurasset, stabilitis in Germania rebus, Italiam magno bonorum applausu ingressus est; Mediolanensibus subactis vicarium imposuit, Cremonensium muros dejecit, Brixiam evertit. Quo territi Mantuani, Veronenses, Placentini, Patavini, Tarvisini imperata se facturos datis obsidibus spondere. Inde Genua ac Pisæ victoribus cessere : Romæ coronatum, jamque in Florentinos moventem, mors deprehendit, quam veneno in Sacra hostia dato adscribunt. Ludovicus Bavarus successor res Italiæ minime omisit: initio Imperii Galeatio & Cane Scaligero Gibellinis auxilia Mediolanum ac Patavium misit; in Conventu Francfortensi Castrucio Lucæ Vicariatum dedit, ingressus in Italiam Mediolani Coronam regni Lombardiæ accepit, Galeatium in vincula conjecit; sed intercedente Castrucio restituit; Romæ Coronam Imperii sibi imponi curavit. Inde redux

Johan-



Johannem Regem Bohemiae Henrici Lucenburgensis filium in Italiam ablegavit, is Brixiam, Bergomum, Lucam, Parmam, Rhegium, Mutinam urbes subegit; per filium Carolum Vice-Comites, Mediolanensem, Mantuanum & Rainaldum Estensem in ordinem redegit. Is Carolus postea Imperator Vice-Comitem Mediolanensem Galeatium II. perpetuum per Lombardiam Cæsaris vicarium constituit; formulam fiduciæ sive Investituræ se vidisse ait Bodinus. Postea Wenceslai ignavia & Ruperti debilitas Italos turbones rursus crexit, & sectum schisma in Ecclesia quod ægrè Sigismundus Imperator tollere potuit, confirmavit. Fridericus tamen Austrius ejus nominis III. Sigismundi successor Romæ coronatus, Italiam in Officio retinere studuit; sed filius ejus Maximilianus paulo efficacius verbis arma junxit. Hujus Majestatem Veneti in angustias redacti agnovere; Florentini ab eo quadraginta aureorum millibus Privilegiorum confirmationem redemere. Julius II. Papa numeratis aureorum triginta millibus obtinuit, ut Senensis Civitas Urbinatum Duci in Feudum daretur, quemadmodum habet Bodinus ex Guicciardino. Quanto nominis sui Gloria Imperii Majestatem in Italia asseruerit Carolos V. Maximiliani nepos, notius est, quàm ut huc referri debeat. Sed nunc paucis per Italiae Principes præcipuos eamus, ut propiora nostris temporibus Imperiū in eos jura intelligamus.

## CAP. LII.

*Speciatim vero idem docetur in Sabaudo, qui suffragium in Comitibus habet, in matriculam relatus est, ad Cameram contribuit; proscriptus est aliquando. Est Vicarius Imperii. Etiam Mantuanus Imperii Vasallus est, & stare debent iudicio Cæsaris. Florentini nunquam ab Imperio liberati, à Carolo V. subacti & Mediceis, ita ut Imperio subessent, concessi; Mutinensis Imperii Vasallus, ut Mantuanus. Parmensis Pontificis. Porro Mediceorum, Farnesiorum, Gonzagarum, familiae novæ, si Germanis comparentur. Domus Brunsvicensis est Estensis familiae caput.*

**S**Abaudum Imperii vasallum esse, res indubitata est; Bodinus Instrumentum mandati à Sabaudia Duce, Investituræ in melius reformatæ causa, cuidam in Cæsaris aula Comiti missi, anno 1561. sibi visum ait. Sed res extra dubium erit inspicienti Instrumentum pacis cum Gallia Monasterii initæ, ubi hæc habentur: *Cæsarea Majestas decenter requisita concedet Domino Duci Sabaudia unà cum investitura antiquorum feudorum & statuum, qualem inclytæ memoriæ Ferdinandus II. Duci Sabaudia Victori Amædo concesserat; Investituram quoque locorum, ditiorum, statuum omniumque jurium Montisferrati cum appertinentiis, quæ illi vigore prædicti tractatus Cherascensis, nec non executionis inde subsequutæ decreta & remissa fuerunt, &c. Ad Comiticia quoque vocatur Dux Sabaudia, ibique sæpe comparet per Deputatum, sed & relatus est in Breviarium Imperii sive Matriculam, eique adscripti sexcenti pedites & ducenti septuaginta septem equites ad Imperii usus mittendi, vel mille octingenti viginti & octo floreni.* Tre-

centos Florenos confert ad Cameralis Judicii sustentationem. Imò superioris seculi anno vigesimò quinto ab Imperiali Camera proscriptus est, ut refertur in Symphorematis Gylmanni, voce *Bannum*: & in recessibus Imperii aliquoties vocatur *Princeps, membrum, Vasallus* Imperii. In recessu Ratisbonensi 1541. §. nachdem aber des H. Reichs: & Recessu Spirensi 1544. proœm. Sedem locumque in Comitibus habet post Brunsvicenses, Megalopolitanos, Württembergicos & Holfatos; ipse se vocat, *Princeps & Vicairè perpetuel du S. Empire*. Vicariat⁹ hæc vis est, ut, quamvis ab Imperatore dependeat, actus tamen Imperiales exercere possit, ut Marchiones, Comites, Nobiles creare; homagium Feudorum Imperii vice accipere; controversias velut delegata ab Imperatore autoritate terminare; aliaque id genus Imperiali nomine exercere. Additum, ut ne quis Comes Palatinus Imperialis in districtu, qui Vicariatui Sabaudi assignatus est, officium suum explicare possit. Unde patet ipsum Ducem quodammodo Comitem Palatinum perpetuum & unicum ibi constitutum; cum verò Mantuanus hunc Sabaudi Vicariatum turbaret, & ad se traheret, Electores à Leopoldo Cæsare in capitulatione stipulati sunt, ut Mantuano ea re interdiceretur. Ex his ergo omnibus apparet, quàm nullo Jure Sabaudus ab aliis Serenissimis Imperii Principibus distingui possit, cum & Saxonica stirpe & ferti rutacei insignibus gloriatur.

tur. Nec refert, quod quædam pleno jure tenet, ut apparet etiam ex Instrumento Pacis Monasteriensis dicto loco, nempe Rocheveranum, Olmum & Casolam, hæc enim non sunt tanti; præterea locum Instrumenti Pacis aliqui ita explicant, non quòd illæ ditiones non subsint Imperio, sed quòd non sint Feuda Imperialia. Nam quod est interterritorio, præsumitur esse de territorio, nisi contrarium probetur; adeoque Imperium in omnia illa loca habet fundatam intentionem, donec sint, quæ justo titulo eximi doceatur. Jus in Regnum Cypri hîc non discutio, quanquam Victor Amedæus anno 1633. coronam antea Ducalem clausurit, & Legatos suos obedientiam Pontifici more solito denuntiantes in Atrio Regiis tantum Legatis destinato, *nella sala Regia* recipi, sed frustra postularit. Nam nec ista satis liquida sunt, neque unquam Cyprus illi à majoribus ejus possessa, & si hujusmodi prætensiones hic audimus, erunt, credo in Gallia, qui se Imperatores Constantinopolitanos, Duces Athenarum, forte & Neapoleos Reges ferent, & quid non? sed esto illud jus, quantumcunque libuerit, illud tamen constat, nullos novos honores Victorem Amedæum ejusque successores illius causa impetrasse, nisi nudum Celsitudinis Regiæ nomen. Quare hoc loco in rationes id non veniet, cum nobis sufficiat, eadem pro Germaniæ Principibus supremis impetrare, quæ Sabauda ob suprematum, quem re ipsa tenet, concedunt.



ceduntur, quando nihil interesse certum est; neque enim Sabaudus liberior censeretur, quam multi alii Principes, tametsi forte ob distantiam aliquando pius, quam jus permittit, aut conditio Principis Imperii fert, usurpavisset. *Dux Mantuæ* (qui olim Marchio appellabatur) se Principem Imperii vocat, & Vasallum agnoscit, ut ait Bodinus. Nec investituram tantum recipit, sed & in summis Imperii Tribunalibus conveniri potest, quemadmodum patet ex Instrumento Pacis Monasterii inter Imperium & Galliam factæ, cujus verba sunt: *Similiter declarabit Imperator, Investitura Ducatus Mantuæ comprehendendi Castra Regioli & Luzzaræ cum suis territoriis & dependentiis, quarum possessionem Dux Gastallæ Duci Mantuæ restituere teneatur, reservatis tamen eidem juri- bus pro sex millibus scutatorum annuorum, quæ præten- dit, de quibus agere, & judicio experiri coram sua Cesarea Majestate valeat adversus Ducem Mantuæ.* Origo horum Ducum longè infra plerasque Germaniæ Principum. Cum aliquando Mantuanus cum Sabaudis de dignitate contendisset, objectum est à Sabaudis, Ludovicum Gonzagam civem fuisse Mantuanum circa annum 1327. natum matre ex familia S. Martini subdita Sabaudis, urbem anno 1369. in potestatem rede- gisse, ut Vicarium Imperii tantum, quam sine ullo dignitatis titulo posterius ejus tenuerint usque ad annum 1433. tum primum Johannem Fran- ciscum

ciscum Gonzagam creatum Marchionem Mantuanum ab Imperatore Sigismundo & Fridericum à Carolo V. demum anno 1530. Ducem appellatum. Duci Sabaudia jam olim à Venetis Gubernatoribus Mediolani *Celsitudinem*, Mantuano tantum *Excellentiam* tributam; Emanuele Philibertum Mantuano dedisse non nisi *Excellentiam*, & tamen ab eo *Celsitudinem* recepisse. Cum olim Sabaudus à Regibus Hispania *Illustrissimus* appellaretur, Mantuanum tantum dictum *multum Illustrum*. Sabaudia Legatum habere sedem certam in Sacello Romæ, in Gallia, Venetiis. Mantuanum autem in nullo Sacello Regio. Quæ omnia atque his plura in Tomo X. Mercurii, olim Gallice editi, leguntur. Unde apparet, nihil obiectum esse Principibus Germaniæ, quod non justius multò opponi Mantuano possit. Montisferratensem Marchionatum Carolus V. Friderico Gonzagæ fiduciario jure concessit, Maximilianus II. anno 1573. ad Ducatus honorem evexit. Casalenses per sententiam Cæsaream Montisferrati Principatui addicti sunt. *Florentinos* Imperio quondam subditos nihil unquam exemit; nam venditionem Rudolphi I. supra explosimus; certè Henricus Luxemburgicus Florentinis imminebat, nisi mors ejus arma stitisset. A Maximiliano I. Florentinos renovationem Privilegiorum impetrasse, supra diximus, hoc autem constat nisi à subditis non peti solere. Carolus V. Florentinos subegit, velut Majestatis reos concessis immunitatibus spoliavit, & ut Clementi VII. Medicæo gratificaretur, Alexandrum ex eadem familia Principem civitati imposuit, sibiq; generum accivit, privilegia illi, quæ olim civitati concessa erant reddidit; adjecta (ut inter Imperii subditos fieri solet) decem Marcarum auri pœna in violatores, ut habet Jovius. Et Cæsareum Diplomata ita conscriptum fuisse, notat Guicciardinus, ut appareret, Carolum velle, quæ egisset, non concessâ à partibus potestate tantum, sed & Cæsarea auctoritate dignitateque niti. Nec tamen eo minus & Alexander Medicæus eo diplomate usus est, & Florentini se id servaturos juravere. Senas Imperator Philippo filio in Feudum dedit, Philippus Hispanus Cosmo in sub-feudum concessit.

Cum Alphonſus Ferrarienſis Coſmum tan-  
 uam Imperii Beneficiarium ( ut ait Thuanus  
 b. 54.) ad dicendam cauſam citaffet, Coſmus  
 e iudicio ſiſtere coactus eſt, eo eventu, quem  
 arrat Thuanus lib. 60. ad annum 1575. nem-  
 e Franciſcum Coſmi ſucceſſorem tandem  
 obtinuiſſe ut Titulus Magni Ducis à Cæſare  
*Beneficiario jure* confirmaretur. Medicæam fa-  
 miliam quoad originem cum plerisque Ger-  
 manicarum conferri non poſſe conſtat, & ſi  
 erum eſt ex duobus in eadẽ dignitate conſti-  
 titis cedere inferiorem, certè Medicæi, non  
 a olim Duces, vix locum tuebuntur. Sabau-  
 us certè ante Medicæum ſedit, eique Pius V.  
 honorem illibatum ſervari noluit, cum Coſ-  
 mum *Magnum Ducem* appellaret. Hodiè que  
 Sabaudus Italiæ Principum primus à pleris-  
 que habetur, certa à Rege Chriſtianiffimo fra-  
 trem ante alios Italiæ Principes appellatum,  
 ſupra notavimus. Itaque cum Sabaudum ni-  
 ilo præſtantiorem habendum præcipuis  
 Germaniæ Principibus, ubertim oſtenderi-  
 mus, non erit cur de magno Hetruriæ Duce a-  
 ter ſentiamus. De *Parmæ ac Placentiæ* Duci-  
 us non eſt cur dicamus. Conſtat enim eos  
 Pontificis eſſe Vaſallos, ut reliqui ſunt Cæſa-  
 ris. Carolus V. Parmam & Placentiam Paulo  
 II. Farnefio permiffit, cujus Filius Petrus Aloy-  
 us eas primum tenuit, ſed ſalvis ut videtur  
 immis Imperii Juribus, quæ Cæſarem, vi jure-  
 arandi Electoribus dati, non omninò alie-

nare posse constabat. Cum *Mutina* quoque ac *Regii Ducibus* restat ut transigamus. Atestina familia ultra omnem memoriam vetustate asurgit, nullique aliarum nobilitate concedit, certè ex Italicis nulla est quæ diutius floruerit; ut cæteræ omnes si cum ipsa comparentur, nudius tertius natæ videri possint. Hujus originem Itali fere ad C. Actium quendam Romanum retulere; Germani plerique ad Saxonem Witekindum: ambo potius consuetudinem Genealogistarum pessimam fingendi quidvis, quàm idonea argumenta secuti. Equidem illud constat inter omnes ferè Germanos pariter atque Italos scriptores, Azonem Atestinum Henrici II. Cæsaris tempore gentis Brunsvico-Lunæburgicæ atque Atestinæ Ferrariensis originem fuisse communem. Nam Wolfgangus vel Guelpho IV. ipsi natus ex Cunitia seu Cunigunda sive Conradina Guelfica (Bavariæ hærede, Guelphonis III. ultimi suæ gentis masculi filia) Germanicas ditiones & partem Italarum obtinuit; alter filius Azo ex Judithe Conradi II. Imperatoris filia susceptus, Marchio Atestinus appellatus est, à quo familia Estensis in Italia propagata est. Guelphonis filius Henricus cognomento Magnus vel Niger cum uxore Wulfilde Saxoniæ Ducatum præterea accepit, ejus filius Henricus superbus; at nepos Henricus Leo Bavaria & reliquarum ditionum magna parte exutus Ducatum Brunsvicensem & Lunæburgensem



urgenssem posteris reliquit. Est ergo Brunsvico-Lunæburgensis domus familiæ Atestinæ caput, nam frater Guelphonis natu minor Azo in Italia Estenses propagavit. Unde intelligi potest, si vera erant quæ jactabant Pontifices, sub exitum superioris seculi familiam Atestinorum Italiæ masculam legitimam fuisse extinctam, (quo certe titulo Papa Ferrariensem Ducatum sibi vindicavit,) non deesse rationes quibus successio tot opimarum ditionum saltem pro parte Germanicæ stirpi asseratur. Cæterum de prima gentis origine, & unde sit Azo ille Marchio totius familiæ autor, id vero, ut diximus, controversum est, aliis ad Aetium Romanum, aliis ad Witekindum Saxonem revocantibus. Quinimo sunt docti viri qui asserunt Atestinam familiam Alboini Longobardorum Regis fortunam secutam, ducentis ante Carolum M. annis in Italia floruisse. Sed ab his testes idoneos exspectamus; Hoc vero misso, illud nobis sufficit, familiam Germanicam Estensem & honore primogenituræ (ne quid de rebus gestis dicam) potio- rem, neque ulla natalium dubitatione fuisse libatam, quæ Italicam graviter afflixit. Quare nuperus autor Collectaneorum de Legatis, ait, (quanquam id per omnia non probemus) *que le Duc de Modene est sorti d'un fils naturel de la maison d'Esté, dont les Princes de Brunsvic & Lunebourg se disent estre les chefs.* Sabaudum Sigismundus Imp. Ducem creavit; Parmenses

mensēs à superiore seculo dignitatem re-  
petunt; Medicæi Florentini cives fuere.

## CAP. LIII.

*Et si autem Italiae Principes præter ditiones feuda-  
les etiam alias liberas tenent, eæ tamen exigua  
sunt; nec feudalitatis conditio suprematum mi-  
nuit, aut liberi territorii possessio auget, neque  
enim Brandenburgico ob Prussiam possessionem  
cedent alii Electores. At verò, inquires, Princi-  
pes Italiae sunt quidem Vasalli Imperii, sed ta-  
men à Comitiorum oneribus liberi, quia nec illis  
interveniant. Respondeo: Sabaudum ab illis li-  
berum non esse: præterea quoniam Principes I-  
talie subsunt Imperio adeoque & Comitibus, ideo  
liberiores essent, si in Republica, cujus membra  
sunt, jus suffragii haberent; neque enim ab  
oneribus Imperii exempti sunt. Et libera Imperii  
nobilitas libenter ferret onera Comitiorum, si  
jus suffragii obtineret. Ex his ergo colligo ni-  
hilo meliorem Principum Imperii Italorum  
quam Germanorum in his conditionem esse.*

**I**Taque concludo plerasque Italiae familias  
quæ se Serenissimas ferunt, nec generis cla-  
ritate, nec potentia, nec libertate Serenissimis  
quibusdam Germaniae Principibus præferri,  
nonnullis nonnullas nec comparari posse.  
Quandoquidem ferè omnes maximam di-  
tionum partem Imperio beneficiariam tenent,  
Sabaudus etiam in Comitibus comparet, Man-  
tuanus quoque Imperii judicia agnoscit. At  
vero,

vero, inquires, alias quoque ditiones habent plerique Imperio minimè obnoxias. Respon-  
 deo, primum, eas ferè exiguas esse, aut utique  
 controversam earum libertatem. Certè Bo-  
 dinus, vir doctissimus, multis ostendit omnes  
 Italiæ Regulos nihil possidere, nisi aut Eccle-  
 siæ Romanæ aut Sacri Imperii beneficio Feu-  
 dali. Deindè, qui territoria quædam exigua  
 cæteris maximis ditionibus, Imperio sine  
 controversa obnoxiiis, undique cincta, in li-  
 bertatem asserunt, profectò rationes luce cla-  
 riores afferre debent, alioqui quod in territo-  
 rio est præsumitur esse de territorio; & Domi-  
 nus (scilicet Imperator) fundatam habet in-  
 tentionem. Deinde cum negari non possit,  
 Imperii, sive, si mavis, Regni Italiæ, omnem  
 illum terrarum tractum fuisse, manifestum  
 est hodieque ejus videri; nisi portio aliqua  
 modo quodam jure approbato, amissa aut de-  
 relicta doceatur. Sed esto sanè, doceri plenam  
 ditiunculæ cujusdam libertatem, nihil id qui-  
 dem ad rem pertinebit, nisi ditio illa per se sit  
 capax Suprematus, ut supra dixi. Regis Iveto-  
 tii in Gallia, aliquot pagorum Domini exi-  
 gua credo fuisset inter Principes Christianos  
 autoritas, tametsi plena libertate gauderet,  
 quoniam ut supra ostendi, nemini Suprema-  
 tus competit, nisi armipotenti. Denique eti-  
 amsi ditio esset capax Suprematus, & ab o-  
 mni feudali nexu atque obligationis vinculo  
 libera (quales nescio an reperiantur in Italia)

non ideo tamen alteri præferenda esset quoad Suprematum; quoniam supra uberrimè ostensum est, Suprematum Principis nihil imminui feudali nexu vel homagio præstito, vel ullo vinculo, quod conscientiam, honoremque obstringit; dummodo brachia ipsi non sint actu ipso ligata, id est dummodo alteri jus non sit ditiones ejus in potestate habere militari manu, sed ipsi omnia integra & subditos coërcendi facultatem esse constet. Itaque nec Electori Brandeburgico Bavarus & Saxo cedent, quod Borussia omni juris nexu liberam se tenere profitetur, neque Palatini, Brandenburgenses, Brunsvicenses, Duci Holsatiæ Gottorpiensis lineæ quicquam detulere, idè quod Slesvicensem ditionem pace Sueco-Danica ab homagio absolutam, obtinuit. Porro nihil refert quod nonnulli Italiæ principes Imperii Vasalli in Comitibus Imperii non comparent; hoc enim potius minuit quàm auget eorum libertatem, & qui secus sentiunt, sese & Reipublicæ in universum & Germanicæ in primis parum peritos ostendunt. Nam in unaquaque Republica libera civis ille censetur qui publicis deliberationibus intervenit, & suffragii jus habet, isque illo potior habetur, qui à Reipublicæ gubernatione remotus est, quemadmodum in Polonia nobiles soli cives sunt, quia soli de Republica sententiam dicere possunt. Idque manifesta ratione evincam; cum enim constet Italos, quos recensui, Duces.



ces, esse Principes Imperii, utique suberunt Comitiorum Decretis quousq; scilicet Princeps Imperii Comitibus summittitur; itaque alieno tantum arbitrio subjacebunt, non suo; liberiores futuri, si quoque potestas facta fuisset sententiam inter ceteros dicendi. Constat autem in Comitibus res magni momenti tractari posse, his ergo excludi, & subesse tamen, incommodum non exiguum est, quin & Aula Cæsarea majore res Italicas libertate disponit & versat, quia Comitibus & Capitulationes Cæsarem ligantes magis ad Germaniam quam Italiam pertinere censentur. Ipsa Origo discriminis ostendit, ad gravandos id potius quam sublevandos Italos pertinuisse. Nimirum Germani Principes, & jus eligendi Regis, & statuendi de Republica sibi sumere, cui noluerunt intervenire Italos, velut victos & subactos. Nempè, ut ait vir quidam doctissimus; [quotiescunque de rebus etiam Italicis constituendum aliquid fuit majoris momenti, semper ex consilio atque auctoritate Germanicorum etiam Principum omnia gesta fuerunt, quod infinitis exemplis facile ostensu est. Huc facit quod Italia omnem potestatem Cæsaris aut Regis constituendi, adeoque ejus qui & Italis omnibus imperandi jus habeat, uni Germaniæ citra omnem controversiam nunquam non concesserit, ex quo ab Ottonem fuit devicta. Hinc jam olim sub Friderico I.

Cæsare, Mediolanensibus suis Comes Blandratensis objecit illa quæ refert Guntherus lib. 8.

*Reges Alemannia nobis,  
Urbibus Italicis leges & jura daturos  
Mittere rite solet, postquam de partibus illis  
Carolus & magni regnum surrexit Othonis,  
Ausoniaque frui Reges cœpere Corona  
Teutonici.*

Apud eundem lib. I. nescio quis alloquitur Germaniæ proceres :

*Ex quo Romanum nostra virtute redemptum,  
Hostibus expulsis, ad nos justissimus ordo  
Transtulit Imperium, Romani gloria Regni  
Nos penes est: quemcunque sibi Germania Regem  
Præficit, hunc dives submisso vertice Roma  
Suscipit, & verso Tiberim regit Ordine Rhenus.*

Unde patet cur factum sit ut Urbes Lombardicæ (ex quarum rectoribus alicubi Principes orti sunt) non sint ad Comitia Germaniæ vocatæ; at verò, inquires, si ad Comitia non vocentur, etiam onera in Comitibus imperata non ferre; sed sciendum est, etsi Itali sub Imperatoribus Germanis satis liberaliter sint habiti, neque tributis pressi, tamen illos debuisse *foedrum* (id est pabulum, hospitium, & censum Capitolinum seu subventionem quandam pecuniariam Imperatori cum exercitu ad petendam Romæ coronam eunti, ac proinde necessitatibus Imperii succurrere debuerunt: præterea Imperator sibi Regalia vel

ut

ut quidam vocant, Regalias reservaverat; scilicet, fodinas, salinas, angarias & parangarias, aliaque Fisci jura, quæ passim Imperii vicariis postea constitutis fuere in Feudum data, aut certè permessa, cum post Fridericum II. Imperatores Italiam rariùs adirent. Illud tamen hodièque certum est, Imperium suis in Italia Principibus protectionem, ipsos contra necessaria subsidia Imperio debere, si scilicet ita necessitas postulet: id enim munus est Vasalli, ut Domino serviat, milite, aut si ita malint ambo, pecunia. Equidem cum in Comitibus subsidia Cæsari decernuntur, ea propriè non pertinent ad Italos Imperii Principes, sed tantùm ad Ordines, quibus in Comitibus deliberandi jus est; non ideò tamen exempti putandi sunt. Quod manifestissimo exemplo ostendam, ex ipsa Germania petito, liberæ Nobilitatis; ea enim non vocatur ad Comitatus, neque quicquam confert ad ea quæ Ordines Cæsari decrevere; extra ordinem tamen, si ita Imperatori & Ordinibus videatur, aut militare Imperio, pro feudi qualitate; aut pecuniâ subvenire debet; quemadmodum tum ex ipsa indubitabili Feudorum natura, tum ex Recessibus Imperii constat. Eadem etiam Italorum Principum conditio censeretur debet qui ab immediato Germaniæ nobili vel Dynasta (qui scilicet Imperatori & Imperio tantùm subest,) non nisi Feudi magnitudine distinguuntur, quæ facit ut Itali

Principes Suprematum habeant, cujus exiguum aliquod Feudum nobilis Dynastæ Germani, ut supra ostendimus, capax non est alioqui Imperio eodem plane modo subsumambo, judiciisque ejus & Comitiorum decretis stare debent, eandemq; Cæsari obedientiam debent, quam scilicet homagii feudalis formula ubique similis præscribit. Posito ergo Nobilem Germaniæ Immediatum à Principe Italiæ non nisi magnitudine Feudi differre jam patebit Analogia hæc quoque, quod quemadmodum in Germania illi Nobiles vel Dynastæ habentur potiores qui non tantum immediati sunt, sed etiam jus habent Suffragii sive Sessionis in Comitibus; & nullus eorum est, qui non jus Sessionis libenter redimeret, paratus solvere pro portione sua, quicquid à Comitibus imperabitur, quod tolerabile admodum esse solet; ita similiter in eo Principes Imperii in Germania potiores sunt Italianis, quod de tota Imperii Republica cum cæteris statuunt, & Itali, si id quod sua interest intelligerent, darent operam ut hoc quoque beneficio potirentur. Certè Carolus V. Princeps sapientissimus Flandriam & alias ditiores, à Gallico jure Madritensi pace absolutas poterat liberrima potestate tenere; sed in Imperii Clientelam dare maluit, erecto Burgundico Circulo novo, qui & jus suffragii habet & Imperii necessitatibus subsidia confert, vicissim protectionem Imperii efficacem hodie expe-



experitur. Scilicet in eo consistit minorum  
 Principum ac Rerum publicarum salus, ut in-  
 ter se contra potentiores firmo fœdere defen-  
 dantur. Quid aliud autem Imperium nostrum  
 est, quàm perpetuum sub unius capitis Maje-  
 state fœdus, æquissimis profecto legibus ini-  
 tum, cui si jam dudum accessissent Batavi, sal-  
 tem pro parte ditionum, non ita facilè nu-  
 pera in eos tempestas detonuisset: semper  
 enim Gallia hætenus aliquam erga magnum  
 Imperii Corpus reverentiam professa est, id-  
 que jam dudum pro novissimo afflictis rebus  
 perfugio Rectores Reipublicæ illius habuisse,  
 animadvertit Observationum nuperarum de  
*Fœderati Belgii Statu* illustris autor Anglus.  
 Et si Gallia Plombinum ac vicina loca te-  
 nuissent (quod ne fieret domestica Regni dis-  
 sidia fecere) belli mole in Italiam translata;  
 vidissemus credo Italos Principes certatim  
 Imperii fidem implorantes, idque non ipsos  
 minus quàm Helvetios aliquando facturos  
 auguror, (ne quid de Batavis dicam) ipsa ne-  
 cessitate compulsos, si Gallia perget ire, quo  
 cœpit gradu, ad arbitrium rerum. Sed hæc qui-  
 dem fatis relinquamus: nobis ostendisse satis  
 est, tanto meliorem esse Principum Germa-  
 niæ conditionem, quàm Italarum, quanto sa-  
 tius est in urbe cum cæteris habitare, ibique  
 locum habere in Senatu, quàm in argo solum  
 degere. Quod si Itali incommoda non sen-  
 tiunt rupti vinculi, id casui tribuendum est;

sa-

sapientes autem ratione moventur, nec tantum quid fiat, sed & quid factum futurumque sit spectant. Nam quàm sæpè & quàm miserè Italia ab exteris ac civibus lacerata sit, ob absentiam Cæsarum, utique constat. Sed quoniam nos hic non de eo quod interest, sed de jure; nec de utilitate sed de dignitate loquimur; hæc quidem mittamus; contenti demonstrasse supra, quòd Principes Itali quod diximus, non minus Imperio subsint, quàm Germani; imò (quoniam de juribus Majestatis in Comitibus partem non capiunt) adhuc magis. Cum ergo nec Suprematu, nec Feudorum qualitate, nec alio nomine, melioris conditionis Principes Itali quàm Germani, in nonnullis etiam deteriores; & cùm omnibus eorum communis sit *Imperii Principum* natura & ratio, superest, ut dignitate quoque minimùm æquales censeantur, & quicquid Italici publici honoris concessum est, id Germanis quoque sine injuria & contumelia negari non possit. Itaque cùm Itali tum alia valde honorifica apud Reges, Principes, Respublicas pro more sæculi obtinuerint, ut, Fraternalitatem, Serenitatem, & quæ his connexa sunt; tum verò jus Legationis optimum maximum in congressibus Legatorum exerceant, quemadmodum prolixè docuimus; superest ut exemplar eorum Germaniæ quoque Principibus proficere debere concludamus.

## CAP. LIV.

*Postquam rationibus & exemplis Electorum ac Principum Italiæ adstruximus jus Principum Germaniæ, superest, ut possessionem quoque ipsis asseramus. Et quidem hic non esset opus actibus possessoriiis ad probandam possessionem, quia quæ sunt meræ facultatis ipso jure possidentur. Quemadmodum enim possideo jus ædificandi in fundo meo, etsi neque ego, neque meorum majorum quisquam id antea fecerit, ita qui Suprematum habet possidet jus exercendi actus ex eo promanantes, qualis est mittere Legatum cum charactere summo, etsi id nunquam antea fecisset. Ut taceam actus possessorios Electorum & Principum Italorum haberi posse pronostriis ob paritatem causæ.*

**P**ostquam primum rationibus, deinde exemplis alienis dignitatem & jus Legationis summorum Germaniæ Principum adstruximus, superest ut nunc propriis ipsorum actibus possessionem ipsis asseramus. Possidentur unaquæque res pro natura ac conditione sua *detinendo, insistendo, exercendo*, imò sunt quæ possidentur non amittendo; Mobilia detinentur, immobilibus insistitur, incorporalia (jura scilicet atque actiones) exercentur, denique quæ sunt naturalis libertatis & dicuntur *meræ facultatis* ea possideri intelliguntur ipso jure, & retenta censentur, nisi amissa esse doceantur: qualia sunt, re, conditione, digni-

dignitate mea uti ac frui ; exempli causa, in meo ædificare , rem meam pro arbitrio vendere , aliaque id genus, quæ nemo impedire potest , nisi servitutem in fundo meo quæsi-  
 verit , aut jus retractus vel pignoris vel aliud jus in rem meam obtinuerit. Atque hæc ejus sunt naturæ , ut non amittantur non utendo exempli causa si neque ipse , neque majorum quisquam in avito fundo ædificasset non ideo mihi domum objici poterit præscriptio à vicino cujus luminibus ædificando obstruetur, neq; enim illis quæ meræ facultatis sunt, ullo tēpore præscribitur. Hujus autē naturæ est jus Legationis plenum, quod non minus apertè ex jure Suprematus promanet quam jus ædificandi ex dominio in fundum competente sequitur. Modus rem meræ facultatis amittendi unicus est , voluntaria demissio, sive expressa sive tacita : tacita autem omissio censetur , si quis re in controversiam deducta oblataque exercendi occasione, destitit atque usu juris sui sine protestatione cessit : Nam si contradicat , & se temporibus atque occasionibus cedere vel etiam rationes habere testetur, cur nūc actu abstinere è re sua ducat, cessat voluntariæ demissionis suspicio quare tunc jus non amittitur , ne quidem non utendo. Atque hic est usus potestatum sollemniū , passim etiam inter Principes frequentatarum , quibus unusquisque cavere se putat , ne quid juri suo decedat. Quæ cum ita  
 sint



int, ad possessionem Principum nostrorum  
in hoc negotio docendam nullis opus esset  
actibus, quoniam ut dixi *res mere facultatis*  
*pro jure possidentur*, nisi quis jure suo his, qui-  
bus dixi, modis cessisse probetur, quod fa-  
ctum à Germaniæ Principibus nemo sanus  
asseveraverit; constat enim Principibus nihil  
magis curæ cordique esse, quàm quicquid  
pertinet ad tuendam dignitatem, cui nun-  
quam sponte ac deliberato animo renuntia-  
bunt, quanquam sæpe aut effusa humanitate  
faciles, aut gravioribus distracti, aut negli-  
gentia torpidi, occasiones ejus ostentandæ  
amittant. Præterea si quid hujusmodi con-  
tra Principes allegari posset, id deberet actum  
esse à toto Principum Corpore. Neque enim  
una familia omnibus, imò fortè nec princeps  
nullus suis successoribus in hoc negotio præju-  
diciū facit. Sed non est cur in has quæstio-  
nes digrediamur, quando constat nihil tale  
illis vel per somnium in mentem venisse. Illud  
verò notabile est, quod Jurisconsultis ani-  
madversum; si plures in eadem sint causa,  
nec nisi unus in judicio versetur, unum alteri  
prodesse, si causam vincat; non nocere, si  
perdat: cujus rei manifesta ratio est, æquita-  
tis vim intelligentibus. Itaque si qui Princi-  
pes juris sui parum tenaces fuissent, eos liquet  
cæteris rerum suarum satagentibus, non esse  
nocituros; at si qui lucrati sunt aliquid, reli-  
quis quoque victoriam communicaturos.

Quare

Quare non est necesse, ut illi qui nunc plenum  
 jus Legationis exercere volunt, ostendant id  
 à majoribus suis factum, si alii, qui meliori  
 conditionis non sunt, aliquando exercuisse  
 doceantur: tametsi nihil ad ipsos pertineat,  
 si qui alii ostenderentur omisisse. Itaque *actus*  
*Electorum ac Principum Italiae pro actibus pos-*  
*sessoriis etiam nostris haberi possunt*, quoniam  
 in conditione Suprematus, imò & Principi  
 Imperii discrimen nullum esse docuimus.  
 Nam si pro Germanis separatim, & pro Itali  
 quoque separatim, actus exiguntur; expecte  
 etiam ut adversarii pro quolibet Circulo ex  
 empla postulent, & actus Principum Circuli  
 Inferioris Saxoniae, Principibus Circuli Sue  
 vici utiles esse debere negent. Eodem modo  
 si Electorum actus cæteris Principibus non  
 profunt, exspecto etiam ut actus Principum  
 illorum qui ad Deputationes Imperii ordi  
 narias nominantur, quasi scilicet inter reli  
 quos emineant, ad alios porrigi debere ne  
 gentur. Quæ omnia quàm inepta sint, qui  
 vis videt. Nec verò magis Electionis quàm  
 Deputationis ordinariæ qualitas, jura Supre  
 matus auget. Sed etsi actus nobis adesset nul  
 lus, non ideò minus adesset possessio, quem  
 admodum ex eorum quæ meræ facultati  
 sunt, natura ostendi; idque si quis rationibus  
 juris manifesti contentus non sit, palpabilitate  
 evinci potest; ecce enim, ponamus Magnum  
 Ducem Moscoviæ, ex utris paulatim genti  
 moribus

moribus, nostras cæremonias recipere; missisque Legatis in Congressibus ac Conventibus intervenire; nemo dubitabit, credo, quin saluum atque integrum sit illi jus suum, etsi nunquam usus esset. Longius ibo, ponamus Magnum Neguz, quem vocant, sive potius Abyssinorum Regem Legatos ad Cæsarem, ad Reges, imò, si Diis placet, Noviomagum mittere, ut Christianos Christianus ipse ad communia in hostes fidei arma capienda excitimulet; quisquamne obsecro quasi possessione carenti jus negabit? Imò fingamus Rempublicam aliquam potentem una nocte nasci, velut fungum, nonne illa eodem cum Veneta aut Batava jure utetur? Sed non opus est fictione, cum enim non ita dudum, Respublica, vel potius abortus Reipublicæ in Anglia apparuisset, Reges inter se certârunt, quis prior aut effusior in ea colenda esset. Fateor hoc temporibus tribuendum, illud tamen constat, si jure freta fuisset, non fuisse habitudinem cur novitatem vereretur. Unde satis opinor liquet, in his rebus rationem pro possessione esse, imò qui jus habet possidere videri, tametsi nullum actum exercuerit.

## CAP. LV.

*Ratio cur Itali circa cæremonialia curiosiores, quàm nostri. Italia est fons Cæremoniarum. Itali talia studiosissimè captant. Magnus Dux Hertruriæ olim Legationem misit ad Principes*

*Germaniæ, alio quidem prætextu, sed revera ut sibi possessionem tituli Serenitatis arte compararet. Varia in his Italarum artificiola. Contra Germanorum negligentia, tum quòd exterorum cæremoniæ novæ essent, & ipsis ignotæ, tum quod patrios mores retinere mallerent, tum denique quod bellum diutissimum animos eorum ad curas graviores avertisset. Excellentia Legatorum, discrimina Legatorum & Ablegatorum cæteræque cæremoniæ huc pertinentes vix nuperrimè stabilite, & nostris novissimè innotuerunt. Certè non multis abhinc annis Excellentia Venetis, Batavis, Sabaudis, Mantuanis Legatis à multis negata est, & aliquando etiam honor loci potioris, & primæ Visitationis.*

**A**T verò, inquires, reddendam nihilominus rationem videri, cur factum sit, ut creberrimi habeantur actus Principum Italarum, non æquè Germanorum. Possem sanè declinare hanc quæstionem, quoniam ostendi, tantùm abesse ut numerus actuum sit inspicendus, ut contra potius hoc loco ne unus quidem sit necessarius ad possessionem: quemadmodum ego in possessione sum juris ædificandi in fundo meo, tametsi nunquam ædificaverim. Attamen ut animis Lectorum penitus satisfaciam hoc quoque explicabo, cogitandum est nimirum Italos semper habitos deliciarum magistros; Pictura, sculptura, Architectura apud ipsos ex vetustis ruderi-

bus



bus resuscitatæ atque executæ, in reliquam Europam profectæ sunt. Musicam quoque ipsis debemus, imò & Religionem, quæ barbarorum animos in Occidente emollivit. Fateor Italos fuisse Græcis, quod nos ipsis, id est barbaros; certum est tamen Italiam velut canalem fuisse per quem his populis Occidentalibus Orientis artes atque opes infusæ sunt, usque adeo ut viticulturam olim, & Serici conficiendi rationem, non ita olim, ad ipsos primum, deinde ad Gallos Germanosque propagatam videamus. Nimirum, ut Græcia capta ferum victorem cepit, & artes intulit agresti Latio, ita Italia à Francis & Allemannis domita, Francos & Allemannos vicissim domuit, & vitæ melioris dulcedine cepit. Itaque mirum non est, si quæ religionis, eadem morum magistra Italia, etiam cæremonias nobis peperit, subtiliorem disciplinæ moralis partem. Sed vetera mittamus; illud constat & Serenitatem, & Excellentiam, & honorem Manus atq; Præcessionis, ac cæteras Occursuum, Visitationum, Comitationum subtilitates in Italia natas. Autor libri *della Real Grandezza della Republica di Genoa* contendit primos omnium Genuenses Duces in Italia *Serenissimos* appellatos. *Excellentia* qua occasione certus ac constans Legatorum titulus esse cœperit, supra dictum est; cum scilicet Dux Nivernensis, cui ille velut Principi Domus Mantuanæ debebatur, Legatus Henrici IV. esset ad Ponti-

ficem, & Legatus Hispanicus æmulatione Galli & Venetus Sabaudusque exemplo Hispanicundem titulum certatim sumfissent. Quousque curiositatis processerint in his rebus, id ex *Cæremonialibus Romanis*, & *Magistro Camera* Italicè scripto, quem aliquoties citavi, intelligi potest. Et sunt illis observationes quædam subtiles, exteris sæpè imperceptibiles; exempli causa, cum Dux Venetiarum literas Reipublicæ causa scribit, ad alium Germaniæ aut Italiæ Principem primarium, inscriptio extrinsecus Latina est. *Illustrissimo atque Excellentissimo Principi*. At Celsitudo aut *Vostra Altezza* non nisi intus reperitur; quod alius fortè negligeret, at Sabaudus, gnarus animi eorum, ægrè tulit. Nam perinde est, ac si profiterentur se Celsitudinem non extra, id est publicè, dare velle; sed intus tantum, velu privatim, ac nemine teste. Cum hujusmodi minutia Italici succedunt, mirificè gloriantur quemadmodum patet ex Itinerario Danieli Eremitæ, qui Coloredo Legato Florentino Comes Itineris fuit circa annum 1609. Nempe Ferdinando Magno Hetruriæ Duce mortuo filius Ferdinandus Cosmus successerat, i prætextu colendæ amicitia quæ Principibus Germaniæ cum patre fuerat, reapse, quantum ex tota legationis historia intelligi potest, u sibi *Serenissimi* titulum aliaque id genus ab incautis, & talium incuriosis arte eliceret, & postea exempla, vel, ut loquuntur, actus pos sesso

fessorios allegare posset, Legatum in Germania miserat. Legatus Cæsare salutato primum ad Saxonem ivit, credo quod tunc opportunior calliditati isti videretur, quanquam & situs locorum ita ferret. Inde ad Brandenburgicum itum, ibi cum forte Landgravium Hassiæ offendissent, atque huic literas à Magno Duce attulissent, indignatus ille quod Excellentiae non Celsitudinis titulo honoraretur, Legatos sine responso, ut apparet, dimisit, nec verò quisquam ex illis qui in Legatione erant, Celsitudinis nomine Landgravium appellaverat, necessitate ejus appellationis apto verborum circuitu declinata. Inde ad Trevirensen itum, Confluentiae degentem; Brunsvicensen adire debebant, sed obtentui sumptus pestis in illa regione metus; vera causa, quod honores quos postulabant obtinere desperarent. Elector Trevirensis Coloredum supra se in mensa accumbere jussit, sed literas discessuro dedit ad Magnum Ducem, quibus ille Illustrissimi tantum titulo insigniebatur. Negavit Legatus tituli mediocritatem ejus magnitudini convenire, à nemine aliter quam *Serenissimi* nomine compellatum, nec eum honorem Saxoniae vel Brandenburgii Electorem denegasse; mirum cur ille solus tam receptum ab omnibus morem cavillaretur. Cum Ille contra instaret & asseveraret conceptissimis verbis, nullum Italicum Principem trecentis abhinc annis alio titulo à

prædecessoribus suis insignitum : tum planè  
 Coloredus refragatus est , & , literas , inquit ,  
 mittere , si placet , alio quàm me internuntio  
 mittas , ego meum caput vocare in discrimen  
 nolo , quod imminui Principis dignitatem fa-  
 cilè passus sim. Postulavit Elector , ut liceret  
 inspicere à Saxone literas , quibus ut in-  
 scriptum Serenissimi nomen vidit , induci se  
 passus est , & literas suas ad se recepit , muta-  
 turumque se fidem dedit , dummodo scirent  
 id non judicio aut prava voluntate , sed more  
 factum. Ægrè habebat illum proculdubio , se  
 Electorem Principem non alio quam Illustris-  
 simi titulo honoratum , nec si constitisset Sa-  
 xoniæ Ducem ampliori honore à Magno  
 Duce appellatum , ulla se ratione ad mutatio-  
 nem propositi sui flecti passus esset. Misit ta-  
 men literas manè , quibus *Serenissimi* nomen  
 inscriptum erat. Inde ad Johannem Schwei-  
 ckardum Moguntinum venire. Is quoque Il-  
 lustrissimi titulum conspiciens dubitare cœ-  
 pit , an reciperet , negans eas literas sibi scribi.  
 Præsciebat offensionis causam Coloredus &  
 præmeditata oratione argutè divertit , & quod  
 studio factum erat , id vitio scribarum , propria  
 titulorum ignorantium , contigisse , nec no-  
 mina in tali officio , sed animos spectari aje-  
 bat ; cum tamen revera non alia esset Lega-  
 tionis causa quàm ut hæ minutiae captaren-  
 tur. Illud quoque penè ridiculum , quod ad-  
 dit auctor Itinerarii , se Germanici sermonis  
 gnarum ,



gnarum, subinde Electorem augustissimo titulo compellasse, erroremque literarum iterata honorum appellatione erasisse. Ita scilicet illi homines nostros Electores Principesque ludibrio habebant. Et postea Epiphonema addit de hoc Principe: *in summa*, inquit, *virum bonum facile dixeris, in quo nihil ferè reprehenderis quam nimiam facilitatem.* A Moguntino ad Herbipolensem, Palatinum, Wurtembergicum, ivere; Palatinum morbus detinebat; Unus Wurtembergicus ambitioni eorum minus satisfecit. Nam cum paulo antè Oratorè ad Ferdinandū Cosmum misisset, qui dolorem de morte amici Principis Ferdinandi Magni Ducis, testaretur, ille expectatione frigidiùs acceptus fuerat, ideo (ait autor) [Wurtembergicus Italicæ gravitatis inimica imitatione eadem nos ratione tractavit, qua suum Oratorem tractatum Florentiæ acceperat, nostrasque nobis artes, velut in aliqua paris magnitudinis æmulatione, reddidit. Stabat ipse in medio atrii erectus, & nihilo secius quàm ipse Cæsar immotus, nec advenientibus obvius, nec comitatus abeuntes, quod à cæteris tamen Principibus factum. Nihilominus postridie, magis in sui gratiam, ne intermissa patriæ consuetudo ipsi vitio esset, quàm amore nostri, mensa nobiscum communi usus est. Et à prandio ad spectacula Circi educimur, comitante nos fratre ejus; quæ etsi nostro honori fieri fingerentur, in-

tellectum tamen ea ex necessitate fieri, quo equorum habilitati, eadem proximis Ducis nuptiis exhibitori, insuescerent. Die tertia à discessuris postulatum, ut unum adhuc illi diem largirentur, sed nec ipse nec illius nomine quispiam affuit, majorque ea die solitudo penes nos aulicorum & famulantium, quam ante erat, nec illi ipsi quidem nobiles, qui ante nobiscum assidui erant, ultra videbantur. Iamque frustra per vanam cunctationem consumpto die, tandem nobiles duo aderant, qui pro duce nunciarent, se toto die distentum, non potuisse simul & suæ voluntati & nostræ expectationi satisfacere. Coloredus, etsi quàm officiosissimè, dissimulato intellectu, responderet, indignari tamen aliquantum, & irrisos nos dolere. Cujus ego rei causam (inquit autor Itinerarii) statim subjeci, quòd scirem certum esse ea fuisse voluntate Principem, ut nos inviseret. Nam & de muneribus, quibus nos donaret, cogitaverat. Sed ille quem antea missum in Hetruriam dixi, constantius asseverabat, ibi nihil tale sibi præstitum, desineret immodicis honoribus imminuere fastigium dignitatis suæ. Plus apud exteros gravitate quàm familiaritate profici. Ita summo mane nullo comitante aulicorum discessimus, satis mirati quod solus ille nos tam parvo in honore habitos, adhuc pene inani frustratione delusisset.] Hæc autor Itinerarii Daniel Eremita; Ego addiderim, Ita

Ita meritos homines, qui ideo tantum venerant, ut Principibus nostris os sublinerent, & postea domi inter suos eorum facilitatem irriderent. Electorem quendam contumeliosè appellat, ejus magnitudinem non nisi bibendi virtute metiendam, excepiſſe Legatos in pedes erectum, & operto semper capite, ignorantia magis morum, quam judicii delictu; aliaque id genus habet etiam mordaciora. Digna est relatio hæc quæ expendatur, tum ut imposterum Principes nostri caveant, ne bonitatem nimis effusam exteris irridendam propinent, tum ut veræ intelligantur causæ; cur Itali potius quam nostri, honores ejusmodi invaserint. His enim quæ nostris minuta atque inania visa sunt, illi potissimum invigilant, & non minus exultant syllaba aut passu obtento, quam urbe capta. Hinc etiam intelligi potest, plerosque actus possessorios, quos contra nos allegare possent, vitiosos esse, & clam aut precario obtentos adhibitis sæpe artificiosis illaudatis; quemadmodum ex Trevirensi ac Moguntino deceptis, hoc loco constitit. Cum verò Principes nostri parùm olim Gallorum atque Italorum mores morarentur; mirum non est, quòd Germanici potiùs candoris, quàm frivolæ subtilitatis rationem habuere; sed admoniti artium extranearum nonnunquam consultum duxere gravitate se digna honorem tueri; quemadmodum fecit hic Wurtenbergicus, cæterorum

exemplum secuturus, nisi fortè misso ante in  
 Italiam Oratore, didicisset, exterorum fa-  
 ctum calcandum esse alio factu. Principum  
 ergo nostrorum facilitas huic uni rei imputa-  
 ri debet, quod à Roma cæremoniarum fonte  
 remoti, & parum habentes, quod cum exte-  
 ris agerent, ignoratione aut neglectu eorum  
 quæ extra Germaniam inter eos qui Supre-  
 matu eminent, observari solent, patriis mo-  
 ribus insistendum sibi putavere. Ausim certe  
 asserere in Germaniæ aulis triginta ab hinc  
 annis (ne de propiori tempore loquar) con-  
 siliariorum paucissimos intellexisse vim ha-  
 rum cæremoniarum aut discrimina. *Legati* at-  
 que *Ablegati*, cæterasque inter exteros visita-  
 tionum ac congressuum regulas. Et verò  
 præter commercii cum exteris raritatem  
 diuturnum bellum eos ad graviores cura-  
 avertit, & Monasterii potius de recuperan-  
 dis ditionibus quam aucupandis titulis age-  
 batur; cum omnis mora perniciosa esset, ex-  
 ercitus alienos in suo sæpe alentibus. Præter  
 quam quod supra uberrimè ostendi, Monaste-  
 rii fuisse non Legatos ad exteros, sed Depu-  
 tatos ab Ordinibus ad Imperii Conventum  
 in quo nihil innovandum, nec à patrio ritu  
 discedendum nostris Principibus videbatur.  
 Huc accedit quòd subtilitates cæremoniales  
 quæ nunc maximè vigent, tunc magnam  
 partem novæ aut certe parum stabiles erant.  
 Nondum *Excellentia* Legatorum in Germania



recepta erat, nondum eam Nuntius, Cæsareique atque Hispani Legati, Sabaudis aut Mantuano tribuebant, nondum omnes Electores ex familiis Serenissimis orti à Regibus *fratres* appellabantur, nec Reges à nostris omnibus *Majestatis* appellatione colebantur. Supra audivimus, à Cæsareo ac Hispano, etiam Venetis, non ita olim *Excellentiam* negatam; & tandem controversiam Memmius quoque qui postea Monasterii cum tractandi potestate fuit, paulo antè cum Tuillerio Venetiis legationem obiens Legatis Provinciarum Fœderatarum movit, utcunque à Regis sui amicis & fœderatis venirent. Hi tamen omnes qui *Excellentiam* Sabaudis, Mantuanis, Venetis, Batavis, negabant, primæ Visitationis ac Manus vel primi passus honorem concedebant. Unus Comes Harcurius longius progressus, Legato in Anglia Batavo præter *Excellentiam* etiam honoratiorem domi suæ locum visitaturo abnuit. Legatus Mantuanus coram Regibus semper caput textit, præterquam apud Hispanum; ubi tamen se tegunt *Grandes* Hispaniæ, quod in Gallia Duces ac Pares non ausint. Notandum est etiam hodieque Legatos Regios Ducalibus, ut Sabaudis aut Florentinis ubique domi suæ locum cedere, præterquam Romæ. Denique non ita olim Parmensis quoque Regiis Legatis Domi suæ superiorem locum negare cœpit. Quæ omnia evincunt id quod in Resolutione

tione sive Decreto Ordinum Fœderati Belgii supra citato annotatum est, pleraque cæremoniarum ac discriminum hujus generis non nisi hujus seculi inventa, novissimè demum vix ac ne quidem satis stabilita esse, ac proinde Principibus fraudi esse non debere, quod nondum satis constanter illis usi sunt.

## CAP. LVI.

*Quaquam autem ob rationes prædictas ad probandam possessionem juris Principum non esset opus actibus possessoriiis, attamen illi quoque nobis non desunt: Et licet alii, qui varia Archiva excutere possunt, plures utique produçuri essent, producam tamen nonnullos satis validos mihi notos. Et primum Lotharingus nuper docuit multis exemplis, sibi ab antiquo fuisse plenum jus Legationis. Idque nuper Cæsar & Belgii Hispanici Gubernator Generalis agnovere. Lotharingum autem esse Principem ac Vasallum Imperii & pleno jure comprehendi ditione Imperii, ex Actis publicis hoc loco ostendo.*

**T**Ametsi autem hinc appareat ad ea quæ ipso jure competant persequenda nec exemplis nec actibus possessoriiis opus esse, præfertim si occasiones utendi defuerint, aut res ipsa vel nondum satis stabilita vel nobis certè non satis fuerit explorata, juvat tamen ostendere nos ne quidem si exemplis atque actibus certandum esset, judicem vereri. Nolim

lim verò lectorem ex illis qui à me adducen-  
 tur, metiri illos, qui adduci possent. Nam  
 privatus privatim scribo, meapte ex penu,  
 nec nisi illa annoto quæ in mentem veniunt,  
 audita nuper aut lecta visaque: neque enim  
 satis otii ad inquirendum nunc fuit, nec olim  
 materiam præparavi quemadmodum alioqui  
 postulat argumenti natura. Constat autem ar-  
 gumentum aliquod ex tempore aggredienti,  
 non solere statim exempla succurrere, quæ in  
 promptu fuissent materiâ diu meditatam tra-  
 ctanti; præterea si dignitatem tot magnorum  
 Principum vindicanti aliquot Archiva patuif-  
 sent, aut passim quæ opus erat, summissa fu-  
 issent, credo copia potius obruerer, quàm  
 inopia laborarem: talia enim non uno ex lo-  
 co petenda sunt; nunc verò passa non est tem-  
 poris brevitās, ut auxilia conquirerem quæ  
 majori otio servare satius duco. Fortasse ta-  
 men pauca illa quæ dicturus sum, aliquam  
 convincendi vim habebunt. Non verò re-  
 petam quæ supra attigi, pertinentia ad digni-  
 tatem Magnorum Germaniæ Principum in  
 universum; nec alia nova accumulabo, ut,  
 quod etiam à Regibus fratres appellati sunt,  
 (quemadmodum literis quæ in promptu sunt  
 doceri potest) à Cæsare *Serenitatem* accepe-  
 re, cum maximis Europæ potestatibus æqua-  
 li jure tractavere; contentus hoc loco ea  
 tantum afferre exempla quæ ad jus Legatio-  
 nis eorum unicè pertinent. Ac primum in-  
 telligo

telligo Baronem de Serainchamp Ministrum Lotharingicum nuper multis exemplis veteribus ac recentibus ostendisse, Serenissimos Lotharingiæ Duces solitos & mittere Legatos, & recipere pleno jure, à Gallia etiam sæpe agnito; quod scriptum quia in meas manus non pervenit, nec argumentis ejus ut possum; itaque satis habeo adjicere hoc locum Cæsaris & Hispaniæ Regis judicium, cujus interpretes est Generalis Belgii Regii Gubernator, in fidei publicæ sive Salvi Conductus tabulis, quæ Lotharingicis Ministris Viennæ ac Bruxellis concessæ sunt; ubi expressis verbis *Legati & Ambassadeurs & Plenipotentiales* appellantur, quod Galli hætenus recusare. Nemo autem dubitare potest quin quod Lotharingo conceditur, ad alios quoque; magnos Germaniæ Principes pertineat; nam pleraque sua Lotharingus ab Imperio feudali jure tenet, reliqua etiam Imperio summissa esse, satis manifestum est. Nam generaliter constat quicquid Germaniæ, Italiæ, Galliæque Reguli tenent, id omne olim aut Pontifici, aut Imperio, aut Regno Galliæ fuisse subiectum; si quis autem se exemptum ferat, probationibus luce clarioribus indigere. Imperium ergo fundatam in omnes intentionem habet qui Regnis Italiæ, Germaniæ, Arelatensi, Lothariensi, comprehenduntur. Præterea Bodinus notat: [ Stephanum Bononiensem possessionem Lotharingiæ ab Henrico I. Cæsare



are adeptum, & se eo nomine fiduciarium imperii professum, anno 1019. item Fredericum Lotharingum Vallimontis Comitem, mortuo Carolo Duce sine prole mascula, principatum ad se jure proximitatis pertinere contendisse, apud Sigismundum Cæsarem, coram Patribus Concilii Constantiensis, ob eam tantum causam quod Imperiale Feudum esset, cujus incapax erat Isabella Caroli hæres, quæ Renato Andium Duci nupserrat, qui & ipse non quidem negavit Imperiale Feudum esse, sed asseruit pleraque id genus ad feminas delata fuisse. Quod si Lotharingia Imperii Germanici finibus est comprehensa, neque Comes Asperi montis, neque Cumarum Dominus quæ Lotharingia continentur, jura majestatis sibi vindicare possunt, cum ipso jure perspicuum sit, eos qui agrum certis finibus descriptum habeant, eodem jure in singulos uti quo in universos; nisi singulari quodam beneficio immunes ac liberos esse tabulis certissimis testatum sit.] Hæc Bodinus. Sed Lotharingum Imperii Principem esse non aliunde rectius quàm ex Chiffletio discemus, juris Lothariensis Hyperaspista, cui ex Archivo Ducis necessaria ad illustrandam familiæ dignitatem adjumenta subministrata sunt. Exhibet ille tabulas fiduciaras sive formulam homagiorum, Tractatum Noribergensem anno 1542. initum. *Formula homagii* quod à Duce Lotharingiæ præstari solet, ita habet:

Promitto & juro ad hæc sancta Dei Evangelia,  
 corporaliter per me tacta, quod ex nunc in antea  
 fidelis & obediens ero Vobis Serenissimo Prin-  
 cipi & Domino . . . . Romanorum Impera-  
 tori semper Augusto, Dominomeo Clementissimo,  
 omnibus Majestatis vestræ successoribus Roma-  
 norum Imperatoribus & Regibus legitimè intran-  
 tibus, & sacro Romano Imperio, contra omnes  
 homines: & non ero in Consilio, participatione, vel  
 tractatu, ubi quicquam agatur contra Personam  
 honorem aut statum Majestatis vestræ, & Sacri  
 Romani imperii, neque in id ullo modo consentiam,  
 sed bonum, utilitatem & honorem Majestatis  
 vestræ & S. Romani Imperii fideliter promo-  
 vebo, & si quid tractari cognovero contra Maje-  
 statis Vestræ Personam honorem & statum,  
 huic pro virili obstabo, & Majestatem Vestram in-  
 cunctanter admonebo, omniaque alia & singula  
 faciam, ad quæ fideles Principes & Vasalli Im-  
 perii Domino suo Romanorum Imperatori &  
 Sacro Romano Imperio de jure vel consuetudine  
 tenentur, dolo & fraude penitus semotis: Ita me  
 Deus adjuvet & hæc sancta Evangelia. Tracta-  
 tus Noribergensis initus fuit in Comitibus Nori-  
 bergensibus anni 1542. inter Ferdinandum I.  
 Regem Romanorum, nomine fratris sui Ca-  
 roli V. Imperatoris & Imperii ab una, & An-  
 tonium Ducem Lotharingæ ab altera parte;  
 de scientia, consilio, & assensu Sacri Imperii  
 Electorum, Principum, & Ordinum, & postea  
 probatus à Carolo V. Porro ejus tractatus  
 verba

verba ad rem pertinentia hæc sunt : *Convenimus virtute præsentis Instrumenti, ut noster consanguineus Dux Lotharingæ non tantum cum membris aut Statibus particularibus, dependentibus ex Feudo, & Feudo subalterno Imperii, verum etiam cum Ducatu Lotharingæ, & iis quæ ad illum pertinent, tanquam ad Ducatum, nempe Albū montem, Mußipontem & similia, manere debeant impoſterum & in perpetuum sub tutela & defensione Imperatoris, Regis Romanorum, & Sacri Imperii, defendique ac protegi eodem modo quo alii Ducatus & Status Sacri Imperii : cujus rei causa offert Dux Antonius pro se & suis heredibus ferre & persolvere ratam suam portionem de omnibus & qualibuscunque taxis & contributionibus quæ imponentur aut concedentur à Statibus Generalibus Sacri Imperii, quod est tertia parte minus eo, quod uni Principi Electori imponitur. Præterea pro solutione talium collectarum & contributionum, pro conservatione Publicæ pacis erectæ in Imperio, pro securitate & Salvo Conductu Cæsareæ Majestatis [is conductus est Imperatoris Romam euntis, Römer Zug/ ut ipsi scriptores Lotharingi apud Chiffletium interpretantur] & nobis Romanis Imperatoribus & Regibus, qui quoque tempore erunt Sacro Romano Imperio ejusdemque jurisdictioni suberunt & ad id spectabunt. Alias autem ipsi cum Ducatu Lotharingæ ejusdemque subditis ab omnibus processibus, mandatis & judiciis Sacri Romani Imperii tam in prima*

T

quam

Quàm in aliis instantiis liberi & exempti erunt  
 Nullisque processibus, mandatis, citationibus  
 appellationibus acceptandis, aliisque negotiis  
 quocunque sub titulo, nullo excepto (nisi iis, quæ  
 ad solutionem collectarum & impositionum, ad  
 manutentionem pacis publicæ, & ad Securitatem  
 & saluum conductum, uti prædictum est, spe-  
 ctabunt) relinquentur immunes: Ducatusque  
 Lotharingiæ cum suis appertinentiis liber & non  
 incorporabilis Ducatus erit & manebit sem-  
 per &c. Ubi notandū est, Ducatū Lotharingiæ  
 subesse Imperio quoad publica, nō quoad pri-  
 vata: nempè cum cæteris feret onera publica  
 communis necessitatis causa indicta, scilicet  
 collectas, & quæ Romanæ expeditionis causa  
 Imperatori solvuntur, servabit Pacem pub-  
 licam & suberit ejus executioni: id est si eam  
 violet, subiacebit pœnis in rebelles decretis,  
 & proscribi atque executione Circulari com-  
 pelli poterit. In privatis verò non suberit  
 Imperio, id est non poterit à judiciis ejus ad  
 Camera appellari, neque ipse quatenus Lo-  
 tharingiæ Dux est, ob debita privata, & similes  
 causas, sed tantū ob debitas Imperio colle-  
 ctas, aut fractam Pacem, in Camera vel judicio  
 aulico conveniri poterit. Ducatus autem de-  
 claratur liber & non incorporabilis Imperio,  
 id est, non poterit ad Imperium recidere ex  
 jure Feudi aperti, sed utetur jure hæreditario,  
 quemadmodum aliæ quoque in Imperio di-  
 tiones, quæ etiam ad fœminas transcunt. Ex  
 quibus



quibus omnibus patet, Ducem esse Imperii *fidelem & Vasallam*, ut constat ex homagio; sed & omnes ejus terras in Imperii esse clientela, imò quoad publica ejus *jurisdictioni* subesse, adeoque nullum magni ad Suprematum momenti discrimen inter ipsum & alium primum Imperii Principem allegari posse, ut constat ex Tractatu Noribergensi. Eaque est etiam ipsorum scriptorum Lotharingorum sententia, quemadmodum ex Chiffletio, & illis quos producit in medium, doceri posset; qui etiam fatentur, Tractatu Noribergensi multò plus quam antea immunitatis indultum, quia prius Ducis Lotharingiæ subditi ad Cameram trahebantur, & mandatis Imperialibus vexabantur.

## CAP. LVII.

*Tabula Salvi Conductus à Cæsare & Governatore Generali Belgii Regii, Ministris Lotharingis dati, in quibus Legati (Ambassadeurs) agnoscuntur.*

**H**Oc jam stabilito, *Lotharingum* esse Principem Imperii, cum cæteris (quoad potissima) æquali jure utentem; subjiciemus jam tabulas publicas Cæsareas & Hispanicas, in quibus jus mittendi Legati vel Ambasciatoris, quod illi competit, agnoscitur.

**L**EOPOLDUS, divina favente clemen-  
 tia Electus Imperator, semper Augustus, ac  
 Germaniæ, Hungariæ, Bohemiæ, Dalmatiæ,  
 Croatia, Slavoniæ Rex, Archidux Austriæ, Dux  
 Burgundiæ, Styriæ, Carinthiæ, Carniolæ, &  
 Wirtenbergiæ, Comes Tyrolis, Serenissimis Re-  
 gibus, Fratribus & Consanguineis nostris charis-  
 simis salutem ac prosperrimorum successuum con-  
 tinuum ac perpetuum incrementum; Nee non  
 universis & singulis Electoribus aliisque Prin-  
 cipibus Ecclesiasticis & secularibus, Archiepiscopis,  
 Episcopis, Ducibus, Marchionibus, Comitibus,  
 Baronibus, Militibus, Nobilibus, Clientibus,  
 Præfectis, Præsidentibus, Capitaneis, Locumte-  
 nentibus, Vice-Dominis, Gubernatoribus, Castel-  
 lanis, Vexilliferis, Antianis, & Potestatibus, ac  
 Urbium, Civitatum, Oppidorum, & quorumcun-  
 que locorum ac Communitatum Rectoribus, Burgi-  
 magistris & Consulibus, nec non portuum,  
 pontium & passuum quorumvis custodibus, ac aliis  
 qui presentibus requisiti fuerint, cujuscunque  
 status, gradus, Ordinis, conditionis, dignitatis aut  
 præminentie existant; benevolentiam & gra-  
 tiam nostram Casaream, ac omne bonum. Cum  
 Seren. Carolus Lotharingiæ & Barri Dux, Con-  
 sanguineus & Princeps noster Charissimus, præ-  
 sentium exhibitores, supremum aulæ suæ Præsi-  
 dem & Consiliarium intimum, Nobilem Clau-  
 dium Franciscum Liberum Baronem de Canon  
 ----- Legatum vel Legatos suos Plenipoten-  
 tiarios

tiarios ad Tractatus Noviomagi institutos mit-  
 tat, Nosque iisdem ejus Legatis vel conjunctim,  
 vel seorsim illuc proficiscentibus liberum passum,  
 tutum, securum & expeditum iter obtingere, cu-  
 biamus, Serenitates ac Celsitudines ac Domina-  
 tiones Vestras, aliosque nobis non subiectos fra-  
 ternè benevolè clementerq; hortamur & requiri-  
 mus, Nostris verò & Sacri Imperii Regnorumq;  
 ac Dominiorum nostrorum hereditariorum sub-  
 ditis firmiter mandamus ac precipimus, ut præ-  
 dictos Sereniss. Ducis ad Tractatus Pacis Lega-  
 tos Plenipotentarios conjunctim vel divisim pro-  
 secturos, cum famulis, equis, curribus, navibus,  
 sarcinis, ac rebus quas secum habituri sunt omni-  
 bus ubique liberè, tutò & expeditè, ire, trans-  
 ire, proficisci, commorari, recedere ac redire si-  
 nant, nec ulla ipsos sive in personis sive in rebus  
 molestia, impedimento vel injuria, afficiant, aut  
 à quoquam affici permittant; quin potius ubi ne-  
 cessitas postulaverit aut ipsi id alias petierint, sal-  
 vo eosdem conductu, fide & securitate publica,  
 viarum monstratoribus, equis, curribus, navibus,  
 aliisque ad commodius conficiendum iter hoc  
 suum necessariis opportunisve rebus, haud grava-  
 tim juvent atque ab aliis pariter id fieri sedulò  
 curent. Facturi sunt in eo Serenitates, Celsitu-  
 dines ac Dominationes Vestrae aliique nobis non  
 subiecti rem sua æquanimitate ac solitâ in Nos  
 observantia dignam nobisque gratam, reciproco  
 fraterni amoris affectu, Casareaque nostra bene-  
 volentia & gratia per occasionem vicissim ag-  
 noscendam;

nosscendam; Nostri verò & sacri Imperii, Reg-  
norumque & Dominiorum nostrorum heredita-  
riorum subditi exequantur hac in parte seriam  
& expressam voluntatem nostram. Datum in  
Civitate nostra Vienna, die ultima Mensis  
Martii, Anno Millesimo Sexcentesimo, Septua-  
gesimo Septimo, Regnorum nostrorum, Romani  
decimonono, Hungariae vigesimo secundo, Bohe-  
mia verò vigesimo primo.

LEOPOLDUS.

Vi. Leopoldus Guilielmus  
Comes in Königseck.

(L.S.)

*Ad Mandatum Sac. Caf. Ma-  
jestatis proprium*

Christophorus Beyer.

**D**ON CARLOS, de Gurrea, Arragon  
& Boria, Duc de Villa Hermosa, Comte  
de Luna, Gentilhomme de la Chambre du Roy no-  
stre Sire, Lieutenant Gouverneur & Capitaine  
des Pays Bas & de Bourgogne, &c. A tous Ge-  
neraux, Gouverneurs de Provinces, Admiraux,  
Vice-Admiraux, Lieutenants Generaux, Gene-  
raux de Bataille; Gouverneurs particuliers,  
Commandans, Lieutenants Gouverneurs, Chefs,  
Maistres de Camps, Collonels, Capitaines, & au-  
tres Officiers & gens de Guerre, tant de cheval  
que



que de pied, de quelle qualité, nation ou condition  
 ls soyent; ensemble à tous autres Justiciers, Of-  
 ficiers & subjects de sa Majesté, qu'il appartiendra  
 & ces presents verront, ou seront montrés,  
 salut. Comme Monsieur Claude François Baron  
 le Canon, President du Conseil privé de Mon-  
 sieur le Duc de Lorraine, & Monsieur le Baron  
 de Serainchamps, Ambassadeurs & Plenipoten-  
 tiaires du dit Seigneur Duc s'acheminent dès le  
 iude leur Residence vers la Ville de Nimme-  
 gue pour le Traitté de Paix. Nous vous mandons  
 & commandons au nom de sa Majesté tres expres-  
 sement, de laisser librement & seurement passer,  
 repasser, aller, venir & séjourner tant par eau  
 que par terre; conjointement & separément par  
 tous les lieux & endroits des Provinces & juris-  
 dictions de l'obeissance de sa dite Majesté, estant  
 sous nostre charge & commandement; leur  
 ayant à cet effect accordé ce present passeport,  
 sauf-conduit, & seureté, tant pour leur person-  
 nes, que pour leur suite, famille, Valets, che-  
 vaux, armes, chariots, navires, bagage, equi-  
 page, papiers & escritures; mesmos pour des Cou-  
 riers, qui seront depeschés de leur part, pendant  
 la durée de l'assemblée & conference, qui se fera  
 pour le dit Traitté de Paix.; lesquels pourront  
 aussi aller, venir & retourner seurement & li-  
 bremēt, tant par eau que par terre, sans qu'ils puis-  
 sent estre faits prisonniers ny arrestés sous au-  
 cun Pretexte en faisant apparoir des passeports  
 & saufconduits particuliers qu'ils auront pris des

*aits Sieurs Ambassadeurs & Plenipotentiaires, voulans qu'au contraire il leur soit donné toute l'ayde, faveur & assistance, dont ils pourroient avoir besoin pour plus grande facilité & commodité des dits courses. Fait à Bruxelles le 7. de Juin 1677. Signé, Villa Hermosa, Duc de Luna, & cacheté du cachet du Roy' & contre-signé, Verreiken.*

## CAP. LVIII.

*Alii Actus exerciti ab Archi-Ducibus Austriae, ut ab Alberto Burgundiam & Brabantiae Ducatum tenente. Ejus Legati in Anglia Venetis cedere noluerunt, & Hagae, cum de Induciis ageretur, novissime venientes à Legatis Regis Galliae sunt primum visitati; constat autem Ducem Brabantiae fuisse jam olim & Ducem Burgundiae factum à Carolo V. Principem Imperii & habere locum in Collegio Principum, ideò causa Austriacorum & Burgundorum communis est cum causa Principum ceterorum; ideò Nuntius quoque Monasterii Ministro Austriae locum potiore negavit se visitanti, per imperitiam Rerum Germanicarum; quòd crederet Principibus Germaniae non competere jus Legationis, adeoque nec Austriacis. Itaque Seren. Domus Austriaca Principum causa favere debet, ne sibi ipsi noceat.*

**C**oeperam à Lotharingo exemplum arcescere, quoniam illius occasione mota primum à Gallis controversia est, sed si ordine digni-

dignitatis agendum erat, utique à Serenissimis *Austriæ Archi-Ducibus* incipiendum videbatur, quibus plenum jus Legationis competere multis exemplis ostendi potest. Suffecerit autem producere Archiducem Albertum, cui cum Infante Hispaniarum Isabella Clara Eugenia Belgium certis conditionibus in dotem datum erat: ejus certè Legatis ubique idem qui Regiis ( ne quid dicam de Electoralibus ) honor habitus est, imò frater appellabatur à Rege Galliæ, multò ante Electores, quemadmodum supra notavimus. Et in Anglia Anno 1612. Legatus ejus Boischotius cum Veneto de loco ac dignitate certavit, allegans rempublicam sine controversia majoribus Domini sui cecidisse, cum non nisi Burgundiæ Duces essent. Idque verum esse arbitror, nam supra cap. 44. ex Cæremoniali Romano ostendi, *Ducem Burgundia* antepositum esse Duci Venetiarum Reipublicæ personam referenti. Rex Jacobus controversiæ hujus inter Legatum Archiducis & Venetum se judicem esse nolle declaravit & pari utrumque apud se honore esse scripto testatus est. Cum de Induciis Belgicis tractaretur, & Henricus IV. Præsidem Jeanninum, postea Archi-Dux Audientiarum Verreiken Hagam misisset, scripsit Jeanninus Regi suo (ultimo Julii 1607) se ( more consueto ) primæ visitationis honorem Verreikio ( qui novissimus venerat ) habiturum fuisse, sed veritum ne suspicacibus

jam tum populorum animis major sermonum  
 materies præberetur. *Negotiations du presi-*  
*dent Jeannin part. 1. pag. 252. de l' edition de*  
*Hollande: Le president Jeannin avoit écrit par*  
*un avis pris entre nous, que pour ne mettre en ja-*  
*lousie ces peuples, ils ne l'iroient visiter lis pre-*  
*miers, attendu aussi qu' il ne venoit si non avec les*  
*lettres de Spinola, & non comme Ambassadeur*  
*des Archiducs, outre ce qu'on avoit mandé d' An-*  
*vers, qu' il avoit commandement de ne voir per-*  
*sonne, ayant dit & repeté ces mesmes propos à plu-*  
*sieurs depuis son arrivée, & comme s' il l' eut fait*  
*pour s' excuser de voir les Ministres du Roy dont*  
*ils ont mauvaise opinion qui nous faisoit appre-*  
*hender de le voir & de n' estre après visitez de*  
*luy. Toutesfois luy ayant esté oüi le 24. & parlé*  
*au nom des Archiducs ses Maistres, nous avons*  
*consideré, que s' il n' estoit point visité du tout, il se*  
*pourroit plaindre d' estre traité comme Ministre*  
*d' un Prince ennemy, ainsi qu' il estoit expedient de*  
*le faire visiter par Monsieur de Russi, qui est ordi-*  
*naire & a la charge de resider près de Messieurs*  
*les Estats, qui adjouterà, que si les Sieurs Jeannin*  
*& de Buzanval se sont abstenus de l' aller voir*  
*jusque alors, que ce n' estoit faute d' affection, mais*  
*pour avoir plus de moyen de le servir, &c. Ex*  
*quibus patet, si suspicio abfuisse, Legatos*  
*Regios Archiducalibus primæ visitationis*  
*honorem fuisse habituros, & quia excusa-*  
*vère abstinendi necessitate, jus agnovisse. Po-*  
*stea certè, cum rediisset Audientarius cum*  
 Patre



Patre Franciscano, & correctam ratihabitio-  
 nem Hispanicam nomine Archi-Ducum at-  
 tulisset, Legati Regis cum primi visitavere, ut  
 patet ex literis Jeannini ad Bernium Mini-  
 strum Gallicum Bruxellis morantem ultimo  
 Octobris 1607. Et postea cum Spinola & Ri-  
 chardotius Præses venissent, hos quoque pri-  
 mus visitavit Jeannius, ut ipse scribit [à Mon-  
 sieur de la Boderie Ministre du Roy en An-  
 gleterre 5. Fevrier 1608.] Porro nequis cau-  
 sam Archiducum & cæterorum præcipuo-  
 rum Germaniæ Principum non esse commu-  
 nem arbitretur, sciendum est, Archi-Duces  
 esse in Collegio Principum, ac Ferdinandum  
 Grazensem, aut Carolum Marchionem Bur-  
 goviensem, aut Leopoldum Episcopum Ar-  
 gentoratensem nunquam majori honore cul-  
 tos, quàm qui cæteris Germaniæ Principibus  
 ditiones amplas tenentibus, habetur. Nec  
 Albertus censeretur nisi Burgundiæ, Bra-  
 bantiæ, Flandriæ, &c. dotali jure possessor,  
 qui sunt Imperii Ducatus aut Principatus:  
*Brabantia* olim sine controversia, pariter  
 atque aliæ ditiones, Burgundia autem & Flan-  
 dria saltem ex quo Franciscus I. omni juri  
 renunciavit; & Carolus V. omnes illas ditiones  
 in peculiarem Circulum redactas, Imperio  
 transactione Augustana subjecit. Et verò  
 causam Archi-Ducum Ducumque Burgun-  
 diæ eandem esse cum nostra, apparuit Mona-  
 sterii, cum Nuntius Comiti Wolkensteinio  
 Ministro

Ministro in Collegio Principum Austriaco honoratiorem locum domi suæ concedere noluit, quod crederet Principibus Germaniæ non competere jus Legationis, imperitiarum Germanicarum, quam ei Wolkensteinus rectè objecit: cum scire deberet; Austrios & Burgundos olim ante Venetos fuisse, hodie illis fortasse non esse cessuros. Principes autem Germaniæ ampliarum ditionum possessores eodem quo Duces Italiæ aut Venetam Rempublicam jure Suprematus frui: certè Electoribus hac in parte non esse inferiores: *quare Serenissima Domus Austriaca cogitet suam quoque hic causam agi, ne si quorundam perversis suasionibus impulsæ Principum juri adversetur, sibi ipsi præjudicium creet.* Porro olim Duces Burgundiæ nec Electoribus cessere, & in Concilio Basileensi Episcopus Basileensis Legatus Philippi Burgundi ante Electorales locum tenuit decreto Patrum: in Comitibus quoque Ratisbonensibus anni 1471. Caroli Burgundiæ Ducis Legati Electoralibus cedere negantes, sessionem extra ordinem obtinuerunt. (vide supra cap. 44.) Et in Cæremoniali Paridis de Grassis sæpe à me citato Dux Burgundiæ ante Electores & Venetos ponitur, Dux Austriæ, post Electores ante Venetos. Itaque quod Electoribus hodie conceditur, quanto minus illis negabitur, qui dudum habuere.

## CAP. LIX.

Actus aliorum quoque Principum; *exempli causa* Landgrafii Hassiæ & Ducis Wurtembergii, qui cum Regibus quibusdam & Hagæ Mediatores sive conciliatores Induciarum fuere inter Hispanos & Batavos. Et cum Hispani ad Mediatores scribes, tantum literas Legatis Gallis & Anglis inscripsissent, Legati Galli curavere, ut adderentur Electores & Principes Germaniæ. Guilielmus Dux Juliacenſis & Cliviensis Legatos misit ad Franciscum I. Denique Ducis Baviariæ nondum Electoris Legati in Concilio Tridentino cum Venetis de sessione certavere, & ante Helvetios & Florentinos possessionem prærogativa tenere, & protestati sunt, se aliorum quoque Principum jus hac ratione velle conservare.

Sed ne quis putet, aliorum Germaniæ Principum nobis exempla deesse, ideò operæ pretium erit notabilem huc afferre locum ex Negotiationibus Præsidis Jeannini paulo antecitatis. Nempe Hagæ cum de Pace vel induciis tractaretur Anno 1608. aderant Legati quorundam Electorum Principumque Germaniæ, qui Regiis, Gallis, Anglis, Danis juncti velut Mediatores agebant. Hi communi omnes nomine literas dedere ad Præsidem Richardotium Legatum Archiducalem, pacis promovendæ causa 10. Octobris  
ejus

eius anni, subscriptio eorum hæc est: *Vos tres affectiones Serviteurs les Ambassadeurs des Roytres Chrestiens, de la grande Bretagne & de Dennemark, & des Princes Electeurs Palatin de Brandebourg, & Landgrave de Hessen.* Poterat ne quicquam fieri solennius, quo agnosceretur, jus Legationis Principibus nostris æquac Regibus esse? Sed exstat aliquid multo adhuc expressius. Richardotius initio cum scripsisset Mediatoribus; literas tantum Legatis Regiis inscripserat, sed Jeanninus usus concessa sibi potestate, adjecit inscriptionem etiam, Electorum Principumque Germania Legatos, *l'adresse de vostre lettre* (Ita scribit Jeanninus Richardotio) *n'estoit qu'aux Ambassadeurs d'Angleterre & à nous & j'ay fait ajouter à la superscription, des Electeurs & Princes d'Allemagne, craignant qu'ils ne se fussent offencés de cette obmission.* Adfuerat & Legatus Wurtenbergicus, sed ille jam tunc discesserat. Nec dubito, qui Archiva excuteret, innumera Legationum Principibus nostris plene jure atque honore missarum exempla reperiturum; Autor Gallus libelli cujus titulus est. *Memoires & instructions pour servir dans les negotiations & affaires*, cum notasset pag. 294. Principes Imperii uti titulo *Dei gratia*, & Legatos mittere ad Reges ac Principes externos, addit postea pag. 268. Guilielmum Ducem Juliacensem ac Cliviensem Anno 1540. Legatos (Ambassadeurs) misisse ad Franciscum I. Sed



*Bavariae Dux* multo ante quàm Electoratum  
 obtinuit, Legatos optimo maximo jure mit-  
 bat. Notatum est in Concilio Tridentino  
 avaros Venetis controversiam loci movisse,  
 quemadmodum ipse Venetorum Historio-  
 graphus Petrus Justinianus fatetur. Sed rem  
 distinctè admodum exposuit Cardinalis Pal-  
 avicinus in Historia Concilii Tridentini, ex  
 qua illud quoque discimus, Bavaros ante Hel-  
 etios & Florentinos locum tenuisse. Is  
 ergo lib. XVI. cap. 6. *Arrivarono à Trenta due*  
*mandati dal Duca di Baviera, l' uno con titolo*  
*d' Ambasciadore ) ch' era il Dottor Ago-*  
*ino Baumgartner, l' altro Giovanni Cavillo-*  
*io Theologo della Compagnia di Giesu, visi-*  
*ando essi i Legati esposer loro di tener istruzio-*  
*e, che l' Ambasciador nō sedesse ad alteri Oratori,*  
*alvo di Rè, ò d' Elettori Imperiali, onde non*  
*poteva star sotto à quei di Venetia. I Presidenti*  
*risposero che quella Signoria godeva due Regni.*  
*Replicarono essi che per avventura il lor Principe*  
*comprendeva nel suo intendimento gli Oratori*  
*Veneziani fra i Regii, ma che non per tuttociò*  
*era parte loro il far questa interpretatione: che*  
*harebbono scritto di ciò al Duca e che fra tanto*  
*per non incorrere in lite desideravano di presen-*  
*tare loro mandati in una congreganella quale i*  
*Veneziani fosser contenti di non intervenire.*  
 Idem eodem libro cap. 10. In piu stretta neces-  
 sità gli poneva la risposta venuta per dianzi all'  
 oratore Bavarico, nella quale il Duca gli com-  
 manda-

mandava, che se non havesse grado sopra i Veneziani, si partisse inmantenente: il che portava inevitabile necessità uno di duo grandissimi danni, percioche satisfacendosi al Duca si venivan à perdere gli Ambasciadori d'una Signoria ch'era il principal baloardo alla religione in Italia e unico sostegno di essa in Grecia. Et satisfacendosi à Veneziani si perdevano gli Oratori d'un Principe ch'era l'appoggio della medesima religione in Germania: anzi venivansi à perdere insieme pe' avventura con tale esempio gli Oratori di tutii Principi Tedeschi, eziandio Ecclesiastici, à titolo che si fosser negate le dovute onoranze à quelli di quella Nazione. Ed allora fù che i Legati presero tempo d'informarne il Pontefice, e lo fecero con la celerità d'un corriere, proponendo gli d'invia- messo à posta che pregasse il Duca à suo nome à quella condescensione in Beneficio del Christianesimo con rappresentar gli le ragioni della convenevolezza. Significarongli anche, esser acconcia all'intento una presente opportunità, mentre il Bavaro dovea ritrovarsi à Praga il giorno decimoquinto di Giugno per la Coronazione del Re di Bohemia suo cognato: ove potrebbero concorrere ad espugnarlo i conforti dell'Imperadore procurati da sua Santità col mezzo del Nunzio Delsino.

Ex his locis intelligitur, Bavaros Legatos ita fuisse instructos domi, ut in Concilio non nisi Regiis & Electoralibus cederent; cum verò dubitaretur, an non sub Regiis comprehendere possent Veneti, ob Regna duo Cypri & Creta quæ

quæ tenebat Respublica, postulavere Bavari ut  
 ipsi interim audirentur in cōgregatione, à qua  
 Veneti abesse vellent, de reliquo se Domi-  
 num misso Celeri consulturos, qui cum retu-  
 issset postea mandatum Ducis, ut, loco supra  
 Venetos non impetrato, discederent, Legati  
 Pontificis non parum perplexi Papam per  
 cursorem consulere ac proposuere, ut per  
 Cæsarem Nuntiumque Delphinum Bavarus  
 tentaretur; ne vel Respublica religionis pro-  
 pugnaculum in Italia ac Græcia, vel Bavarus  
 ejus defensor in Germania offenderetur. Ita  
 tandem Bavarus persuaderi se passus est, ne  
 Synodus Ecclesiæ religionis causa congre-  
 gata profanis litibus turbaretur: Itaque per-  
 misit ut Venetus locum, quem ante Bavari  
 adventum habuerat, retineret, protestatione  
 interposita, nihil suo aut Principum Germa-  
 niæ juribus indulgentia sua decedere debe-  
 re. Sed audiamus Cardinalem lib. 17. cap. 4.  
*Nella competenza fra i Veneziani e i Bavarici  
 ricorse il Pontefice, all' interposizione di Ferdi-  
 nando: il quale ricordasse al Duca Alberto suo ge-  
 nero che la Republica di Venezia era veramente  
 Rè, e stava in possesso: che i suoi Oratori ottenes-  
 sero luogo immediato doppo quello de' gli altri Rè.  
 Ma in fatto litigio che tocca la più sensitiva par-  
 te de' Grandi, ricusò di porne la mano l' Impera-  
 dore, se non con Ufficii assai generali; e più scri-  
 vendo le proposizioni de' Presidenti [Legati Pon-  
 tificii nel Concilio] al genero, che trattandone*

al nome suo proprio confortollo tutta via che non  
 cagionasse disturbo al Sinodo. Ne ciò senza frutto  
 l'Oratore de Duca hebbe in fine comandamento di  
 cedere à Veneziani, ma con protesto che ciò face-  
 va per non turbare il concilio e senza pregiudizio  
 del suo Signore. E così venne accolto nella con-  
 gregazione à vinti sette di Giugno e protestò  
 allegando molti argomenti che il suo Principato  
 dovesse precedere à quella Signoria, come da  
 baver nella sua familiala dignità Elettorale: e da  
 bavervi goduta ancor l'Imperiale. Alla qual  
 protestazione s'oppose quivi con un'altra  
 Niccolò da Ponte Primo Ambasciadore  
 Veneziano, dicendo che quella precedenza  
 era debita onoranza per sempre alla sua Repub-  
 lica, e non liberale condescensione al tempo.  
 L'uno e l'altro si registrò negli atti: e la compe-  
 tenza giunte à tale, che'l Bavarò negò la copia  
 della sua Orazione, perche l'havea prima negato  
 il Venetiano.] *Protestationis Bavaricæ forma*  
*exhibet Petrus Justinianus, quemadmodum*  
*& reprobationis Venetæ. Bavarus alle-*  
*gat, domum suam ab Imperatoribus, Regibus,*  
*Electoribus, originem traxisse; nolle tamen*  
*de priore loco certare in Concilio, in quo de*  
*pietate agitur: & ubi humilitatione Deus est*  
*implorandus, ut Ecclesiæ suæ misereatur. Ea*  
*tamen lege ac solenni protestatione præmis-*  
*sa, ut hoc ipsum posthac in quibusvis Conven-*  
*tibus suæ Celsitudinis ejusdemque posteris*  
*cæterisque Germaniæ Principibus Electoribus ac*  
*Ducibus*



*Ducibus nulla ratione vel modo præjudicare possit vel debeat. Unde patet, ipsum Bavarum judicasse, causam suam cum aliis primariis Germaniæ Principibus esse communem, quod etiam Patres Concilii judicabant; ideoq; contra Bavarum pronuntiare verebantur, ne Germaniæ Principes universi offenderentur; ut notat Cardinalis. Eandem fuisse Ferdinandi I. sententiam judicat idem, ideoque tantum Bavarum rogavit, ut aliquid condonaret publico rei Christianæ bono. Sed sicut Bavarus Veneto possessionem (saltem, ut Jurisconsultorum vocabulo utar, momentaneam) cessit, ita eam supra Helvetium Florentinumque Cosmi Ducis Hetruriæ Legatum duos inter hos obtinuit. Nam convenerat ut alternis congregationibus adessent, at Bavaro superveniente effectum est à Patribus ut ambo pacis studio tantisper congregationibus cederent, Bavaro solo actibus interveniente. Cardinalis dicto loco ita habet: Con questa rimessione dell' Orator Bavaro le differenze per suo rispetto rimasero piu tosto mutuate che quietate; perche havea ricevute commissione di partirsi, ov' egli non precedesse all' Ambasciadore Elvezio ed' al Fiorentino; onde i Legati (Pontificii) à fatica impetrarono dall' Elvezio che non comparisse finche di ciò avisasse i suoi Signori, e ne ricevesse nuovi comandamenti: e pregarono il Papa à fraporsi col Duca Cosimo; il cui Oratore in assenza dell' Elvezio soleva in-*

*tervenire.* Ex his intelligi potest, nemini vel per somnium in mentem venisse, ut Bavariæ Duci; tunc *nondum Electori*, vel alteri cuidam magno Germaniæ Principi, jus Legationis plenum negaretur, imò contra cavisse Patres & Cæsarem ipsum, ne in eo cæteri Germaniæ Principes offenderentur. Illud utique constat, etsi Legatus ejus Veneto cesserit, parem tamen in ambobus fuisse Characteris honorem, præsertim cum Florentino non cesserit, sed ipsi pariter atque Helvetio prælatus videatur.

## CAP. LX.

*Scriptum, in quo nomine Ducis Neoburgici ostensum est, jus Legationis plenum Principibus Germaniæ aequè ac Electoribus competere, & amborum Ministros in Tabulis pacis Westphaliæ, Fœderis Rhenani, & alibi passim communi nomine Legatos fuisse appellatos & habitos sine discrimine.*

Suprà multis ostendimus, Electorum Principumque reliquorum Legatos aut Ministros in eodem fuisse honore, iis denique nominibus appellatos in Tractatibus Præliminaribus Hamburgensibus, in subscriptione Instrumenti Pacis Westphaliæ, Fœderis Rhenensis, aliisque multis Tractatibus atque occasionibus; sed quoniam id uberius deducitur in brevi scripto, quod à Ministris Serenis-

fimi

imi Ducis Neoburgici Legatis Mediatoribus Anglis communicatum fuisse intellexi ; ea, qua conceptum est, lingua, adjicere placet.

*Bonnes & valables raisons, qui font voir, que les Ministres, que les Princes doivent envoyer aux Traittés de Paix qui se font à Nimmeque, ont autant de droit de pretendre la qualité d'Ambassadeurs, ( que les Roys de France & de Suede par une nouveauté mal fondée leur refusent dans leurs passeports ) que ceux des Electeurs, & qu'on ne peut pas bien obliger les Princes de l'Empire à renoncer à leurs legitimes pretensions sur ce subject.*

1. Les Princes de l'Empire possèdent,,  
effectivement au mesme degré que les ,,  
Electeurs la Souveraineté de leurs Païs ,,  
avec les droits qui en dependent, comme ,,  
entre autres *Jus Legationum*, & par conse- ,,  
quens faudra t'il respecter leurs Mini- ,,  
stret, si bien que ceux des Electeurs, ,,  
comme des Ambassadeurs, quand ils les ,,  
employent en cette qualité, & qu'ils sont ,,  
revestus de ce Caractere. ,,

2. Les Princes ont indubitablement, ,,  
de mesme que les Electeurs, *Jus belli & Pacis*, ,,  
*itemque Fœderum*, non seulement de toute ,,  
ancienneté, mais aussi par les Traittés de ,,  
Paix qui ont esté faits avec les Courronnes ,,  
de France & de Suede, & par consequent *Jus*, ,,

„ mittendi Legatos, comme ceux que l'on  
 „ employe le plus souvent en de pareilles  
 „ rencontres, & sans lesquels on ne peut rien  
 „ negocier.

„ 3. Dans les Constitutions de l'Empire,  
 „ comme aussi dans les Resolutions & les De-  
 „ crets de l'Empereur, l'on donne aux mini-  
 „ stres des Princes la mesme qualité qu'à  
 „ ceux des Electeurs, ainsi que la Pratique  
 „ Journaliere le témoigne.

„ 4. Le mesme s'est fait dans l'Instru-  
 „ ment de la Paix de Westfalie, ainsi que cela  
 „ paroist par le 17. Article du Traitté entre l'  
 „ Empereur & la France *ubi Casarei & Regii*  
 „ *Ordinumque Imperii Ministri expressé vocan-*  
 „ *tur Legati & Plenipotentarii.*

„ 5. Or puisque alors dans un congrés  
 „ pareil à celui, qui se fait presentement à  
 „ Nimmegue, l'on n'a point fait de difference  
 „ sur ce subject, on ne la doit pas former  
 „ non plus presentement.

„ 6. D' autant moins, qu'il n'appartient  
 „ pas aux Couronnées estrangeres de changer  
 „ les coustumes de l' Empire, ny de revoquer  
 „ en doute les droits indisputables, dont les  
 „ Princes de l' Empire jouissent tous les  
 „ jours, ny de s'attribuer l'arbitrage à donner  
 „ à l' un ou à l'autre tel traitement qui leur  
 „ plaira, ce qui ne peut servir qu'à causer de  
 „ la défiance entre les membres & d' autres  
 „ facheuses consequences.

7. Don-



7. Donques de mesme que le Roy de  
 a Grande Bretagne comme Mediateur à  
 rouveré bon de donner dans les Passeports  
 a qualité d' Ambassadeurs aux Ministres  
 des Electeurs , l' on s'assure, qu'il ne ju-  
 gera pas moins juste & raisonnable de faire  
 donner la mesme qualité aux Ministres des  
 Princes, *cum inter Electores & Principes Im-*  
*perii, extra causam Electionis & quoad jura*  
*communia, quale Legationis hocce jus est,*  
*nullum intercedat supradictum discrimen,*  
*quippe cum omnes illi membra sint ejusdem cor-*  
*poris, seu Reipublicæ, iisdem vivant legibus,*  
*par iis sit in subditos ac Vasallos superioritas,*  
*eadem jura belli, Pacis, Fœderum, & per*  
*consequens idem jus Legationum, eadem digni-*  
*tatis nomina comparentibus in Comitibus Ele-*  
*ctorum & Principum Legatis.*

8. On a veu de tout temps , que les  
 Princes de l' Empire ont tousjours envoyé  
 leurs Ministres auprès de l' Empereur,  
 des Roys, des Princes , ou aux assemblées  
 qui se sont faites, avec la qualité de *Legati*,  
 ou bien avec un moindre caractere, ainsi  
 qu'i's l'ont jugé à propos, *lesquels* ont esté  
 aussi reconneus, receus & traittés en cette  
 qualité, en sorte qu'on ne peut desister en  
 cette rencontre, puis qu'il depend entiere-  
 rement de celuy qui depute, & non du bon  
 plaisir d' aucun autre, de donner au Mini-

„ stre, qu'il employe telle qualité qu'il luy  
 „ plaist.

„ Sur quoy les Princes de l'Empire se  
 „ sont tous jours réglés, & cela se trouve  
 „ dans les Archives des Princes, aussi bien  
 „ que dans les actes imprimés de Londorpi-  
 „ us, & dans les lettres, que les Roys de Fran-  
 „ ce & de Suede ont écrites aux Electeurs &  
 „ Estats del'Empire, l'on ne trouvera point,  
 „ qu'on ait fait de difference entre les Mini-  
 „ stres des Electeurs & ceux des Princes à  
 „ l'égard des tiltres, sur quoy l'on peut voir  
 „ entr'autres les lettres de la Reine Christine  
 „ de Suede du 22. Mars 1641. & du 23.  
 „ Avril 1653.

„ 10. Il se voit mesmes par le texte des  
 „ lettres de creance, que quand quelque  
 „ maison des Princes a envoyé des Ministres  
 „ à la Cour d'un Roy avec la qualité de Le-  
 „ gats, ils y ont esté receus & traittés en cet-  
 „ te qualité, leur ayant esté donné dans les  
 „ expéditions le mesme predicat.

„ 11. Et lors qu'en l'an 1658 l'on nego-  
 „ tia l'Alliance du Rhin, & que dans la minu-  
 „ te qu'on avoit dressée, l'on eust inseré les  
 „ deux qualités de Legati & Deputati, on a  
 „ à l'instance de ceux, qui se trouverent à  
 „ Francfort de la part des Princes, effacé le  
 „ mot de Deputés, pour precautionner, que  
 „ l'on n'en pust tirer quelque consequence  
 „ prejudiciable à la grandeur & dignité des  
 „ Prin-

Princes : de sorte qu'on fit donner le mes-  
me tiltre aux Ministres des Princes qu'à  
ceux des Electeurs, ainsi que plusieurs s'en  
souviennent fort bien encore.

12. Comme aussi qu'il y a environ huit  
ans, quelques Electeurs & Princes, ayant  
fait une deputation pour moyenner un ac-  
commodement entre les Roys de France  
& d'Espagne, l'on donna les mesmes let-  
tres de Creance si bien aux ministres des  
Electeurs qu'à ceux des Princes; sans y  
souffrir aucune difference, aussi ont ils esté  
traittés à la Cour des Roys de la mesme  
maniere, sans donner aucune prerogative  
à ceux des Electeurs par dessus ceux des  
Princes. C'est pourquoy l'on n'en de-  
vroit point maintenant faire de diffe-  
rence.

13. Les Auteurs François disent eux  
mesmes, que les Princes de l'Empire posse-  
dent entre autres droits celuy d'envoyer  
des Ambassadeurs. Voyez les Memoires  
& Instructions pour servir dans les negotia-  
tions & affaires, & dont l'auteur dit en la  
page 294. de l'edition de Hollande, *que les  
Princes de l'Empire prennent dans leurs lettres  
le tiltre, par la grace de Dieu, qu'ils envoient  
des Ambassadeurs vers les Roys & Princes  
étrangers, &c.* Et y adjousté en la page 298,  
*Guillaume Duc de Juliers & de Cleves, en  
l'année 1540. envoya ses Ambassadeurs vers le*

„ Roy François I. de sorte que selon leur pro-  
 „ pre témoignage l'on ne peut pas raisonnab-  
 „ lement faire difficulté de donner la qualité  
 „ d' Ambassadeurs aux Ministres, que les  
 „ Princes envoient.

„ 14. On n'allegue point, que les ancien-  
 „ nes familles des Princes seculiers ne ce-  
 „ dent en rien quant à l'ancienneté de leur  
 „ extraction, condition & dignité, droits &  
 „ prerogatives, aux familles des Electeurs;  
 „ ainsi qu'entr'eux ils se sont tousjours re-  
 „ connus pour tels, & les estrangers n'y ont  
 „ jamais fait aucune difference : Mesme il  
 „ y a quelques familles des Princes, qui ont  
 „ possédé leurs Pais & terres plusieurs cen-  
 „ taines d'années plustost que quelque Ele-  
 „ ctors, ayants gouverné des grandes &  
 „ considerables provinces *absolutâ & regia*  
 „ *quasi manu*, lesquelles ils ont après incorpo-  
 „ rées à l'Empire.

„ 14 Et bien que le pouvoir d'élire un  
 „ Empereur, ou un Roy des Romains, soit  
 „ cédé à quelques uns des Princes, qu'on ap-  
 „ pelle maintenant Electeurs, les Histoires  
 „ sont pourtant assés voir, comment cela  
 „ s'est fait; comme aussi, que cela n'a rien di-  
 „ minué des droits & de la dignité des autres  
 „ Princes de l'Empire, & que cela n'y a pas  
 „ peu prejudicier, s'y estans tousjours  
 „ maintenus jusqu'à présent, aussi n'y a-t-il  
 „ jamais eu de different entre les Electeurs  
 „ & les



& les Princes, au regard du Caractere d' Ambassadeur, Legat, ou Deputé.

16. Et bien que l'on pût alleguer, que Messieurs les Electeurs sont honorez de plus hauts tiltres que les Princes de l'Empire, & qu'on leur donne le rang & la pre- seance, à cause des charges qu'ils possèdent dans l'Empire, il faut pourtant sçavoir, que des honneurs qui se rendent à leurs charges, l'on ne peut point tirer de consequence pour les droits mesmes, ny de bonne preuve contre ce que nous soutenons. Neantmoins les Princes de l'Empire peuvent faire voir par plusieurs escrits, qu'ils ont esté traités par des Puissances estrangeres avec les mesmes honneurs, & qu'ils ont receu les mesmes tiltres que les Electeurs.

17. Et il ne s'agit pas simplement icy des tiltres & de la qualité : mais il y va aussi des droits qui y sont attachés inseparablement; mais quant aux mots d' Ambassadeur, Legat, Envoyé, Deputé, Plenipotentiaire, il est certain qu'ils ont esté souvent confondus, & qu' autres fois on n'ya pas tant fait de difference. On peut voir dans le Recés de l'Execution de Nurenberg de l'an 1650. que parmy les Ministres qui s'y trouverent, il y en eut quelques uns qui ne prirent point du tout de qualité; en sorte que parmy ceux des Princes il n'y eut que celui

„ celuy de Wurtemberg, qui prit la qualité  
 „ de Député ; là où celuy qui y estoit de la  
 „ part de la Ville de Francfurt, y fut traité  
 „ de Legat, bien que la liste de ce qui devoit  
 „ estre restitué, & qui fut concertée par quel  
 „ ques Ministres des Electeurs & des Princes,  
 „ pendant la mesme assemblée de Nurenberg,  
 „ fust signée des Ministres des Princes aussi  
 „ bien que de ceux des Electeurs, ayant tous  
 „ la même qualité de Legats. *Haftenus illud*  
 „ *Scriptum.*

## CAP. LXI.

*Excerpta ex Apologia Gallorum olim pro Electore Trevirensi edita, quibus jus Suprematus, Fœderum, Legationis Principum nostrorum multis exemplis, & sæpè cū exaggeratione stabiliunt. Scriptū illud prodiit publica autoritate.*

**Q**Uoniam autem in his rebus magnam vim habet confessio eorum, cum quibus disputamus, in primis si aliis tēporibus, quibus nemo de præsentī controversia cogitabat, eis exciderit, & tunc indubitabilis habita fuerit, ideo operæ pretium erit huc afferre excerpta ex Apologia, quam Galli edidēre pro Philippo Christophoro, Electore, Archiepiscopo Trevirensi, & armis suis ejus defendendi aut potius ulciscendi causa sumptis. Hic enim primarius fuit color, cur anno 1635. pacem cum Austriacā domo, antea ut cūque servatam, abruperint. Ea Apologia postea inserta est libro Lutetiæ Parisiorum  
 apud

apud Cramoyſi, Typographum Regium Lu-  
 bareæ Typographiæ præfectum, cum privile-  
 gio Regis, in folio, ut vocant, edito anno  
 1665. Cui titulus eſt : *Memoires & Inſtructions*  
*pour ſervir dans les negotiations & affaires con-*  
*cernant les droits du Roy de France.* Ubi pag.  
 175. habetur diſſertatio, cujus titulus eſt :  
*Juſtification du procedé de l'Eleſteur de Treves &*  
*quelle eſt la liberté des Eleſteurs de l'Empire*  
*& autres Princes d'Allemagne, de faire des*  
*Traitez & Alliances avec tous les Princes de la*  
*Chreſtienté;* ubi expreſſis verbis quoad Supre-  
 matum Regibus æquantur, & plenum juſſe-  
 gationis ipsis adſcribitur. Quod ſcriptum ſive  
 Maniſeſtum cum publicam quoddammodo  
 autoritatem habeat, tantò minus à Gallis  
 certè recuſari poteſt, quanquam à nobis om-  
 nia, quæ de rebus Imperii habet, minimè pro-  
 bari poſſint. Porro, quæ excerptimus, ita ha-  
 bent.

**L'**Empereur Maximilian I. bon & ſage Prin-  
 ce, diſoit ordinairement, que des Rois de  
 la Chreſtienté l'un eſtoit Roy des aſnes, l'au-  
 tre Roy des hommes; mais que l'Empereur  
 eſtoit Roy des Rois : *qualifiant Roys les Prin-*  
*ces de l'Empire: & de verité ils ſont Rois de leur*  
*eſtabliſſement & de leur autorité ſur leurs ſub-*  
*jets, & ſur l'Empereur meſme, lequel eſt Empe-*  
*reur par eux.*

*Les Marques de cette puiſſance & Autho-  
 rité*

rité paroissent non pas en des privileges, mais aux grands pouvoirs & aux libertez qu'ils ont dans l'Empire, libertez d'autant plus grandes & asseurées qu'elles ne sont point escrites, que dans l'usage ordinaire & tres-ancien, & ne sont point accusez de crime, quand ils les observent & quand ils en usent, comme veut faire aujourd' huy l'Empeur contre l' Elekteur de Treves pour le Traité qu'il a fait avec le Roy.

Les Princes de l' Empire ont autant de pouvoir dans leurs estats, que l' Empereur dans l' Empire.

Ils ont pouvoir sur la vie, biens & honneurs de leurs subjets.

Ils peuvent contracter librement des mariages avec les Princes estrangers, sans le sceûl de l'Empereur, quand bien il ne l'auroit pas agreable, ils ne sont pas mesmes obligez de luy obeir.

Ils prennent dans leurs lettres le titre : Par la grace de Dieu.

Ils envoient des Ambassadeurs vers les Roys & Princes estrangers.

Ils peuvent lever des gens de Guerre, non seulement pour leur propre deffense & conservation, mais pour assister leurs amis.

Ils peuvent fortifier leurs villes, & construire des places fortes aux limites de leurs Estats.

Il leur est permis de faire des traitez entre eux & avec les Princes estrangers : non seulement pour mettre ordre à la paix publique, & pour leurs affaires



affaires communes, mais pour rechercher leur protection, pourveu qu'il ne s'y fasse rien au prejudice de la Republique.

Pour l'exécution de cette liberté & prerogative, ils ont droit de faire des assemblées, sans estre obligez d'en demander permission à l'Empereur.

Nous avons un Traité fait l'an 1324. par le Duc d'Autriche Leopold, avec le Roy Charles le Bel, par lequel il luy promet de le faire eslire Roy des Romains: pour puis après estre promeu à l'Empire.

En l'année 1338. Albert & Othon Freres, Ducs d'Autriche, tant pour eux que pour leurs descendans, firent un Traité avec le Roy Philippe de Valois, par lequel ils luy promirent de luy estre bons & fideles amis & de l'aidier envers & contre tous, fors contre le S. Empire.

En l'année 1439. Frederic Duc d'Autriche, de Stirie, & autres Seigneuries promit mariage pour son filz Sigismond avec Radegonde fille du Roy Charles VII. & ensuite il promit de faire la guerre contre les Bourguignons & le Roy d'Angleterre, en faveur du Roy de France.

Ces exemples sont d'autant plus notables, qu'ils sont de divers Princes de la maison d'Autriche, qui ne creurent pas lors avoir besoin de l'autorité de l'Empereur.

Albert Duc de Baviere, Comte de Hainaut & de Hollande, ne rechercha point le consentement de l'Empereur, lors qu'il traitta le Mariage

riage de Guillaume d' Ostrevant sons fils avec Marie de France fill e de Charles V. l' an 1373. En suite du mariage, il fit un Traité pour la defense du Roy & du Royaume de France, tant pour luy que pour ses enfans.

En l' année 1532. l' EleËteur de Saxe & son fils, les Ducs de Baviere, le Landgrave de Hesse, & autres Princes Allemans, après plusieurs assemblées, firent un Traité de Ligue pour la conservation des Droits & Libertez du Saint Empire, ils envoyèrent plusieurs fois en France requérir le Roy François I. de vouloir entrer avec eux en cette Ligue, qui n' alloit que pour empêcher, que Ferdinand Roy de Bohême fust eleu Roy des Romains pendant la vie de l' Empereur Charles V. son Frere: ce qui estoit contre les privileges de la Bulle d' Or, les Coustumes anciennes & la dignité de la Nation Germanique: neantmoins l' Election se fit, en suite de laquelle Guillaume Duc de Baviere, bisayeul du Duc de Baviere qui est à present, donna pouvoir, tant pour luy que pour les autres Princes liguez avec luy, de traiter une ligue avec ledit Roy François I. au cas qu'ils fussent molestez pour s' estre opposez à cette Election. On ne peut pas s' imaginer, que l' Empereur eust donné son consentement à ce Traité de Ligue & à ces oppositions.

Guillaume Duc de Juliers & de Cleves en l' année 1540. envoya ses Ambassadeurs vers le Roy François I. qui traiterent une ligue deffensive perpetuelle pour leur secours. Le Cardinal de Tour-

on & le Chancelier Poyet furent commis de la part du Roy pour faire ce Traité.

Maurice Duc de Saxe Eleſteur, & les Principaux Princes de l' Empire traiterent avec le Roy Henry II. à Chambor l' an 1551. En ſuite de quoy le Roy Henry entra dans l' Allemagne, & depuis ce temps nos Rois rentrent en la poſſeſſion des Villes des Mets, Toul & Verdun.

Les Princes Proteſtans d' Allemagne envoyerent en France un ſecours notable en faveur de ceux de la Religion pretenduë reformée en l' année 1571. les meſmes Princes favorisans le feu Roy, lors Roy de Navarre, firent entrer en ce Royaume un notable ſecours, qui perit en partie à Anneau.

L' Empereur ne donna jamais ſon conſentement à ce ſecours, ſi l' on ne veut croire, qu' il ait favorisé ceux de ladite Religion au prejudice de la Ligue, dont le Roy d' Eſpagne eſperoit tirer ſeul le l' avantage.

En l' année 1586. les Eleſteurs & Princes proteſtans d' Allemagne, & les Villes Imperiales comme Strasbourg & Ulm, envoyerent une grande Ambaſſade vers le Roy Henry III. pour ſe plaindre de ce qu' il avoit revoqué ſon Edit fait en faveur des Huguenots, & pour le ſupplier de reſtablir ce qui avoit eſté revoqué. Les Ambaſſadeurs furent fort mal receus par le Roy, non pas parce que l' Empereur ne les avoit pas authoriſez, mais parce qu' il avoit fait dans ſon Eſtat ce que tout Prince Souverain fait abſolument, & ordon-

né ce qu'il luy plaist, & connoit estre utile pour le bien de ses peuples.

Au traité de Hall fait en Fevrier 1610. entre le feu Roy Henry le Grand, & les Electeurs Palatin & de Brandebourg & autres Princes & Estats de l' Empire unis, ces Princes furent sommés de declarer, s'ils entendoient deserer aux mandemens qui pourroient venir de la part de l' Empereur, & de se departir pour cela de la deffense de la cause qu' ils avoient entreprise, ils declarerent qu' ils demeureroient fermes en leur union, sans avoir esgard à aucun mandement ou Ban qui puisse venir de la part de l' Empereur.

Quelques Electeurs & Princes Allemans en l'annee 1612. firent un Traité avec le Roy d' Angleterre pour la conservation des Duchez de Juliers, Cleves, Berg, & autres. Ces Princes après avoir déclaré que ce qu' ils faisoient estoit pour le bien de l' Empire, & pour la conservation de l' autorité de l' Empereur, traiterent une alliance deffensive & reciproque avec le Roy, qui promit à ces Princes un secours specifié au Traité, & ces Princes reciproquement. Au mois de May 1631. l' Electeur de Baviere seul contracta avec le Roy une ligue deffensive. Le Roy promettoit, le deffendre luy & son pais, avec les troupes y spécifiées & luy au reciproque. Et par un article il est dit, que ce traité est licite & permis par le droit de nature, & convenable au Roy & audit Electeur, le quel reserve le serment par luy fait à l' Empereur & à l' Empire.



*Les Princes protestans en 1613. firent un traité de ligue defensive avec les Estats generaux des Provinces Unies des pais bas, avec beaucoup d'articles, qui contiennent particulièrement les secours mutuels que les traîtres se doivent rendre. En ce Traité il est parlé de l' Empire comme de la France, de l' Angleterre, & du College Electoral; mais il n' est point fait mention de l' Empire, de sorte que ces Princes creussent avoir besoin de l'authorité de l' Empereur pour rendre leur Traité valable. Haftenus illud Manifestum. Quod si subinde nimium detrahat Cæsari, (quod in Gallia mirum non est) illud tamen utiliter accipimus, quod fortissimis expressionibus tendæ Principum nostrorum dignitati, & abiliendo Legationis Juri, dicitur. Nec video, quid solidi à Gallis ei eludendo afferri possit; nisi affectus nudare, & fateri velint, se nulla ratione habita pro suis tantum commotis & temporum facie ratiocinari.*

## CAP. LXII.

*Legatio Ducis Holsatiae à Suecis maximis horribus excepta. Tres Legationes Neoburgici ad Polonos. In prima Legatus ejus tractatus ut Mantuanus; in duabus novissimis Excellentiam habuit à Legatis Regiis. Texit se coram Rege, & novissimè coram Regina sorore Cæsaris, & per omnia cum Regiis Gallis & Suecis pari jure usus est. Legatio quorundam Electorum & Principum ad Regem Galliae 1667.*

*promovendæ pacis causa. Ministri eorum in Gallia eodem modo tractati. Rex Christianissimus majorem Electoribus & Principibus honorem exhibet quàm Cæsar.*

**E**X novissimis Legationibus non est opus memorare hoc loco illam satis splendidam, quam quondam Holsatiæ Dux Fridericus in Moscoviam Persiamq. misit commerciorum causa, quoniam quid Moscus aut Persa concesserint, apud nos exemplum non facit. Illud tamen annotare operæ pretiū est, ad Narviam urbem Suecicam venientibus 18. Maii 1634. Legatos Suecicos in Moscoviā destinatos Henricum Fleming, Ericum Gyllenstierna & Andreā Bureū multo comitatu una ab urbe leuca obviam venisse, cæteraque eos veluti magni Principis characterem referentes omnibus honoribus coluisse, displosis curi intrarent tormentis. Utraque Legatio iisdem cæremoniis à Russis excepta est, cum facile esset Suecis, qui aliquot septimanarum spatium præcesserant, avertere animos Moscorum per se satis in re cæremoniali difficultum, quidem ipsis in mentem venisset, Principe Germaniæ præcipuos non eodem quo Rege gradu, jus Legationis habere; sed ad propriam veniamus. Cum anno 1646. Vladislavus Rex Poloniæ cum Maria Ludovisia Martuana nuptias celebraret, comparuere solenni pompa Episcopus Arausionensis Legatus Ducis Mantuæ, proximi Reginæ cognati, & Episcopi

opus Posnaniensis Legatus Neoburgici,  
 cui Regis sororem duxerat, ambo à Rege pa-  
 ter atque exteris Legatis æquali honore  
 abiti. Nuper duas ejusdem Neoburgici Le-  
 gationes solenni apparatu missas Polonia vi-  
 dit: unam anno 1669. alteram anno 1674. in  
 utraque Legati ejus splendide excepti &  
 magnifice culti sunt. Texere caput coram  
 Rege; posterior etiam coram Regina Cæsaris  
 sorore. Nec ulla solennium observatione à  
 Regiis Legatis distincti sunt; nam & *Excellentiam*  
 ipsis dedere Legati Regum, & cætero-  
 qui circa visitationem & loci honorem pari  
 re usi sunt; nemine tunc ne quidem suspi-  
 ante quicquam de controversia, quæ nunc  
 biennio post serò movetur; postquam res am-  
 pliùs integra non est. Hoc quidam ineptè sic  
 excusant, quòd Legatus Neoburgicus à Co-  
 ronæ Candidato venerit, ideòque liberaliùs  
 et habitus: quasi verò Candidatum esse jus tri-  
 uat, aut dignitatem ambientis augeat; cum  
 tiam Piaustus, id est privatus, modò ingenuus  
 etque indigena, in Polonia Candidatus esse  
 possit. Nèque verò Legatos magnorum Re-  
 um erga alios Ministros circa *Excellentiam*  
 & *Visitationes locumque* liberales esse solere,  
 constat ex tot concertationibus acerrimis,  
 quarum aliquas nos quoque hoc loco memo-  
 ravimus. Ita scilicet affectus viros etiam  
 rudentes in transversum rapit, ut quid di-  
 cant nihil pensi habeant. Antequam finia-  
 mus,

mus, operæ pretium erit, attingi Legationem, quæ Electorum quorundam Imperii atque Principū nomine, promovendæ pacis causa, quæ postea Aquis-Grani conclusa est. anno 1667. ad Regem Christianissimum missa erat. Equidem ambigi potest, Legati fuerint an Ablegati : (*Ambassadeurs ou Envoyez*) nam nfallor Ablegati ab ipsis Dominis habiti sunt in Gallia tamen Rex medium tenuit ; nam quoniam hætenus non erat concessum Electorum Principumque Germaniæ Ministris ut se coram Rege tegerent, ideò Rex eos recepit ipsemet stans detecto capite, ne ipsi tegendi sese occasio vel prætextus esset. Simile apud Reginam temperamentum adhibuitum, ne quis Regem casu stetitisse suspicaretur. Sed & recredentialibus Tabulis missio hæc *Legatio* appellabatur. Illud constat, cū quinque fuerint Plenipotentarii, tres fuisse ab Electoribus, duos à Principibus, neque à Rege Christianissimo distinctionem inter eos factam. Et qui nuper pro Serenissimi Electoris Brandenburgici jure mittendi plures æquali potestate Legatos scripsit, hoc exemplo usus est, quod utique claudicat, si Plenipotentarii isti non Legati sed Ablegati fuere, ipsi enim auctori de Legatis ratiocinari propositum erat. Itaque quoniam ipse alibi innuit, Monasterii discrimen inter Principum atque Electorum Legatos fuisse receptum (quod supra fuisse refutavimus) argumentum hoc in ipsum valebit



lebit, præsertim cum hoc loco dubitare videatur, jure an injuria Principes ab Electoribus distinguantur. Sed verba ipsius adducere pretium operæ erit sunt enim notabilia, quia allegat, nullam inter Electorum atq; Principum Legatos tunc in aula Gallica factam fuisse distinctionem, quamvis eam Minister Cæsareus facere voluerit. Et addit, notum esse, semper Regem Gallix plus honoris Electoribus atq; Principibus imperii exhibere, quàm Cæsar solet. Quæ omnia prorsus ad rem nostram pertinent. Quod vero addit, Ministrum Cæsareum eos discriminaſſe, id, si Ablegati fuere, inane fuit, constat enim Ablegatos Regum Principumque non solere honorum genere distingui; si Legati habiti sunt, non fuit in ejus potestate distinguere eos qui pari jure pro indiviso gaudebant, & collegæ censebantur. Sed hoc misso, verba auctoris hujus adducamus, ita ergo ille: *Considerons seulement, de quelle façon sa Majesté tres - Chrestienne a traitté les cinq Plenipotentiaires, qui luy furent envoyez l' année 1667. de la part de la Mediation, qu'en ce temps - là avoyent entrepris l' Electeur de Brandebourg avec les autres Electeurs, & quelques Princes de l' Empire pour moyenner la paix, la quelle peu après s'ensuivit, & fut conclüe à Aix la Chapelle; le Roy, aussi bien que ses Ministres, n' on fait aucun scrupule de traiter les dits cinq Plenipotentiaires, comme estans envoyés d'un corps, munis d'un mesme pouvoir, & pour*

veus d' un mesme caractere, tous esgalement, sans  
 faire entre eux la moindre distinction, laquelle  
 autrement l' on auroit pû faire avec bien plus de  
 raison & avec plus de pretexte entre ces cinq  
 Plenipotentiaires envoyez de divers Maistres,  
 qu' on ne le scauroit faire entre deux Ambassa-  
 deurs d' un mesme Maistre, pourveus & munis  
 tous deux de mesme pouvoir & de même cara-  
 ctère. Non obstant que le sieur Vica Plenipoten-  
 tiaire de sa Majesté Imp. qui en ce mesme temps  
 fut à la Cour de France fit entre les dits cinq Ple-  
 nipotentiaires non seulement une separation, mais  
 aussi une assez grande & tres-essentielle difference,  
 (soit qu' il l' aye fait avec ou sans fondement) en  
 traittant les trois premiers qui estoient envoyez  
 de la part des Electeurs, tout autrement, que les  
 deux autres qui l' estoient des Princes. Un ex-  
 emple d' autant plus remarquable, qu' il s' est fait  
 en même temps en France à la veüe du Roy & des  
 ses Ministres, sans que ceux cy pour cela l' ayent  
 voulu suivre pour faire entre les dits cinq Ple-  
 nipotentiaires cette distinction là, laquelle y fit le  
 susdit Ministre de l' Empereur. Si les Ambas-  
 sadeurs de France voulussent seulement considerer  
 cet exemple, ils en seroient convaincus, que c' est  
 sans raison, de vouloir faire en ce lieu icy de la di-  
 stinction entre deux Ambassadeurs d' un mesme  
 Maistre, l' Electeur de Brandebourg, pourveus d'  
 un mesme pouvoir & caractere. Et comme  
 il est notoire, outre ce que le dit exemple ve-  
 rifie, que la Majesté Tres Chrestienne a tous  
 jours

ours fait plus de civilité & d'honneur aux Electeurs & aux Princes de l'Empire & de leurs Ministres, que non pas Sa Majesté Imp. qui est-ce, qui le pourra comprendre, que les Ambassadeurs de France refusent sur le congrez icy à ceux de Brandebourg, ce que l'Empereur & ses Ambassadeurs y accordent aux Ambassadeurs dudit Electeur, & qu'ils observent avec eux sans aucune difficulté.

## CAP. LXIII.

*Galli ipsi Neoburgicos Ministros in literis Salvi conductus, Anglico Ministro jam traditis, vocabant Ambassadeurs: sed postea revocavere, sine idonea ratione. Galli professi sunt, se facturos erga Principes idem quod Cæsar. Cæsar verò declaravit, se Principum Ministros agnoscere Legatos cum charactere. Superest dubitatio de quibusdam cæremoniis. Sed quia eas Cæsar concessit Electoribus, non obstante magno inter se & ipsos discrimine, concedet & Principibus, nisi Electores minus sibi subjectos fatetur. Frustra allegatur, Electores non cedere Legatis Regiis domi suæ, at Principes cedere. Nam quidam Electores cessere aliquando, imò & Reges; quidam Principes non cessere. Dubium, an Legatus Regius cedat Principi Condæo, & Johanni Austriaco, à Lionnæo examinatum. Rex putabat, cedere eos debere Condæo, quanto magis ergo nostris Principibus, qui habent Suprematū, non tantum ut ille personalem, sed & rea-*

alem & territorialem. Legati Electoris Saxoniae Osnabrugam venientes Cæsareos & Succos visitavere primi, non expectata visitatione ipsorum. Ergo Electores quoque non semper iure suo usi. Regula de Visitatione novissimi olim incerta ex relatione Grignani, Francisci I. Legati Romæ. Quod attinet ad locum potiore, eum Legatus Brunsvicensis in Deputatione Francofurtensi 1555. ab Episcopo Wormatiensi, Legato Cæsareo habuit. Itaque actus possessorios omnibus modis habemus.

**S**Ed misso hoc ultimo exemplo, quod in controversiam vocari potest, ad superiora redeamus. Nimirum Galli, cum viderent Serenissimum Neoburgicum triennio abhinc sine controversia obtinuisse, ut Legati Regii Legatos ejus *Excellentie* appellatione cæterisque solennibus honorarent, neque negare possent, Episcopum de Beziers, mox Archiepiscopum Tolosanum, hodie Narbonensem, Cardinalem Bonzium, & novissimè, bienio abhinc, Episcopum Massiliensem, Cardinalem designatum, in re manifesta manus dedisse, perplexi satis erant. Quoniam enim professi erant, se possessioni simpliciter insistere velle, & jus Legationis Lotharingi agnoscere, si exempla Gallica afferre posset, ideo cogebantur & Neoburgico concedere, quod illum per ipsos Gallicos Ministros habuisse, novissimo exemplo constabat. Itaque in tabulis



bulis fidei publicæ sive Salvi Conductus pro Ministris Neoburgici scriptis, quas Legatō Anglico Mediatori jam in manus consignaverant Galli, nomen Legatorum (*des Ambassadeurs*) expressum erat. Et fama erat, eos Neoburgicum à cæteris Principibus, Brandenburgicum à cæteris Electoribus separare velle: sed uti posteriores cogitationes solent esse sapientiores, animadverterunt Galli, quàm absurdum futurum esset, si eos, qui omni jure ac propria confessione æquales erant, inepta argutatione distinguere conarentur; itaque declaravere idem cæteris Electoribus, quod Brandenburgico, idem cæteris Principibus quod Neoburgico jus fore, nec aliud remedium erroris admissi invenère, quàm ut Literas Salvi Conductus Neoburgicis destinatas, quæ casu adhuc apud Mediatorem Templum reperiiebantur, revocarent; quasi vocabulum *Ambassadeurs* negligentia scribentium irrepsisset. Quæ excusatio omnibus aliena visa est, quoniam constabat, Gallos paulo antè in hoc ipso nomine concedendo difficillimos se præbuisse, neque Lotharingo quicquam indulsisse. Quare si juris rigore cum ipsis agendum est, causam vincimus: nam facti sunt, Neoburgicum in possessione esse, & possessionem habenti jus deberi. (quoniam ex hoc capite literis nomen Ambasciatorum inferere;) Porro facti sunt quoque, qui in eadem causa sunt, eos pari honore frui debere. (quia

literas

literas Neoburgicis destinatas revocavere, ne  
 cæteris quoque Principibus concedere coge-  
 rentur ) Itaque si primo suo iudicio stabunt &  
 parte postremi , jus Legatorum in cæteris  
 quoque Principibus Neoburgico non inferio-  
 ribus agnoscere non detractabunt. Præterea  
 Galli testati sunt, se quod Cæsar Principibus  
 Germaniæ indulgeret , non recusaturos.  
 Atqui Cæsar professus est, jus ipsis esse mit-  
 tendi Ambasciatores cū repræsentatio cha-  
 ractere, neque id à se in controversiam vocari,  
 quod hætenus Galli fecêre. Tantùm circa  
 cæremoniarum minutias à Ministris Cæsaris  
 dubitatum est. Sed hoc quoque, quod restat  
 controversiæ , facilè compositum iri credo :  
 nam constat, non minus submissionem ab E-  
 lectoribus, quàm à cæteris Principibus Cæ-  
 sari deberi ; nihilominus Cæsar Electorum  
 Legatis *Excellentiam*, & *Visitationes*, & *Locum*  
*visitantibus honoratiorem* indulgit. Quare  
 non habet, cur Principibus difficiliorem se  
 præbeat, nisi Electores sibi minùs subiectos  
 fateatur. Et frustra sunt, qui allegant, olim  
 Cæsareis Regiisque Legatis Principes cessisse  
 domi suæ, non verò Electores, ut scilicet di-  
 scrimen aliquod undecunque exsculpant :  
 utrumque enim aliquando falsum est. Nam  
 multis exemplis constat, aliquando Principes  
 non cessisse domi suæ Legatis Regiis, & con-  
 tra aliquando Electores ipsis cessisse. Con-  
 suli potest exhibita supra historialtineris Da-  
 nielis

nielis Eremitæ, cum Legato Florentino. Et Elector Saxonie aliquando nuntio Gallico (ne Ablegatum quidem professo) in mensa sua cecit; & Rex ipse Danie Legatos Cæsareum & Regium sibi aliquando anteposuit. Idem indulgit aliquando Hetrurie Dux Legato Hispanico, cujus exemplū supra adduximus. Archi-Episcopus Ambrunius, Legatus Regis Christianissimi ad Catholicum Regē aliquando cecit Johanni Austriaco in ipsa Johannis Austriaci domo, quod tamen Cæsareus Legatus facere noluerat. Ideo etiam Ambrunius à Lyonnæo reprehensus est, vel ideo quòd constaret, Hollisium Anglum, & Legatum Venetum Principi Condæo ne in loco quidem tertio cedere voluisse; quæ demonstrant quàm ambigua sint hæc omnia. Sed operæ pretium est, adducere ipsa Lyonnæi verba scribentis Regi suo, sumpta ex scriptis quibusdam penultimo bello Belgico interceptis. Sic ergo ille: *Je voy par la derniere depêche de Monsieur l' Archevêque d' Ambrun, qu' il a fait une tres-grande faute d' avoir visité Don Jean d' Autriche, sans avoir eu la main droite chez luy, l' Ambassadeur mesme de l' Empereur ne l' a pas voulu faire, ny luy en montrer l' exemple, Et ledit Seigneur Archevesque se laisse vilainement duper sur trois fondemens faux. Car je ne crois pas, qu' il soit vray, comme ledit Archevesque le mande, que Don Jean d' Autriche ayt precedé en Flandres l' Archi-Duc Leopold, ny que Don Jean ayt precedé*

precedé en lieu tiers Monseigneur le Prince, & que Monseigneur le Prince ne donne pas icy la main chez luy aux Ambassadeurs des testes Couronnées. Un Ambassadeur de France ne doit point demeurer d' accord de cette pretention Chimerique, que ce Prince tienne le rang des enfans de Castille: & ledit Archevesque n' a peu vivre avec Don Jean, que comme le Marquis de la Fuente auroit vescu icy avec Monsieur de Vendosme, qu'il pretendroit mesme preceder en lieu tiers. Nous avons veu Monsr. Hollis & l' Ambassadeur de Venise ne vouloir pas se trouver avec Monseigneur le Prince, pour ne luy pas ceder. Cependant Monsieur d' Ambrun va chez Don Jean, qui est d' une condition inferieure à celle de Monseigneur le Prince, & chez luy mesme luy cede la main. Il n' y a plus d' autre remede à une chose faite, si ce n' est qu' afin que les Espagnols n' ayent pas sujet de se mocquer du Roy, & de ceux qui ont l' honneur de le servir, comme ils se seront mocquez dudit Archevesque, sa Majesté mande à celuy-cy qu' elle a fort desapprouvé sa conduite en cette occasion, & luy en dit les raisons, & qu' après elle luy ordonne de faire entendre dans Madrid, qu' il a receu des deffences de plus visiter Don Jean, s' il ne luy donne la main dans la maison, & mesme qu' il a ordre de ne luy pas ceder en lieu tiers. Comme les Ambassadeurs des testes Couronnées ne veulent pas ceder icy à Monseigneur le Prince, qui doit bien tenir un plus grand poste qu' un fils naturel d' un Roy. Rex Lyonnæo ita respondit:



it: le Roy approuve tout cecy, pourveu qu'on  
 ne parle point de la difficulté, que font les Ambassa-  
 deurs de ceder à Monseigneur le Prince, laquelle  
 ne faut pas autoriser. Quod si ergo Rex Le-  
 gatos Regios vult cedere Principi Condæo,  
 poteritne velle ut præcedant Principes Ger-  
 manix, qui habent Suprematum & realem &  
 personalem? cùm Condæus tantum persona-  
 lem habeat. Etcertè Italiæ Duces Legato Re-  
 gio nec Domi suæ cedunt. Eodemque jure  
 si sunt, Bavarus nondum Elector, & Neobur-  
 gicus, alii que apud nos Principes: quod pau-  
 cis ex Collectaneis de Legatorum jure Galli-  
 is versatissimi in his rebus viri, docere ope-  
 æ pretium erit. Ita ergo ille: L'an 1635. les  
 Estats envoyèrent Gaspar de Vorbergue en quali-  
 té d' Ambassadeur à l' Electeur de Cologne, à l'  
 Evêque d' Osnabrug, & au Duc de Neubourg. Le  
 Duc receut l' Ambassadeur dans l' Antichambre,  
 & le mena à la chambre, où il luy devoit donner  
 audience, prenant tousjours la main & le pas sur  
 luy. En se mettant à table, le Duc prit la premie-  
 re place, & fit témoigner à l' Ambassadeur, qu'il  
 ne l'avoit jamais donnée à l' Ambassadeur des  
 provinces Unies; qu'il avoit traité de même fa-  
 çon le Comte de Grimbergue que l' Infante luy  
 avoit envoyé, & que mesme chez luy il ne cedit  
 point la main au Nonce ny aux Ambassadeurs de  
 la maison de' Autriche, mais seulement à celui  
 du Roy d' Espagne: [irregularité manifeste,  
 mais sans doute purement arbitraire] qu'il  
 ne se

ne se trouveroit pas, qu' aucun des Electeurs sur le Rhin l' eust fait : qu' ils estoient un peu plus pondusuels & difficiles au sujet des ceremonies, que les Electeurs de Saxe, & de Brandebourg. L' auteur adjoûte cecy : Le Duc avoit raison en ce qu' il pouvoit prendre chez luy les mesmes avantages, que les Ducs de Savoye & de Mantouë & le Grand Duc se donnent chez eux sur les Ambassadeurs : mais je ne sçay pas, s' il se pouvoit mettre en parallele avec le Electeurs. [pourquoy non en cecy, puisque les Ambassadeurs de Savoye, de Mantouë & de Florence font la même chose. ] Ce que le Duc de Neubourg dit, que les ceremonies sont mieux réglées dans les Cours, qui sont plus voisines de la France & de l' Italie, est tres vray. La Cour de Dresde a tousjours eu ses maximes particulieres. Au congrez de Westphalie les Plenipotentiaires de France ne negotioient pas immediatement avec ceux de l' Electeur de Saxe, parce que ceux cy ne voulant point donner le tiltre de Majesté au Roy, on ne leur vouloit point donner celuy d' Excellence, ny le Roy ne donnoit point à leur Maistre la qualité de frere, comme aux autres Electeurs seculiers. Les Plenipotentiaires de l' Electeur estant arrivés à Osnabrug n' attendirent pas la premiere visite de ceux de l' Empereur, mais ils la previnrent : c' est pourquoy les Ambassadeurs de Suede pretendoient le même avantage, & l' obtinrent enfin, après une longue & tres sacheuse contestation. Pour faire voir, qu'à la

la Cour de Dresde on ne s'arreste pas beaucoup  
 sur la punctualitez des ceremonies; je ne marqueray  
 y qu'un seul exemple. En l'an 1632. le Roy  
 de France y envoya le fils d'un Medecin de  
 Metz nommé la Grange aux Ormes, sans au-  
 cune qualité que de celle de porteur de lettre.  
 L'Electeur ne laissa pas de le recevoir avec  
 les mesmes honneurs, qu'il auroit pû faire à  
 son Ambassadeur; le faisant laver le premier,  
 & luy faisant prendre la premiere place à sa  
 table. J'ay veu des Princes d'Allemagne don-  
 ner aux Ambassadeurs des Electeurs la place  
 d'honneur par tout, dans le Carosse, à la table,  
 & ailleurs. Mais c'est ce qu'ils ne devoient  
 pas faire à l'Ambassadeur du plus grand Roy de la  
 Chrestienté; puisque le Duc de Baviere mesmes,  
 avant qu'il fust Electeur, ne le faisoit point, &  
 les Ducs de Savoye, de Lorraine & de Mantoue  
 ne le font point encore. Ces Princes ne font point  
 de distinction entre le Ministre & celui qui l'en-  
 voye; & de l'autre costé ces Ambassadeurs oublient  
 qu'ils sont, & s'imaginent qu'ils sont Princes  
 en effect. Le Roy de Dannemark mariant  
 son Prince son fils à la troisième fille de l'Ele-  
 ctur de Saxe en l'an 1634. fit des honneurs  
 si grands aux Ambassadeurs de l'Empereur &  
 de France; que je ne sçay comment les repre-  
 sentans osèrent les recevoir. Après la be-  
 nediction du mariage le Roy & les trois Prin-  
 ces qui avoyent conduit le marié & la mariée,  
 prirent les premieres places, mais l'Electrice

de Saxe, mere de la mariée, fut placée après les Ambassadeurs. Le Roy ne se trouva point au souper, où les mesmes Ambassadeurs eurent les chaises immédiatement après celles des mariés, devant celles de tous les Princes & de toutes les Princesses. Au souper du troisième jour les Ambassadeurs furent placés les premiers devant les nouveaux mariez; & au Ballet, qui se dança ensuite, Le Roy mesme prit la quatrième place après les trois Ambassadeurs. Trois ou quatre jours après se fit le mariage du Comte Pens, avec une des filles naturelles du Roy, où les Ambassadeurs de l'Empereur & de France conduisirent le marié le Roy & celui de Pologne la mariée. Au carouzel, qui se fit le Dimanche suivant, le Roy prit encore place après les Ambassadeurs. Les Roys & les Souverains, qui en usent de cette façon, ne connoissent pas la qualité de leur Caractere, qui est tellement au dessus du reste des hommes, qu'il n'y a point de civilité, qui le puisse obliger de céder à qui que ce soit, si non leurs semblables. *Expendi hæc merentur, ut appareat, quàm parum in his, ut videri possit minutiis exacti tuerint Reges Septentrionale & Germaniæ Electores ac Principes; ne scilicet impofterum illis nimia facilitas exprobetur. Postquam enim Rex Legatum, Elector vix Ablegatum Regium sibi anteposuit, quid alios fecisse credemus? Ignorantiâ haud dubiè aut neglectu cæremoniarum, quæ apud*

extero



exteros vigent. Nec amplius mirabimur, quod Principum Ministri novissimè venientes aliquando visitationibus non expectatis ad alios Legatos ivêre, quoniam Regulam de novissimè veniente primum visitando, novam apud Germanos fuisse, ex eo, quod Electoris Saxonix Legati fecere, constat; certè superiore seculo parum cognitam fuisse, intelligi vel ex eo potest, quod *Grignanus* Legatus Francisci I. apud Papam ad Comitem stabuli Memorantium scribit, se Imperatoris Legatum sibi novissimè venienti, visitationem primam minantem, prævenire voluisse, sed frustra: Venisse enim Imperatoris Legatum, antequam ipse egredi domo potuerat. Talia ergo olim parum fuêre stabilita. Idem est de honoratione loco vel incessu, quem Legatus apud se Legato hodie debet, nullo mittentium discrimine; modo suprematum habeant; cum olim hæc civilitatis potius quàm juris essent. Hoc autem semel recepto, Principes nostri Legatis suis dudum injunxêre, ut eâdem qua cæteri conditione utantur. Idque ab ipsis jure fieri, Illustri admodum exemplo agnitum est à Cæsarianis, quod mihi à Magni Principis Ministro transmissum bona fide huc adducam. Nimirum anno 1655. ad Francofurtensem Deputationem convenerant complurium Principum Legati sive Ministri. Caput Legationis Cæsareæ sive primus Commissarius erat Reverendissimus Episcopus

Wormatiensis, Sacri Imperii Princeps ; ad hunc cū die 6. Septembris invississet Legatus sive Minister Brunsvicensis Polycarpus Heiland, primi gradus sive manus passusque honorem in domo ejus habuit ; quod ut pateat clariùs, verba relationis ab ipso ad Dominum transmissæ exhibere, operæ pretium erit.

## 6. S E P T E M B R I S.

[ Bin ich zu gesagter Stunde nemlich um 10. Uhr nach denen Herrn Kayserslichen gefahren/ an statt dessen aber, daß ich vernimmet/ es würde die Kaysersliche Gesandtschaft beyammen seyn/ hab ich doch nur all in deß Herrn Bischoffs zu Worms Fürstliche Gnaden in der Rhum- Probstei angetroffen/ welcher dann in respect deß Fürstlichen Hauses mir große Ehre angethan / und mit entblößetem Haupt mir an die äußerste Pforte entgegen kommen / mir auch im Eintreten in das Haus Anti- camera, und Audienz- Gemach den Vortritt g lassen ; mich gegen dero übergesetzt, &c. Nach gemelter Conferenz haben seine Fürstliche Gnaden mich wider biß in den Hoff begleitet / und wie bey dem Eingehen geschehen den Vortritt mir allemahl g lassen &c. ] Nec veroputandum est, hoc indulgentia quadam vel facilitate factum, cū eo ipso tempore jam cum Electoralibus recruduisset contentio de *Excellentia*, quam ab eodem Wormatiensi Episcopo Electorales frustra postulabant.

## CAP. LXIV.

*ture & possessione probatis: suasoria paucis attinguntur. Caesar quemadmodum errorem veterem deposuit de Comitibus ejus potestati damnosis, ita hunc credo exuet, quod Electoribus potius quam Principibus favere debeat. Electoribus salva manebit prerogativa, si obtinere possunt, ut Ministri ipsorum velut Veneti seu Regii tractentur, modo nostri tractentur ut Ducales, Sabaudi & Florentini, quod ipsi met Electores procurare debent: sic enim facilius persuadebunt, se Regibus æquari; si Principes, quibus ipsi dignitate præstant, Ducibus liberis æquantur. Idem ad honorem Imperii pertinet.*

**A**Tque hæc jam exempla sufficient credo, ut appareat, magnos Germaniæ Principes plenum Legationis jus non habuisse tantum, sed & exercuisse. Non dubito, quin innumera alia adducere posset cui passim in Archiva aditus pateret. Ego pauca, & non nisi ea quæ sese obiter quærenti primo obtutu objecere, attuli, sed memorabilia satis, & ad evincendos actus possessorios valitura. Quibus tamen actibus, supra demonstratum, non esse opus ad possessionem, quoniam quæ meræ sunt facultatis, & cuique ex natura dignitatis suæ cæterorum exemplo competunt;

ipso jure possidentur; & in ipsius arbitrio est, exercere ubi commodum erit. Nunc autem in primis jus urgendum est, postquam res in controversiam deduci cœpit; nam etiam quæ meræ sunt facultatis, amitti possunt, si tunc omittantur; quemadmodum apud Juris consultos ex Servitutum constitutione patet. Nec verò dubito, quin manifestæ æquitati locum daturi sint Cæsar & Rex Christianissimus, & cæteri Reges aut Suprematum habentes. Nam quod *Cæsarem* attinet, falluntur, quicunque nescio quas Austriacorum consiliorum nœnias veteres repetentes credunt, interesse Cæsaris, ut Electores unicè colat, cæteris insuper habitis. Esto ita: fuerint tempora, quibus è re videbatur plus solito indulgere Electoribus, sunt tamen eruntve alia quoque, ubi non minor magnorum Principum habenda ratio videbitur. Neque enim quotidie Romanorum Reges creantur. Nam quod ad Imperii administrationem attinet, non habet Cæsar, cur se potissimum applicet Electoribus, imò contra ipsius interest, servari æquilibrium, quod ipse adjecto calculo suo in utramvis partem inclinare possit. Oligarchiam, seu paucorum Dominatum, odia parere constat ex regimine Ferdinandi II. qui Electores tantum audiebat. Sapientius facit Leopoldus, qui omnibus æquum sese ac popularem ostendit, quæ est vera ad amorem, imò & ad potentiam via. Nimirum exiit ille veteris erroris



ris præjudicium, quo Cæsares imbuti Comi-  
 moderant, velut potestatis suæ frænum ; nam  
 contra felici hodie experimento constitit ,  
 Cæsari sapienti & iusta tantum affectanti ,  
 Comitia potentia instrumentum esse. Ulti-  
 est, omnes consulere omnibus consulenti.  
 nò nunquam rectius neque augustius appa-  
 t autoritas Cæsaris, quã in hoc Theatro. Post-  
 tã ergo depositus est capitalis error, qui Cæsa-  
 s à Comitibus averterat , credo & alterum  
 m ipso exstirpatum, qui à Principibus ad E-  
 ctiores omnia referebat. Tum demum ex-  
 nctis odiis atque simultatibus vera Imperio  
 tranquillitas redibit , cum unusquisque intra  
 mites concessæ potestatis se tenebit, & cum  
 toritas cuique erit pro modo facultatum  
 que onerum ; quod secus fit , iniquum nec  
 urabile est. Electores plerique agnoscunt  
 toritatem suam pace Imperii inprimis stare.  
 aque simultates vitabunt paci inimicas , nec  
 os audient qui soli in turbido piscantur.  
 acem autem cum nomino , non externam,  
 ed domesticam intelligo. Nam cuius hîsti  
 ares sumus, si domi pacem habemus. Sed  
 egredior in alienum à meo argumentum :  
 eque enim hoc loco suasoriam scribimus ;  
 ed, ut ita dicam, in judiciali genere versamur ;  
 ec quid intersit , sed quid iustum sit, tracta-  
 us. Præterea etsi fortasse de Republica  
 ec pauca , nec contemnenda, nec omnino  
 iena dici possent , ea tamen hoc loco pro-

ducere, prostituere esset. Cæterum nihil mihi excidere, spero, passus sum, quod Electoribus grave esse possit. Imò contrà ipsis pariter ac cæteris Germaniæ Principibus magnis, Suprematum asserui multo apparatu, & fortè majore soliditate, quàm hactenus quisquam, salva Cæsaris Majestate. Nec video quid decedat Electoribus, si quos æque liberos ipsi fatentur, æquo libertatis sive Suprematus jure utantur. Imò, qua sunt sapientiâ, libenter concordiam publicam omniumque amorem rediment tantilla facilitate. Et ad honorem Germaniæ pertinere fatebuntur, ut magni ejus Principes exteris, nihilo potentioribus, non inferiores censeantur. Cur enim in illis ægre ferant, quæ in Parmensi aut Mutinensi tolerantur. Sed non est, cur de optimo eorum animo dubitemus; nam & qui nuper pro ipsis scripsere testati sunt, nunquam in mentem venisse Electoribus, ut cæterorum Principum honoribus obstaculo essent. Imò contrà, quanto Principum aliorum dignitas testatior, tantò ipsorum prærogativa eminentior erit. Nam sint, si videtur, Electores Regibus pares, eodem cum Venetis honore fruantur, in Sala Regia Romæ, & in Sacello locum inter Legatos Regios habeant; Legati eorum tali introitu excipiantur, qualis à Regiis fieri solet. Nostris Principibus sufficit, inter Duces Serenissimos, sive Suprematum habentes, locum tueri, & quic-

quid

quid Florentinus, Sabaudus, Mutinensis, aut Parmensis obtinuere, sibi vindicare. In quo nihil Electoribus decedit. Imò facilius Electores se Venetis id est Regibus æquales, orbi persuadebunt, si Principes nostri, quos sine controversia antecunt dignitate, Florentino ac Sabaudò comparentur. Satis enim magnum hætenus intervallum inter Venetos & Florentinos, id est Regem ac Ducem, constituit usus, ut adeò Electorem paris à magno aliquo Germaniæ Principe discriminis pudere non debeat. Nec video, quomodo ipsis offerri à nobis honorificentiores Concordiæ conditiones possint: itaque sibi ipsis proderunt, si nobis laborabunt. Et, si quod ex usu suo est intelligunt, (quod de tantis Principibus in dubium vocari non debet,) suis Ministris in mandatis dabunt, ut *Excellentiam* nostrorum, & cæteras Characteris consequentias primi agnoscant. Vicissim nostri Principes eundem Electoralibus, quem Regiis Venetisque honorem spondebunt. Quo transactionis genere neuter perdet; ambo lucrabuntur, ac suo pariter atque Imperii honori utraque pars velificabitur.

## CAP. LXV.

*Hispanis eadem quæ Cesareis rationes esse debent.*

*Cesarei non alia magis ratione difficiliore Noviomagii fuere, quam quod nondum cum Cesare Principes ea de re, ut fecerat Brande-*

*burgicus, tractaverant, ut patet ex relatione Beverningii. Testimonium pro Principibus ex autore, qui pro Electoribus scripsit.*

**D**E Hispanis non est cur separatim dicam, quia easdem ipsis cum Cæsare rationes esse, aut certè esse debere arbitror. Tantùm annoto, Governatorem Generalem Belgii Regii, qui in his rebus plena potestate utitur, promptitudinem suam prolixè testatum esse. Sed & Cæsarei professi sunt Noviomagi, ex Domini mandato, agnituros se in Principum nostrorum Ministris Legatorum Characterem. Tantùm circa cæremonias nondum conventum, quia nec tractatum est, quod ipsi Cæsarei satis insinuavêre verbis, ex quibus judicari possit, plura, quàm quidam suspicati sunt, concessuros, si, ut par est, cum hoc ipso Cæsare hac de re (Brandenburgici exemplo) tractetur. Apparet hoc ex Beverningii relatione, qui cùm ex Sententia Ordinum pro Ministrorum Neoburgicorum, Lunæburgicorū, ac Lotharingorū jure apud Mediatōres, cæterosque Ministros Fœderatos egisset; hoc à Mediatoribus Regis Magnæ Britanniae Legatis, & postea à Cæsareis quoque responsum tulit: Mediatōres cum Legatis Regis Christianissimi contulisse, & Principum supradictorum causa officia sua interposuisse, sed responsi loco duas à Legatis Gallis quæstiones retulisse, unam, an allegata eorum

Princi-



Principum jura tātū à Fœderatis Ordinibus, an verò & à cæteris Fœderatis; Cæsare, Rege Catholico, Rege Daniæ, sustinerentur; alteram, an ipsi Mediatores hoc velut Mediatores, an verò velut Legati Regis Magnæ Britanniæurgerent. Denique Gallos declarasse, etsi in suo Archivo vestigia hujus Principum juris nulla reperissent, [hoc quàm rectè dicatur, ex his judicari potest, quæ exemplis ac rationibus demonstravimus] se tamen cæterarum Potestatum Christianarum sententiæ non obstaculos. Hoc fuit Gallorum responsum. At Comes Kinskus Cæsareus Legatus hæc duo, cur assentiri nondum posset, allegavit; quòd scilicet nec dum apud Cæsarem ea de re essent Serenissimi Principes, deinde quod Cæsarem certum esse oporteat, Gallos exemplum secuturos. Verba Beverningii ita Dominis suis referentis, Belgicè, uti concepta sunt, exhibere operæ pretium erit: Maerwy hebben tot noch toe het ongeluck gehad, dat den Heere Grave Kinsky daer toe niet heeft kunnen werden gedisponeert, hebben de sijne Negative daerop gefondeert, datter en sijne Keyserlicke Majesteyt niet en werdt geveghet, noch yets aen deselve versocht, ende datter geene redenen en waren, waer om deselve sich voor af soude verklaren onder verseeckert te zijn, dat den Koningh van Vranckrijck daer aen by gevolge soude refereren, &c. Hæc Beverningius, 22. Febr.

4. Mart.

4. Mart. hujus anni 1677. Unde intelligi potest, Cæsarem meritò voluisse ac debuisse rogari exemplo Brandenburgici ; de reliquo autem jus nostrum plerisque indubitabile videri, etsi alter alterius declarationem expectet. Quod ut appareat clariùs, libet illius ipsius verba adducere, qui Dissertationem sub titulo : *Lettre d' un des interessé*, &c. pro Electorum prærogativa edidit. Ille professus, Electores dignitati Principum, & nominatim Juris Legationis non obstare, subjicit pag. 38. & seqq. [Je m'étonne grâdemment, que les Princes dans l'estat, & confidez qu' ils sont, & où leur superiorité n'est contestée de personne, agissent neantmoins tout de mesme, comme si la dite leur superiorité estoit douteuse, & que la France en fust l' arbitre & le maistre. Ils pourroient en tout cas soustenir à tres-bonne raison, comme je vois, que là où un Prince de son propre chef peut envoyer ou employer un Envoyé avec plein pouvoir dans un congrés, comme est celui de Nimwegen pour traiter la paix, il y pourra envoyer aussi un Ambassadeur, sans qu' il aye besoin d' en demander ou de tirer la permission ou l' autorisation des passeports du Roy de France, puis qu' il n' y a point d' autre difference, que je sçache, entre un Ambassadeur & un Envoyé Plenipotentiaire d' un mesme Maistre, si non les frays & la parade, que l' un est obligé de faire plus que l' autre. Les Princes feroient certes,

certes, à mon petit avis, beaucoup mieux, de separer soigneusement leur interest & celui de l' Empire d' avec l' interest de la France, & de se tenir sur leurs gardes, sans donner lieu à des propositions si suspectes, comme toutes celles, qui en viennent, & qui n' ont rien de bon & de solide qu' en apparence. Pourquoy donc s'attacher aux desirs passionnés de cette nation capables de les ruiner de fonds en comble ? Ils ne s'en devroient point mettre en peine, quel Passeport la France leur voudroit donner, pourveu que leurs Ministres y trouvaissent leur seureté, pour aller à Nimweguen, & en retourner librement, & qu' on ne leur y ostât rien de leurs droits de Supériorité ; Ils pourroient en tout cas donner des Passeports en mesme forme aux Plenipotentiaires François, qu' ils en recevront. Ils pourroient envoyer leurs Ministres avec un tel Caractere au congrés, qu' ils trouveront bon. Et si la France voudra faire difficulté d' accepter leurs Plenipotentiaires en telle qualité qu' ils les envoient, ou ne leur faire l' honneur qui leur appartient ; Il ne tiendra qu' à eux de n' accepter non plus les pouvoirs du Roy Tres Chrestien, & de traiter ses Plenipotentiaires de mesme qu' ils traiteront les leurs. en attendant ce qui en deviendra, ils pourroient estre asseurez, que l' Empereur & les Electeurs les y assisteront, si les François leur voudroient refuser ce qui leur est deu, si bien,

bien que les François n'y trouveroient nullement leur compte.] Ubi, ut obiter dicam, in eo errat, quod Legatus ab A legato non putat differre nisi sumptu & pompa, cum differant qualitate dignitatis, & Characterere repræsentatio. Sed satis est, eum probare jus Legationis Principum; eosque hortari, ut non expectatis Gallorum Salvi Conductus tabulis suo jure utantur, & recusantes Gallos eodem planè modo tractent, quo ipsorum Ministros tractabunt.

## CAP. LXVI.

*Ejusdem confessio de splendore quorundam Principum & magnitudine. Objectio, quod nimia multitudo exiguum Principum, Comitum, Civitatum magnis Principibus noceat. Responsio facilis ex superioribus, quod non nisi Serenissimi Principes, qui subinde armis & fœderibus sibi auctoritatem faciunt, Suprematum exerceant. Talium autem nunquam magnus nimis est numerus in Mundo.*

**I**Dem tamen autor paulo ante nonnulla dignitati Principum objecerat, quæ discuti merentur. Ita enim habet pag. 36. [Il est vray, si nous voulons regarder l'ancienneté, la splendeur, le lustre & la puissance des familles d' aucuns des Princes de l' Empire, dont quelques-uns sont issus mesme des maisons Electorales; qu'on en trouvera parmy eux, qui sont tres-considerables, & où il n'y a rien



y a rien à redire, mais il faudra avoüer aussi, si les dits Princes voulussent pour cela introduire cette nouveauté dans l' Empire, que de s'esgaler & parifier aux Electeurs, qu'il n'y auroit point d'Evesque d'Allemagne si petit, n'y aucun Prince si nouvellement receu, & si peu considerable, qu'il puisse estre, se trouvant aux Assemblées & diètes de l'Empire avec les susdits Princes, & y jouïssant avec eux du droit de suffrage, lequel ne voudroit marcher avec eux sur le mesme pas: ce que les dits Princes trouveroient pourtant sans toute bien ridicule. Et si les Princes voudroient fonder leur pretension (d'estre autant, que les Electeurs) sur leurs droits territoriaux & de superiorité, ne feroient-ils pas obligez d'avoüer, (ce que neantmoins seroit encore beaucoup plus estrange) que les Prelats, les Comtes, les Barons & les Villes Imperiales, qui ont aussi bien des droits territoriaux, pourroient pretendre avec eux tout le mesme. Si bien, que dans l' Empire il n'y auroit plus de Regle, ny d'ordre, ny aucune mesure à prendre.] Hoc ideò adduxi, quia scio, etiam exteros quosdam hoc phantasmate nimix Regulorum ac Rerum publicarum in Germania multitudinis terreri. Sed præterquam quòd non sunt tot in Germania Domus Serenissimæ, quot Romæ reperiuntur Cardinales, (qui tamen cum Electoribus contendunt) nec numerus Germanicarum  
 usque

usque adeo magno excessu Italicas vincit; Hoc, inquam, misso, considerandum est, Principes nostros non niti jure superioritatis Territorialis, sed Suprematus; quem non nisi pauci in Mundo exercent; illi scilicet, qui exercitum extra fines suos ducere, armisque & fœderibus plurimum ad summam rerum cōferre possunt, quod Serenissimis Germaniæ domibus competit. Horum ergo Ministros congressibus pleno jure & honore intervenire æquum est, quoniam de jure gentium seu belli ac pacis non minus ac alii participant. Et si hoc ipsis negaretur, fieri posset, ut congressus animos exacerbaret magis, quàm pacem promoveret; nam omne contemptûs signum erga potentes periculosum, & ideo paci, primo juris gentium scopo, contrarium est; Cum inter omnes Suprematu gaudentes quandam velut Societatem & quodammodo æqualitatem natura constituerit, & jus gentium pacis causa exigat, ut supra multis ostendi. Quæ omnia cessant in illis, qui solam habent superioritatem territorialem, ut pluri in Germania & alibi Dynastæ, (qui aliquando Principum nomen ferunt) & urbes Imperiales, & Principes aliqui noviter creati. Sed difficultatem motam non miror, quia nullus scriptorum hæcenus discrimina ista distinctè satis explicavit.

## CAP. LXVII.

*Suasoria ad Gallos, & alios exteros. Sueci sunt in Collegio Principum. Coronæ Principibus favere antea visa. Si Rex Christianissimus nostros Ministros distinguit ab Italis, nostri eum à Cesare essentialiter distinguunt. Plus honoris nostris debetur ab exteris quàm à Cesare. Galli Sabaudis & Mätuanis dedere Excellentiam, nō Cesarei. Cesarei nobis Jus Legati seu Ambasciatoris concessere, & Galli gratiam absoluti negotiū inibunt à nobis, si re concessa, etiam ceremonialia velut consequentias addent. Galli æquè cum nostris ac Italis fœdera utilia & efficacia ineunt. Si nostri talibus olim institissent ut Itali, ea dudum obtinuissent. Paucis abhinc annis credo Principes nostros omnia sine controversia habituros, quæ alii, & vereor ne tunc scriptum hoc meum nugax & in re clara superfluum, habeatur.*

**P**orro cum ex his pateat tantum superesse, ut publica confessio manifestissimi juris nostri habeatur; idcō in rem istam apud Imperatorem, Hispanum, Electores, quæ diximus; apud Gallos verò & apud Suecos quæ dicemus, urgeantur; Sueci in Collegio Principum locum habent, Galli monebuntur primum, Imperatorem & Regem Catholicum jam partem itineris confecisse agnita Legati qualitate, ipsos verò gratiam absolvendi habituros, si re concessa etiam annexa ceremonialia

lia nostris deberi profiteantur. Nec exemplo Imperatoris ( à quo tamen nostri eadem quæ Italis Imperii Principibus conceduntur, expectant ) præfractè adeò Regem Christianissimum insistere debere , nisi velit inter ipsum quoque & Imperatorem à nobis essentielle dignitatis , & in Legatis characteris , fieri discrimen. Præsertim cum Galli Monasterii Sabaudis & Mantuanis *Excellentiam* à Cæsareis negatam dederint , & Principibus quoque Imperii plus semper honoris à Rege Christianissimo quàm ab Imperatore sit habitum : certè Paterfamilias suos propinquos ( quales quodammodo respectu Cæsaris sunt Imperii Ordines, ) familiarius tractat quàm ab exteris fieri deceret , & rectè ait autor *de la lettre d' un des intéressé*, qui pro Electorum prærogativa scripsit pag. 30 [ Les Roys de France ont de tout temps accordé & exhibé aux Princes d' Allemagne beaucoup plus d' honneur & de civilité, que non pas les Empereurs qui en sont reconnus comme Chefs de l' Empire. Le Roy Tres-Chrestien trouveroit aussi sans doute bien estrange, si l' Empereur ou quelque autre Roy ou Potentat voudroit entreprendre de traiter un frere du Roy, un Prince de Condé, &c. de la façon que le dit Roy Tres-Crestien les traite. ] Adde possunt quæ iisdem pene verbis supra adduximus ex autore libelli : [ *Denoïement de la question, &c.* ] qui æqualitatem duorum Electo-



ris Brandenburgici Legatorum asserit; & placuit quod alibi observatum vidi his verbis : [ il seroit en quelque façon contre la justice du Roy tres-Chrestien de s'en vouloir rapporter à l'Empereur aux choses qui peuvent prejudicier à l'estat des Princes, ne le suivant pas en des choses favorables; étant connu, que l'Empereur écrivant aux Princes d'Allemagne leur donne la *Serenité*, & se souscrit avec courtoisie; ce que le Roy ne fait pas. ] Constat autem, semper Regem Christianissimum fuisse professum curæ sibi Principum libertatem atque honorem esse, in Monasteriensî pace id egisse, ut publica Imperii lege condita jus quod ipsis dudum competeat fœderum, Legationum, belli & pacis, verbo Suprematus, publica declaratione constaret. Rectè facturum Regem, si Beneficium suum integrum esse velit, ne quod una manu dedit, altera adimat. Suprematui enim dignitatem & honores connecti, qui Ministris, caractere utentibus, sine controversia conceduntur. Denique si Regi justum videtur, cum nostris Principibus æque ac cum Italis fœdera inire, justum etiam ipsi videri debere, in utrisque æqualiter agnoscere liberi Principis notas. Et scire velim, quo denique colore rationis Parmensem aut Mutinensem anteferant nostris, quos paulo plus aliquando posse ad summam rerum, nî fallor, constat. Promptiores fuere nostri in concedendo Regi titulo

Majestatis, nec vicissim (ut Electores fecêre) stipulati sunt, quæ sibi deberi dudum arbitrabantur; an ergo æquum erit, hanc facilitatem ingenuam ipsis præjudicio esse; cùm contra ad generositatem Regis pertineat, pari eam candore agnoscere. Nam si Rex, in sua Cancellaria non invenit Principum nostrorum Legatis concessum olim fuisse *Excellentiam*, credo nec sibi olim inveniet tributum à nostris Majestatem; cum tamen *Majestas* sit vetus, *Excellentia* Legatorum nova. Etiam in Parmensi & Mutinensi, imò & Sabaudò aut Electorali Legato serò demum agnitum, quod nostris negatur, quoniam tota harum cæremoniarum & nominum ratio diutissimè fluctuans, nunc demum in ordinem redigi cœpit; injustum est autem, omnia in aliorum gratiam novari, nostris solis vetera opponi; cum tamen cæremoniæ, velut nummi, ex usu temporum valeant. Quibus addantur, quæ sub finem Præfationis diximus. Nec vero prudens quisquam dubitabit, quin paucis ab hinc annis tam stabile & certum apud omnes futurum sit jus magnorum Germaniæ Principum, quam nunc est Italorum: natura enim inter nostros Italosque Principes æqualitatem constituit, naturæ autem munera frustra artibus differuntur. Tantum ergo quæritur, quis suam promptitudinem, ac in manifestissima causæ æquitate agnoscenda facilitatem, Principibus nostris probare velit primus:


Chri-


Christianissimo ne an Catholico Regi prius aut plus debitori simus. Certè si nostri, ut Itali solent, talia dudum curassent, mille habebant occasiones in manu, qua exprimere exteris poterant juris sui confessionem. An enim Georgio Lunæburgico, aut Elisabetæ Amaliæ Landgraviæ Hassiæ, aut nuper fœderis Rhenani sociis quicquam hujus generis Galli Suecique negassent? at nostris, juris sui certis, inutile visum est, emergari, quod dudum tenere videbantur. Sed quid in re manifestissima amplius verba perdo? & certè propè vereri debeo, ne aliquot ab hinc annis, quando in confesso apud omnes erunt Principum jura, me clarissima tanto apparatu probantem, fuisse nugatum, homines arbitrentur, quasi in meridie facem Soli accenderim. Sed affectus erga patriam, cujus honor in summis ejus Capitibus situs est, & argumenti dignitas, incitavit me non alioqui scripturientem. Et jam nunc finiendi tempus esse arbitror, ubi primum testatus fuero: Terrarum Dominis, Cæsari, Regibus, Electoribus ac Magnis Principibus nihil à me detractum esse, & cum argumenti necessitas Advocatum causæ æquissimæ liberius loqui coëgit, profundæ summisionis reverentiam semper integram fuisse.


FINIS.















Special 93-B  
16265

